



6

41-c

47



41-c-47







*cl. salmasii*  
*nomine*

SIMPLICII VERINI

*Ad*

IVSTVM PACIVM

EPISTOLA.


*Sive*

I V D I C I V M

*De*

LIBRO POSTVMO

H. GROTIJ.




HAGIOPOLI.

Apud CHRISTIANUM CATHARINUM.

ANNO MDCLXVI.





SIMPLICIUS VERINUS

IUSTO PACIO

S. D.



Ultum rumorem esse scribis,  
Iuste Paci, de libro quodam  
postumo Hugonis Grotii  
Suecorum dum viveret le-

gati, quem tamen iam *ὅτε πρὸς τὴν*  
diem suum constat obiisse. Petis, si  
viderim, quid de eo sentiam, deque  
ipso auctore. Dicam de utroque, meo  
more, quæ scio, id est libere, & quā po-  
tero brevissime, quoniā quin verissime  
sim dicturus, tu qui me nosti non du-  
bitas. Sic autem dicam, ut ne illi qui-  
dem qui viro favent impensius, haud  
aliter possint dicere, quam ita se rem  
habere ut dixero. Sed de auctore ipso  
prius. Ad litteras quod attinet, iam  
illud non posse negari in principio as-  
fero, quin optime de his meritis fuerit,  
varii generis scriptores illustrando qua  
sacros qua profanos. Poeta etiā fuit nō  
humilis spiritus, nec inter postremos.  
Si vis, nec me invito fuerit primus.

A 2

Plu-



#### 4 SIMPLICI VERINI

Plurimę fane fuit in componendis carminibus amœnitatis & argutię, elegantięque. In critica, quoniam & eam attigit, ut illis, qui alea ludunt, male aliquādo res cadit, interdum & bene, prout fert fortunę ratio, ita huic contigit non semper *ὁσὸς* hunc ludum tentasse. In republica qualis extiterit, deterioribusne an melioribus sese adplicuerit, non eum est dicere, nec tu id quæris. Illud notum est, partes quas sequutus non est, prævaluisse. Si quis infelicitati hoc tribuat, ego prudentiam non probo minus felicem. In religione varius fuit. Vidi cum præter illa quinque capita quibus qui vocantur in his regionibus *Remonstrantes* à nobis dissentiunt, cætera se nobiscum facere ostenderet ac profiteretur. Aut si etiam tum ita sentiebat, ut postea ex professo aperuit, miri hominem secreti fuisse oportet, & ex alto dissimulatorem, qui tamdiu mente intima repostum presferit quod circa ultima vitæ tempora demum magna vi in apertum abrupt. Quodcunque sit horum, de eo dici posse video quod de Salomone in Ad-  
nota-

notatis ad Vetus Testamentum observavit, *Cepisti melius quam desinis, ultima primis Distant.* Item illa Taciti: *Initia plerisque meliora, sed finis inclinat, & multa diuturnitate in superbiam mutant.* Socini doctrinam non improbasse, scripta ipsius testantur, non ea tantum quæ publicavit de veritate religionis Christianæ, sed multo clarius quæ ad Novum & Vetus Testamentum commentatus est. Periculum etiam fuit ne ad Pontificos transfiret si diutius vitam traxisset. Omnia eius dicta factaque eam inclinationem prodebant. Ea nimia erat quam ut posset tamdiu pendere, & non in actum prima occasione crumpere. Interibi ita ambiguus inter utramque religionem fluctuabat, ut cum neutri se daret, non obscure tamen quam mallet, & quam meliorem putaret, significaverit, qua scriptis qua sermonibus. Ne eam quidem quam magis probare videbatur, totâ amplecti volebat. Nonnulla quippe sibi ad gustum non esse, vix dissimulabat. Ut difficile sit coniectare quid ille tandem homo facturus fuerit, aut quid mentis re-

vera habuerit. Iesuitas affectabatur, iis se dabat, eorum familiaritate delectabatur, amicitia utebatur, laudabat eos in scriptis suis doctrine nomine, pro bonis & ingenuis viris habebat, & optimæ fidei. Quas laudes minime iis convenire quibus dantur, vel meliores pontificii agnoscunt, qui sciunt, deterri- mum hominum genus esse, & pestilen- tissimum, regum inimicum, probis & eruditis infestum, ab omni vera erudi- tione alienum, Papis addictum, refor- mationis in Ecclesia abhorrēs, ambitio- sum, factiosum, avarum, de solis socie- tatis commodis augendis sollicitum, religionem voto suo accommodans, in summa, bonorū omniū iudicio lon- ge pessimum. Cum Grotius in Galliæ regno tamdiu vixerit, tam privatam quam publicā personā gerens, in digni- tate etiam maxima positus, familiarita- temque coluerit cum viris honestis plurimis, & honoratis non paucioribus, quibus Iesuitæ optime noti essent, adeo parum eos ipsum cognovisse, sane per- mirum est. Ad eos melius noscitan- dos quid ipsi obfuerit, cum ex taliū vi-  
rorum

rorum conversatione vix videatur potuisse ignorare quales essent istę bestię, si illis quibuscum assidue versabatur, auscultare voluisset, non facile dixero. Si iam tum pontificiæ religionis affectum in sinu fovebat, non propterea tamē tā irreligiosam male Religiosorū sectam tam efflictim amare debuit. Nihil enim prohibet, eundem cultui Romano vel adprime addictum esse, & tamen non esse Iesuitarum mancipium. An propter litterarum studium plurimi fecit, iis familiariter adhærere, & artiore coniunctionis vinculo una cum iis censerī? Ob hoc ipsū ii qui litteras amant, coguntur odisse Iesuitas, quia norunt eos veræ eruditioni bellum indixisse, & omnes eruditos contemnere & deprimere qui non sunt sui gregis & ordinis. Si qui vero sint ex eorum cœtu quos pro hæreticis habent, adeò indignos iudicant qui vocentur eruditi ut nec litteras in illis nec quidquā bonarum artium residere credant posse, qui non per omnia idem cum ipsis circa religionem sentiunt. Ne Catholicos quidem omnes Romanos diligunt,

nisi qui in sua verba iurarint, & Parridali Regum doctrinæ quam profitentur, assensum præbeant. Quibus vero Scaliger asinus est, stipes, stupidus, nec Casaubonus honestiore ornatur elogio, an quisquam iis possit eorum qui hodie vivunt haberi doctus? Solos suos in hoc numero & censu gregales habere consueverunt. Penes societatem suam regnum esse litterarum, & eruditionis summam, extra eam nullibi quarendæ quia nec inveniendæ. Si credidit Grotius ita se iis amicum esse potuisse, ut æqua lance inter se & illos amicitia momenta constarent, ut toto cœlo in religione erravit, hic toto solo lapsus est. Ita sunt animati Socii, ut nisi quis omnia largiatur, nihil sibi ab eo datum existiment. Si quis corpus animamque traditione nexu mancipatam ipsis tradiderit, & unius pili libertatem retinuerit, nihil egit. Vel proprio exēplo edoctus quamdiu in vivis fuit, si oculis suis uti voluisset, facile id potuit perspicere, quod in se expertus est. Nunquam Iesuitas sine elogio nominat in suis scriptis.

Peta-



Petavius eximius vir est, Sirmondus summæ eruditionis & optimæ fidei. An Iesuitæ par pro pari ipsi rependunt? Aliquoties eius nominatim meminit Petavius ille in libris de Hierarchia, nusquam vel cum dignitatis titulo, vel cum doctrinæ merita laude. Hugo simpliciter Grotius vocatur. Et hoc magni instar elogii debuit æstimare quod sine convitio ab eo commemoretur. Latrones beneficium dant, cum viatori vitam non adimunt, contenti crumenam & vestes abstulisse. Ita Iesuitæ satis laudant, & præcipue protestantem, cum contumeliose eum non appellant, famæque eius non detrahunt. De mortuo Grotio si quis nunc ab illis quærat quid sentiant, servatumne credant an damnatum, nemo est eorum etiam quos ille in vita maxime coluit & observavit, quin animam eius apud inferos sævissimis suppliciis torqueri asseveret. Hoc ille lucri retulit ex *λυκοφιλία* Sodalium. Et mirū est potuisse eum meliora sperare de illis, cum tam multa sibi reservaret credenda quæ illi probare non possent.

# IO SIMPLICII VERINI

Baroniū ipsum quam inclementer tractant, quam libenter & libere ab eius opinionibus dissident, quia non fuit Iesuita? An putavit Grotius se tali gregi futurum gratiosorem Baronio, qui tam bene meritus alioquin fuit de Ecclesia Romana, & de summo pontifice? Hoc idem si præstitisset alter de grege, iampridem in numero cœlitum splenderet, & cum Loiola & Xaverio votis fatigaretur. Memini vidique quid acciderit homini Germano, viro multum litterato. Is Lutetiam Parisiorum venerat, fortunam suam male tum ambulante quærens, si qua posset arte, in solido locare. Nam eo venit admodum estive viaticatus. Qua levitate si in veste sit, nihil gratius eo tēpore anni, si in viatico deprehēdatur, nihil gravius. Cū alia deficerent, coepit religionē venditare. Fortassean quia nullam tum haberet certam, de ea sibi providendum putavit, qua panem, & alia ad victum vestitumque necessaria parare posset. Ea autem semper melior potiorque censetur quæ cultorem suum potest alere. Vt autem talis mercimonii instituto-

stitoribus nunquam desunt pararii Iesuitæ, ultro statim iupulsores accessere, ut cito faceret quod faciebat, modo non montes auri pollicentes, & omnia à se cōmoda novitio profelyto. Pacta re factaque ex voto utrorumque, miser ille tamen haud minore esurie premebatur sub regno Pontificis quam sub libertate Protestantium. Promissores illi sui desciverant à compacti fide. De his apud alios amicos, quorum unus eram tum ego, quiritabatur. Omnia frustra. Appellari sponsores dicebant, fac te nostri gregis, tum nihil tibi deerit: Non tibi lac æstate novum, non frigore vestes. Erat is autem quæ ab ingenio qua doctrina, ut sodalem expetere sibi grex deberet, non pœnitendum utique futurum sodalizio. Sed ille de religione tantum mutanda cogitaverat, non de regula religiosorum subeunda. Cum videret hanc spem decoxisse, alia via bonum eventum sibi prospexit. Romam profectus est cum quodam Cardinali, ibique in notitiam primo alterius Cardinalis, deinde & interiorem familiaritatem receptus, in  
eius

eius familia nunc gaudet papatu, nec pro eo quicquam debet Iesuitis. Alium scio Germanum non incelebrē, qui inter initia mutata *Σπινθηρίας*, cū se morigerum Iesuitis ad quæ vellent dicenda ac scribenda præbuisset, ubi eos nosse magis intime cœpit, mature capta verboria, nunc tanto odio prosequitur sic meritos, ut facta eorum spurca, & nefanda, toti orbi patefaciat scriptis suis. Quid in illis repererit Grotius, facilius dictu est quam quid quæsierit. Nam quidquid illud sit quod in iis quærendum sibi proposuit, certum est, aut non reperisse, aut reperturum non fuisse. Si propter amorem solum bonarum litterarum exambivit eorum amicitiam, ut frueretur conversatione colloquioque eruditorum virorum, quos societas illa plures habeat, ut nunc nihil dicam, quales illi sint eruditi, prius eum scire oportuit, omnes qui se Iesuitis dedunt debere aliorum omnium doctorum consortium abdicare, solos eos magni facere, nulla cuiusquam scripta æstimare, sed ea tantum quæ ex societate prodierint, laudare. Et sane ita etiam fecit

fecit Grotius postquam consuetudine eorum delectari cœpit, totumque se ea immerfit. Veteres exinde amicitias omnes repudiavit ac sprexit. Ut novis amicis gratificaretur, etiam eorum quos olim vivus admiratus ac pæne veneratus fuerat, memoriam infestari adgressus est. Cum sciret Petaviū infensissimum esse hostē Scaligeri nominis, desiit Scaligerum pro docto prædicare, quia Petavio laudē eam illibatam servari voluit. Solam igitur elegantiam ei tribuit. Cui viro? Ut non aliud dicam, certe Grotii ipsius olim studiorum fautori, & promotori æstimatorique summo. Scaliger, inquit, *qui multa eleganter loquutus est, pauca moderate*. Ne integram quidem ei laudem elegantiae reliquit, sed cum diminutione, dum ei vult moderationem defuisse. Ne scripsisse quidem dicit eleganter, sed loquutū esse. Elegans vir fuit Scaliger, sed immodestus. Doctus igitur solus Petavius, & modestus, Scaligeri *ἀντιπρὸς* adversarius, postquam Grotii amicus factus est, abiecto vetere, qui iam tantum cinis est, & fabula

bula Grotio. Casaubono pro veterē consuetudine non aliam gratiam retulit, dum novā Iesuitarum cupit ac præfert gratiam. *Bilis eum non expertē fuisse* scribit. Iesuitæ nimirum & Petavius inter illos nihil habent bilis. *Eundem* ait *nimis ostendisse, sibi suas incurias leves non videri, præcipue instigante Scaligero*. Fatetur ibi tamen, hostiliter à quibusdam tractatum fuisse Casaubonum. Cur non aperte dixit à Iesuitis quibusdam? Cum Cacodæmon Iohannes Cretensis laqueo digna calumnia exprobrasset Casaubono, patrem eius suspendio vitam finisse, an id tacitum præterire debuit, & agnoscere rem ita se habuisse? Quod hanc ignominiā familiæ suæ ac natis natorumque natis inustam merito pati noluit, iudicio Grotii iniurias suas nimis magni æstimavit Casaubonus. Cæterū hac una excepta amaritudine, qua horribilem infamis cacodæmonis Loiolitæ imposturam à se suisque repulit, quid non moderati in Casaubono fuit? Peccasse ut potius in hanc partem videri possit, dum controversias tractat, quam nimis



nimis inclementer exagitasse errores Ecclesiæ Romanæ. Falsum etiam illud Grotii, instigante Scaligero ita tum scripsisse Casaubonum, cum iam pridem è vivis sublato eo heroe, ad rescribendum Annalibus Baronianis sese accinxerit. Possum & varios percensere, quos cum exosos Iesuitis esse videret Grotius, sibi quamvis olim dilectos, deferere maluerit, quam offendere bonos socios quibus factum volebat. Nō suavitatem consuetudinis, aut conversationis litterariæ voluptatem in illis captasse videtur, quam nullam certe ex eorum familiaritate cepisset, si hoc tantum quæsisset. Quid igitur voluit, aut quid ab his potissimum expectandum ac optandum sibi proposuit? An cum à nostra religione desciscere, cuperet, & in Romanam adscisci, ab eo quoque tempore Iesuitis auspiciatus est subblandiri, & plausum eorum captare, qui eius religionis quasi lapides nunc esse videntur angulares? Quasi vero necesse sit, Romanam persuasionem capeissentibus, etiam sacramento dicere Iesuitis, & eorum disci-

disciplinam adfectare. Quod idem  
 esset, ac si quis non contentus favilla &  
 fuligine carbonariorum denigrari,  
 tæta coloris nocte quæ in Mauris con-  
 spicitur, totum sibi corpus vellet infici.  
 Si quid enim impurum est in Pontifi-  
 cia religione, id triplo in secta Iesui-  
 tarum impurius apparet. Parricida-  
 lis doctrina, æquivocationes, Pelagia-  
 nismus, & alia multa prava dõgmata,  
 aliis Catholicis Romanis odiosos eos  
 reddunt, multis etiam execrandos.  
 Fundamentum ipsum sectæ & institu-  
 tum ab auctore Hispano, Hispanicæ  
 sæper factionis retinens, Gallis merito  
 suspectum & invisum, nec minus Bata-  
 vis. Quo magis mirum, Batavo Grotio  
 societatis Hispanæ congreges tanto-  
 pere gratos esse & caros. An hoc  
 ipsum in iis exosculatus est, postquã in  
 patriam alieniore esse animo cœpit?  
 Quod Pelagium sapit eorum doctri-  
 na de gratia, & libero arbitrio, fortas-  
 scan & iisdem ideo propensius suffra-  
 gatur, Augustino eo quoque nomi-  
 ne iniquior, de quo non dubitavit  
 scribere, *sæpe retractationes eum facere,*  
*sed*



*sed in peius.* De Beza iam non miror; quod laudes quas iuvenis & poeta in illum olim haud parcente manu cōgef-ferat nunc ita revocet, ut sepultas cum eo velit, à nemine posthac exci-tandas. Et hoc ex disciplina Iesuitica, quæ non potest ferre laudari quēquam ab ullo cui hæreseos crimen impin-gat. Hæreticus est illis aliquis? Ne sen-sus quidem communis illi relinquen-dus, nec hominis nomine dignus est. Ad Calvinum quod attinet, non Vati-nius maiore in odio suis olim fuit quā ille est Grotio. Serveti præcipue dam-natio ab illo procurata tantas odii tam crudelis faces in eius animo suscita-vit. Putes eum iisdem ignibus uri, & ab illa flamma quasi ambustum excan-descere in auctorem rogi, quo cre-matus est infamis hæreticus, & ἀπὸ τοῦ πυρός. At Pontificii ipsi, Iesuitæ dico ipsi, Calvinum pro eo facto nun-quam damnarunt. Servetum quin-immo potius recte condemnatum confitentur. Cur igitur tantopere ei dolet supplicio tali affectum homi-nem talem? An aliquid simile in

B

ipso

ipso fuit, quod similem poenam posceret, aut metueret? Viderint alii. Suspectum mihi est merito toties repetitum & reprehensum cum tanta virulentia iudicium illud. Etiam magnus Cardinalis Richelius bona intervalla habuisse Calvinum fatebatur. Addit Grotius, debuisse eum addere, & *rara*. Scripta eius contemptim etiam conculcat, cum ego malim me vel unicū librum Christianarum Institutionum Calvini scripsisse quam quidquid est à Grotio scriptum. Nec ferenda vero sunt quæ debacchatur in principem Mauricium. Quæ causa eum instiget, satis apparet: Uritur & loquitur. Demus quod iniuste damnatus sit Barneveldius cum affeclis suis, quorum inter primos Grotius. Non eum ad Christi exemplum revocabo, quamvis ex Socini præscripto non venerit nisi ut viam ad mores bonos vita sua & morte nobis præiret. Non ad primæ Ecclesiæ Christianos qui mortem pro eo cui nomen dederant, tam patienter, tam fortiter, passi sunt. Ad Socratem voco. Contendamus Socratem & Grotium,  
hunc

hunc perpetuo carceri, istum morti iniustæ iniquorum iudicum sententia addictum. In poena dissimili quam dissimilem animum uterque præstiterit si consideremus, Philosophum gentilem Christiana fortitudine mortem tulisse, Christianum vero carceris poenam ne philosophica quidem ~~captivitate~~ concoxisse, non nemo mirabitur. Socrates, cum multo ante quam supplicium subiret, sententiæ de suo capite latæ certus fuisset; non questus est de suis iudicibus; non iudicium illud infandum aut iniustum queritatus est, ne accusatoribus quidem suis male precatus est. Sanctissimos in carcere cum amicis & gravissimos sermones habuit, & philosopho vero dignam, id est Christiano, cōstantiam usque ad finem ostendit. At hic noster in his omnibus qualis? Pudet dicere. Quid si quis dixerit poenam eum iuste meruisse quam tam iniquo animo se ferre ubique declarat? Profecto si talem semper animum habuit qualem se habuisse credi vult; de nostris cum Papa conciliandis, merito eas poe-

nas luit, dignus qui sine fine easdem in carcerem perpetuum retrusus penderet, atque etiam tristiores sufferret. Hoc conciliandi studiū quale sibi esse præ se fert, non potest hominis esse, nisi iam pontificii, aut iam iam futuri. Nullus autem in Batavia Pontificius, nisi idem & Hispanus, Hispani vero pro perduellibus hic habentur. Non hominē iudico, sed dico quid de illo possint suspicari & iudicare reliqui homines. Quid facturus fuerit, si diutius post editum hunc librum vixisset, non obscure indicat. Cum ante nulli communioni addictus viveret, nec ullius Ecclesiæ visibilis membrum esset, symbolis corporis & sanguinis Christi nec apud hos nec apud illos communicaret, talem Dei cultum sine symbolorum communicatione Dissertatione publicè evulgata defendere auctoritate Tertulliani conatus est, qui tamen recte acceptus nullo modo sententiæ eius suffragari potest. Refutatus est à Petavio Iesuita. Et merito se refutatum cum in hoc libro fateatur, scriptumque illud revocet, nec pro suo

fuo amplius agnosci velit, quid deinde decreviffet facere, hoc modo aperit. Nēpe ut iam sese alicui cōmunioni per symbola communicantium in posterum adiungeret. De pontificia eligenda neququam dubitasset, cum nostræ sese adeo infensum infestumque ubique prodat, pontificiam mirifice laudet & probet. Eiusdem certe hominis est Batavos velle cum Papa reconciliare & cum Hispano. Utrumque ut ex eadem officina prodit, ita eundem sonat artificem. Iugum Hispani & Papæ, eodem tempore & animo excussimus, utriusq; tyrannide rempublicā & religionē liberare simul aggressi. Grotius neutram iam in nobis libertatem videtur agnoscere, dum de nobis ita loquitur, quasi non liberi revera essemus, nec vere reformati. *Illi, inquit, qui se Reformatos, illi qui se Liberos dicunt*, eodem ut apparet utrumque sensu usurpando. Non *Reformatos* nos esse vult, cum nosmet ipsos dicamus, quia nulla fuisse opus censet reformatione, & eam quam instituimus male factam esse contendit. Ideo ea relictā ad Ec-



clesiae gremium à quo recessimus, nos  
 redire compellit. Si tam male liberi  
 sumus quam male reformati eius iudi-  
 cio videmur, sequitur, ut etiam de-  
 beamus repetere dominationem Hi-  
 spanicam, cui adhuc de iure subiecti  
 censemur, cum nos liberos falso dica-  
 mus. Hoc certe velle omnino videtur,  
 non iustiore titulo libertatē nos asse-  
 re nobis in Republica, quā reformatio-  
 nem in religione, ac parem utriusque  
 esse rationem, quæ etiam utrobique  
 exigat, ut tanquam servi fugitivi ad le-  
 gitimos ac veteres dominos redeamus.  
 Si quis est qui putet ita eū intellexisse,  
 nos non liberos esse, quia servitio pre-  
 mimur haud æquiore quam si regi Hi-  
 spano serviremus, calūnia est quæ non  
 impunita manere ipsi debuit. Liberta-  
 te hic nimia laboramus, quæ in licen-  
 tiam erumpit passim. Nulla hic viget  
 inquisitio fidei. Legum vigor minus  
 etiam valet quam par est. Auctoritas  
 principis Arausionensium maxima est,  
 sed auctoritas est, non potestas. Ea pe-  
 nes Ordines residet. Quam non omnia  
 pro imperio agat quæ velit, etiam cum  
 iusta



iusta desideret, posset multis exemplis probari. Principatum patri eius Wilielmo paulo ante mortem delatum voluere Ordines communi consensu. Diploma decreti adhuc in archivis servatur. Princeps Mauricius post supplicio affectum Barneveldium, poterat sine ullo negotio sibi vindicare supremam in republica auctoritatem, sed amicos consilium ut id faceret dantes, cum re ipsa reiecit ac respuit. Et tamen hic est quem dicit Grotius peius de libertate harum provinciarum fuisse meritum quem Regem ipsum Hispanum. Ita Grotium Pontificiis malle quam Reformatis, scripta eius postrema clare vociferantur. Quod autem Iesuitis se tam bene velle ostendat, ex eo etiam liquido patet, aliquid plus ipsum esse quam Pontificium. Laudes quas in eos omni occasione congerit, ita inepte excusat ut pæne ridiculus sit. Non omnes à se laudatos Iesuitas ait, sed *quorum & mores & eruditio laudem merentur. Eos vero qui in Gallia sunt, pro talibus habere.* Alius etiam eos qui in Hispania sunt pro talibus habebit,

bebit, & alius idem fenserit de Italis Iesuitis, alius de Germanis. Sic omnes erunt boni Iesuitæ ac laudandi. *Quales, inquit, eos reges Galliae qui eos optime norunt volunt existimari, id est, pro bonis civibus.* Hoc etiam plus quam ridiculum. Non sensere semper bonos Iesuitas reges Calliæ, cū duos ex his eorū nefario parricidio Galli amiserint, & doctrina eadē maneat in omnibus quæ regibus perdundis comparata est. An optime Iesuitas noverint reges Galliæ nescio, sed non bene eos ipsis notos esse ausim affirmare si pro bonis civibus illos velint existimari. Sic velint Galliæ reges, sic iubeant, ut omnes Iesuitæ qui in eorum regno sunt boni habeantur, idem de suis si statuerit Rex Hispaniæ, & Rex Poloniæ, & alii reges & respublicæ, hoc modo nullus in Europa fuerit Iesuita non bonus. At in ditione Venetorum nec boni nec mali sunt. Eo facto, quod nec bonos nec malos Iesuitas intra ditionis suæ fines uspiam comparere voluerit illa Serenissima Respublic, pro qualibus eos haberet, ostendit. Futilem etiam  
 addit



addit rationem, cur Galliæ Iesuitas pro bonis habeat, quia societatem quam Rex Galliæ cum Suecia habet *non improbarent*. Cur non dixit quod probarent? Hoc potius debebant, ut sic magis gratificarentur Legato Suecico. Aequè enim potuerunt apud eum simulare quod probarent quam quod non improbarent. Bonus vir fuit Hugo Grotius, qui Iesuitis Gallis dicentibus se non improbare foedus Suecicum, tã facile crediderit. Addit etiã, ideo bonos sibi viſos quod pacem Ecclesiasticam cupienti sibi consilia optima potuerint suggerere, utpote quibus & præſens Ecclesiæ status, & antiquior historia percognita sunt. Ergo eos audire parabat in Ecclesiastica pace restituenda Grotius, ut viros eruditos, antiquitatis gnaros Ecclesiasticæ, & status præſentis Ecclesiæ. Haud obscurum est ex his, qualem nobis instaurare conciliationem cogitarit, cum eam ex consilio Iesuitarum administrare destinaret. Vellem nunc me audire posset Grotius & viveret, dicerem illi, si qui boni sunt in Galliâ

Iesuitæ, eos revera esse qui boni cives videantur, & Regi regnoque faveant Gallicano contra Hispanum: verum rarissimas has visu esse aves in Gallia ista cum pluma & pinnis. Si qui sunt, bonos quidem eos dici posse Gallos, sed non esse bonos Iesuitas, cum eorum institutio ab Hispano sit fundatore tota Hispanica. Generales eorum nulli fiunt Galli, sed aut Itali aut Hispani. Nullos ex suo ordine cælites faciunt Gallos, sed omnes Hispanos Xaverios, Hosios, aliosque præter ipsum Loiolam. Gallos non alios hoc honore afficiunt ut inter divos referant, nisi si qui regū suorum sanguine manus sceleratas commaculaverint. Quid mirum porro, quod Grotius stari velit opinioni Regū Galliæ, si exstimatio agatur de probitate Iesuitarū, cum eisdē regibus, quia *Christianissimi* dicti sunt, credi debere asserat, Imagines esse adorandas, quia eas adorant, Martyrum intercessionem ad preces Deo allegandas esse necessariam, quia eorum preces non inutiles ad Deum & Christum iudicant? Regum igitur deinceps persuasio pro regula erit cuilibet

bet

bet Christiano quid sequi debeat & quam fidem habere de rebus in religione maximi momenti, præcipue si aliquo donati reperiantur à populis suis cognomento cui rei sacræ ac venerandæ insit notio. Cum verbum Christi mundo adnuntiaretur, principes orbis Romani *Augusti* & *Σεβαστὶ* vocabantur, *Sacra* eorum *rescripta* & epistolæ, *divina oracula*, numini eorum *maiestatique devotos* se subscribebant subiecti. Ergo opponi illa debuere novam prædicantibus religionem, ut ea sola observanda traderetur quam colerent principes eorum, cum adeo reverendis cognominibus. Iudæi reges suos *Unctos Dei* nominabant. Cur non hodie Iudæizamus, & unctorum Dei religionē amplexamur? Imperatores Christiani etiā eo tempore quo ad perfidiam Arriani dogmatis subiectos suos adigebāt, *ἡσυχαστάται* nuncupari solebāt atque *ὁμολογηταί*. Hæretica illa sententia pro vera & orthodoxa eo nomine haberi debuit, quia à Principe Christianissimo dicto talis haberetur. Videtur Grotius, ut ex his non vane colligo, in ea opinione

nione fuisse, ut ad principum religionem teneantur se componere subditi, qualis qualis sit. Quæ etiam opinio fuit Archiepiscopi Spalathensis in postremis libris. Eos excipiebat qui se interiore vocatione destinatos à Deo sentiret veritati fidei tuendæ & exponendæ ut libere eam profiteri possent & interpretari. Sed hos ad eas gētes proficisci oportere ubi eā explicandi libera esset potestas. Ceteros quos talis vocatio non attineret, ita locorum in quibus versarentur, & principum quibus subiacerent, mores & ritus in sacris ob-eundis externa specie sequi debere, ut intus & in pectore id quod putarent verius, possent tacito cultu custodire. Veniamus ad laudabile & insigne opus quod argumentum & titulum operi isti postum præbuit. De hoc etiam præcipue quæisti. Votum pacis est, contra schisma. Speciosa res contra admodum fœdā ac dānandā. Sed non semper ea sunt quæ videntur, & frons prima decipit multos, & ipsa appellatio nō attendentem fallit quid in re ipsa sit, & quid in interiore angulo lateat. Quis  
non

non votum pro pace Ecclesiæ facere debet? Quis non schisma abominari? Hoc quidem sic enuntiatur primo aspectu oculos mentesque omnium ferit. Si ad interiora introspectienda admissi videamus non omne schisma esse fugiendum, nec omnem pacem expectandam votis, an quod viderimus, non etiam sequemur? Quid si necessario schismate unitas pestifera evitata est? Nonne hoc fieri debuit? Si maior pars gregis scabie infecta sit, qui sanam inde abstrahet ne contagione corrumpatur, an male faciet? Bellum nos Batavi una cum gēte tot annos pro libertate gerimus. Si quis nunc nobis auctor esset belli istius pacē mutandi, quæ nostras cervices Hesperii tyranni iugo supponeret, an eum audiremus? Quis bonus civis, & patriæ amans, & libertatis cupiens non præferendum hoc bellum putarit adeo iniquæ paci? Proponat nobis aliquis ex parte Regis Hispani conditiones pacis quibus liberi agnoscamur, & nostri iuris, statim eas accipiemus. Idem est in causa religionis. Depulimus magno labore  
Papalis

Papalis tyrannidis iugum cum omnibus cærimoniis & traditionibus humanis quibus avorum superstitio simplicem Evangelii veritatem infuscaverat. Ab eo tempore multos per annos plurimas animi corporisq; cōtentiones sustinuimus pro sinceritate fidei, & cōscientiarum libertate conservanda. Si æquis conditionibus vocemur ad unitatem eam & pacem redintegrandam, parati sumus accedere. Sin aliud agitur, & ad eadē vincula servitiumque quod evasimus sub prætextu reconciliationis trahimur, πόλεμος ἐρπύρα. Bellum tali pace melius, & schisma tali unitati longe anteponendum. Videamus qualem pacem Grotius velit, voveat, & proponat, eamne ipsā quam iam schismate prorsus necessario fugimus, an illam quam æque atq; ipse vobis ardentibus expetimus. Si ad illam eandem quam iam abrupimus nos iterum compellit, nugas agit, & frustra fringultit. Sin æqua omnia nos iubet sperare, ut à schismate discedamus, ut in veris conciliaturis fieri adsolet, non inaniter ea de re nos compellat.



pellat. Procedant pōtificii in medium, nos etiam ad eos promptè accedemus. Concedant Ecclesiam multis sui partibus reformationis indigere, & de erroribus eius emaculandis serio se sollicitos esse ostendant. Multa & ipsi vicissim condonabimus ac remitemus eorum quæ nimis ad vivum ressecavimus. Indifferentia pleraque *συγκατα-  
Γαγκῶς*, & pacis tenendæ studio & unitatis sarcindæ gratia, largiemur. Papa ipse qui causam dedit principalem scissuræ qua divulsa est Ecclesia Christi, & dispulsus in diversa grex eius, de suo fastigio descendat, & æquo se campo committat in ordine reliquorum Episcoporum, sententiam quoque suam in medio fratrum dicturus super negotio reformationis. Hæc si fiant, bene sperari potest de conciliatione. Si Grotius hanc viam inierit restituendæ concordie in Ecclesia discissa, noster est, & nostrum illi calculum addimus. Sed longe aliam sibi esse mentem toto isto scripto de quo sententiam meam exquiris, ostendit. Moderationem ubique commendat & moderatos laudat, cum  
nihil

nihil in eo moderati appareat. Ita quod verbis profitetur, re ipsa infirmat. Quam impotenter & acerbe in Calvinum invehitur, in Bezã, in alios reformatores? Reformationẽ nostrã passim suggillatam condemnat. Nihil recte, si eum audias, à nostris reformatum est. Omnia in religione Romana etiam pravissima defendit, ineptissima colorat, stultissima excusat, vitiosissima purgat, durissima emollit, gravissima elevat, crassissima deglutit, crudissima concoquit, impiissima tolerat. Cassandri ad exemplũ se properare in hoc negotio componendarum religionum dicit, cum nihil sit simile. Cassander revera vir probus & candidus modestusque, & unitatis studiosus, schismatis fugitans, bono animo ac sedulo eggit, quidquid in eam rem operẽ contulit. Ex partibus adversariorum pontificius ipse veniens, & è castris suis longius progressus, per multum itineris spatium nobis ultro obviam occurrit, amice ad concordiam invitavit. Cuius spem ut faceret, fiduciamque proniorẽ, multa deformata & reformanda agnos-



agnoscit: ita plurima excusat, ut etiam alia non pauca incuset. In summa, ab hoste non potuere meliora aut molliora sperari vel expectari. In Grotio quid comparandū? Ille inter nos educatus, & nostra edoctus, ad partes adversariorum profugus, inde nobis pacis & unitatis leges & vota dictat, durissimisque nos conditionibus alligare contendit, nihil non probans in rebus hostium, omnia in nostris reprobans. Inimicum de induciis & fœdere colloqui volentem nemo reiicit. Sed quis ferat transfugam, tametsi paria promittat, leges pacis ex parte inimicorum proponere ausum suis? Nihil aliud eum velle ac vovere apparet quam ut transfugæ una cum ipso simus. Si persuasisset pluribus id melius esse quod sequi ipse parabat, multo confidentius & plausibilius hoc se facturum sperasset. Et video, pluribus hanc incidisse cogitationem, se maiore cum prætextu plausuque ad pontificios esse transi-turos, ac minore cum ignominia religionem quam à teneris imbiberant deserturos, si conciliationis studium si-

C

mula-

34 SIMPLICII VERINI  
mularēt, quo, si per succederet, cū lōgo  
agmine converforum gloriosum, &  
gratiosum receptum ad eos quos pete-  
bant haberent. Ita fecit in Polonia  
Nigrinus, propter quem hodie Toro-  
nense colloquium de cōciliandis ad-  
versis partibus Protestantium & Pon-  
tificiorum tam frustra habetur, quam  
irritum abibit. Ita Codurcus & Milte-  
rius, qui postquā diu hoc saxum sudan-  
tes conciliationis versarunt, soli sine  
comitatu ad hostes transvolarunt. Eo-  
dem curriculo festinabat Grotius, sed  
mors cum prævenit priusquam ad opta-  
tam metam perveniret. Hoc enim pro-  
prium transfugarum, ut quam pluri-  
mos possint à suis abducant, & ad ho-  
stes adducant. Non a iō sane consilio  
Grotius numerum comitum sibi ad-  
iungere omni ope satagebat, ut cū pom-  
pa magna se suosque ad contraria castra  
traduceret. Stultus esset qui marito  
post repudium uxori missum ob impu-  
dicos mores, suadere conatetur, ut ta-  
lem reciperet qualem repudiavit, non  
repromissa ex parte uxoris anteacto-  
rum pœnitentia, & vitæ prioris emen-  
datio-

darione. Stultior est qui nos in gratiam & unitatem redire iubet cum ea Ecclesia à qua ceu meretrice divortium facere coacti sumus, ob impuritatem eius rituum pravitateq; dogmatum, qui nobis non etiam spondeat pro ea mutationem in melius, purioremque in posterum cultum, cum reformatione priorum errorum. Gravissimum eius peccatorum est, vel unum ex gravissimis, quod, cum Christi sponsa sit, qui caput eius unicui semper esse debeat, ut vir mulieris suæ caput est, peccatorem hominem in eius locum substituit, & toro mœchum recepit. Quis tantus auctor nobis persuadere posset, tametsi aliud nihil esset quod de ea queri possemus, ut cum tali Ecclesia reconciliemur, non abiecto prius subfessore qui locum tenet legitimi sponsi? Hic est Grotius aliique *ἐνωπιοι*, tam incepti improvidi quam successu vani. Nisi utile est quod facis, inquit vetus senarius, stulta est gloria. Maior stultitia est id facere velle, quod impossibile est, & quod si possibile sit, non solum inutile sed etiam damnosum

Ecclesiæ sit futurum. Difficultatem  
 eius nec ipsi dissimulant conciliatores.  
 Quin etiam aliquando de eo cum ipso  
 Grotio sermonem habens, cum ab im-  
 possibili non differre quod ille & eius  
 similes aggrederentur ostenderem, id  
 fatebatur, sed addebat, quod hoc tem-  
 pore fieri non posset, fortean aliquan-  
 do futurum, aut profuturum saltem.  
 Hoc vero est, dicebam, non serere ar-  
 bores quæ alteri sæculo profint, sed id  
 tentare quod nunquam fieri possit, &  
 quod si fiat nihil perniciosius eo fore  
 sit iudicandū. Quod enim agitent, nō  
 esse reconciliationem, sed veterum er-  
 rorum confirmationem. Præterea im-  
 prudentiam esse summam ac viris eru-  
 ditis indignam, quasi alea ludant, in-  
 casum verba iacere, & rem omnium  
 gravissimam proponere faciendā, cuius  
 tamen exitum ignorare se fateantur aut  
 desperare. Integras partes infectis ad-  
 dere velle, non est morbo mederi, sed  
 maiorem facere dum omnes pervadit.  
 Ea demum scissura magna est, ac de-  
 flenda, cum omnis Ecclesia in errorem  
 conspirat, cum nihil sani est in eius  
 cor-

corpore quod separari queat ab infano. Ea profecto unitas qua consentitur in pravum omni schismate tristior est. Licuisse sibi dicit ad publicum incendium restinguendum aquas afferre. Sed vereor ne in tumultu ac strepitu aquam clamantium præ nimia invandi festinatione ac deceptus errore ferriolam olei in angulo iacentem pro situla aquæ in ignem effuderit. Videtur sane trabes deiectas, & ab incēdio iam tutas, ardentibus voluisse adjicere. Immo fratres suos secum, qui pæne ambusti ex eo incendio iam evaserant, vi correptos in illam flammam rejicere contendit. Hoccine est aquas adferre restinguendo igni, quem minorem nulla re facere coneris? Non ignem tantum extinguit qui aquam injicit, quo plerumque maior & acrior exsurgit, sed qui materiam demit, & subtrahit. Ecce domus Dei ardet, nempe Ecclesia. Idololatria, tyrannis, errores infiniti ignem illum conflant. Tu adgregando plures qui in eam idololatriam consentiant, qui tyrannidi faveant, qui foveant errores, putas te in-

cendium bona fide restinxisse? Ma-  
 ius fecisti. Tolle idololatriæ cau-  
 sam, & materiam, errores repur-  
 ga, tyrannidem excute, sic in-  
 cendium sine aqua restinxeris, detra-  
 hendo flammæ alimenta. Ecclesia  
 continua & ardente febris laborat.  
 Non nutriendo abscedet, & cibos li-  
 beraliter indulgendo, sed sanguinem  
 mittendo, & humores peccantes pur-  
 gando. Sane morbus, quo hodie æ-  
 grotat Ecclesia Christi, non additione  
 sed detractione curari debet. Sanitatem  
 hoc putat Ecclesiæ corporis Grotius si  
 omnia eius membra per totum orbem  
 dispersa eadem ægritudine tententur,  
 si nullum morbo vacet. Hoc vocat  
 reconciliationem, si ii, qui se segrega-  
 runt à scabiosis, in eundem iterum gre-  
 gem reducantur, nondū à scabie sana-  
 tum. Nihil esset facilius hac recon-  
 ciliandi ratione. Redeamus omnes un-  
 de venimus. At scabies vitata, iterum  
 reduces occupabit. Quid inde mali?  
 Cum aliis, qui simili lue vexantur, in  
 pace vivemus. Nihil nobis exprobra-  
 bunt, nihil nos illis. Difficulter tamen  
 hoc

hoc ab illis impetrabitur qui iam longa  
 assuetudine didicerunt quale bonum  
 sit scabie carere. Vtrum iustius est, ut  
 quos deseruimus sanos se reddāt si nos  
 ad se redire velint, an nos, qui iam sani  
 sumus, de sanitale sua parum sollici-  
 tis iterum adfricemur? Illud potius.  
 Quemadmodum nobis iustam causam  
 à se abeundi dederunt, dent etiam cau-  
 sam ad se redeundi oportet, & quidem  
 priori contrariam. Morbus eorum  
 nos eiecit, sanitas reducat. Si sibi pla-  
 cent in suo malo, nos in nostro bono  
 gloriamur. Hinc inexpugnabilis diffi-  
 cultas partes diuisas iterū coniungendi  
 nascitur, cum utraque in contrarium  
 nitatur. Nihil illi concedere volunt,  
 nec nos accedere nihil concedenti-  
 bus. Conciliatores qui ex nostris  
 erant, in medio aliquamdiu sine spe  
 prædæ morati, multa moventes nihil  
 promoventes, ubi perfrixere, ad cali-  
 diores se partes adplicarunt, quibus  
 nimirum culina magis fervet. Nunc  
 vero volo vicissim & ipse partes con-  
 ciliatoris agere, & in numerum *ἐνωπῶν*  
 nomen meum dare, ac modos con-



ciliationis proponere qui mihi maxime idonei videntur, & soli efficaces eius promovendæ. De facilitate eorum nihil promitto, de eventu multo minus. Id quod fieri convenit exponam, si quando serio & sincere agi contingerit de compellendis in unum gregem fidelibus. Non enim aliter sincera & cum effectu aliquo bono peragenda poterit procedere conciliatio. Ante omnia Papa removeatur, aut in ordinem Episcoporum redigatur, ut supra eos nihil amplius habeat potestatis præter primatum ordinis, sed omnes inter se pares sint, ut ab initio introducti in Ecclesiam Episcopatus fuere. Vbi sic exequati fuerint, postmodum etiã amoveantur omnes, nō enim potest statim, & uno saltu omnium reformatio perfici, & reducatur regimen presbyterale, quale ab Apostolis ex Christi præcepto institutum fuit, ne iterum resurgere inde tyrannis Ecclesiæ possit rediviva, quæ originem ab Episcopatu cepit, & in eo radices habet. Reducantur sacramenta ad antiquum numerum, usum & modum, ut à Christo liquet.

in-



instituta fuisse, ab Apostolis esse celebrata, & à primitive Ecclesiæ hominibus per aliquot sæcula observata. Doctrina etiam de his vetus restituatur. Sic Transubstantiatio monstrifica una abolebitur, Missæ sine communicantibus evanescent, & Canon missæ abrogabitur, qui sancit, eam oblationē fieri pro aliis vivis & mortuis. Aliæ cærimoniæ cum his ineptæ, ridiculæ, impiæ, simul concident. Invocatio sanctorum de medio recedat, quia nemo mortalis & mortuus, honore divino afficiendus est. Quia nemo invocandus nisi qui desideria nostra intelligere & implere queat, quorum illud omniscientiæ est, istud omnipotentia. Vtrumque autem in solum Deū cadit, propterea & solū invocandum cum Christo suo. Quia nullum præceptum habemus de invocandis sanctis, & habemus mandatum de uno Deo adorando. Quia Ecclesia prima & Apostolica nullos sanctos invocavit: & cum non haberet quos invocaret, si necessarium id saluti iudicassent Apostoli eo tēpore Patriarchas invocandos præcepissent. Quia illi ipsi

sancti nunquam succensebunt se non invocantibus, sed solum Christum, pro quo & passi sunt plerique eorum, & quem solum esse invocandum ipsi dum viverent docuerunt. Nunc vero nolunt hunc sibi honorem haberi contra doctrinam quam prædicarunt, & in præiudiciū honoris soli Deo debiti. De antiquis & veris loquor. Nam quod ad novitios attinet, novosque cælitē istos, ii nobis ὡς Μεγαρεῖς ἔτ' ἐν λόγῳ ἔτ' ἐν ἀριθμῷ. Angelorum cultus & invocatio, non magis recipienda quam mortuorum. Quia Dii non sunt, sed Dei ministri. Quia plures Dii colendi non sunt, sed unus. Quia hanc *Ἐπισκοπία* Synodus antiqua vetuit. Quia Iudæi similiter inter Idololatrias percensent qui Angelos adorant aut invocant. Quia cum ministerium hoc habeant ut fidelium preces Deo offerant, sponte & non rogati, si iustæ sint, & sanctæ, solent eas deferre. Iniustas & profanas, si millies oraveris, nunquam exoraveris ut ferant. Imagines earumque cultus cum ipsis aboleatur, quia scriptum est, non esse ὁμοίωμα cuiuscun-

iuscunq; rei faciendū ut adoretur. Quia Iudæi à quibus orti sunt Christiani nullas imagines habuerunt, quas cole-  
rent. Quia primi Christiani similiter nullas coluerunt. Quia antiquissimum concilium vetuit picturam eius quod colitur & adoratur in Ecclesia fieri. Quia sanctissimus præsul velum pictum figurā Christi habens aut alicuius sancti discidit, & purum restituit. Quia al-  
ter antistes statuam sancti deiecit, & confregit, quæ colebatur. Quia Papa ipse Gregorius primus imaginum cul-  
tum improbavit. Quia nec pro in-  
struendis idiotis habendæ sunt propter  
abusum ex idololatria frequentem, ad  
quam humana natura nimis proclivis  
suoapte ingenio est. Præstat quippe  
providere ut nulli sint in Ecclesia idio-  
tæ qui his libris opus habeant, sed effi-  
ci ut iis libris uti possint qui sine noxa  
cum utilitate magna legantur. Quia  
postremo hic mos imaginum haben-  
darū, colendarum, totus è paganis or-  
tus est. Purgatorii opinio exterminan-  
da, quia meritum passionis Christi ex-  
tinguit, in purgatorium verum & re-  
mis-

missionem peccatorum nostrorum mortui. Quia commentum est hominis hæretici ex philosophia gentilium desumptum. Quia nec servatum est, ut ab eo primum fuit introductum, sed in longe perniciosiorem abusum à posteris deductum. Vota & Monachatus facessere etiam debent, quia non sunt divinæ institutionis. Quia superstitiosa sunt. Quia alligant non volentes tantum, sed etiam invitos multos. Quia ipsi qui voverunt continentiam, ubi servare eam non possunt, peiore lapsu ruunt, quam si tali voto se nunquam obstrinxissent. Abrogari etiam oportet magicos & impios ritus baptizandarum Campanarum, consecrandarum aquarum, herbarum, & alia eiusmodi. Tollendus cælibatus, ac restituendum coniugium presbyterorum, quia Apostoli ferme omnes uxores suas habuerunt, quia sacerdotes Iudæorum mariti fuere, quia Christianorum in Ecclesia Episcopi primi sive presbyteri uxores habuere, & ducere prohibiti non sunt. Quia etiamnum Ecclesiæ Orientales maritos habent Episcopos, & Pres-

Presbyteros. Auferri debet denique liturgia quæ fit lingua à populo non intellecta. Item preces. Quia nec præcepto nec auctoritate, nec ratione, nec usu primitivæ Ecclesiæ id potest defendi, cum unaquæque natio olim semper lingua communi & omnibus intellecta liturgiam fecerit, & preces ad Deum fuderit. Habitus etiam in sacris dissonus à vulgari, & theatricus, & nimis pompaticus, & minime honestus, ablegandus est, quia vetus Ecclesia ministros non aliter habuit indutos dum sacra administrarent quam cæteros de plebe homines. Saltem constat, non aliam in publico, aliam in templo habuisse vestem. In his omnibus externis quæ necessaria videntur, non possumus ferre aliquid quod sit contra Euangelii veritatem, Apostolicam institutionem, & Ecclesiæ primitivæ praxin. In adiaphoris manus illis dabimus, & *συνκρίταλαον* prolixam adferemus, desiderio retinendæ pacis atque unitatis conservandæ. Rituum in his diversitas ac dissimilitudo salva concordia sine discidio Ecclesiarum

liarum potest esse. Cum & apud antiqua sæcula, non eodem more in multis plurimæ Ecclesiæ uterentur, sed alia vigeret consuetudo in Ecclesia Romana quam in Africana, & Gallicana; alia in Latina quam in Græca. Inter Græcas ipsas alium usum haberet Constantinopolitana quam Alexandrina, & hæc quam Antiochena, rursus hæc quam Hierosolymitana. Εὐνης γάρ, inquit scriptor Ecclesiasticus, ἔθων ἐνεκὲν ἀλλήλων χωρίζεσθαι πρὸς τὰ καίρια τῆς θρησκείας συμφωνῶντες. *Stultum, propter ritus invicem separari eos qui in præcipuis quæ ad religionem pertinent consentiant.* Deinde subjicit, εἰ γὰρ δὴ τὰς αὐτὰς παραδόσεις καὶ πάντα ὁμοίας καὶ οὐδόδοξοι εἶεν ἐν πάσαις ταῖς ἐκκλησίαις ὄρεσθαι. *Quippe cum easdem traditiones per omnia similes in omnibus Ecclesiis, quamvis cætera concordibus in fide, reperire possis.* Exempla plura refert ibidem horum rituum διαφωνίας in plerisque tam Orientis quam Occidentis Ecclesiis. Si qua autem est traditio superstitiosa, cuius origo non solum non inveniatur in Novo Testamento, nec observatio in ulla  
anti-



antiquarum Ecclesiarum , sed & cum Euangelio & verbo Dei pugnet, quales multas ab Ecclesia Romana decem proximis sæculis adinventas esse constat , eo ipso indifferens haberi non debet, nec nos cogi debemus eas recipere aut recipientibus adsentiri. Sunt enim ex his nonnullæ ad quæstum & aucupia divitiarum excogitatæ , aliæ ad inescandas aut terriculandas aut illaqueandas infirmiores conscientias, aliæ ridiculæ sunt & ludibriosæ, nihilque habent ædificationis. In eo numero reponenda sunt lubilæa , indulgentiæ mille annorum , satisfactiones, peregrinationes ad loca sancta, pœnitentium cū vario vestitu processiones, grana benedicta , figuræ agni Dei , reliquie sanctorum pro amuletis collo suspensæ, preces ad numerū devolvendæ per globulos filo insertos , cereorū accensio in templis dum liturgia celebratur , & alia eadem moneta percussa infinita, per quæ religio Romana externum suum cultum internumq; in superstitionem plane gentilem, & εἰδωλοματία detestandam transformavit. Quod  
ad



ad controversias attinet de doctrina, ut sunt de hominis conditione ante lapsum & post lapsum, de peccato Adami, de libero arbitrio, de causa peccati, de peccato originali, de gratia universali, de beneficio Christi, de hominis reconciliatione, & iustificatione, si parcius disputaretur, citius ad veritatem in his querendis pervenire possent homines, & melius inter se convenire. Sed cavillatrix philosophia, dum quaestiones multiplicat, & omnia involvit nihil evolvit sic dissidia aucta sunt, & finis dissentiendi ac disputandi iam nullus est. Nonnulla tamen ex illis ad salutem cum necessaria non sint, in his quae talia sunt ferri dissidentes possunt. Ecclesia enim Romana quae venditat unitatem Cathedrae, tolerat ac pro suis habet in diversa euntes circa plurimas harum quaestionum. Scholis praecipue earum ventilatio relinquenda, ubi animi & acuminis tantum gratia multa disputatur. Populo ea pabula ex verbo divino praebenda sunt a sapientibus ministris, quae captum eius non superent, quaeque nutrant, non suffocent. Licentius

Eve-

evagantē ad curiosas & otiosas συζητή-  
σεις, si aliter non possint, auctoritate  
magistratum admonēdi sunt, ut intra  
modum sapiant ac philosophentur. De  
iustificatione hoc tenendum; nos fide  
in Christo per Christum & propter  
Christum ex mera eius gratia iustos  
esse, non ullo nostro merito aut virtu-  
tute. Alia docentes Romani ne spe-  
rent nos suos esse futuros, cum ipsi non  
sint Apostolici aliter sentientes; quan-  
tumlibet Romani. Si dentur igitur  
danda, & tollantur tollenda, his le-  
gibus & conditionibus pacem accipi-  
mus. Si non, digitum porrigimus me-  
dium cōciliatoribus τὰ ἀσύκλωσα συνά-  
πτεσθαι frustra tendentibus. Nobis pax es-  
se non potest cū iis qui eam cum Chri-  
sto non habent, qui Evangelio eius re-  
pugnant, fidem impugnant, atque im-  
pias aut vanas superstitiones propu-  
gnant. Qualem velit nolitive pacifica-  
tionem Grotius etsi abunde liquidum  
patescit ex eius scriptis, non tamen  
audet aperte hoc dicere. Pudet eum  
nos quasi obtorto collo retrahere ad  
manifesta & confessa pridemq; dam-  
nata

nata Romauæ *εἰδωλομανίας* flagitia. In eo itaq; laborat maxime, ut non tam horrenda esse nobis persuadeat sicutea imaginamur. Ideo alia supprimit, alia detorquet, alia sub diversa facie promit. Alibi personam sibi detrahit ac se totum detegit in asserenda veritate Romanorum dogmatū. Non potest tamē effugere quin secum ipse pugnet & quę adstruere conatus est, mox evertat. Dicit, in hoc proposito quod semper habuit conciliationis, *existimasse se aliquando, posse eam incipi à Protestantium inter se coniunctione*. Si hoc evicisset quod eo in tēpore conari decreverat, an mansisset in eorū communione? An viribus coniunctis Protestantium fretus, oppugnare adortus esset Romanæ religionis præsidia? Hoc non dicit. Interim se vidisse postea ait, *id plane fieri nequire*. Si vidit non posse conciliari inter se Protestantes, cur non prævidit multo minus posse componi Pontificios Romanos cum Protestantibus? Cur illud inceptum deseruit ob impossibilitatem, & istud urgere tanto nisu institit quod etiam magis ipsi  
vide-

videri debuit impossibile? Cur Protestantium cōiunctio procedere nequeat, culpam confert in Calvinistas, *quorum ingenia* scribit esse *ab omni pace alienissima*. Calvinistis propter Calvinum videtur infensior, Calvinum autem ea de causa maxime odisse, quia Servetum neci addicendum ob impietatem & hæresin curaverit. Sed illi Calvinistæ per quos stetisse vult ne pacificatum sit inter partes Protestantium, Lutheranis dextram dare, eosque in communionem suam admittere voluerunt. An ex sua parte idem fecere Lutherani Calvinistis? Nequaquam. Ergo per Lutheranos iam stat ne coniunctio fiat, & calumniatur Calvinistas Grotius, dum immerentes censura sua vexat, ut eam meritos excuset. Alteram causam affert cur penitus dissociabiles sint Protestantes. *Quia, inquit, nullo inter se communi regimine Ecclesiastico sociantur, quæ causæ sunt cur factæ partes in unum Protestantium corpus colligi nequeant, immo & cur partes aliæ atque aliæ sint exsurrecturæ.* Ergo, si creditur Grotio,

sola regiminis Ecclesiastici ratio in causa est cur Protestantium partes divisae coire in unum corpus nequeant. Quale sit istud regimen, non explicat, sed palam est, intelligere Papale & monarchicum. Atqui nulla inter Protestantes de hoc regimine rejiciendo dissensio. Unanimiter id refutarunt, etiam qui in aliis non consentiunt. Cum igitur utrisque eadem forma regiminis placeat, eadem huic adversa displiceat, non hac parte infociabiles videri possunt. Ut eius video perspicioque sententiam; quod communionis Romanae consortes adeo bene inter se conspirent omnes & concordent, hanc causam esse deputat quia ab uno reguntur. Ille prohibet ne partes fiant in religione, continet omnes in officio & coercet auctoritate sua & potestate. Ne schismata sint providet, erroneos & emaniferos ad sua signa revocat. Miror Grotium tam stultivium fuisse aut cecum, ut non animadverterit quam frustra quasi remedium schismatis proponat illud ipsum quod schismatis fuit causa. De muliere quadam memoratur,

moratur, cum parturiens nixus doloribus premeretur, & rogaretur se lecto reddere, respondisse, quomodo lectus malum levabit quod in eo contraxi? Regimen illud Papæ tyrannicum qui pati non potuere, primo Græci abiecerunt, deinde & Protestantes. Ea prima secessione magna scissura facta est Orientalium & Occidentalium Ecclesiarum, & orbis Christianus in duas partes scissus est. Postea cum eadem tyrannis in Europa postremo hoc sæculo intolerabiter grassaretur, magna pars Germaniæ ad pileum suos vocavit populos, ut ex sævissima servitute qua conscientia premebantur, eos in libertatem assereret. Omni schismate perniciosior erat quæ sub illo regimine invaluerat, & propter illud regimen, errorum & abusuum multitudo infinita, qua simul etiam sese liberarunt cum ipso regimine. Primum igitur tali regimine non impediri schismata, id quod factum est ostendit. Secundo tale esse hoc regimen ut schismata potius faciat quam prohibeat, etiam clarum. Tertio si non in eo regimine existerent

schismata, tanto peior inde Ecclesiæ conditio evaderet quia omnibus sui partibus & membris in hæresim schismate graviolem incideret, ac se totam esse hæreticam factam tandem sine remedio altero animadverteret quam schismatis. Quid rebelles in regno facit? Dominantis tyrannica gubernatio. Quid in Ecclesia schismaticos? Ecclesiastici rectoris tyrannica quoque administratio. Huius autem tyrannici regiminis in Ecclesia præcipue ea natura est, ut stabile esse non possit, nisi qui præest artes eas adhibeat quæ doctrinā pervertant, & disciplinam corrūpant. Dum unus enim ad se omnia trahit, dum se plus posse quam omnes censet; atq; ut plus possit, arbitrio suo decidere postulat ac definire quæcunq; ad fidem & cultum Dei pertinent. Dum tales Rectores de imperio regio promoveudo quam de pastoralis officio procurando magis sunt solliciti, quod curæ habuerunt, provectum est, quod neglexere, retro sublapsum iit. Regiæ potestatis specimen cernitur in novis legibus condendis & veteribus abrogandis. Hoc idem



idem fecere Pontifices Romani, multa decreta nova condidere, & pleraque verbo divino & Apostolicis sanctionibus contraria. Id enim maxime facere visum est ad augendam & firmandam potentiam, non pendere ab aliorum statutis, sed ipsum statuere quod alii sequerentur. Sine opibus ac splendore externo non potest subsistere imperiū summū. Ideo plurimos ritus invexere in Ecclesiam pontifices ad aucupium pecuniæ. Inde Iubilæa instituta, inde indulgentiæ mille annorū, inde opinio de purgatorio introducta, inde Missæ privatæ ad remissionē obtinendā peccatorū, inde & sancti spiritus & privilegiata quæ vocant altaria erecta ad animas è purgatorio extrahēdas. Inde sacrificia & preces pro mortuis originem habuere. Inde alia eiusmodi infinita irrepsere incognita sæculis prioribus Ecclesiæ purioris, & cū Evangelio ex diametro pugnātia. Ut unda undæ supervenit in decursu aquæ, ita abusus abusus superinducti sunt in Ecclesia, donec corruptio generalis disciplinæ insequuta est, depravatio doctrinæ universalis.

& à veritate & simplicitate Euangelica tanta defectio, ut mutata sit prorsus religio Christiana in superstitionē idololatricam, & regimē eius in tyrannicam dominationem. Sed hæc mater illam filiam genuit. An mirandum est, cum utraq; impurissima sit ac nequissima, si multi ab iis diverterunt variis temporibus, qui pati eam corruptelam non potuerunt, & talem tyrannidem? Non semper occasio est schismatis, quamvis semper causa sit. Nō defuere tamē omnibus sæculis qui de abusus conquesti sunt, quos nasci suo tempore videbant, aut quos iam natos deplorabant, & præcipue postremis temporibus, cum mensura iam abusuū & errorum videbatur in cumulum ascendisse & mysterium iniquitatis ad summum pervenisse. Sub initia crescētis illius potestatis multi etiam sancti patres in φιλαρχίαν Episcoporum declamarunt, in luxum, in divitias, & Papæ præcipue. Plurimi etiam ab Ecclesia secesserūt, ne cum luxu perditis & imperiosis Episcopis communicarent, ut Audiani & Aeriani. Non aliud fecissent  
 si eo

si eo sæculo nati essent quo reformatio à Luthero & Calvino procurata est. Sed isti necessitate ultima cogente ad id remedium devenerunt, cum illi facti sui causas non tantas haberent. Hæc enim tempora si cum illis conferantur, pusio non magis statura differt à gigante quam huius ævi Ecclesiæ corruptela distat ab ea de qua tum querebãtur & propter quam secedebant. Adhuc erant in incunabulis ea vitia quæ summum crescēdi cacumen hac nostra ætate contigerunt. Triplicem igitur effectum videmus huius Ecclesiastici regiminis quod tanquam coagulum & unicum unitatis Ecclesiæ vinculum nobis commendant. Innumeri sunt qui errorem vident, & intabescunt desiderio emendationis, & mutationem velent, sed domesticis vinculis retinentur, & aliis causis quas mundus suggerit. Alii, quæ plurima turba est, torrente abrepti non sentiunt se abripi, nec in quibus malis versentur norunt: similes pecudibus, quæ cum à lanio mactandæ ducuntur, putant se duci ad pascua: vel etiam iis comparandi, qui

dormientes iugulantur, quorum fom-  
nus in mortem continuatur. Illi  
autem priores scientes ac videntes  
pereunt, nec se eripere possunt. Bea-  
ti tertii, quibus salutis suæ cura est,  
& fuga struitur ab illa communione  
quæ eam potest perdere. Sic Chri-  
sti fidem profitentium tria sunt ge-  
nera, unum eorum qui errorem agnos-  
cunt nec fugiunt, alterum eorum qui  
nec agnoscunt, nec fugiunt, tertium  
quod errorem cognovit & fugit. Nunc  
quererem à Grotio si viveret, sed  
quoniam fuit, ab iis quæro qui sunt in  
eadem cum illo sententia de regimine  
isto Ecclesiastico continendis in unita-  
te omnibus Christiani populis necessa-  
rio, utrum putent, ab initio tale semper  
fuisse; utpote à Christo ipso institutum,  
an aliquando coepisse cum antea non  
fuisset. Non dubito responsuros, fuisse  
semper, ut à Christo in persona Petri  
sancitum. Nam hoc etiam videtur vel-  
le Grotius. Cur igitur à Petro usque ad  
Epiphaniū, qui quarto sæculo vixit, sex-  
aginta & octo qua schismata qua hæ-  
reses numeratæ sunt, quas ille descri-  
psit?

psit? Schismatici sponte abeunt, hæretici pelluntur. Hæc est differentia. Nonnulli ex his Apostolorum evocæperunt. Inter hos Nazaræi ab Ecclesia recesserunt, quia cæremonias Iudaicas cum Evangelio iungi volebant. Quibus prævisse ipse videtur Petrus. Nam cum inter initia discidium super ea quæstione ortum esset inter fratres, compositum primo fuit concilio Hierosolymitano, cui & Petrus subscripsit. Postea mutavit, & gentes quæ ad Christum accedebant cogebat Iudaismum amplecti. Quo nomine à Paulo reprehensus est, *ὡς ἐκ ὀρθοποδῶν ἐκ τὴν διαγγελίαν ἀλύειαν*, *Non recte ambulans ad Evangelii veritatem*. Inde Nazaræorum schisma, qui Christum colebant, & Iudaicas simul cæremonias recipiebant. Horum adhuc reliquiæ extabant in Iudæa temporibus Epiphanii & Hieronymi. Viventibus porro adhuc Apostolis multa variis locis schismata acciderunt, ut illud quod in urbe Corintho exortum, cum alii dicerent se esse Cephæ, alii Apollo, alii Pauli. Id à Paulo compressum est. Post mortem Pauli iterum

rum recrudit, ut ex Epistola Clementis ad eosdem Corinthios probatur. Sed vetera omitto. Cur sub isto regimine tale schisma unitatem Ecclesiæ divisit, ut ei simile antea non fuerit, nec futurum postea sit, quod etiam nunc durat, Ecclesiarum omnium Orientalium à Romana separatarum? An aliter dicent quam propter hoc ipsum regimen illud schisma exortum fuisse? Ubi autem post schisma tale regimen reiecerunt, non ipsi idem ad se regendum recepere. Quod tamen omni ratione videbatur faciendum. Cum enim primatū Papæ denegassent, qui secundus ab eo erat, iam primus esse coeperat. Sed non propterea tyrannico more primatum illum in suprematum convertit. Quinimo parem se gessit collegis suis Patriarchis. Exemplo quippe proximo admonebatur, ne si imperium tale in eos exerceret ut Papa in omnes exercere voluit, simili secessione ab ipso se distraherent, ut omnes Papæ tyrannico iugo se subtraxerant. Ita universi Orientalis imperii omnes Ecclesiæ à quattuor Patriarchis regebantur  
pari



pari potestate. Sub eo regimine nulla  
 schismata orta sunt. Nunquid autem  
 plures quam quattuor omnes eas Ec-  
 clesias administrare poterant? Si quat-  
 tuor, cur non octo? Certe ex uno  
 Patriarcha Constantinopolitano tres  
 fieri potuere, quot erant Exarchi sub  
 illo diæcesium, Thracicæ nempe, Asia-  
 næ & Ponticæ. Si octo detur id regi-  
 men inter se potuisse partiri, numerus  
 etiam amplior poterit admitti. Vigin-  
 ti Episcopis tribuamus universam Ec-  
 clesiam Orientalem administrandam.  
 Numerus differentiam regiminis nul-  
 lam inducit, ubi par potestas regentium  
 debet esse. Sic nonnullas urbes Duum-  
 viri olim rexere, alias Quinqueviri.  
 Quasdam Decemviri, qui & δικάρχοι  
 dicebantur. Fuere qui & magistratum  
 haberent ex viginti viris compositum,  
 qui εικοσάρχων appellati, & qui ex qua-  
 draginta. Adhuc ulterius pergamus.  
 Dioceses in provincias partiamur, &  
 illam administrationem in civilibus  
 quam introduxit Constantinus remo-  
 veamus, ex qua Patriarchæ originem  
 sumpserunt. Reddamus singulis pro-  
 vinciiis



vinciis Ecclesiasticis suos rectores Metropolitanos, ut habuere per Canonem Nicæni Concilii. Quid prohibebit per Metropolitæ Episcopos, qui omnes pares sint, omnes *αὐτοκέφαλοι*, æque posse Ecclesias totius Orientis gubernari, ut per Patriarchas nunc inter se æquales reguntur, & ab eo tempore directæ sunt ex quo Papalem tyrannidem depulerunt? Multiplicemus adhuc numerum regentium, eadem forma regiminis manente. Restituamus antiquum motem Ecclesiæ, quo omnes Episcopi inter se pares erant, nec ullis parebant Metropolitanis. Quæ ratio vetabit quin trecenti aut plures Episcopi æque bene possint procurare trecentas Ecclesias, ut quadraginta, ut viginti, ut decem, ut quattuor? Immo & melius eas procurabunt, quatenus paucitas, quo propior ad unum vergit eo fit quodammodo *τὸ θεοκρατικόν*. In civilibus quidem *μοναρχία* sæpe optima, in Ecclesiasticis semper pessima, & nunquam admittenda. At Episcopi non semper in Ecclesia fuerunt cum potestate supra presbyteros, sed fuit tem-

pus;

pus, cum iidem essent cum presbyteris re ac nomine, ita ut Ecclesiæ singulæ non ab uno sed à pluribus Episcopis iisdemque presbyteris simul regerentur. Et hoc regimen ab Apostolis institutum fuisse, probavit nuper auctor libri de Primatu Papæ, & diu mansisse post Apostolos. Nihil autem impedit quin una Ecclesia æque recte à pluribus cum pari potestate administrari queat ut ab uno. Nam & Capitulum sæpe sede vacante non desiderari finit unius pastoris diligentiam, cum equalem curam præstet. Hoc regimen cum cætera reformarent etiam restitutum voverunt illi Schismatici quos sub iugum iterum mittere conatur Grotius postquam catenam abruperunt. Si dixerint igitur Conciliatores, non semper quidem monarchicum in Ecclesia fuisse regimen, sed introductum ad vitanda schismata. Id enim testari Hieronymum in Epistola ad Titum & in Epistola ad Euagrium. Hieronymus non de monarchico regimine unius in Ecclesiam superimposito ibi loquitur, sed de Episcopali singulis Ecclesiis particulari-

cularibus præposito. Immo vel ex illis eius locis patet, nondum tunc in Ecclesia cognitum & receptum fuisse tale regimen, cum omnes Episcopos singularum civitatum pares agnoscat. Sed & illa schismata quæ vitata dicit Episcopatus institutione, particularium sunt Ecclesiarum discidia, quæ inter presbyteros ob æqualitatem evenire solebant, antequam unus superpositus omnibus discordantes in officio contineret. Cum vero ex illo Episcopatu certius & maius malum in Ecclesia suscitatum fuerit, quam ea erant discidia & schismata, quibus particulares civitatum turbabantur Ecclesiæ; nempe Tyrannis unius, quæ in Ecclesiam universalem insurrexit, merito radix & fundamentum tanti mali extirpari funditus debuit, sublato Episcopatu & restituta presbyterici regiminis Apostolica æqualitate. Utriusque regiminis quanta sit differentia, ex paucis quæ hic dicam patebit. Quæ ab unius nutu pendet Ecclesia, nihil præter illius præscriptum audet aut potest constituere, sed accipere debet quæcunque illi placuerint

cuerit sancire. Summam autem potestatis solent qui tales sunt ponere in mutandis & abrogandis veteribus institutis, quo suum imperium stabiliant. Ne institutis quidem divinis & Apostolicis parcant, dum suę potentie limites latius extendant. Nemini unilicet quantūvis doctissimo & sanctissimo, sub tali rectore hiscere, aut eius dictatis contravenire. Sepe tamē usu venire potest, ut extraordinariis donis à Deo instructus quis labantē valeat disciplinā restituere, & doctrinam depravatam aut deperditam instaurare, ut fecere Elias in Veteri Testamento, Iohannes in Novo. Ne Synodis quidem, & congregationibus plurium ad id quod melius est in Ecclesia providendum in unum coactis liberam vocem, aut definitivā habere fas est, cum ab his constituta pro bono publico Ecclesiarum ab unius adprobatione, & confirmatione dependeant; rata sint an irrita futura. Cum vero hoc amoto regimine *αὐτονομίῳ*, & *αὐτοκρατορικῷ*, Ecclesię tanquam cynosuram respiciunt dirigendę suę navi sacram Eu-

E                      ange-

angelii scripturam, & hanc habent unicam suorum iudiciorum normam, quamvis falli possint & labi circa veram eius interpretationem multis in rebus, in pluribus tamen rectum tenere cursum, nec unquam tam graviter errare possunt quam unus ille, qui nullo ad scripturam respectu quidquid libitum fuerit, ordinare & sciscere licitum sibi credat. Exemplo obvio atque ἑξοφθαλμῶ, planum id facere facile erit. De duabus opinionibus Protestantium circa Eucharistiam ea quæ pessima videtur, longe optima est si conferatur cum Pontificia. Non enim agnoscit abolitionem panis, non substantias condit sine accidentibus, nō accidentia fingit nulli inhærentia subiecto, non adorandum panem tradit non fumentibus, non circumgestat, non sacrificium ex co facit adplicative sacrificii, non parte una sacramentum mutilat, non alias profanationes idololatricas introducit. Idem de aliis multis posset probari. Ita exterminarunt Christi de hoc sacramento institutionē, & usum priscæ Ecclesiæ, penitus exterminarunt, ut mi-

ministris quæstuosum illud facerent, & auctoritatem iis inde conciliarent quasi qui corpus Christi conficerent opere suo, & Deum ipsum in manibus quotidie gestarent. Quod autem ubique non cessat Grotius eiusque similes infamare nostros presbyteros quos *temporales* appellant, studio partiû occæcati non vident Ecclesiæ regimini ab Apostolis instituto longe magis esse contrarios Episcopos quam tales presbyteros ad tempus creatos. Non mutant hi formam nec substantiam ipsius regiminis Ecclesiastici quale est ab Apostolis ex verbo Dei constitutum. Episcopi vero sicut postea ab Ecclesia introducti sunt eam prorsus innovarunt. Quin presbyteros qui essent ac etiam dicerentur ex officio curationis Episcopi, regendis Ecclesiis præposuerint negari non potest. Hi omnes pares inter se erant. At Episcopus unus pluribus presbyteris impositus, re ac nomine ab his diversus, novum est inventum, Apostolis & Apostolorum proximis successoribus plane inauditum. Apostolicum regi-



mē Ecclesiæ presbyterale fuit. Presbyterale nos nunc quoq; retinemus. Quid refert ad officiū ministerii, aut muneris dignitatem, si vitæ tempus eius administrationi præstitutum sit, an aliud certum? Ne perpetui sint mors etiam facere solet. Quinetiam ea sæpe incidunt tempora, ut frequentiores eorum sint mutationes morte electorum quam ex nova electione. Præterea ex certo numero semper eliguntur quos recte eo munere functos esse constiterit. Si qui fato defecerint, alii sufficiuntur. Postremo cum presbyteri quasi magistratus sint Ecclesiæ, & ordo Ecclesiasticus civilē ordinē subsequatur ut concilia antiqua statuerunt, constat plerasque olim civitates ad vitam creatos habuisse magistratus, alias ad tempus. Quæ consuetudo etiam variat in pluribus Gallix & aliarum regionum civitatibus. Postremo præcipui presbyterorum qui in verbo prædicando laborant, perpetui sunt *ἱερεῖς βίβλ.* Falsa & erronea persuasio Pontificiorum de, caractere indelebili Ministrorum, sacra-

era-



cramento ordinis talem imprimente  
 characterem, effecit, ut pro monstro  
 habeantur hodie nostri ad tēpus pres-  
 byteri, cum tamen & ille character non  
 delendus, & illud Sacramentum or-  
 dinis magis nova sint, & maiorem  
 abusum inferant quam presbyterorum  
 certo tempore mutatio. Si in hoc solo  
 hæreret conciliatio, facilius possemus  
 presbyteros nostros reformare ad instar  
 Apostolicorum, & perpetuos eos face-  
 re, quam Pontificii tollere suos Epi-  
 scopos & æqualitatem presbyterorum  
 Apostolicam reponere. His positis  
 reliquum est videre qualis modus  
 conciliationis placuerit Grotio. Olim,  
 ut ante vidimus, cogitaverat cogi pos-  
 se in unum corpus ex schismate Prote-  
 stantes, & inde auspicandam esse con-  
 ciliationem. Vbi cognovit non posse  
 illos inter se coniungi, aliam viam ex-  
 cogitavit. Quænam illa est? Ab  
 ipso discamus, & verbis eius: *Quare  
 nunc plane ita sentit Grotius, & multi  
 cum ipso, non posse Protestantes inter se  
 iungi, nisi simul iungantur cum iis qui sedi  
 Romanæ cohærent, sine qua nullum sperari*

*potest in Ecclesia commune regimen.* Plana hæc via certe, & facilis si quis modo velit eam insistere. Ingeniose etiam inventa. Quis negaret? Oves & capræ convenire inter se non possunt. Ergo tradantur lupo. Sic facile convenierint. Legati regum qui nunc Monasterii tantopere laborant in componenda pace inter Gallum & Hispanum, si hæc ratio Grotiana in mentem ipsis venerit, non diutius hærebunt. Partes ad conventionem difficiles, ubi alia via non suppetet pacificandi, iubeantur, ambæ se Turcæ dedere, ut sub communi illius regimine in pace maneant. Idem est prorsus quod hic postulat. Lutherani non possunt cum Calvinistis in unum corpus coire & colligi, Pontificii ergo fiant utrique, ut deinceps unum & commune regimen fiat omnium Protestantium sub Papa Romano. Arcana conciliationis Grotianæ, eiusque similium, & Votum pacis eorum quale fuerit, hic plane patefactum ac revelatum tenemus. Non enim tam hebetem crediderim fuisse, ut rem ex se difficillimam ac pæne impos-

possibilem, nempe Protestantium conjunctionem, per longe difficiliorem minusque possibilem expedire voluerit. Minora sunt & pauciora de quibus inter se dissident Protestantes, maiora & plura quæ Protestantes ipsos à Pontificiis separant. Quomodo igitur tam rerum nescius fuit, vel sensu communis expers, ut facilius putarit factu conciliare propioribus lineis disunctos quàm longinquiore spatio diffitos? de pluribus negotiis disceptantes quam de paucioribus? In maioris denique momenti rebus discrepantes quam in levioribus? Si Protestantes omnes unum idemque sentirent ac de eorum concordia cum Pontificiis integranda ageretur, res esset explicatior, utpote in communi usu ac more posita, ut duobus litigantibus accidit boni viri arbitrio negotium suum componendum permittentibus. At hic tres partes sunt non duæ: Harum trium diversa sunt τὰ διαφέροντα, & tres διαφωρεαί. Protestantium duæ sunt partes invicem de multis negotiis dissidentes. In quibusdam vero & conveniunt, sed

in his ipsis à Pontificiis cōmuniter dissentiunt. Exempli gratia, non idem sentiunt de Eucharistia Lutherani & Calvinistæ, sed eorum est una sententia in condemnanda de eo Sacramento Pontificiorum opinione. At de regimine Ecclesiæ, quod Papa non debeat esse supra Episcopos, consentiunt inter se Protestantium utræque partes, & pariter damnant regimen Papale quo Romana Ecclesia gubernatur, quasi tyrannicum. Cum ex his ergo duobus capitibus præcipuis in uno consentiant inter se Protestantes, in altero dissident, sed in utroque pariter à Pontificiis dissident, quia probare non possunt quod isti de utroque sentiunt, unius adprobatio vel condemnatio præjudicium non fert ad alterum condemnandum, vel adprobandum. Ut enim diversa sūt capitalis inter diversos, ita nihil habent inter se commune, ut altero damnato consequi debeat alterius damnatio. Ponamus melius esse regimen Ecclesiæ Romanæ quam Protestantis, huius regiminis præstantia nihil facit ad dijudicandum an de Eucha-

Eucharistiæ doctrina eorundem Pontificiorum sit melior ultravis Protestantium opinione. Officiū boni arbitri fuerat, & æqui religionum conciliatoris, singulas opiniones momentis suis ponderare. Vtriusque causas, & *διὰ τὰς* ~~magis~~ expendere. Primū dispicere, an sit sanior doctrina Calvinistarum quam Lutheranorum. Deinde quā victricē calculo suo pronuntiaffet, eam cum Pontificia componere, & videre, omnibus rite pensitatis atque examinatis, utra rursus harum primas ferre deberet. Stultissimum quippe est, atque iniquissimum, causam Eucharistiæ, & alias controversias quibus sententia Protestantiam discrepat à Pontificia, per solum regimen Ecclesiæ Romanæ velle decidere. Aut illud optimum est, aut pessimum. Si est optimū, non necessario sequitur, ut alia etiam dogmata eorum sint talia. Si pessimum est, cur normam ex eo petunt quod pravius est, ad alia omnia corrigenda? Si in eo nō pravitas aut rectitudo quæritur, sed sola potestas ad coercendum idonea requiritur, iam hæc vis est & tyrannis, non rectum

regimen. Quis enim sanus probare, possit religionē imperari, non doceri? cogi, non persuaderi? Hoc est, condemnare reformantes, non conciliare. Hoc confirmare errantes, non reformare est. Hoc denique est, nodum nodo solvere, & litem lite dirimere. Hæc tamen unica ratio conciliandi probatur Grotio, qui hac una securi omnes vult controversias de religione secari. Securis illa regimen est Ecclesiæ quo utuntur Pontificii. Hic illi cuneus videtur efficacissimus ad omnes nodos vindice dignos scindendos. Ceterum aut iustas habuere causas Protestantes abruptendi se à concordia Romanorum, aut nullas. Si iustas habuere aliquas, videndum quænam illæ sint, & an inter illas ea etiā sit qua regimen Pontificiorum reiecerunt. Si nullas habuerunt, hoc ipsum videndum, num de solo regimine præiudicandum cæteris videatur, cum nec ipsum sine vitio sit. Hoc enim fatentur æquiores etiam Pontificii. Soli negant Iesuitæ, qui omnia prava & vitiosa etiam defendunt. Sed  
nemo



nemo eos pro idoneis conciliatoribus religionis inter Protestantes & Pontificios habiturus est. Hos cum sequatur Grotius, nemo eum arbitrum optaverit ad componendam pacē, cuius votum est omnes Protestantes ad supremum tribunal summi Pontificis fisci ut ex ore eius atq; oraculo in propria causa iudicis sublimi folio sedentis, sententiam excipiant condemnationis qua uno elogio duci iubeantur, nisi resipiscant. Hoc est, quod antea dicebam. Ovis & capra de pascuo contendebant sine spe conciliationis. Pastor dyscolus auctor fuit domino utramque venderet lanioni mactandam, ut in morte convenirent quæ in vita non potuere. Huic pastori similis arbiter religionum est Grotius. Papa lanioni. Lutherum autem & Calvinum, Tros Rutulusve fuit, nullo habet discrimine. Hi sunt illi capra & ovis discordantes. Romana etiam Ecclesia vasta est palus luto- sis voraginibus undique profunda. In eam immergi vult & absorberi confundique nomine deperdito duos amnes divi-



divisis alveis per longa camporum spatia currentes. Sed quam ipse sibi parum constet, hic ostendam, simulque ipso iudice probabo, per illud ipsum regimen stare, ne discidia Ecclesiæ tollantur, quia discidio causam præbuerit. Vbi dixit, non posse Protestantes inter se iungi nisi simul iungantur cū iis qui Sedi Romanæ cohærent, sine qua nullū sperari potest in Ecclesia cōmune regimen, statim subiungit, *Ideo se optare, ut ea divulsio quæ evenit, & causæ divulsionis tollantur.* An sic tollentur, ô bone, causæ divulsionis, si sub iugū illius regiminis iterū se mitti patiantur Potestantes, qui se ut liberarent eo iugo, divulsionē eā quā dicis fecerunt? Ita est, inquit, *Nā inter eas causas non est primatus Episcopi Romani secundum Canones.* Utinam Grotius non esset, aut saltem non esset mortuus, nō tã leniter cum eo hic agerem, ita absurda dicit & absona. Sane inter causas discidii quo hodierna dividitur Ecclesia, non est primatus Episcopi Romani secundum canones, quia nusquam est. Ibi certe est hodie primatus Papæ secundum canones, ubi

ubi consulatus erat Iulii Cæsaris secundum leges, cum Neronēs, Caligulæ, & Domitiani dominabantur. Vt enim, tunc inter causas seditionum, & conspirationum bellorumque quibus vexabatur respublica Romuli, non fuit ille consulatus Cæsaris quē cū Bibulo gessit, ita sane nec inter causas discordiarū quib⁹ hodie cōflictatur Ecclesia Christi primatus Episcopi Romani numerāndus est. Mirum tamen quid velit. Si viveret hoc posset nos docere. Nam ab eo peterem, num velit, regimen illud Romanæ sedis quod tanquam remedium schismatis proponit idem esse cum primatu secundum canones, an ab eo diversum. Si idem esse voluit, frustra dicit ac superflue primatum illum non esse inter causas divulsionis, cum eum nobis proponat velut unicam & sacram anchoram ad fundandos animos dissentientes in religione. Sin vero primatus ille Episcopi Romani secundum canones, nihil iam habet affine, aut cognatum cum regimine quo hodie Ecclesia Romana utitur, inaniter, etiam & pro nihilo huius primatus hic  
men-

mentionem injicit cum non magis iam officiat libertati Christianorum, quam consulatus Cæsaris obfuit libertati Romanorum, ubi in unius principatum concessere. Sed videtur tamen Grotius primatum illum secundum canones eundem facere cum regimine sedis Romanæ, quod iam commune statuit debere esse omnium orbis Ecclesiarum, ut redintegretur male facta earum gratia, ac concordia. Nam statim subjicit, *Melanchthonem quoque fateri eum primatum etiam necessarium esse ad retinendam unitatem.* Ergo primatus Papæ secundum canones, & regimen quod ad unitatem retinendam vult omnium commune esse Grotius, idem est. Factam rem habemus, composita pax est, discordia abolita. Grotius & Melanchton idem dicunt, & nos eis accedimus. Eamus securi iam nos Batavi Romam. Ibi Papa est primus tantum Episcopus. Quis illi secundus quis tertius in Europa Episcopus? Dum hoc quærimus iam Romæ sumus, iam de Episcopo eius salutando cogitamus. De more salutandi consultamus. Iam di-

didicimus quod principibus crepidam porrigat osculandam. Quid igitur nobis fiet tenuis sortis homunculis? Quā partē corporis offeret ad osculū? Vaticani montis Echo pro responso syllabas duas ultimas resonans iterat, priorem etiam producendo. Abeamus igitur curriculo, ac demissis manibus, primum illum Episcopum, cum Roma sua & beatorum pedum osculis relinquamus. Nullus Episcoporum præter hunc primum hoc facit, nec fecere primi Romanorum Episcopi. Nihil etiam Romæ habemus quod agamus, nec mille annorum indulgentias quærimus. Alio modo, prospeximus ne his opus habeamus, Papam qui eas dat expungendo; & ipsius purgatorium cuius gratia dantur, expurgando. Vt iam serio agam, non subdolum esse dicam aut malignum, sed potius ridiculum, quod hic ait Grotius de primatu Papæ secundum canones. A poëtica sua mutatus est hanc extenuationem, quæ de elephanto muscam facit, & de gigante pusionem. Hodie Papa non supra Episcopos tantum est, & Archiepiscopos,

pos, & Patriarchas, sed etiam suprà principes, reges, imperatores, vice Dei, pæne Deus. Et tu nobis eum pro primo Episcopo secundum canones dabis? Apage te. Ipsi Papæ te deridendum hoc modo præbes, & si Romæ esses nunc vivus, nihil tibi prodesset hæc opera quam pro illo navas, de restituendis in eius ovile omnibus ovibus aberrantibus, sed fidiculis à te exprimeret veram de sua potestate non limitata, & scientia falli nescia, confessionem. Canones autem illos tuos quibus ei primatum assignatum doces obsoletos pridem esse, vanos, putridos rancidos & nihili, te doceret. Te nescire diceret quibus temporibus vivas, apparere te novitium esse Catholicum & in doctrina Romana catechumenum. Tum si favorabiliter tecum agere vellet pro aliis tuis meritis erga sedem Romanam & quia regius legatus fuisti, instruendum te in aulam iunioris alicuius Cardinalis daret, ubi disceres vel minimum hodie Cardinalium, etiam presbyterum, etiam diaconum, supereminere omnibus Archiepiscopis

pis. Ideo & *Eminentissimi* proprio titulo dignitatis vocantur. Quod nunquam ulli primo Episcoporum vel Archiepiscopo datum fuit. Quod vero ad Melanchthonē attinet, ita probat primatum in Ecclesia, ut aliud velit primum esse Episcopum, sive *primatum habere inter Episcopos*, aliud *supra Episcopos esse*. Id enim impense improbavit una cum aliis reformationis auctoribus. Sic enim in epistola ad Norimbergensis Ecclesię pastores scripsit, cui & subscripsere cum eo Martinus Lutherus, Iustus Jonas, & Iohannes Bugenhagius, *Ad has adiungimus hoc quoque. Nunquam probaturi sumus Pontificis Romani potestatem quam sibi sumit supra ceteros Episcopos*. Multo minus eam probavissent quā sibi adrogat supra reges & imperatores. Non est ille *primatus*, sed plane *suprematus*. Primatus autem secundum canones, non alius est à primatu ordinis, qui primū aliquem nimirum facit in eodem ordine, hoc est inter eiusdem ordinis Episcopos. At nullus hodie primatus talis, respectu Romani Episcopi sive Papæ. Non



est quippe ullus ordo Paparum, inter quos, ut eorū ordinis primus, primatū queat obtinere. Nemo illi par, aut proximus, qui & secūdus à primo ita dici possit, ut ille omniū primus. Si res spectetur, ut nunc sese habet, nō primus est Episcopus, Papa, sed Ecclesię Monarcha. Si ius ipsum exigatur, ne primatum quidē secundum canones obtinere debet. Canones illi, regulę quidē fuere sat bonę, & temporibus quibus sunt conditæ, congruentissimæ. Unicum sub uno principe fuit tū imperiū orbis Romani & Christiani. Imperii illius Roma fuit prima urbs, utpote sedes imperialis. Ideo canones eius Episcopo primatum detulerunt, ut primæ urbis imperii. Ubi porro imperium in duo divisum fuit, Orientale & Occidentale, Orientalis partis primæ urbi ad idē instar ab iisdē canonibus primatus adiudicatus est in Oriente, ut Romano in Occidente datum fuerat, qui nimirum alter ab illo esset. Occidentis autem imperio abolito, solus primatū Episcopus ille qui novæ Romæ præsidebat, id est, Constantinopolitanus, vindicare coepit. Nā  
cum



cum nullū esset amplius imperiū in Occidente, ne Roma quidē pro prima sede eius imperii quod nullum esset, merito haberi debuit. Manente porro hodieq; Orientis imperio sub uno domino, qui sedē habet Constantinopoli, Episcopus Constantinopolitanus primatū suum inter omnes Orientaliū Ecclesiarū Episcopos potest ac debet etiam nunc retinere. Occidentale autē cū in tot ac regna principatus ditionesq; divisum fuerit pridem, nulla ratio ferre potest ut unus præponatur primatus nomine omnibus eorum regnorum ac principatuum Ecclesiis, quia nec unus in temporalibus omnes eas Occidentis ditiones princeps nunc regit. Unitatem porro in temporalibus subsequitur etiam ut plurimum unitas in spiritualibus. Ecclesia quippe ita in republica est, ut pars eius sit. Cū respUBLICÆ autē diversæ à diversis dominis ac principibus potestate summa & independente administrantur, non est iustum, ut earum partium ditiones quæ diversos agnoscunt reges in sæcularibus, in Ecclesiasticis unum aliquem

# 84 SIMPLICII VERINI

omnes patiantur. Ecclesiastica res cuiusque reipublicæ non debet sub alio censi domino atque ipsa respublica cuius pars esse dignoscitur. Inde enim eveniret, ut rex aliquis vel princeps potiore ac nobiliore sui regni vel principatus parte, id est Ecclesia, nō uteretur ad obsequium facili & fideli, quia alteri pareret domino. Hinc multæ turbæ fierent, & pax nunquam esset inter Ecclesiam & Rempublicam. Etenim ubi reges & principes Christiani propter diversa διαφέροντα exortis similitudinibus sæpenumero ad arma prorumpunt, & inter se belligerantur, primus ille Episcopus qui prærit omnibus Ecclesiis Christianitatis, si duo reges bello se appetant, quas partes sequetur, aut pro quibus stabit? Si bonus sit, inquires, neutras fovebit. At hoc fieri per rerum naturam non potest. Idque abunde docuit hætenus experientia. Nunc qui Papa est, hoc est, ut vult Grotius, qui primatum habet secundum canones, totus Hispanis favet, & factione Hispanica ad hunc primatum promotus est. Quos Galli protegere ac defen-

defensare student, eos omnibus modis depressum it, fortunis ac dignitatibus spoliat, nullo respectu regis Galliæ, qui eos in fidem suam ac clientelam recepit. An æquum est ut Gallipatienter hoc ferant & pro Patre communi eum habeant, ac primo suorum Episcoporum, qui discessit in partes, & tam hostili & infenso animo adversum eos se gerit, eorumque hostes suo favore tuetur? Umbra Romani veteris in Occidente imperii intra Germaniam hodie subsidet. In omnibus eius Ecclesiis unius primatus utcumque posse tolerari videtur, dummodo primatus sit qualem exigit Grotius, secundum canones. Hic est etiam quem probavit Melanchthon, & ad unitatem retinendam necessarium putavit. Ibi unus in temporalibus dominus agnoscitur. Ibi etiam unus primus in ordine Episcoporum posset agnosci. Sed ut regnorum & principatuum rerumque publicarum diversarum universæ Ecclesiæ ab uno regantur, id fieri sine earum detrimento & perniciæ vix queat. Quod multis experimentis esse

verissimum semper agnitum est, & nunc abunde sentitur. Vnaquæque regna suum habeant primatē, qui nō magis ab alterius regni Primatē depēdeat, quam rex ipse, in cuius regno Ecclesiis præsidet, ab alio rege. Ut inter reges ipsos primatus est, quia etiā ordo est, ita inter regnorū Ecclesiasticas Primates esse debet. Ei primatus dabitur, cuius regni prærogativa ex potentia vel antiquitate id mereri videbitur, si quando ex Ecclesia tota Concilium cogetur universale. Si de eo convenire non poterunt, quia sunt reges qui de ipso primatu contendunt, antiquior Primas eum primatum consequatur, aut concilium ipsum assignet. Sic Ecclesia nunquam caritura est Primatē & primatu, quem ita iudico necessarium, ut natura ipsa & ratio omnis ordinis non aliter poscere videatur. Vbicunque enim ordo est, hoc est, multitudo ordinata, ibi est primatus ordinis. Nulla collegia, nulla corpora qua Ecclesiastica qua sæcularia, quia sunt ordines, sine primatu sunt. Presbyterium antiquum & Apostolicum, ut suum semper

per habuit primum, ita & primatum, quem ordo antiquitatis tribuebat. Minor tamen quid eo primatu secundum canones facere cogitarit Grotius. Nam ad conciliationem quam animo agitabat haud magis est efficax quam pix aut cera liquefacta ad vitrum fractum reficiendum. An putabat Papam eo contentum fore? An credebat cum tali de primatu opinione receptum se iri si quando ad pulsandas Ecclesiæ fores venisset? Nunquam ei patuissent hanc sententiam afferenti, haud sane magis quam Milleterio, cui nec licuit terunciolum libertatis peculiarem sibi in hoc articulo reservare, quin omnia quæ retinere tētabat refundere cogeretur, & Papā totū qualis quantusque habetur advenerari, etiam cum diya Crepida. Idem omnino faciendum fuisset Grotio, & canones illos abiurare necesse habuisset cum primatu ipso, quos nunc ad unitatem tantopere necessarios nobis deprædicat. Primatus ille, ut anima est, unde abiit nunquā redibit. Pridē cum peperit Papatus, ad ventrem matris

nunquam regressurus est. Alio loco Grotius in isto libro clarius se de eo primatu explicat, & cum interpretatur, *qui salvo iure regum & Episcoporum Papæ sive Episcopo Romano conceditur, quem mos antiquus & canones & veterum imperatorum & regum edicta ei assignant.* Non puto Iesuitam illum qui hic excerpta ex eo libro plura publicavit sub Testamento Grotij, ut ostenderet Catholicum eum transisse à vita ad mortem, verba hæc cum reliquis excerptis. Nihil enim minus olent quam Romanitatem. Sed & quæ sequuntur in eadem pagina xv. non magis Romana videntur. Sic enim scribit: *Qui quidem primatus non tam Episcopi est quam Ecclesiæ Romanæ, cæteris omnibus prælatæ communi consensu.* Si Romanam Ecclesiam intellexit eo sensu quo nunc accipitur à Pontificiis de Ecclesia Catholica & universali, ut primatus hic eius sit non ipsius Episcopatus, ut si non, ex eo sequeretur, Ecclesiam quæcumque vellet & in quacunque parte orbis ipsi placeret eum posse collocare, Lutetia aut  
Lon-



Londino , aut Toletō , aut ubivis.  
 Sed apparet accepisse id nomen de  
 Ecclesia Romana particulari , cum di-  
 cat eam Ecclesiam cæteris prælatam  
 fuisse communi consensu. Nam gene-  
 rali ea appellatione omnes orbis Ec-  
 clesiæ dici atque intelligi Romanæ de-  
 berent. Si Romanæ igitur huius Eccle-  
 siæ particularis primatus fuit, non ipsius  
 Episcopi, quia prælata sit omnibus, quo  
 merito aut qua causa prælatam dicet?  
 Nempe propter urbis dignitatem quæ  
 prima erat imperii, & sedes imperialis.  
 Atqui cessante causa propter quam ei  
 datus est primatus Conciliarum cano-  
 nibus & regum Edictis, cessare etiam  
 debet effectus. Ubi enim iā illa Romæ  
 dignitas, primæ in imperio civitatis?  
 Cum imperio ipso utique evanuit. Sed  
 & illud quo animo legent aut acci-  
 pient Pontificii quorum gratiam vo-  
 luit demereri, quod negavit Episcopi  
 esse primatum, Ecclesiæ affirmavit?  
 Si hoc sit, ubi meritum Petri, ubi suc-  
 cessio quam tanquam palladium ser-  
 vant ac venditant potentiæ papalis Ro-  
 mani? Nusquam sane erit, si ius pri-  
 matus



matus non residere censebitur in Episcopo ipso, velut Petri Apostolorum coryphæi successore, sed in urbe ipsa, vel in Ecclesia propter urbem. Talis primatus revera, ut ibidem vere Grotius affirmat, *nullam affert servitutē*, sed omnes Papæ pennas recisas aufert, & nudum humi deponit, dū Papā tanquā Episcopum tantū primum in ordine exhibet. Quid fiet deinde Cardinalibus, si Papa fiat primus duntaxat Episcoporum, qui nunc Archiepiscopos quasi iure suo præcedunt? Nempe in ordinem Diaconorum ac Presbyterorum & ipsi redacti, ut Papa in Episcoporū, post Episcopos omnes regradabuntur. Quod an obtinere potuerit si vixisset, sane dubito. Quidquid sit, reddāt nobis Henotici, si possint, illum primatum secundum canones, & Papæ persuadeant, vel si persuaderi non potest, eum cogant contentum esse ordinis primatu, ut deinceps in ordine Episcoporum primus habeatur. Eo impetrato, vel patrato, statim Ecclesiæ Romanæ me reddam, non expectata reliquorum errorum emendatione.

Nam

Name ea spe me sustentabo, brevi fore,  
 ut & reliqua corrigantur, remoto om-  
 nis reformationis obstaculo, quod in  
 omnipotentia & infallibilitate Papæ  
 defigitur. Ut omnipotentiam illam  
 eleuet vel eludat, & omnē eius formi-  
 dinē nobis de ea adimat, ad Parlamen-  
 ta ridiculē nos remittit Gallicana, quæ  
*sentiunt, iis Paparū decretis se non teneri,*  
*quæ sacris Scripturis secundum consensum*  
*Patrum intellectis aut conciliorum pa-*  
*trumve constitutionibus in Gallia receptis*  
*repugnant.* Parlamenta Galliæ hoc sibi  
 negotii datum credāt, ut revera datur,  
 ut iura regum suorum tueantur adver-  
 sus Paparum invasionem. Ideo eorum  
 decreta pro nullis habeant, quæ contra  
 regum maiestatem faciunt. Ipsi quo-  
 que Episcopi Galliarum idem facere  
 tenentur pro libertate Gallicanæ Ec-  
 clesiæ, & quæ eam imminuunt Ponti-  
 ficum Romanum statuta, nihili, pende-  
 re. Nos vero quibus nostræ conscien-  
 tiæ libertatem curæ esse oportet, & sa-  
 lutem nostram re omni esse cariorem;  
 quæ ab Evangelio Christi pendet & in  
 eius veritate tota sita est, quidquid de-  
 creve-



crevere Papę quod ei veritati repugnet pro nihilo habere debemus, & talium decretorum fanciendorum potestatem in eo deprecari & abominari. Hoc est Papam tollere, facultatem ei eripere statuendi quod velit, & Christi institutis contraria instituta ponēdi. Nescit vero quid velit Grotius. Modo eam potestatem summam prorsus tollit, ad primatum secundum canones eam reducendo, modo minuit exemplo Parliamentorum, qui eam diluunt, atque ut vulgo barbari loquuntur, *modificant*. Sed nisi meracam agnovisset, frustra ante valvas Divi Petri Romę stans, petisset se recipi. Explosus æque fuisset dimidium confessus atque illi qui totum negant. Sed ut hypothesei ferviret, & proposito conciliationis se accommodaret, delinificis verbis terrificam illam potentiam fuit mollienda. Ita Diabolus, ne absterreat quos inducere vult, nec cornua nec caudam iis ostentat, & quam blandissima potest facie se exhibet. Sic Papam nobis repræsentat Grotius absque cornibus supremę illius in Ecclesiā potestatis,

tis & sine cauda huic annexa infalli-  
 bilitatis. Sed quidquid faciant illi, qui  
 Grotium sequuntur, nunquā efficient  
 ut cum Papa, qualis est, conciliationem  
 nobis persuadeant, aut cum eo qualem  
 exhibēt eam Pontificiis adprobent. Ita  
 vel ipso teste Grotio convincā, nullam  
 posse pacem inter diffidentes de reli-  
 gione Ecclesiæ redonari quamdiu sta-  
 bit Papa, qualis à suis habetur, & qua-  
 lem se haberi vult. Nam cum eum nu-  
 dum nobis cum primatu ordinis ad  
 conciliationem proponat Grotius, &  
 eum solum primatum secundum ca-  
 nones necessarium ad unitatem iu-  
 dicet, ex eo colligimus non auctorem  
 nobis futurum, ut ei reconciliemur,  
 admittendo supremam eam & tyran-  
 nicam potestatem, qua sese extulit non  
 solum supra capita omnium Episcopo-  
 rum & Patriarcharū, sed etiam Regum  
 & Imperatorum. Ita quantum ad hunc  
 articulum de Papa, vana est spes omnis  
 cōciliationis, quæ cū effectu procedat.  
 Alterutrū est evincendū, ut aut nos ty-  
 rannidē Papæ qualis est cervicibus no-  
 stris iterū imponi patiamur, quod nec  
 sua-

suadeat Grotius, aut ut Papa potestate illa infinita deiectus ad primatū secundum canones se reduci patiatur, quod nunquam ille facturus est. Sed ponamus, ex duobus hoc unū quod probat Grotius, tam facile factū esse quam ille putavit, immo iam factum, ut primatū ordinis Papa fit contentus, & nos tales agnoscamus, ut ipse de me promisi. Nondū tamen ex ea conciliatione pax speranda solida foret. Vt aqua in incili, sic in articulo de Eucharistia adhuc hēreret. Quæ enim communio potest esse inter dissentientes circa illud ipsum quod unicum inter Christianos communionis vinculum esse debet? In illo quippe sacramento percipiendo non solum fideles cum Christo coniunguntur, dum participes fiunt eius corporis & sanguinis, sed etiam fidelium inter se fit coniunctio. qui eodem corpore & sanguine participant, eundem vitæ panem fumentes, & ex eodem calice bibentes. Ita qui eodem pane vescuntur ad eandem mensam, magnam ostendunt vitæ societatem & animorum coniunctionem. Inde &

*com-*

*companis* vel *companionis* vocabulum pro socio mille abhinc annorū Latinitas recepit, quasi *συνάπτοις* dicas, quos & *συσίτοις* Græcia appellavit, qui eodem convictu consociarentur, eodem pane atque eadem mensa uterentur. Eiusdem quoque vini & poculi usurpatio eandem conciliat inter utentes concordiam, quia non sine potu victus constat, & cum pane communi, etiam poculi inter commensales communio agitur. Sola etiam patera communicata inter plures fœdera olim sancita legimus, societates initas, amicitias contractas, & conspirationes firmatas. In Catilinaria vino sanguine mixto plenam inter coniuratos circumlatā fuisse memorat Sallustius. Hodie quoque sponsalia sic confirmantur, sponso & sponsa ex eodem calice haurientibus. Aristoteles in Politicis primam & arctissimam *κοινωνίαν* constituit unius familiæ sub uno tecto, eidem mensæ assidentium, fratrum & sororum cum patre & matre. Charondas, eodem tecte philosopho, *ὁμοσιπύρις* vocabat, id est, eodem pane vescentes. Nam

σινύρι



πτόν est vas in quo panis reponitur. Ἀρ-  
 τήκω Grammatici interpretantur. E-  
 pimenides eosdem ὀνομάζοντες vocabat,  
 ab equis ducta metaphora, qui ex eo-  
 dem præsepi hordeum comedunt. An-  
 tiquo enim Græco vocabulo κᾶπη est  
 præsepe, à verbo κᾶπτειν, quod est com-  
 edere. Atque inde κᾶπητὰ, equorum  
 pabula. Christiani veteres fratres sese  
 invicem appellarūt propter istam κοινω-  
 νίαν qua eodem pane vescebantur, tam  
 sacro & sanctificato in corpus Christi,  
 quam profano & usuali. Nam in eadem  
 mensa utrumque participabant. Aga-  
 pæ ad hoc instituta convivium ab Apò-  
 stolis, quibus communem cibum ca-  
 piebant in tēplis Christiani illius tēpo-  
 ris, & post cibum sumptum cœnæ do-  
 minicæ, id est, Eucharistiæ participes  
 fiebāt, sicut institutio Christi postula-  
 bat. Istæ Agapæ certo tēpore usurpādæ  
 permāserunt usq; ad Chrysostomū, sed  
 in his præpostero tū institutionis or-  
 dine à cœna sacra, id est, ab Eucharis-  
 tia incipiebāt, & postea profanā sume-  
 bant. Indè etiā Ἀγάπη pro Eucharistia  
 in Epistola Ignatii ad Magnesios, &  
 ut att-

ut audio , etiam in passione Perpetuæ martyris , quæ in bibliotheca Vaticana servatur. Paulus eiusmodi Ἀγᾶπην vocat Κυριακὸν δῆπνον , *Cœnam Dominicam* in Epistola ad Corinthios priore cap. xi. vers. xx. Qui igitur de uno pane participabant , unum corpus constituebant , & unam Ecclesiam. Idem Paulus in eadem Epistola ad Corinthios prima, cap. x, v. xvii. ὅτι εἰς ἄρτον ἐν σῶμα οἱ πολλοὶ ἐσμεν. οἱ γὰρ πάντες ἐκ τῆ ἐνὸς ἄρτου μετέχομεν. Breviarium fidei adversus Arrianos auctore incerto, sed antiquissimo , *Dicit Apostolus de Ecclesia , quoniam unus panis , unum corpus multi sumus. Quia sicuti ex multis granis unus panis efficitur , ita ex multis populis una Ecclesia congregatur.* Non hanc rationem similitudinis reddit Apostolus , cum unus panis , & unum corpus multi essent, quia ex multis granis unus panis. efficeretur , sed quod ex uno pane omnes participarent. Idque ostendit ibidem ipse Paulus exemplo Israelis, apud quem una vescentes carnibus victimarum , participes esse & καὶ τῶν ἁγίων altaris credebantur. Βλέπετε,

G inquit,

inquit, τὸν ἰσχυρὸν καὶ σάρκα, ἔχοντες οἱ ἐκείνοι-  
 τες τὰς θυσίας, κοινωνοὶ τῆ θυσιασθείης εἰσι;  
 Ergo *κοινωνία* dicitur de plurium com-  
 munionē ac societate, qui ex eodem  
 pane & cibo edunt, de eodem poculo  
 bibunt. Hinc & Eucharistia dicta *com-  
 munionē* & *κοινωνία*, quod à pluribus simul  
 communicantibus eidem pani & ei-  
 dem calici sumeretur. Respectu quip-  
 pe ipsorum communicantium una fi-  
 delium, & hoc uno communionis vin-  
 culo inter se coniunctorum, id nomen  
 accepit, sed & Christi ipsius ratione, cu-  
 ius corpore & sanguine participabant.  
 Duplex coniunctio in hoc sacramento  
 intervenit, omnium simul fidelium, qui  
 eiusdem pabuli divini consortes fie-  
 bant ex eadē mensa id sumendo, & sin-  
 gulorū cum Christo, qui per participa-  
 tionē corporis eius & sanguinis cū ipso  
 uniebantur. Hæc ergo unio singulorū,  
 cum Christo virtute & beneficio huius  
 sacramenti propria fuit, omnium vero  
 qui eo beneficio in eadem mensa frue-  
 bantur, communio. Illa *ἑνωσις*, hæc *κοινω-  
 νία*. Generaliter quidem omnes ubi-  
 cunque terrarum fideles, quibus hoc  
 idem

idem sacramentū cōmune est, eadem etiam communione teneri censentur, sed præcipue & proprie sumpta hæc vox strictiori notione de his dicitur, qui unum corpus speciale Ecclesiæ constituentes ad eandem mensam simul communicant, & in eodem templo. Hinc & *communio* absolute pro Eucharistia. Sic intelligendæ eæ loquutiones in antiquis Conciliis Latinis, ut Eliberino & aliis, *communione accipere, suscipere, dare, præstare, impertire*, pro Eucharistiam dare & accipere. Nec audiendus Episcopus Aurelianensis, qui omnibus illis locis *communione* interpretatur, fidelium absq; Eucharistiæ participatione societate. Ita κοινωνία etiam Græci acceperūt, ut Pseudo-Dionysius notavit, qui Eucharistiæ sacramentum nomine κοινωνίας & συνάξιος dictum esse censet, quod nos cum Deo coniungat & συνάγη. καὶ ἐνταίως, inquit, ἀινηγούται κοινωνία & συνάξις ἐκάστης ἱεροτελεστικῆς πραγµατείας καὶ τὰς µειζὰς ἡµῶν ζωὰς εἰς ἐνοειδῆ θείωσιν συναγούσης, καὶ τῇ τῶν διαιρετῶν θεοειδεῖ συµπύζει τὴν πρὸς τὸ ἐν ἑνώσει δωρηµένης. V-

tramque coniunctionis rationem tangit, & quod divinitati nos conciliet & cum ea uniat, & quod fideles invicem consociet, & in unum corpus colligat. Vtraque ratio militat in hac appellatione Eucharistię, quia utraque in ea communio exigitur, fidelium inter se omnium, & singulorum cum Christo. De priore Paulus in illis quę supra adduximus, ὅτι εἰς ἄρτος, ἐν σώμα οἱ πολλοί ἵσμεν. οἱ γὰρ πάντες ἐκ τῆ ἑνὸς ἄρτου μετέχομεν. *Quoniam unus panis, unum corpus multi sumus, nam omnes de uno pane participamus.* De posteriore idem Apostolus in priore ad Corinthios x. xv 1. ὁ ἄρτος ὃν κλῶμεν ἐν κοινῳίᾳ τοῦ σώματος ἡμετέρου; Idem & de calice ibi dicit. Inde ille panis de quo omnes participamus & quod in unum corpus nos colligit & congregat, quique nos cū Christo συνσώμους facit, κοινῳίας & communionis nomine appellatur, quia κοινῳοὶ sunt eius divinitatis omnes fideles, qui de eo participant. Hinc & *communio Dominica* vocatur in Eliberino Concilio Can. 111. *Placuit ulterius, his non dandā esse communionem, ne lussisse de Dominica commu-*

*commu-*

*communione videatur.* Quo loco idem Episcopus Aurelianensis etiam fallitur, dum de simplice communione interpretatur, quod est ius in societate & corpore fidelium. Nam & *panis Dominicus*, & *cæna Dominica* passim vocatur. Itē ἐφ' ὅδιον διαποικὸν, *viaticū Dominicū*, in canone Nicæno. In eam opinionem inductus videtur canone v. Concilii Ancyranī, sicut Latine redditus est à Dionysio Exiguo, *Si compleverint pœnitentiam triennii temporis sine oblatione suscipiantur ad communionem, id est, ut ipsi non offerant.* In Græcis non est nomen κοινωνίας. Quod nunquam absolute legitur apud Græcos quin intelligatur de Eucharistia. Cum vero κοινωνία δὲ χῶν dicunt, aut κοινωνῆσαι δὲ χῶν, de iure consistendi in Ecclesia accipiunt, quod pœnitētibus quarti gradus concedebatur, ut interesse possent orationi, priusquā ad communionē reciperentur. Quod τὸ τέλειον appellabant. In illo autem Ancyrano canone sic habent Græca, τῷ τρίτῳ κοινωνήτωσαν χωρὶς προσφορᾶς, ἢ αὐτὸ τέλειον τῇ τελευτῇ λαβῶσιν. *Tertio anno communicent sine oblatione,*



latione, id est, sine Eucharistia, ut quarto demum sacramentum percipiant. Ibi *προσφορὰ* Eucharistia est, ut *προσφέρειν* & offerre absolute sæpe ponitur Græcis Latinisque pro Eucharistiam conficere. At Dionysius Exiguus *προσφορὰν* ibi accepit de oblatione privatorum qui diebus Dominicis solebāt dona ad altare offerre. Ita enim ipse explicavit in eodem canone, *Sine oblatione suscipiantur ad communionē, id est, ut ipsi non offerant*, id est, ut eorum dona ac munera quæ obtulerint altari, non recipiantur. Ab excommunicatis omnino non recipiebantur dona, quæ offerebant in Ecclesia. Sed an aliqui ad communionem admittebantur, quorum tamen munera oblata altari repudiarentur? Ita intellexit Exiguus, & idem vocem *communione* eo sensu posuit, quo vulgo accipi solebat, cum absolute sumitur pro Eucharistia. In Græco tamen *κοινωνία* ὁ χῶν accipere debuit, quæ sit sine *προσφορᾷ*, id est, sine perceptione Eucharistiæ quæ *προσφορὰ* dicitur. Erraverit itaque, nec recte cepit quænam esset *κοινωνία* χωρὶς *προσφορᾶς*.

φοεῶς, nisi quis dicat verba illa nō ipsius  
 esse, sed ab aliquo sciolo inserta, *ita ut*  
*ipse non offerat.* Certe κοινωνία αἰνῶ, aut  
 χεῖς προσφοεῶς, est communio, ut  
 ita dicam, sine communicatione. Sola  
 precum communio eo nomine intelli-  
 gebatur, quæ Græcis patribus κοινωνία  
 δὲ χεῖν dicitur, ac poenitētibus in quarto  
 gradu quem σύστασι appellabant, indul-  
 gebatur, ut orationis & precum essent  
 participes, cæterum sine προσφορᾷ, hoc  
 est, sine communicatione oblationis si-  
 ve Eucharistiæ, quæ & προσφορά & ἀνα-  
 φορά dicebatur. Basilius de poenitenti-  
 bus Epistola canonica III. can. xxiv. τῷ  
 δὲ κατὰ τὴν τέταρτην τῶν πέντε δὲ χεῖν δεχθήτω  
 χεῖς προσφοεῶς. Et canone xxxi. de  
 hoc eodem quarto poenitentiæ gradu,  
 καὶ δὲ ὑπὸ ἄλλοις αἰνῶ προσφορᾷς ἐς τέλος κοι-  
 νωνίαν προσδύχῃς ὡς δεχθήσεται. Quod  
 & alibi occurrit. Græci alii hanc σύστα-  
 σιν ita describunt, ὁ γὰρ συνιστῶς συνίσταται  
 μὲν μὴ τῶν πέντε, ἐκ ἀξιώσεως δὲ τῆς θείας κοι-  
 νωνίας. Dionysius Alexandrinus in Epi-  
 stola ad Xystum apud Eusebium lib.  
 vii. cap. ix. hoc vocat συνιστῆσαι ταῖς  
 προσδύχαῖς. Multum igitur differt θεία

κοινωνία, quæ & absolute κοινωνία dicebatur, ab ea quæ κοινωνία θεωρουμένης vel κοινωνία χωρίς θεωρουμένης vocabatur. Cū legimus κοινωνίαν vel communionem absolute dictam, de ea accipi debet, qua cōmunicatur Eucharistiæ, non precibus solis & orationi Ecclesiæ. Chrysostomus in Epistola ad Acacium, ὁ κύριος μὲν τὸ διπλῆσαι κοινωνίαν ἰδὼν, communionem dedit Συνάξις autē etiam Græce appellata est Eucharistia, non quod nos cum Christo iungat, sed quod populus fidelium ad eam participandam colligatur & conveniat. Hoc enim συνάγωγα est, convenire & colligi in unum. Inde & συναγωγή Iudaica appellata eadem notione. Vnde ἀσυνάκτω pro excommunicato & cui non licet ad Ecclesiam venire & cœtibus fidelium interesse, ut particeps cum iis sit & κοινωνὸς Eucharistiæ, ut ἀποσυνάγωγος Iudæis dicebatur, à Synagoga eiectus. Ita ergo συνάξις & κοινωνία idē, pro Eucharistia, quia conveniebant, id est, συνήγοντο, ut eam percipere possent. Paulus in Epistola ad Corinthios priore cap.

XI. συνερχομένων ἐν ὑμῖν ὅτι τὸ αὐτὸ, ἐκ

ἡ κυριακὸν δεῖπνον φαγεῖν. Id est; συναγο-  
μένων. Iustinus Martyr vocat συνέλυσιν  
Apolog. 11. Τῇ δὲ τῷ ἡλίῳ ἡμεῖς πάντες  
τὴν συνάλυσιν ποιῶμεν, id est, τὴν σωά-  
ξιν. Certe *collectam* Latini reddidere,  
quæ Græcorum est σωάξις. Vnde *col-  
lectam tenere* idem quod *Ecclesiam te-  
nere*, in Concilio Emeritensi, & in E-  
pistola Hieronymi adversus Iohannem  
Hierosolymitanū, *nonteneret Ecclesiam*.  
Dicebant & *tenere missam*, quia *missam*  
pro congregatione & Synaxi usurpa-  
runt. Vt Græcis σωάξις pro cœtu  
collecto ad Eucharistiæ communican-  
dum, ita etiam Latinis *collecta*. *Colle-  
ctam* autem & *missam tenere* dicitur,  
ut & Ecclesiam qui præsens est dum  
Eucharistia celebratur. Vt apud Cæsa-  
rium Oratione XII. *Usque quo oratio  
Dominica dicatur & benedictio populo de-  
tur, humiliato corpore & compuncto corde  
debet Ecclesiam tenere*. Ita enim ibi scri-  
bendum non, *in Ecclesia se tenere*. Ec-  
clesiam tenet qui usque ad finem pera-  
ctæ sollemnitatis in Ecclesia manet.  
Ita & *prætorium tenere* & *concionem di-  
xere*. Sic *missam etiam tenere*, in Con-

cilio Braccarenſi primo, *Si quis quinta feria Paſchali quæ eſt Cæna Domini hora legitima poſt nonam ieiunus in Eccleſia Miſſam non tenet.* Ita in Concilio Agathenſi, *Miſſas die Dominica ſecularibus tenere ſpeciali ordine præcipimus, ita ut ante benedictionem ſacerdotis regredi populus non præſumat.* Idẽ præcipitur iſto canone quod Cæſarius in homilia ſua præſcribit. Nam eodẽ ſenſu ille *Eccleſiam tenere* dixit quo patres iſti *Miſſam tenere.* Quod autẽ nulli olim eiufmodi fidelium cœtus & collectæ fierent, niſi ad Euchariftiam participandam, ideo & *συνάξις* pro ipſa Euchariftia, ut *communio* vel *κοινωνία*. In Epiſtola Timothei *συναχθῶαι* dicitur qui ad communionem admittitur, & *ἀπὸ συνάξεως χαρίζεσθαι* qui ab ea arcetur. Dionyſius non Areopagita, antiquus tamen auctor, *μυστήριον συνάξεως, ἢ ἰεροῦ κοινωνίας.* Chryſoſtomus Homilia xxvii. In Epiſtolam ad Corinthios priorem cap. xi. *καὶ τῆς συνάξεως ἀπαρτιάσεις, μὴ τίνε τῶν μυστηρίων κοινωνίαν.* Vt autem Græcis *συνάξις* pro Euchariftia ponitur, ita & Latinis *collecta* & *miſſa*, quæ idem ſignificant.

ficant. Hinc *missam facere*, pro Eucharistiam facere vel conficere, & *sacramenta conficere*. Sic enim dixerunt & Latini auctores οἱ ἑσθῶν, *sacra facere* & *conficere*. *Panem facere*, & ἀρτον ποιεῖν, etiam sacri scriptores. Ambrosius in Epistol. xiii. ad Marcellinam sororem, *Ego mansi in munere, missam facere cæpi, dum offero, raptum cognovi castulum quendam*. Hoc dixere & *Collectam facere*. Vt in Epistola Epiphanii ad Iohannem Hierosolymitanum ex versione Hieronymi: *Quando simul pergebamus ad sanctum locum cui vocabulum Bethel, ut ibi collectam ex more Ecclesiastico tecum facerem*. Paulo post celebrare *collectam* pro eo posuit: *Cum igitur celebrarem collectam in Ecclesia villæ quæ est iuxta monasterium nostrum*. Liberatus in Breviario cap. xv. 1. Vt *neque collectas, neque baptismata hæreticos sineret celebrare*. Inde & per abusum posteriores orationes missæ dixere *collectas*. Unde istæ porro loquutiones in usum venerunt? Quia nunquam in primitiva Ecclesia Eucharistiæ sacramentum celebrabatur, quin omnes qui adessent,



108 SIMPLICII VERINI  
essent, eidem communicarent. Nul-  
la unquam Synaxis fiebat sine commu-  
nionem omnium qui intererant. Si quis  
nollet communicare eo die quo con-  
ventus fidelium agebatur, quod pro-  
pria conscientia nondum satis exa-  
minata & probata eum à communione  
prohiberet, aut quod sibi odii vel si-  
multatis adversus fratrem conscius ef-  
ficeret, aut si aliam quamcunque causam  
non communicandi haberet, non sole-  
bat cum aliis ad Synaxim conveni-  
re. Quia autem solvebatur ieiunium  
sumptione Eucharistiæ, si qui etiam e-  
rant qui sibi privatim particulari ab-  
stinencia ieiunare voluissent, non ad  
Ecclesiam accedebāt, ne votum viola-  
rent communionem accipiendo qua  
solvebatur ieiunium. In tali tamen ca-  
su Tertullianus modum reperit quo ut-  
rique muneri satisfaceret, ut nempe  
qui votivum ieiunium & spontaneum  
suscepisset, nihilo secius ad Eucharistiæ  
celebrationem accederet, & eam ac-  
ciperet sed domum ferret & reserva-  
ret donec tempus dissolvendi ieiu-  
nii venisset. Verba Tertulliani in libro  
eius

eius de Oratione sic habentur: *Similiter & Stationum diebus non putant plerique sacrificiorum orationibus interveniendum, quod Statio solvenda sit accepto corpore Domini. Ergo devotum Deo obsequium Eucharistia resolvit, an magis Deo obligat? Nonne sollemnior erit Statio tua, si & ad arā Dei steteris? Accepto corpore Domini & reservato utrumq; salvum est, & participatio sacrificii, & executio officii. Loquitur ibi, ut ex præcedentibus apparet, de iis qui ieiunabant, sumpto per se propria ac privata devotione ieiunandi proposito, non ex imperio nec ex ordine Ecclesiæ. Legitima autem ac plena ieiunia, sive quæ ab Ecclesia indicerentur, sive quæ privata quis religione susciperet, non solvebantur nisi vespertino tempore ad exortum stellæ, ut loquebantur, & hora diei duodecima. Bis autem in septimana die Veneris & Mercurii multis in locis, ut in Africa tum, Stationes fiebant, quæ erant dimidiata, ut ita dicā, ieiunia, quæ hora nona resolvebantur, Quia hora conveniebant in Ecclesiam, ibique celebrata Eucharistia & accepta*

pta singuli domum redibant & coenabant, ad illud usque tempus ieiunii. Non alia autem de causa illis diebus solebant in unum convenire & Eucharistiā participare quam ut ieiunium ea hora finiendum, accepto Domini corpore, solverent. Longe autem errant viri docti, dum putant, illis Stationum diebus Christianos ab exortu solis in templo perstitisse usque ad horam nonā, orationi & verbi divini auditioni vacantes. Ad nonam quippe horā, aut paulo ante convenientes in templum, non plus tēporis in eo manebant quam Eucharistiæ celebratio teneret, ut ostendi facile posset, si hoc ageretur. Legitima autem & solida ieiunia ætate Tertulliani non ultra vespēram, hoc est, horam diei duodecimam & solis occasum, extendebantur, ut ex multis eiusdem auctoris locis constare potest. Posterior ætas longiora & austeriora habuit, quæ usque in mediam noctem protraherentur, & primum galli cantum. *ὑπὸ θύραις*, Græci nominabant, & Latini *superpositiones*. Ex eo igitur loco Tertulliani, quem supra ex libro

**eius**

reus de Oratione adduximus, luce li-  
 quidius apparet, nullos illis temporibus  
 interfuisse Synaxi sacrae qui non &  
 communicarent. Vulgaria, ut dixi, &  
 plena ieiunia, sive ab Ecclesia indice-  
 rentur, sive quis ea propria voluntate  
 capefferet, vespertino tempore termi-  
 nabantur. Stationes autem, quæ semi-  
 plena erant ieiunia Ecclesiæ statis die-  
 bus celebranda, & hora nona percep-  
 tione Eucharistiæ in Ecclesia solvi so-  
 lita, non usque ad vesperam protende-  
 bantur. Ideo si qui ex proprio voto ie-  
 iunarent illis diebus quibus Ecclesia  
 Stationes eas, sive ieiunia nō plena, ha-  
 bebant, non consueverant conventibus  
 iis intervenire, ne maturius quam par-  
 esset ieiunium suum votivum abrum-  
 perent. Hoc sibi minime probari Ter-  
 tullianus eo loco testatur, ut quisquam  
 ea de causa à coetu fidelium abstineret,  
 & Deus propter Deum relinqueretur,  
 sed vult eos adesse nihilominus, citra  
 ieiunii tamen sui violationem, cum &  
 huic satisfieri possit, & Ecclesiæ con-  
 suetudini, Eucharistiam accipiendo  
 & reservando, quam sumerent domi  
 exacta

exacta ieiunii integri quod ieiunandum suscepissent hora. Mos sane tunc frequens postilla fuit Christianis, ut qui propter istam aut aliam causam eo die quo Eucharistiæ omnes cōmunicabant fideles, eius participes fieri nollēt, suam panis particulam acciperent, & vini portiunculam, quas domum secum ferrent, & quando vellent sumerent. Quod de Gorgonia sorore narrat Gregorius Nazianzenus, & de aliis multis exempla sunt obvia apud auctores. Ea-que etiam confirmant, neminem tum frequentasse coetus Ecclesiasticos, cū celebrarentur sacramenta corporis & sanguinis, quin aut vere iis commu- caret in Ecclesia, aut accepta ad com- municandum reservaret ac domum ferret. De ætate Tertulliani, quod ita mos esset perpetuus, ut nemo sine communicatione synaxibus interesset, ipse testis est luculentus. Non minus clara res est, ita semper fuisse quamdiu poenitentia publica cum suis gradibus ac numeris in Ecclesia acta est. Eam vero Nectarii tantum tempore in O- riente abolefactam liquet, sub finem

quarti

quarti sæculi. Diutius in occidente retenta est. Duabus partibus per illud omne tempus constabat Synaxis, & ex duplici hominū genere. Alii communicabant, alii non. Non communicantium fuere Catechumeni & Pœnitentes, Cæteri omnes fideles præter hos communicabant. Non omnes autem Pœnitentes intelligo, sed eos qui iam quartū gradum attigerant, quem *οὐραν* vocabant. Hīs solis una cum fidelibus intra Ecclesiam eodem loco consistendi ius erat, ibique non solum audiendæ scripturæ sacræ lectioni interesse, sed & precibus quæ fiebant in ea Synaxis parte poterant cōmunicare. Ideo & *communione præcum* habere dicebantur, ut supra diximus. Sed multa hinc confusio potest oriri, nisi distinctius explicetur ea differentia graduum quibus Pœnitentes discernebantur. Latini etiam Græciq; vix possunt in his cōciliari, nisi accuratior adhibeatur horū explicatio & distinctio. Fefellit & Latinos vox *ἀρρώστια* & *ἀρρώμυδοι*, quæ de Pœnitentibus in secundo gradu consistentibus apud Græcos accipi-

H tur;



tur, quaiis sacram Scripturam tantum audire licuit intra regias Ecclesiæ admittis. Cum enim Latinis *Audientes* dicerentur Catechumeni, inde & Græci istos ἀκροαμύους, qui erant *audientes* quidem, sed Poenitentes & fideles, pro Catechumenis acceperunt. Hinc orare & stare inter Catechumenos de his Poenitentibus dicere solent, cum tamen apud Græcos non starent, nec orarent inter Catechumenos. Exhibant quidem cum Catechumenis, sed cum his non stabant. Canon xi. Nicæni Conclii, ἥτις ἔστι ἐν τοῖς ἀκροαμύοις ποιήσασιν οἱ πιστοί. *Tribus annis stabant inter eos qui audiunt fideles.* Id est, inter Poenitentes audientes. Vetus Scholon addit, ἔνθα καὶ οἱ κατηχούμενοι ἔστω. *Non enim sic & Catechumeni.* Gregorius Thaumaturgus ita hanc ἀκρόασιν Poenitentium exponit. Ἀκρόασις, inquit, ἐνδοθεὶς τῆς πύλης ἐν τῷ νάρθηκι, ἔνθα εἰσάναται καὶ τὸν ἀμαρτήσαντα, ἀλλ' εἰς τοὺς κατηχούμενους ἐστὶν ὁδὸς ἐξέρχεται. ἀκούων γὰρ τῶν γραφῶν καὶ τῆς διδασκαλίας ἐκβαλλόμενος, & μὴ ἀξιέμενος τῆς προσευχῆς. Ergo ἀκροαμύοι isti Poenitentes dicebantur, quod Scripturas

sacras

sacras audirent tantum & sermones  
 habitos ad populum doctrinæ gratia,  
 sed è suo loco exhibant cū Catechumeni  
 discederent, non una cum iis stabant.  
 Basilii tamē videri possit per ἀκροαμέ-  
 νας intelligere Catechumenos. De hoc  
 enim gradu ita scribit Epist. III. can. VI.  
 καὶ δὲ τίς αὐτοῖς τοῖς ἀκροαμένους δεχ-  
 θήσεται, καὶ ἐν παντί ἔτι σὺν μὲτ' αὐτῶν ἐξ-  
 ἰστέται. Post quattuor annos inter  
 Audientes recipietur, sed per quinque  
 annorum spatium cum iis egredietur.  
 Verū omnino tamen de Pœnitentibus  
 audientibus hæc sunt accipienda. Nus-  
 quam enim Græci Catechumenos vo-  
 care solent ἀκροαμένους, sed κατηχημένους  
 tantum. Concilii Laodicensi canone  
 v. vetatur ordinationem fieri ὁππότε παρὸν  
 σὶ ἀκροαμένων, *sub conspectu audientium*.  
 Audientes isti sunt Pœnitentes secun-  
 di gradus, non Catechumeni. Et omni-  
 no constat falli qui putant duos ordi-  
 nes fuisse in Ecclesia Græca Catechu-  
 menorum nominibus distinctos, quo-  
 rum alii dicerentur *genu flectentes*, alii  
*audientes* sive ἀκροαμένοι. Perperam id  
 colligunt ex can. XIII. Concilii Nicæ-

ni: ubi de lapsis Catechumenis statuitur, ut postquam per spatium annorum trium audiverint, id est, inter audientes ex Pœnitentibus fuerint, iterum admittantur ad orandum inter Catechumenos, ὥς τε ᾤων ἐ τῶν αὐτοῦ ἀκροασαμένων μόνον μὴ ταῦτα ὁρῶντες μὴ τῶν κατηχουμένων. Ex omnibus pœnitentiæ gradibus hic solum imponebatur peccātibus Catechumenis, ut inter audientes starent pœnitentes inter ianuam Ecclesiæ. Unus tamē tautum ordo fuit Catechumenorum hoc nomine. Nec aliud dicit canon IV. Concilii Neocæsariensis: κατηχέμενος ἐὰν εἰσέλθῃ ἐν εἰς τὸ κυριακὸν ἐν τῇ τῶν κατηχουμένων τάξει σήμερον. Unum hæc declarant fuisse ordinem Catechumenorū Ecclesiam ingredientium, & in ea orantium. Hos distinguit ab illis qui domi instruebātur ac discabant ea quæ sunt fidei, necdum recepti erant in ordinem Catechumenorum in Ecclesia publicè orantium. Hos Latini *Audientes* vocabant, quia audiebant Scripturam sacram in Ecclesia. Sed & *Competentes*, quia Baptismi erant veluti candidati. Vetustissimus Latinus inter-

interpretis huius canonis recte Catechu-  
 menum Latine interpretatur *Audien-*  
*tem. Catechumenus*, inquit, *id est, Au-*  
*diens, qui ingreditur Ecclesiā, & stat cum*  
*Catechumenis, si peccare fuerit visus, si-*  
*gens genua audiat verbum, sed ut absti-*  
*neat ab idolo peccati. Quod si in eo per-*  
*duret, omnino debet ejici.* Sed non asse-  
 quutus est mentem canonis, & legisse  
 videtur, γόυυ κλίνων ἀκροάδω. Putavit  
 enim, Catechumenos stantes in Eccle-  
 sia verbum audisse, & peccantibus hanc  
 irrogatam fuisse pœnitentiam, ut ge-  
 nu flectentes orarent. Quod falsum est,  
 cum verū sit contrarium. Canon cū iu-  
 bet ἀκροᾶσθαι Catechumenū qui pecca-  
 verat, stantē eum orare plane vult. Nā  
 ἀκροῶμενοι stantes verbum divinum au-  
 diebant. Et intra ianuam tantū Eccle-  
 siæ, non intra ipsam Ecclesiā, ut Cate-  
 chumeni. Ipsi autē Catechumenis genu  
 flexo audiebant verbum. Hinc legimus  
 apud Tertullianū, *Ingressuros baptismū,*  
*orationibus crebris, geniculationibus,*  
*ieiuniis & pervigiliis orare oportere.* Ca-  
 non igitur Neocæsariensis, cum qui ex  
 Catechumenorum est ordine, & in Ec-

clesia orantium de geniculis si peccet, ad ἀκροωμένους relegat, id est, ad secundum ordinem Pœnitētium, qui stantes Scripturam sacram audiebant, Hoc est quod dicit canon, γένυ κλίνων ἀκροάσθω, id est, cum de geniculis oraret, verbū stans audiat, & pro Catechumeno fiat Pœnitens secundi gradus. Nam statim adiicit, εἰ ἀνδὲ καὶ ἀκροώμεν ὁ ἐπὶ ἁμαρτή-  
 νη, ἐξωθείσθω. *Si Audiens adhuc peccare perseveret*, id est, in Audientium Pœnitentium ordine stans, *ab Ecclesia eiciatur*. Magna igitur differentia *Audientium* sive ἀκροωμένων Græcæ Ecclesiæ, & *Audientium* Latinæ. Et cum vetus interpres Catechumenorum exponat *audientem*, ineptum esset, nisi quis morē utriusq; Ecclesiæ discernat, *audientē* ad *audiētes* pro pœna peccati relegare. At Catechumenorum ad ἀκροωμένους, remitti, id est ad Pœnitētes secūdi gradus, rectum est. In ordine liturgiæ qualis traditur à Concilio Laodicensi can. xix. post Alloquutionē Episcoporum, quæ διδασκαλία dicitur Thaumaturgo, oratio fiebat super Catechumenos, & postquam Catechumeni egressi fuerāt  
 tum

tum super eos qui erant in pœnitentia preces fiebant. Ergo iuxta hunc ordinem prius Carechumeni exhibant, tum Pœnitentes. Sed notandum, proprie per Pœnitentes, τοὺς ἐν μετανοίᾳ ὄντας, ut ibi vocantur, debere intelligi Pœniten-tes tertii gradus. Μετανοία enim proprie de hoc gradu dicebatur, ut constat ex Epistola Basilii Canonica I. can. vi. ἔστι δὲ, inquit, ἐν τέλει τῶν ἑπὶ τῷ ὁρισμῷ τοῖς πορνείᾳ ἢ ἐπιτίμῃσι. καὶ τῷ πρῶτῳ ἔτι ἐκείλει τῶν πρὸς δούλων, καὶ πορομλαίει αὐτοὺς τῇ θύρᾳ τῆς ἐκκλησίας. τῷ δευτέρῳ διχθῶν εἰς ἀκράσιν. τῷ τρίτῳ εἰς μετανοίαν. τῷ τετάρτῳ εἰς σύσασιν καὶ τῷ λαῷ χαρὶς τῆς ποροσφορᾶς. Ergo ἀκράσις illa pœnitentium fuit in secundo gradu consistentium quibus audire modo licuit Scripturæ sacræ recitationem, & alloquutionis doctrinam. Qua peracta fiebat δὲ καὶ κατηχησμένων. Hæc erat *Missæ Catechumenorum* Latinis. His egressis *Missæ Pœnitentium* fiebat, quæ δὲ καὶ dicitur τῶν ἐν μετανοίᾳ ὄντων eodem canone Laodicensi. Sed de Pœnitentibus tertii gradus ea, ut dixi, proprie vocabatur, quæ & ὑπόπνοσις etiam ap-  
H 4 pellata.



pellata. Et quia peculiaris pro his oratio habebatur, ut & pro Catechumenis ideo passim in canonicis Græcorum Patrum scriptis, *ὡς ὑποπύσει προσδύχοντες*, vel *δ' ἐξάρχοντες* dicuntur. Dionysius Exiguus in versione Concilii Ancyrani *pœnitentiam agere*, loquens de his, proprie id vocat, & *ὑποπέειν* sic Latine reddidit, & *ἐν ὑποπύσει ὄντας*, *Pœnitentes*. Et hi sunt, ut dixi, de quibus proprie Græcis *τῆς μετάνοίας* vocabulum usurpatum. At, qui erāt in *ἀκροάσει* Pœnitētes, quique vocabantur *ἀκροάμενοι*, hi oratione non participabant. An quia cum Catechumenis exhibant, orationis quæ pro iis fiebat, fuere participes? Vix putem. Egrediebantur itaque ante Catechumēnos. Atque ita scribendum in Gregorio Thaumaturgo, *ἀλλὰ πρὶν ἢ τοὺς κατηχεμένους*. Et sane ita oportet. Nam subiungit, eos, postquam audiverint Scripturæ sacræ lectionē, ab Ecclesia eiici, *καὶ μὴ ἀξιῶσθαι προσδύχῃς*. Ergo ne orationi quidē Catechumenorum interesse poterant. Quin & vetus incertus auctor solos Pœnitentes tertii gradus una cum Catechumenis exire soli-

solitos dicit. Nihil tale autem scribit de secundi gradus poenitentibus. ὁ γὰρ ἐν ὑποπύσῃ, inquit, καταξιώνται μὴ συνίστασθαι ἐν τῇ ἱαῷ, ἐκφωνοῦντες δὲ τῇ διακόνῃ παρακληθεὶς τοὺς κατηχεμένους, συνιζήρχεται καὶ αὐτός. Non tamen eodem instanti cum Catechumenis exhibant, sed illis digressis oratio pro his habebatur, & tunc egrediebātur & ipsi, ut ex canone Laodicensi patet. Enimvero in Latinis etiam Ecclesiis Poenitentes illi secūdi gradus quos Græci vocant ἀκρομύνας, non expectabant catechumenorum missam, id est, κατηχεμένων δὲ χλῶ, sed prius discedebant post lectam Scripturam. Nam in Concilio Ilerdensi can. iv. expressis verbis Poenitentes usque ad Missam Catechumenorum in Ecclesia admittuntur. Verum de his alibi. Post ὑπόπῳσιν quæ & μετάνοια proprie, qui fuit tertius gradus poenitentium, sequebatur quartus, quæ & σύστασις, qua iidem Poenitentes in Ecclesia consistendi potestatem habebant cum fidelibus, & una cum his orationibus communicandi. Hæ orationes fidelium dicebantur. Ἐχὰς τῶν πιστῶν appellat

Concilium Laodicensem can. xix. Ternas fuisse dicit quas auspicabantur post digressum Poenitentium tertii gradus. His igitur precibus fidelium communicabant quarti gradus Poenitentes, qui κοινωνίαν ἔχων, ut diximus, habere dicebantur, id est, communionem precum sine oblatione, χωρίς προσφορᾶς. Quæ προσφορὰ intelligitur oblatio ipsa, sive confectio Sacramentorum & participatio. Ridiculi enim sunt Episcopus Aurelianensis cum Petavio, qui de alio genere oblationis interpretantur. An aliter προσφορὰν, intelligere possunt in his verbis Gangrensis Concilii can. iv. quam de sacrificio & Sacramento altaris? εἴπερ, ὁ χακρίοις ὡς ἀπορίσ-  
 ευτέρῃ γαλαμηκότητι ὡς μὴ χεῖμαι ἀφουργή-  
 σουντ ὅτι αὐτὰ προσφορὰς μεταλαμβάνειν,  
 ἀνάδικμα ἴσω. *Si quis discernat presbyterum qui uxorem habuit, quod non oporteat eo ministrante de oblatione percipere, anathema sit.* Item in Synodo Ancyrana can. xvi. ἐφ' ἧς τῆς προσφορᾶς & τυγ-  
 χάνειν τῆς προσφορᾶς, oblationem adipisci & consequi, non nisi de communione Sacramentorum possunt accipi. Diony-  
 sius

fuis Exiguus, *oblationis sacramenta con-*  
*tingere, & oblationis sacramenta perci-*  
*pere* Latine reddidit. Possem & alia  
 proferre testimonia. Sed hæc sufficiunt.  
 Ita certe τὴν ἁγίαν ποροσφορὰν ὅποτε λείδομαι  
 accipitur can. xix. Laodicensæ Synodi,  
 ubi post pacem datam invicem & acce-  
 ptam dicit τὴν ποροσφορὰν ἐπιτελεῖσθαι,  
 sanctam celebrari oblationem. Hinc igitur  
 satis intelligi potest quinam dicantur  
 habere communionem τῶν ὁχλῶν  
 χωρὶς ποροσφορᾶς, sine participatione, ni-  
 mirum sanctæ oblationis, id est, sacra-  
 mentorum corporis & sanguinis Domi-  
 nici. Precibus igitur finitis fidelium,  
 quibus participabant Pœnitentes quar-  
 ti gradus, illi qui erant ἐν συστάσει, dis-  
 cedebant, & tum pacem sibi invicem  
 dabant fideles, præparantes se ad com-  
 munionem. Cyrillus duas habet cate-  
 cheses de sacramento Eucharistiæ,  
 priorem & posteriorem, in numero  
 catechesium quartam & quintam.  
 Prior ea continet quæ poterant audi-  
 re, & quibus interesse ius habebant,  
 Pœnitentes quarti gradus. Posterior  
 à lotionem manuum incipit, & pacis da-  
 tione,

tione, cui soli intervenire licitum erat  
 iis qui ius communionis habebant.  
 Oratione igitur peracta fidelium,  
 cuius communicationem etiam ha-  
 buere Poenitentes quarti gradus,  
 Diaconus clamabat, οἱ ἀκοινωνήτοι ἀπο-  
 λθίτε. *Qui non communicatis, discedi-  
 te.* Non Catechumeni eo dicto, sed  
 Poenitentes quarti gradus exhibant.  
 Tum post eorum egressum, ubi Dia-  
 conus aquam manibus dedisset Episco-  
 po & Presbyteris qui mensam circum-  
 sistebant, clamabat, ἀλλήλους ἀπελάβετε,  
 καὶ ἀλλήλους ἀσπάζώμεθα. Ad quam vo-  
 cem fideles sese mutuo osculabantur,  
 id est, communicantes omnes. Ante  
 illum ἀσπασμὸν reliqui quibus ius com-  
 munionis non erat, abibant, ut Poeni-  
 tentes de quibus dixi, & Catechume-  
 ni. Timotheus Alexandrinus in Cano-  
 nicis Responsonibus, ἐν τῇ θείᾳ ἀναφο-  
 ρᾷ διάκονος προσφωνεῖ πρὸς τὸν ἀσπασμὸν,  
 οἱ ἀκοινωνήτοι ἀπόλθιτε. καὶ ὁφείλουσιν οὐκ  
 παρῆναι. *Cum divinum sacrificium cele-  
 brandum est, Diaconus denuntiat ante  
 osculum pacis, qui non communicatis dis-  
 cedite. Non enim debent adesse.* Ad hanc  
 Diacono-

Diaconi edictionem non alii exhibant nisi qui ius communionis non habebant. Cæteri ergo fideles quibus communionem interdictum non erat, remanebant & communicabant. Nam si quis cum ἀκοινωνήτοις egressus fuisset, is aut habitus esset pro Catechumeno, aut pro Pœnitente & excommunicato. Sed notierant Catechumeni. Non poterat igitur fidelis egrediens ante communionem pro alio haberi quam pro eo qui pœnitentiam ageret ob aliquod grave & atrox delictum. Turpe enim fuisset non excommunicato, una cum excommunicatis exire. Nemo itaque recedebat fidelium, sed omnes qui ad Ecclesiam accesserant, huic secundæ Synaxi solebant interesse, & una cum reliquis communicabāt. Si qui nollent communicare, conventu se abstinabant. Sed rursus non ultra duas Dominicas abesse cuiquā licuit, nisi si vellet obnoxius esse censuræ Ecclesiasticæ, & corripī ob defectum pietatis, & suspendi etiam ad aliquod tempus. Nam veterum Conciliorum decretis sancitum erat, si quis in civitate positus



situs per tres Dominicas ad Ecclesiam  
 non accessisset, paucò tempore esse ab-  
 stinendum correptionis gratia. Ita san-  
 xit Concilium Eliberinum. Græci et-  
 iam canonum cōpilatores, pœnam in-  
 dicunt, *τοῖς ἐν τῇ ἐκκλῆσιᾳ κυριακῇ μὴ συνισχο-  
 ῦσιν, εἰς ἐκκλῆσιαν*. Omnes igitur fide-  
 les omnibus sacris conventibus & præ-  
 cipue iis qui Dominicis diebus habe-  
 bantur adesse debebant, & communi-  
 care omnes. Ita enim obtinuit quādiu  
 publica pœnitentia viguit in Eccle-  
 sia. Ea sublata in Orientalibus Eccle-  
 siis, & post paulo sensim abolescente in  
 Occidentalibus, aut in aliud genus pœ-  
 nitentiæ votivæ mutata, cum iam di-  
 stingui in Ecclesia nō possent Pœnitē-  
 tes à non Pœnitentibus, excōmunicati  
 à cōmunicantibus, quia nemo publice  
 agebat poenitentiā, remoto hoc pudore  
 ac metu, ne is pro pœnitente accipi  
 posset, qui ante cōmunionem decederet,  
 laxari tum cœpit disciplina, mul-  
 tis ad Ecclesiam convenientibus, qui  
 contenti tractatione scripturarū &  
 Oratione, antequam celebrarētur Sa-  
 cramenta, exhibant. Quod tamen & ip-  
 sum

sum variis Conciliorum cōstitutis prohibutum est, & Patrum increpationibus & censuris reprehensum. Ex Cæsarii Arelatensis Episcopi homilia xii. constat, multos eo tempore fideles Synaxi intervenisse quando divinæ lectiones tractabantur, ubi vero hora venerat munerum offerendorum, & corporis & sanguinis Domini consecrandi, dilabi solebant. Quibus ille graviter suscenlet. *Qui vult, inquit, Missas ad integrum cum lucro animæ suæ celebrare, usque quo oratio dominica dicatur, & benedictio populo detur, humiliato corpore, & compuncto corde debet Ecclesiam tenere.* Adiicit ibidem, *Non fieri missas quando divinæ lectiones in Ecclesia recitantur, sed quando munera offerantur, & corpus vel sanguis Domini consecretur.* In ea collectione canorum quæ tribuitur Theodoro, Titulus est contra eos qui ἐποροσμένον τὴν τῶν ἁγίων μετάληψιν μὴ τὰς ἀναγνώσεις. Qui non Ecclesiam tenent usq; ad Sacramentorum participationem post recitationes Scripturarum sacrarum. Sic enim habet in Titulo Lxx. compilationis, *ὅτι τῶν ὁπλῶν*

ἔτις κυριακὰς μὴ συνοιχομένων εἰς ἐκκλησίαν,  
 καὶ τῶν μὴ προσμερόντων μὴ τὰς ἀναγνώσεις  
 τῶν τῶν ἀγίων μετάληψιν. *De his qui per  
 tres dominicas non conveniunt ad Eccle-  
 siam, & de his qui post lectiones Scri-  
 pturarum non expectant participatio-  
 nem sacramentorum.* Valafridus Strabo  
 in libro de Rebus Ecclesiasticis cap. xx.  
*Apud Græcos quoque illi qui duas Domi-  
 nicas vel tres sine cōmunionē transferint,  
 excommunicati dicuntur.* Nemo igitur  
 tunc fidelium ad Ecclesiam veniebat  
 nisi cōmunionis percipiendæ gratiæ.  
 Hæc plane cōfirmant, neminem man-  
 fuisse usque ad celebrationem eucharis-  
 tiæ qui non communicaret, & omnes  
 qui adessent dum celebraretur, com-  
 municasse. Eo tempore κοινωνεῖν & συν-  
 ἄγεσθαι vel συνέρχεσθαι εἰς ἐκκλησίαν, com-  
 municare, & ad Ecclesiam venire, vel  
 Synaxi interesse, idē erat, & promiscue  
 dicebatur. Quod egregius locus Basilii  
 ostendit in Epistola ad Cæsarium Patri-  
 ciū de cōmunionē, ἡμεῖς μὲν τίμα τὸ τέ-  
 ταρτον καὶ ἐκείνη ἐδομάδα κοινωνεῖμεν, εἰ τῇ  
 κυριακῇ, εἰ τῇ περσάδῃ, εἰ τῇ ὡδρασιούῃ, καὶ τῇ  
 σαββάτῳ. Nos quidē quater in septimana

communione usurpamus, die Dominica,  
feria quarta, die veneris, & sabbatho.  
Idem est ac si dixisset, τέταπτον συνερχόμεθα εἰς συνάξιν. Nam quoties fideles in  
Synaxim coibant, toties omnes com-  
municabant. Dicit ibi Basilius, pulcrum  
esse & utile, omnibus diebus commu-  
nicare corpori & sanguini Christi, id  
est, liturgiam quotidie celebrare, &  
populum ad communionē admitti, sed  
more suæ Ecclesiæ quater tantū singulis  
septimanis id fieri. Nam in quibusdam  
Ecclesiis Synaxes quotidie haberi sole-  
bant, & à fidelibus communio percipi.  
Augustinus Epistola cxviii. *Alii quoti-  
die communicant corpori & sanguini Do-  
minico. Alii certis diebus accipiunt. Alibi  
nullus dies intermittitur quo non offera-  
tur. Alibi Sabbatho tantum, & Dominico.  
Alibi tantum Dominico.* In Ecclesia Ale-  
xandrina quotidie cōmunio videtur  
celebrari solita & haberi Synaxis. Ti-  
motheus certe Alexandrinus interro-  
gatus an fidelis qui vexabatur spiritu  
immundo Sacramentis corporis & san-  
guinis quotidie participare deberet,  
respondit, si mysteria non enuntiaret,

nec blasphemaret, posse admitti ad cō-  
munionē, non omnibus quidē diebus,  
sed sufficere, si communicaret Domi-  
nicis & festis. Ε'ὰν μὴ ἔξαγορεύῃ τὸ μυστή-  
ριον, μήτ' ἄλλως πως βλασφημῇ, μετέλαμβα-  
νέτω, μὴ μέντοι καθ' ἑκάστην, ἀρκεῖ γὰρ αὐτῷ  
καὶ κυριακῶ, ἢ καὶ ἐν ταῖς ἑορταῖς καὶ μόνον.

Alio tamen loco idē aperte significat,  
diebus tātū duobus in septimana sacri-  
ficiū spiritale Deo offerri solitū, sabbato  
nimirum, & Dominico, in Canonici  
Responsionibus, ἔξ ἀνάγκης δὲ τῶν  
σαββάτων καὶ τῇ κυριακῇ ἀπέχεσθαι δεῖ ὅλα  
τὰ ἐν αὐταῖς τῶν πνευματικῶν θυσιῶν ἀναφέ-  
ρεσθαι τῷ Θεῷ. Hoc sensu καθ' ἑκάστην in eo  
loco non de omnidie foret accipiendū,  
sed quotiescūq; offertur. Præter Domi-  
nicum autem etiam Sabbato offereba-  
tur sacrificium. Planum sic est, reliquis  
diebus quibus non communicaretur,  
ad Ecclesiam eum accedere noluisse  
Energumēnos. Sed hæc infra ali-  
ter solvimus quæ videntur contraria.  
Dionysius Petavius, qui vir est exi-  
mius Grotio, Animadversionibus in  
Epiphanium, ubi tractat de Ritibus  
Ecclesiasticis, ait, falsissimum esse  
quod

quod hereticis quibusdam nimium stolidè persuasum esse videret, nunquam in veteri Ecclesia Missam auditam à fidelibus esse quin una communicarent. *Quo in errore*, hæc eius verba sunt, *sane stupidissimo versatur Casaubonus in Exercitationibus*. Hæc est modestia hominum pacis Ecclesiasticæ amantiū, ut videtur Grotio, atq; optima cōsilia eā cupientibus restitutā pro sua moderatione & peritia suggerere mire idoneorum. Casaubonus inter alia testimonia quibus id adstrui posse putavit, Eusebium etiam citavit lib. vii. Historiæ Ecclesiasticæ cap. ii. ubi *ὁ Χριστὸς ἰταῦν*, *Missam audire*, dicit de eo quem narrat cōmunicasse. Quod optima ratione ab eo dictū nemo negaverit nisi qui rationis ipse sit expers. At stolido ille stolidior & merus stupor Petavius, ut iure audiat quod in alterum dixit iniuria, eum ipsum locum Eusebii facere unice credidit ad cōtrariū probandū, nihilq; alienius esse scripsit quā id quod à Casaubono ibi observatum est. Ut certius hoc perspicere posset, verba ipsa Eusebii retulit,



quæ sic habent, *ὁ χάρις ἵα εἰς τὸ πακεῖν σα-  
τα, καὶ συνιπεθεῖν ἑαυτῶν τὸ ἀμύ, καὶ ἑα-  
πείλῃ ὡς δασάντα καὶ χείρας εἰς ὑποδοχὴν  
τῆς ἀγίας ἑοφῆς ὡς τελεῖν τα καὶ ταύτῃ κα-  
ταδεῖ ἑαυτῶν.* Mirabili ratiocinatione ar-  
guit, ex his probari, *diversum quiddā esse  
ac distinctum ἐπακέρω τῆς ὁ χάρις ἵα. ὁ  
participare Dominico corpori, quamvis  
hæc duo tum ab illo præstita fuerint.* O ac-  
cumen Grotio laudandum! O iecur  
Loioliticū! Diversum est, Missam au-  
dire & communionem accipere. Ecce  
qui utrumque faciat. Ergo falsum est, in  
vetere Ecclesia Missam à fidelibus si-  
mul auditam fuisse & simul in ea com-  
municatū esse, & in stupidissimo errore  
versantur qui sic colligunt. Quo magis  
autem mireris hominis eximii stolidi-  
tatem & imperitiam, in illis Eusebii  
verbis *ὁ χάρις ἵα* non est *Missæ*, ut acce-  
pit Causaubonus, sed gratiarum actio  
quæ à præsidēte cœtus fiebat ad bene-  
dicendum panem & calicem, prius-  
quam communicantibus divideretur.  
Notandum porro est obiter, ea verba  
non esse Eusebii, sed Dionysii Alexan-  
drini ex quinta eius Epistola de bapti-  
smate

smate ad Xystum. Si hoc animadvertisset Iesuita, quanta convitiolorum plaustra in Casa bonum effudisset? Si Eucharistia eo loco acciperetur pro ipsis Sacramentis corporis & sanguinis Domini, quis posset dici eius *ἱπαιέν*? Quis respondere ad illam *ἀμὲν*? Nonne vel cæco apparet, ibi accipi debere hanc vocem pro ipsa gratiarum actione ac benedictione? In recentiorum Liturgiis Græcis & Aegyptiacis tres *ἑὺχαριστίαι* sive gratiarum actiones in ordine Officii divini reperiuntur. Una quæ præcedit consecrationem, cum diceret Sacerdos, eam auspicaturus, *ἑὺχαριστῶ µὲν τῷ Κυρίῳ*, responderet autē populus, *ἀξιὸν καὶ δίκαιον*. Cuius etiam meminit Cyrillus in Catechesi. Sequebatur altera *ἑὺχαριστία*, sive gratiarū actio, in novis Liturgiis, post ipsam consecrationem, sive *ἐπιτέλεσιν* consecrationis, ante distributionem, qua dicere solebat Sacerdos, *pax omnibus, gratias agimus Deo omnipotenti*, & quæ sequuntur in Liturgia Basilii qua utuntur hodie Coptitæ, sive Aegyptii. Cui populus etiam respōdet *ἀμὲν*. Sequebatur tertia & ult-

tima qua claudebatur actus Officii sive Liturgiæ. Nam ut est apud Pseudo-Dionysium Areopagitā, μεταχώντι ἐμπιδὺς τῆς διαρχικῆς κοινωνίας εἰς ὁμοειδίαν ἱερὰν καταλύει. *Postquam Sacerdos communicavit ipse, & communicantibus impertiit communionem divinam, in gratiarum actione desinit.* Nunc videndum de qua gratiarum actione intellexerit Dionysius Alexandrinus qui eam Epistolam ad Xystum Romanum scripsit. De ultima hac non intellexit. Ergo de duarum priorum altera. Sed ætate Dionysii qui anno Christi ccxxxvi. Alexandriæ sedem adeptus est, non duę gratiarum actiones, sed una tantum in Liturgia facienda locum habuit. Vigebat adhuc mos simplicior qualis ævo Iustini Martyris receptus erat, qualisque ex institutione Christi & usu primorum Christianorum traditus ipsis fuerat. Una & sola gratiarum actione, sive benedictione panis & vinū à præfide conventus consecrabatur, postquam gratiarum actionem populo dividebatur. Iustinus in Apologia ita ritum narrat benedicendi panis & calicis

cistunc usitatum. Post preces & osculum pacis, sive ἀσπασμὸν, offerebatur τῷ κρητισῶν τῇ ἀδελφῶν, ei qui præerat fratribus, panis & poculum vini aqua mixti. Quibus ille acceptis, laudes Deo Patri dicebat, in nomine Filii & Spiritus sancti, & gratiarum actionem satis longam habebat, id est, εὐχαρισίαν, quod tali beneficio eos dignatus esset beare. Cui gratiarum actioni finitæ populus respondebat ἀμὲν. Οὐ συντελέσαντος, inquit, τὰς εὐχὰς πᾶς ὁ παρὼν λαὸς ἐπυθήμεϊ, λέγων, ἀμὲν. Quo factō Diaconi distribuebant singulis præsentium fideiū ex illo pane benedictō, & ex illo vino partē cuiq; suam. Εὐχαρισήσαντες δὲ, inquit, τῷ κρητισῶντι καὶ ἐπιδυμήσαντες πάντες τῷ λαῷ, οἱ καλέμηντοι παρ' ἡμῶν διάκονοι διδώσιν ἑκάστῳ τῇ παρόντῳ μεταλαβεῖν ὑπὸ τῆς εὐχαριστηθέντος ἄρτου καὶ οἴνου καὶ ὕδατος, καὶ τοῖς ἐπαρῶσιν ἀποφέρειν. Postquā præsidēs benedixit, sive gratias egit, & populus gratiarū actionem faustis vocibus eam excepit, qui à nobis vocantur Diaconi dant singulis qui communicant de eo pane & de eo vino aqua mixto benedictis. Addit, καὶ ἡ ἄρτι, inquit, αὕτη καλεῖται παρ' ἡμῶν εὐχα-

εὐχαριστία. Et hic cibus vocatur à nobis Eucharistia, nempe quia esset εὐχαριστήεις, id est benedictus per illā gratiarum actionem. Vocarunt etiam ἄρτον εὐχαριστίας, panem benedictionis, ut vertit Dionysius Exiguus in canonibus Græcis, qui & benedictionem Latine reddidit, quæ & Εὐχαριστία, nempe Sacramentum Eucharistiæ. Dionysii Alexandrini temporibus idem plane mos & ritus benedictionis sive gratiarū actionis in consecrando pane & vino Sacramenti obtinuit, ut eius verbis quæ Eusebius eo loco retulit plane constat, εὐχαριστίαν, inquit, ἐπακούσαντα, καὶ σωτηριᾶς ἡμετέρας τὸ αἶμα, καὶ ζωῆς αἰώνιας, καὶ χαίρας εἰς ἕως ὅτε ἡμετέρας ἀγίας θοφῆς εὐχεταίαντα, ταύτην καταδεξάμενοι. Omnia eadem sunt quæ in Iustino, ac eodem ordine. Hic qui communicat, gratiarum actionem, id est, εὐχαριστίαν quæ fiebat ab antistite ad benedicendum panem & vinum, audit; & cum reliquis præsentibus respondet αἶμα. Cum pluribus quippe respondisse, ostendit verbum σωτηριᾶς ἡμετέρας. Deinde adstans mēsa statim post.



post gratiarum actionem peractam & responſionem à populo factam, manum ad ſuſcipiendum benedictum cibum porrigit, & cum accipit. Illa ἑπικλησις ſollemnis, quam poſtea Græci adhibuerunt ad evocandum Spiritum ſanctum in panem & vinum, ſive δῶρα in menſa propoſita, quaque ſola rite fieri conſecrationem exiſtimarunt, ut ex pane corpus Chriſti fieret, & ex vino ſanguis, tunc locum non habuit in Euchariſtiæ Sacramentis conficiendis. Circa ſæculum quartum ea *imprecatio*, ut vocat Hieronymus, ſive ἑπικλησις, introducta eſt, ut alibi oſtendetur. Retinuerunt eam & χαριςίαν Liturgiæ omnes ſive gratiarum actionem, ſed non ad benedicendum panem & vinum, quem uſum antea habuerat. Hoc genere benedictionis priſco ſive εὐχαριſτίαις uſi ſunt poſtea ad eum panem conſecrandum quem *benedictum* proprie nominarunt, Græci εὐλογία, cum antea non alio ritu ipſa Euchariſtia, ſive Sacramentum corporis Chriſti, ſolita eſſet ſanctificari. Non enim vetus Eccleſia credidit aliqua opus eſſe conſecratio-



ne qua panis existeret corpus Christi aut vinum sanguis eiusdem, sed fidem cuiusq; sufficere ad id efficiendum, & credendum verbis Christi, qui in eo Sacramento instituendo tam expresse ac diserte dixit, *Hoc est corpus meum*. Ideo non alios prisco tēpore ad Eucharistiæ participationem recipiebat Ecclesia, testante eodem Iustino, nisi quibus omnino persuasum esset vera esse quæ de illo Sacramento traderentur, nempe panem esse corpus Christi, vinum sanguinem. Καὶ ἡ ἔσφοη, inquit, καλεῖται παρ' ἡμῶν εὐχαριστία, ἥς ἐδὼν ἄλλω μεταχρῆσθαι ἐστιν, ἢ τῷ πρῶτον ἀληθῆς εἶναι διδασκόμενα ὑφ' ἡμῶν. *Eucharistia vocatur à nobis hoc alimentum, cuius participi esse non cuiquam licet nisi qui crediderit vera esse quæ à nobis docentur.* Ea vero sunt, quibus docemur, non esse hunc panem communem, nec hoc vinum cōmune, sed postquam εὐχαριστία sive gratiarū actiocū precibus super panē & vinū pronuntiata sit, ex forma institutionis, δι' εὐχὴν τῆς λόγου τῆς παρ' αὐτοῦ εὐχαρισθεῖσαι, corpus & sanguinē fieri. Quæ verbalustini cōsiderāda sunt. Nō enim aliter

aliter benedici panem & vinum vult in Eucharistia quam quomodo Christus fecit cum illud Sacramentum instituit & suos Apostolos eo participavit, δι' εὐχῆς λόγῳ τῷ παρ' αὐτοῦ. *Per preces orationis ab isto institutæ.* At Christus non precatus est Spiritum sanctum ut descenderet in panem illum quem tradebat suis discipulis, aut in calicem quem ipsis dabat bibendum. Cyrillus quoque unius tantum εὐχαριστίας mentionem facit in ea Liturgia quam exposuit in quinta Catechesi. Eadem autem ferme est cum illa quam tradit Iustinus. Ita enim apud eum Sacerdos dicebat, εὐχαριστήσωμεν τῷ κυρίῳ. ὅντως γὰρ εὐχαριστοῦν ὀφειλομεν, ὅτι ἐχθροὺς ὄντας ἡμᾶς ἐκαλῆσατο εἰς τὴν βασιλείαν τὴν χάριν. *Gratias agamus Domino. Revera enim gratias ei agere tenemur quod nos indignos existētes ad tantā gratiā vocare dignatus fuerit.* Apud Iustinum autem sic legitur, καὶ τὴν εὐχαριστίαν ἕως τῆς κατηξίωσιν τοῦτον παρ' αὐτοῦ ὅτι πολὺ ποιῆται. Sed hæc differentia in utroque spectanda est, quod per εὐχαριστίαν sive gratiarum actionem quæ habetur in Catechesi Cy-

rilli

rilli, panis non benedicitur, nec vinū, sed simplex est gratiarum actio sine effectu benedictionis. Postquam enim populus respondit ei eucharistiæ sive gratiarum actioni, sequebatur Hymnus quem *ᾠδὴ* vocant Græcorum Lyturgiæ. *Præparationem* Latini appellant. Hic hymnus est, ut ait Amalarius, refertus gratiarum actione & laudibus Angelorum. Alii *Præfationem Actionis* vocant, id est, consecrationis, ut Valafridus Strabo. Isidorus vocat *hymnationem*, quam in ordine Missæ quintam recenset, quæ præcedebat sextam, quam *confirmationem Sacramenti* appellat. Sic autem apud eum legendum: *Quinta infertur hymnatio in sanctificationē oblationis, in qua etiam ad Dei laudem terrestrium creaturam virtutumque cælestium universitas provocatur.* Cyrillus *ὕμνων* appellat, & *αἰνολογίας* vel *δοξολογίας ἐκ τῶν Σιγαφίμ παραδοθῆσαι*. Pseudo-Dionysius Arcopagita *ὕμνων*. Ea tunc temporis apud Græcos quoque præmittebatur invocationi vel orationi ad Deum qua conficiebantur Sacramenta corporis

ris

ris & sanguinis Christi. Quæ ὑμνωδία  
 omnino cōsona est illis αἶψα & δόξῃ Iusti-  
 ni, quæ præcedebat εὐχαριστίαν sive gra-  
 tiarum actionem. At apud Cyrillum  
 ὑμνωδία illa cum precibus subsequitur  
 εὐχαριστίαν. Ita vero Iustinus, αἶνον καὶ  
 δόξαν τῷ πατρὶ τῶν ὅλων θεῷ τῆς ὀνόματι  
 τοῦ υἱοῦ καὶ τοῦ πνεύματος τοῦ ἁγίου ἀναπέμ-  
 πει, καὶ τὴν εὐχαριστίαν ὑπὲρ τῆς καταξιώ-  
 δαι τέπειν παρ' αὐτῆς ὅτι πολὺ ποιεῖται. De-  
 de subiicitur, ἔσυντελέσαντες τὰς εὐχὰς  
 καὶ τὴν εὐχαριστίαν πᾶς ὁ λαὸς ἐπεψήμηται ἁ-  
 μὴν. Vides preces & laudationes ad  
 Deum præcedere Eucharistiam sive  
 gratiarum actionem, & per gratiarum  
 actionem, benedici & sanctificari pa-  
 num & vinum in corpus & sanguinem  
 Christi. Atque inde Sacramentum ip-  
 sum εὐχαριστίας nomen accepit qui & εὐ-  
 χαριστηδὲς ἄρτος ideo dicitur eidem  
 Iustino, id est, *benedictus panis*. Eun-  
 dem ordinem rei divinæ agendæ sicut  
 erat usitata tunc, etiam alio loco in ea-  
 dem Apologia, sic memorat: ἔπειτα ἀ-  
 νιστάμενοι κοινῇ πάντες καὶ εὐχὰς πέμπομεν,  
 καὶ ὡς περὶ ψαλμῶν παυσανδρῶν ἡμῶν τῆς εὐ-  
 χῆς ἄρτος προσφέρεται καὶ οἶνον καὶ ὑπόθερ,  
 καὶ ὁ

καὶ ὁ προσεστὼς εὐχὰς ὁμοίως καὶ εὐχαριστίας  
 ὅση δυνάμει αὐτῷ ἀναπέμπει, καὶ ὁ λαὸς  
 ἐπισφηνεῖ, λέγων τὸ Ἀμήν. καὶ ἡ διέδοσις, καὶ ἡ  
 μετὰληψις ὑπὸ τῆς εὐχαριστηθεύτων ἐκείνου  
 γίνεται καὶ τοῖς ἐπαρῶσι δὲ τῆς δακόνων  
 πέμπεται. *Deinde omnes confurgimus  
 ac preces Deo allegamus, quæ postquam,  
 sicut diximus, peractæ fuerint, panis offer-  
 tur & vinum cum aqua ei qui præsidet cæ-  
 tui. Is preces & gratiarum actiones simili-  
 ter quantum potest Deo fundit, & populus  
 acclamat, dicens Amen. Tum fit distribu-  
 tio & participatio unicuique præsentium  
 ex iis quæ benedicta fuerunt, absentibus  
 autem per Diaconos suæ partes mittun-  
 tur. Cyrilli autem Hierosolymitani  
 tempore hic ordo mutatus erat, &  
 res ipsa quodammodo alia. Nam post  
 εὐχαριστίαν, sive gratiarum actionem præ-  
 missam quæ nihil facit ad Sacramenta  
 corporis & sanguinis Christi ex pane &  
 vino conficienda, sequitur ὕμνωδία illa  
 quæ αἶν & δόξα Iustino vocatur cum  
 ipsis precibus per quas Sacerdos preca-  
 batur Deum ut mitteret Spiritum suum  
 sanctum in proposita dona panis & vi-  
 ni, ut panem quidem faceret corpus  
 Chri-*



Christi, & vinum sanguinem eius. Ita autem ille scribit, *ὁ γὰρ τὸ πρὸ τοῦ ὡς ἡμεῖς ὁρθεῖ-  
σαν ἡμῖν ἐκ τῆς Σεραφίμ αἰνολογίας ταύτης  
λέγουμεν ὅπως κοινωνοὶ τοῦ ὕμνωδίας τῆς ὑμνω-  
δίας ταύτης ὑποκοσμίως γλυκύμεθα σεραφαῖς ἵνα  
αἰμάσαντες ἑαυτοὺς ὁ γὰρ τῆς πνεύματικῶν τέ-  
των ὕμνων ὡς καλῶμεν τὸν φιλόανθρωπον  
θεὸν τὸ ἅγιον πνεῦμα ἔξαποστείλῃ ὅτι τὰ  
προκείμενα ἵνα ποιήσῃ τὸν ὡς ἄρτον σῶμα  
χριστοῦ, τὸν δ' οἶνον αἷμα χριστοῦ. Hæ preces  
cum hymnis iunctæ nihil habebant cō-  
mune cum præcedente ὁ χαριστία five  
gratiarum actione. Ex his apparet quā-  
ta mutatio ac deflexio intervenerit  
in hoc Sacramento & eius celebrandi  
Liturgia, à more ac ritu pristino Eccle-  
lesiæ qui institutioni Christi per om-  
nia concinebat. In hoc enim novo  
ritu, perdidit vim sui nominis Eucha-  
ristia. Non enim à gratia agenda & be-  
nedictione amplius deduci poterat, cū  
accepta non ferretur gratiarum illi  
actioni qua Christus in eo Sacramento  
corporis sui instituendo usus fuerat,  
sed novæ precatioui ad Deum factæ  
ut Spiritum suum mitteret ad Sacra-  
mentum illud cōficiendum, & efficien-  
dum,*



dum, ut panis fieret corpus Christi, & vinum sanguis. Illi enim precationi sive ἀναλήσει vim consecrationis attribuerunt, cum ipsi δ'χαριστία antiquam assignarint prorsus iuxta institutionis Christi ordinem. De quo ait Paulus in priore ad Corinthios se quod à Christo acceperat illis tradidisse, quod ad formam nimirum attinet Sacramenti illius administrandi. καὶ δ'χαριστήσας ἑλάσας. *Et postquam benedixisset, vel gratias egisset fregit.* Ergo in ipsa benedictione vel gratiarum actione tota vis Sacramenti conficiendi residet. Fractū vero cum traderet discipulis ac diceret, λάβετε, φάγετε, corpus suum esse addit, ut significaret summentibus tantū corpus suum futurum esse panē illū quem illis dabat. Non igitur in illis verbis virtus sita est cōficiendi Sacramenti, nec vetus unquam id Ecclesia credidit. Antiquissima quippe in sola δ'χαριστία eam posuit, sive benedicendi actu, unde ei nomen. Posterior in precatione vel oratione qua Spiritus sancti descensam à Deo precabatur. In qua oratione nihil omnino Eucha-

Eucha-

Eucharistici reperitur, in omnibus Liturgiis Græcis & Aegyptiacis. Ita ergo uterq; ordo Liturgiæ Græcæ diversus; antiquus & novus. In prisco, qui simplicissimus & Apostolicus, prima fuit oratio communis ad Deum pro iis omnibus qui in cōventu adessent, ut digni efficerentur, quibus vera doctrina imbutis, per bona opera fides cresceret, & præceptorum divinorum observatio confirmaretur. Eas preces osculo pacis claudebant quo sese invicem excipiebant. Tū porrectio panis & vini ei qui præesset conventui, atq; eius *ἁγιασμός* sive benedictio, qua ex illis speciebus sacramētum corporis & Christi conficeretur. Postremo sequebatur distributio ac divisio panis frustillatim fracti in omnes qui aderant facta, ut & poculi datio. Hæc forma plane fuit Apostolica quæ ab ipsa Christi institutione usq; ad Dionysii Alexandrini tēpora mansit, ut ex eius verbis liquet supra citatis. Rabanus Maurus de Institutione Clericorum lib. i. cap. xxxii, post recitata Euāgelistæ verba quibus Christus coenam suam instituit, *Cum benedictio-*

*dictione enim & gratiarum actione primum Dominus corporis & sanguinis sui Sacramenta dedicavit, & Apostolis tradidit, quod exinde Apostoli imitati facere, & successores suos facere docuerunt. Inde & Benedictionem eam Latini dixerere eodem sensu quo ipsi Græci ἁγιαστίαις, ut ante diximus. In Concilio Barcinonensi viatica Benedictio dicitur, quod simpliciter Viaticū ab aliis vocatur, aut Viaticum Eucharistiæ. Iubemus, inquit, cap. ix, ut in infirmitate positi viaticam Benedictionem percipiat. Sic enim ibi legendum, non beaticeam, quod nihil est. In ordine vero Missæ posterioris Ecclesiæ ἐν ἁγιαστίαις, sive benedictio, nihil iā operabatur ad cōfectionem Sacramentorum panis & vini, sed post eam longo satis intervallo, aliquot interpositis ἐπιστάσεις, oratio cui hanc vim tribuebāt inferebatur, quæ ὁπλήτισ, ut dixi, vocabatur. In ordine Cyrilli statim post hymnum ea ὁπλήτισ sequitur, quæ in aliis Liturgiis non protinus subiicitur, sed post alias orationes. Valafridus Strabo, cap. xx. de ordine Missæ, Quid nunc, inquit, agimus, mul-*

*multiplici orationum, lectionum, cantilenarum & cōsecrationum officio, totum hoc Apostoli, & post ipsos proximi, ut creditur, orationibus, & commemoratione passionis Dominicæ, sicut ipse præcepit, agebant simpliciter. Vnde circa domos secundum superius commemorata testimonia frangebant panem. Quod etiã alia sententiã Lucas declarat, dicens: Vna autem Sabbati cum convenissemus ad frangendum panem. Et relatiã maiorem est, ita primis temporibus Missas fieri solitas sicut modo in parasceve Paschæ, in qua & apud Romanos Missæ non aguntur, communicationem facere solemus, id est præmissa oratione Dominica, &, sicut ipse Dominus præcepit, commemoratione passionis eius adhibita, eos corpori Dominico communicasse & sanguini quos ratio permittebat. Notanda illa, & cōsecrationibus. Nulla ergo cōsecratione utebantur Apostoli, vel eorum successores proximi in administranda populis Eucharistia, qualis postea introducta est, sed sola commemoratione Dominicæ passionis, & orationibus cum gratiarum actione qua panis ac vinum benedic-*  
*K 2 bari-*

bantur in Sacramentū corporis & sanguinis. Ab hac simplicitate nihil aut parum abfuere tempora Iustini & Dionysii, ad medium sæculi usq, tertii. Preces fiebāt pro introitu Missę sive Synaxis, deinde cōmemoratio sequebatur passionis Dominicę, & *ἁγιασμία*, sive benedictio, qua panis & calix in Sacramentū corporis & sanguinis cōsecrabatur, deinde communicatio, & pro clausula gratiarū iterū actio. Prioris *ἁγιαστίας* qua benedicebatur panis & vinum *ἐπαχθέν* ille dicitur apud Dionysium qui *αὐλῶ* cum aliis ad eam respondet, & statim mensę adstans manum protendit ad accipiendum panem benedictum. Ita apud Iustinū statim post *ἁγιαστίαν* super panem & vinum dictam sequitur ἡ μετάδοσις τῆς *ἁγιασθέντων*. Hoc vero erat proprie *Missam audire*, cum fideles attendebant ad id quod dicebatur in consecrando pane & vino, ut omnes respondere possent *αὐλῶ*. Illa igitur benedictio, sive gratiarum actio, qua Sacramenta corporis & sanguinis conficiebantur, clara voce & *ἐκφώνως* pronuntiari solebat  
 à Pres-



à Presbytero vel Episcopo, Non enim respondere potuisset populus ἀμω. At illa ἐπίκλησις posterioris ævi qua rogabatur Spiritus sancti descensus ad consecrationē, μυσηκῶς, id est, secreto ac tacite, dicebatur. Nec ἀμω respondere poterat ad eam populus, neq; vero respondebat. Εὔπακεις qui intelligit quod dicitur ac percipit, non is qui sonum duntaxat sine mente aures verberantem audit. Hinc & εὔπακεις etiam Græci dicunt de ostiario qui ad januam stans respondet dominum quærentibus. Qui audit ut consentiat ei quod audit, is etiam proprie *audire* intelligitur. Unde & dicto *audientem* Latini appellant qui dictis paret. *Non audit* è contrario, qui non obtemperat. Ita & εὔπακεις alicui petitioni iidem Græci solent dicere de eo qui recusat & negat se facturum esse quod petitur. Apud Athenæum εὔπακεις δασὶν qui vocatus ad coenam non audit, id est, negat. *Audire* igitur & εὔπακεις vel εὔπακεις, est consentire. Donatus ad Terentii Eunuchum, *Audire, id est, libenter admitto & consentio*. Ita igitur populus



audiebat Missam apud veteres qui intelligebat quid diceretur, atq; , intellectis respondebat ἀμὲν, & consentiebat. Ut ἐπαυξέει δ' ἡ χάρις τῆς apud Dionysium, qui gratiarum actioni subiicit ἀμὲν. Nunc nullus audit Missam ut dicitur, quia nullus intelligit, quia nec populus ut olim respondet, nec etiam communicat. Acoluthus aliquis vel puer hoc dicit, qui non magis scit quid respondeat, quam id cui respondet intelligit. Picarum aut psittacorum more loquitur, & vocem reddit incitatus. Cum hæc ita sint, certum tamen est, alio sensu dici apud posteriores *audire Missam* quam apud Dionysium ἐπαυξέει δ' ἡ χάρις τῆς. Nam ibi, ut docuimus, δ' ἡ χάρις τῆς non est Missa, sed gratiarum actio qua benedicitur, ut sanctificetur in Sacramentum corporis & sanguinis Domini, panis & vinum. Et qui ibi ἐπαυξέει τῆς δ' ἡ χάρις τῆς, ad hoc audire dicitur, ut possit ἐκπονεῖν, id est, secunda & fausta voce prosequi quod dictum est, respondendo Ἀμὲν, id est, ἁγίοιο. At cum *Missa* accipitur pro officio rei divinæ quo Sacramenta conficiuntur populo

pulo eisdem communicaturo distribuēda, non potest dici proprie *Missam audire*, qui non solum audit quod in ea agitur, sed etiam ea participat, & communionem accipit. In eo igitur loco Ambrosii qui citatur à Casaubono, aut *auditio Missæ* differt à communicatione, aut *Missæ* ibi intelligenda de sola oratione, ut sæpe accipi solet apud veteres. Nam & ad orationem communicandam conveniebant iis diebus quibus non communicabant Sacramentis, ut infra dicam. Non potest autem verum esse quod Petavius ex eo loco vult adstruere, in Mediolanensi Ecclesia quotidie sacrificium offerri solitum, & tamen non quotidie fideles communicasse. Verba Ambrosii à Casaubono citantur ex Sermone eius xxxiv. Petavius autē ex Casaubono ea retulit, non in ipso libro legit. Sic habent *Moneo etiam, ut qui iuxta Ecclesiam est, & sine gravi impedimento potest, quotidie audiat Missam, & qui potest, omni nocte ad Matutinum veniat. Et paulo post: In Quadragesima vero moneo, ut die omni, aut saltē, ut dixi, Dominica offeratis*

*et communicetis*. Male certe ex his Casaubonus notavit, hic *Missam audire* non dici ad exclusionē communionis, ut hodiernus error postulat, sed de eo qui & Liturgiam audiat, & communionem sumat. Nam aperte in illis verbis *audire Missam* tanquam diversum ponitur ab eo quod est communicare. Nec alio intellectu unquam positum legitur illud *audire Missam*, nisi de eo qui *audit* tantum, non etiam communicat. Longe etiam magis nugatur Casauboni reprehensor Iesuita, qui putat, Ambrosium in illis verbis cū eundem quotidie Missam audire, in Quadragesima vero si fieri potest etiam communicare iubeat, fatis innuere, nequaquam quotidie cæteris saltem præter Quadragesimam diebus communicatum fuisse. Primum falsissimum illud est, quod colligit, velle Ambrosium, quotidie Missas audiri, & in Quadragesima si fieri possit etiam communicari. Vbi legit, diebus omnibus Quadragesimæ communionem datam fuisse fidelibus præterquam Dominicis? Ipse Ambrosius in Sermonibus de Quadragesima

ma totum illud tempus ieiunandum  
 esse præcipit. In Sermone xxxiv. ex  
 quo hæc verba citantur à Casaubono,  
 quæ tamen ibi non comparent in Edi-  
 tione Basiliensi: *Omni sollicitudine tem-  
 pus sacratissimum celebremus. Non præ-  
 tereat nos dies absque ieiunio. Non nos  
 transeat una hebdomada absque vigiliis.*  
 Et sub finem eiusdem sermonis, *Qua-  
 dragesimæ quotidiana & moderata vocat  
 ieiunia.* Ieiunii autem diebus, & præci-  
 pue Quadragesimalis, non sacrificium  
 fiebat, nec quisquam cōmunicabat. Il-  
 lis inquam diebus, ut ex eodem Am-  
 bro시오 constat Sermone xxxiii, ieiun-  
 nantes primo diluculo ad Ecclesiam  
 procedebant, & orationi vacabant. Non  
 enim prandebant, sed vespere cœna-  
 bant. Quia vespertina cœna ieiunium  
 solvebant ac finiebant. In Græcia quo-  
 que, exceptis Cypriis, tempore Qua-  
 dragesimæ non celebrabatur Eucharis-  
 tia, nec ei communicabatur nisi die  
 Dominica & Sabbato, ut sancitur ca-  
 none Laodicensi, *ὅτι καὶ δὲ τῇ παρασκευῇ  
 ἄρτον οὐκ ἐσθίειν, εἰ μὴ ἐν σαββάτῳ καὶ κυ-  
 ριακῇ μόνον.* Stultum igitur est, saltem in-

scitum, hanc attribuere sententiam Ambrosio, ut voluerit eundem quotidie Missas audire, in Quadragesima vero, si fieri possit, etiam communicare, atque inde colligere, nequaquam quotidie, cæteris saltem præter Quadragesimam diebus communicatum fuisse, ut Petavius, magnus ille scilicet antiquitatis Ecclesiæ vindex, autumat. Quasi omnibus diebus Quadragesimæ fideles obtulerint & communicarint. Quo nihil est falsius. Præterea Ambrosium ab Ambrosio dissidentem sic introduceret; volentem hic quidem quotidie Missam audiri, non tamen comunicari nisi Quadragesimæ diebus, cum idem in libro v. de Sacramentis, si modo libri illi eius sunt, cap. iv, ubi explicat orationem Dominicam, quotidie præcipiat communionem accipi debere. *Accipe, inquit, quotidie, quod quotidie tibi profit. Si quotidianus est panis, cur post annū illum sumimus, quemadmodum Græci in Orienti facere consueverunt? Sic vive ut quotidie merearis accipere. Qui non meretur quotidie accipere, non meretur post annum accipere. Quomodo*  
*Iob*



*Iob sanctus quotidie pro filiis suis quotidie sacrificium offerebat, ne forte aliquid vel in corde vel in sermone peccassent. Ergo tu audis, quod quotiescunque offertur sacrificium, timor Domini, resurrectio Domini, elevatio Domini significetur & remissio peccatorum, & panem illius vitæ non quotidie assumis. Qui vulnus habet, medicinam requirit. Vulnus est quo sub peccato sumus. Medicina est cæleste & venerabile Sacramentum. Panem quotidianum da nobis hodie. Si quotidie accipis, quotidie tibi hodie. Satin existis liquet, postulare Ambrosium ut quotidie communicetur? At Petavius vult, ex eius sententia, Missam tantum quotidie audiri, sine cōmunicatione. Idem Ambrosius in Sermonibus de Quadagesima, quoniam eam non possumus complecti solido & uno ieiunio, quotidianis sine intermissione ieiuniis vult celebrari, ut est in sermone xxxiii apud eundem. Quibus ieiunii diebus certum est nec sacrificium oblatum fuisse in Ecclesiis Occidentalibus, nec communionem sumptam. Petavius vero dicit, eum velle, omnibus diebus Quadagesi-*



dragesimæ fideles communicare, cæteris Missas tantum audire sine communicatione. Quid tam contrarium fieri potest quam Ambrosius ipse sibi esset, si vera essent quæ illi affingit Iesuita? Verba sane illa quæ Casaubonus ex Ambrosio citat, Sermone xxxii. non habentur in Editione Basiliensi quæ ad manum est. Haud scio an extet in Parisiensi qua nunc ca-reo. Puto omnino inde ea habere Casaubonū. In Coloniensi ea verba reperio. Illa porro Parisiensis multis modis mihi suspecta est, utpote à Iesuitis procurata quam scio ab illis pluribus in locis depravatam esse, ut ex collatione scriptorum exemplarium animadvertere licuit. Cur non putē illa esse Ambrosii germana, hæ causæ sunt. Primum ætate Ambrosii nondum is mos in Ecclesiam receptus fuerat, ut aliquis audire Missam sive communionem. Sed nec illa loquutio tunc usitata fuit *Missam audire*, nisi *Missæ* vox accipiatur pro orationis Missa, sive Liturgia *ὡς ᾠν*. *Missam tenere, celebrare*, dicebant, non *audire*. Deinde verba illa non possum con-

con-

concoquere, *In Quadragesima vero moneo, ut die omni, aut saltem, ut dixi, Dominica, offeratis & communicetis.* Non possunt hæc esse antiqui auctoris, cum vetus Ecclesia nusquam morē habuerit offerendi & communicandi ieiunii Quadragesimalis diebus. Præterea ostendit, eodem die & Matutinum officium celebratum fuisse & Missam, id est, Synaxin ad Sacramentorum perceptionem. Dicit enim, *Moneo etiam, ut qui iuxta Ecclesiam est, & sine gravi impedimento potest, quotidie audiat Missam, & qui potest omni mane ad Matutinum veniat.* Atqui quo die Missa sic proprie dicta celebrabatur, nullum officium mane solebat celebrari. Per illos quippe dies illud officium precum matutino & vespertino tempore fiebat, quo Missa non fiebat. Scribit Epiphanius in expositione fidei, ἡσθινὲς ὕμνους & προσευχὰς, item λυχνικὰς ψαλμοὺς & προσευχὰς quotidie in Ecclesia fieri: sed de his tantum diebus id intelligendum quibus Synaxes sive Missæ non solebant celebrari. Nam in eius Ecclesia die tantum Dominica &

quar-

*communicent, omnes Christiani die Dominica debent offerre & communicare. Verba primum illa quibus sacerdos consilium dat ut non communicent, nihil minus redolent quam eorum temporum consuetudinem, sed plane conficta sunt ad hodiernum morem. Hæc de Quadragesima, ut dixi, videtur præscribere, quia præcessit proxime, ut nemo ante octavum Paschæ uxori suæ iungatur. Sed quæ subiūgit, rursus innuunt, non verba eūfacere de Quadragesima. Sic enim infert quasi distinguat: In Quadragesima vero moneo, ut die omni, aut saltem, ut dixi, omni Dominica, offeratis & communicetis. At rursus cum addit, ut dixi, satis eo significat, se omnia quæ præcesserunt de Quadragesima dixisse. Inde etiam, ut hæc eius verba sonant, liquet, omni die in Quadragesima homines obtulisse & cōmunicasse, cum velit, omni die offerri & communicari, saltē Dominica. Ergo & illa quibus præscribit, ut qui prope Ecclesiā est quotidie audiat Missam, de cōmunicatione etiam Sacramentorum videtur intellexisse. Et fortasse an scripserat, adeat Missam.*

*Missam.* Ubi Missa esset pro cōvētu vel Synaxi; quia eo tēpore nō adibatur nisi à cōmunicaturis. Quæ sequuntur statim, non sunt melioris notæ. *Qui vero;* inquit, *longe ab Ecclesia manent, omni Dominica studeant ad Matutinum venire, id est, viri ac fæminæ, iuvenes & senes, præter infirmos. Unus tantum aut duo remaneant qui domum custodiant.* Voluit supra, ut qui prope Ecclesiam esset, omni nocte si posset ad Matutinum officium veniret, & Missam audiret, nunc longe positos saltem die Dominica iubet ad Matutinum venire. Quod istud erat Diei Dominicæ Matutinum? An non Missa? Ita prorsum. Nam matutino tempore etiam in Quadragesima diebus Dominicis ea solebat celebrari α' φ' ω θ υ, ut loquitur Epiphanius. *Antelucanos cætus diei Dominicæ* vocat Tertullianus. At aliorum dierū Matutinum officium, cum Missa non celebraretur, id est, Synaxis, in precibus tantum & Psalmis vel Hymnis positum erat. Atqui etiam iis diebus Missam audiri vult, & ad Matutinum venire. Quando igitur

L

tur

dragesimæ fideles communicare, cæteris Missas tantum audire sine communicatione. Quid tam contrarium fieri potest quam Ambrosius ipse sibi esset, si vera essent quæ illi affingit Iesuita? Verba sane illa quæ Casaubonus ex Ambrosio citat, Sermone xxxi. non habentur in Editione Basiliensi quæ ad manum est. Haud scio an extet in Parisiensi qua nunc ca-reo. Puto omnino inde ea habere Casaubonũ. In Colonienſi ea verba reperio. Illa porro Parisiensis multis modis mihi suspecta est, utpote à Iesuitis procurata quam scio ab illis pluribus in locis depravatam esse, ut ex collatione scriptorum exemplarium animadvertere licuit. Cur non puté illa esse Ambrosii germana, hæ causæ sunt. Primum ætate Ambrosii nondum is mos in Ecclesiam receptus fuerat, ut aliquis audiret Missam five communionem. Sed nec illa loquutio tunc usitata fuit *Missam audire*, nisi *Missæ* vox accipiatur pro orationis Missa, five Liturgia *ἡ χείρ*. *Missam tenere, celebrare*, dicebant, non *audire*. Deinde verba illa non possum

con-

concoquere, *In Quadragesima vero moneo, ut die omni, aut saltem, ut dixi, Dominica, offeratis & communicetis.* Non possunt hæc esse antiqui auctoris, cum vetus Ecclesia nusquam moré habuerit offerendi & communicandi ieiunii Quadragesimalis diebus. Præterea ostendit, eodem die & Matutinum officium celebratum fuisse & Missam, id est, Synaxin ad Sacramentorum perceptionem. Dicit enim, *Moneo etiam, ut qui iuxta Ecclesiam est, & sine gravi impedimento potest, quotidie audiat Missam, & qui potest omni mane ad Matutinum veniat.* Atqui quo die Missa sic proprie dicta celebrabatur, nullum officium mane solebat celebrari. Per illos quippe dies illud officium precum matutino & vespertino tempore fiebat, quo Missa non fiebat. Scribit Epiphanius in expositione fidei, *ἡ ὁδὸς ὕμνων & προσευχῶν*, item *λυχνικὴς ψαλμὸς & προσευχῶν* quotidie in Ecclesia fieri: sed de his tantum diebus id intelligendum quibus Synaxes sive Missæ non solebant celebrari. Nam in eius Ecclesia die tantum Dominica & quar-



quarta sextaque feria Synaxes fieri solitas idem tradit. Postremo non potest esse verum quod in eo Sermone dicitur, in omni illo Quadragesimali ieiunio non ante nonam esse manducandum. *Vt nullus vestrum, inquit, nisi forte sit infirmus aut infans usque ad Pascha, & nisi in Dominicis diebus ante nonam manducet aut bibat.* Quod & paulo ante præscribit: *Qualis Christianus est qui tali tempore non ieiunat vel usque ad nonam?* Atqui ieiunium quadragesimale, ut ex vero Ambrosio liquet in variis de Quadragesima Sermonibus, non ante vesperam solvebatur. Nonâ Stationibus quartæ & sextæ feriæ ad earum finiendum ieiunium præstituta erat. Idem Ambrosius Sermone xxxii. Editionis Basiliensis Matutinum officium diebus omnibus Quadragesimæ obeundum esse monet à ieiunantibus; nec ullius Missæ quæ in Quadragesima nulla celebrabatur nisi die Dominica, mentionem facit. *An putatis illū ieiunare fratres qui primo diluculo non ad Ecclesiam vigilat?* Et Sermone xxxiv. *Ille enim facit Quadragesimam, qui ieiunando*

& vi-

*& vigilando ascendit ad Pascha. Quo-*  
*modo igitur eo die quo quis Matuti-*  
*num frequentabat, Missam etiam au-*  
*dire poterat cum hæc duo officia simul*  
*eodem die non fierent? De Quadrage-*  
*sima autem ea præcipere auctorem il-*  
*lum, palā est cum dicit, Moneo autem,*  
*ut qui iuxta Ecclesiam est quotidie audiat*  
*Missam, & si potest, omni nocte ad Matu-*  
*tinum officium veniat. Nam quæ præ-*  
*cedūt de solo Quadragesimæ tempore*  
*hæc illum dicere, aperte ostendunt.*  
*Præterea sermo est habitus feria sexta*  
*post Quadragesimæ primam Domini-*  
*cam. Impostor ille qui hæc interpola-*  
*vit aut confinxit, morem Ecclesiarum*  
*tunc temporis plane ignoravit. Ecce*  
*enim ut & Matutinum & Missam omni*  
*die Quadragesimali solita celebrari si-*  
*gnificavit, paulo post ita confuse lo-*  
*quitur, ut nescias quid velit. Ita enim*  
*scribit: Nullus omnino uxori suæ iunga-*  
*tur ante octavum Paschæ. Quicumque*  
*iram & odium contra alterum tenet,*  
*(vide barbariem) dimittat illi ex toto*  
*corde, si salvari desiderat, & exceptis il-*  
*lis quibus Sacerdos consilium dat ut non*

607774

*communicent, omnes Christiani die Dominica debent offerre & communicare. Verba primum illa quibus sacerdos consilium dat ut non communicent, nihil minus redolent quam eorum temporum consuetudinem, sed plane conficta sunt ad hodiernum morem. Hæc de Quadragesima, ut dixi, videtur præscribere, quia præcessit proxime, ut nemo ante octavum Paschæ uxori suæ iungatur. Sed quæ subiūgit, rursus innuunt, non verba eūfacere de Quadragesima. Sic enim infert quasi distinguat: *In Quadragesima vero moneo, ut die omni, aut (altem, ut dixi, omni Dominica, offeratis & communicetis.* At rursus cum addit, *ut dixi*, satis eo significat, se omnia quæ præcesserunt de Quadragesima dixisse. Inde etiam, ut hæc eius verba sonant, liquet, omni die in Quadragesima homines obtulisse & cōmunicasse, cum velit, omni die offerri & communicari, saltē Dominica. Ergo & illa quibus præscribit, ut qui prope Ecclesiā est quotidie audiat Missam, de cōmunicatione etiam Sacramentorum videtur intellexisse. Et fortasse an scripserat, adeat*

*Missam:*

*Missam.* Ubi Missa esset pro cōvētu vel Synaxi; quia eo tēpore nō adibatur nisi à cōmunicaturis. Quæ sequuntur statim, non sunt melioris notæ. *Qui vero, inquit, longe ab Ecclesia manent, omni Dominica studeant ad Matutinum venire, id est, viri ac sœminæ, iuvenes & seneſ, præter infirmos. Vnus tantum aut duo remaneant qui domum custodiant.* Voluit supra, ut qui prope Ecclesiam esset, omni nocte si posset ad Matutinum officium veniret, & Missam audiret, nunc longe positos saltem die Dominica iubet ad Matutinum venire. Quod istud erat Diei Dominicæ Matutinum? An non Missa? Ita prorsum. Nam matutino tempore etiam in Quadragesima diebus Dominicis ea solebat celebrari αϥ' ιωδω, ut loquitur Epiphanius. *Antelucanos cætus diei Dominicæ* vocat Tertullianus. At aliorum dierū Matutinum officium, cum Missa non celebraretur, id est, Synaxis, in precibus tantum & Psalmis vel Hymnis positum erat. Atqui etiam iis diebus Missam audiri vult, & ad Matutinum venire. Quando igitur

L

tur

turtum Missa celebrabatur? An ad vesp<sup>er</sup>am, ut de sua Ecclesia tradit Epiphanius? Atqui ad nonam præcipit finiri ieiunium Quadragesimale. Ergo tum Missa debuit fieri. Non enim ante celebrandæ eius tum mos fuit, nisi cum ieiunium solvendum esset. Atqui hoc falsissimū est, diebus Quadragesimalibus Synaxes vel Missas ad nonam celebratas. Hic tamen plane docet, omni die Quadragesimali etiā Missam celebrari solitam, & quotidie, si fieri possit, etiā in Quadragesima, monet, ut Christiani offerant & communificent. Quæ omnia quam sibi cōstent, & cohereant, æquus lector iudicet. Ego vero spuria esse & commentitia arbitror, & à temporibus Ambrosii ac moribus quibus tum utebantur Ecclesiæ alienissima. Quotidie in Ecclesiis ferme omnibus Occidentālibus cōmunicabatur, sed in Quadragesima sola die Dominica ut ex vero Ambrosio & aliis potest certo liquere. Aliorum dierum Synaxibus interesse ex officio nemo tenebatur. De solis Dominicarum dierum conventibus exigebatur ut omnes  
omnino

omnino fideles ad eos procederent, offerrentq; in iis & communicarent. Dominicæ diei Missæ ex eo dicebātur *publicæ*, quia omnes iis adesse deberēt fideles, nisi fontica causa, ut morbus aut alia, prohiberet. Sic *publicū certtamen* dicebatur, quod cū omnibus copiis totoq; exercitu cōmitti solebat. Ita *publica Missa* erat Dominica, quia ab omnibus fidelibus frequētabatur. In Concilio Carthaginēsi secundo can. iii. vetātur Presbyteri *reconciliare quemquam in publica Missa*, id est, ea quæ die Dominica celebrabatur. Non publica erat reliquorum dierum septimanæ, quia pars tantum fidelium eam obibat, excusatis; ut videmus apud Ambrosium, qui aut longius habitarent ab Ecclesia, aut negotiis distēti essent, ut opifices, aliq; vitam *ᾠσεσταινῶν* & exercitiam ex officio ac munere aliquo colentes. At *privatarū Missarū* quæ publicis opponūtur, eo sēsu quo hodie fiunt ac vocantur, nullum in antiquitate vestigium aut memoria. In plerisq; olim, ut dixi, & Occidentalibus præcipue Ecclesiis, quotidie communicabatur;



non tamen ab omnibus. Sed illi qui cō-  
 municare volebant, non accedebant ad  
 Ecclesiam. Diebus Dominicis omnes  
 communicabant qui Poenitentes non  
 essent aut Catechumeni, id est, qui-  
 cunque ius communionis habebant.  
 Nulla vero unquam absq; communio-  
 ne populi ac cōmunicantibus Missa  
 fiebat nec audiebatur. Augustinus lib.  
 II. de sermone Domini in monte, ubi O-  
 rationē Dominicā exponit, ad illa, Da  
 nobis hodie panem nostrum quotidia-  
 num; *Aut pro Sacramento*, inquit, *cor-*  
*poris Christi quod quotidie sumimus, aut*  
*pro spiritali cibo, de quo idem Dominus*  
*dicat, operemini escam quæ non corrup-*  
*pitur.* In Ecclesia ergo Africana vel  
 Hipponensi quotidie fideles commu-  
 nicabant, & quotidie Missæ ageban-  
 tur. Insequentibus scribit idem, in-  
 terpretationem illam, quæ panem  
 quotidianum pro Sacramento corpo-  
 ris Christi accepit, non posse locum ha-  
 bere in Orientalibus partibus ubi quo-  
 tidie non communicabant coenæ Do-  
 minicæ; non enim quotidianū hunc il-  
 lis esse panē. Sine crimine quippe non  
 posse

posse illos hanc expositionem admittere, quæ eos convinceret quasi non obtemperantes Dominico præcepto quotidianam communionem iniungenti. *De Sacramento*, inquit, *corporis Domini*, ut illi non moveant quæstionem, qui plurimi in Orientalibus partibus non quotidie Cænæ Dominicæ communicant, cum iste panis quotidianus dictus sit. Ut erga illi taceant, neque de hac re suam sententiam defendant, vel ipsa Ecclesiastica auctoritate sint contenti, quod sine scandalo ista faciant, neque ab iis qui Ecclesiis præsumt facere prohibentur, neque non obtemperantes damnantur. Unde probatur, non hunc in illis partibus esse quotidianum panem. Ex his patet Augustini verbis, in Ecclesia Africana omni die solitum communicari, & ut ita fieret, impense etiam eidem probari. Qui non facerent, sola defendi auctoritate Ecclesiastica. quæ talem consuetudinem apud eos non receperit. Cæterum eos non posse quotidianum panem in oratione Dominica sine piaculo exponere de Sacramento, quia quotidie illi panem non communicent. Ex his Augustini

dictis etiam liquet, omnes, qui panem quotidianum in Oratione Dominica pro Sacramento corporis Christi interpretarentur, sententiam eo ipso suam ostendere, quod esset quotidie corpori Christi communicandum, & quod talem haberent consuetudinem in Ecclesia sua. Ego tamen magnopere miror, Augustinum Latinæ versionis, verbis inductum, quæ *quotidianum panem* reddidit qui in Græco est *ἐπιείσιν*, ita arbitrari, quod Græci & Orientales qui non quotidie communicant, non queant panem *ἐπιείσιν* de pane Christi interpretari. Quasi scilicet *ἐπιείσιν* idem omnino sit Græce, quod Latine *quotidianus*. Atqui plerique Græcorum & Orientalium longe aliter eam vocem exponunt, quamvis etiam de pane Sacramenti intelligant. Ut Cyrillus, qui *ἐπιείσιν* explicat, quod *ἐπὶ εἰς τὴν ψυχὴν ἔπιεται*, in substantiam animæ vertatur. Nec tamen Hierosolymitani Christiani quotidie communicandi morem habuerunt. In Authentico Matthæi Hebraica ea vox fuit pro *ἐπιείσιν*, teste Hieronymo, quæ *venturum panem* signi-

significaret, & pro Christo ille etiam accipit, ac *superstantialem panem* interpretatur, ut alii plerique veterum. Ne omnes quidem ex Latinis, qui *quotidianum panem* de Sacramentali acceperunt, morem noverant quotidiana cōmunionis. *Petendo, inquit, panem quotidianum, perpetuitatem postulamus in Christo, & individuatē à corpore eius.* Dixerat paulo antē idem Afer ita spiritualiter potius intelligi debere, quia Christus panis noster est, & panis est sermo Dei vivi qui de cœlo descendit. *Tum, quod & corpus, inquit, eius in pane censetur.* Nihil de cōmunionē quotidiana ibi Tertulliauns. Et certū, non fuisse tūc in usu ac more Ecclesiis. Augustinus nō putabat, quotidiani panis expositionem de Sacramento quod quotidie accipitur ab aliis admitti debere quam qui quotidie communicarent. Ecce vero qui sic exponerent, & ex eo contenderent, illo tantum tēpore esse recitandam quo sacrificia celebrabātur. *Qui panem illum, inquit Strabo, libro de Rebus Ecclesiasticis, cap. xx, qui in eadem oratione petitur, supersubstantialem*

*tialem intelligi, non quotidianum, voluerunt.* Nihil tamen vetat quotidianum ita accipi, & quotidie eam orationem recitari. Nam ut censet Tertullianus, & post eum Cyprianus, ea oratione panem nostrum, id est, Christum, quotidie dari nobis petimus, ut qui in *Christo manemus & vivimus, à sanctificatione & corpore eius non recedamus.* Hoc est quod dixit magister eius, *perpetuitatem postulamus in Christo, & individuitatem à corpore carnis.* Hilarius similiter dixit, *quia quotidiana oratio est, quotidie quoque panis vitæ ut detur, oratur.* Cyprianus tamen sua ætate hunc quoque morem fuisse apud Carthaginenses declarat his verbis, quibus explicat panem quotidianum in libro de oratione Dominica: *Hunc autem panem dari nobis quotidie postulamus, ne, qui in Christo sumus & Eucharistiam quotidie ad cibum salutis accipimus, intercedente aliquo graviore delicto, dum abstenſi, & non communicantes cælesti pane prohibemur, à Christi corpore separemur. Ipso prædicante & monente, Ego sum panis vitæ qui de cælo descendi.* Clarum ex istis, eo tempore  
solos

solos abstentos ob aliquod gravius peccatum & excommunicatos ab Ecclesia, non cōmunicasse quotidie, cum reliqui fideles qui pœnitentiam non agebant, omni die communionem participarent. Ambrosius quoque in Ecclesia sua hunc morem quotidie communicandi fuisse aperte significat; cum quotidie audiri Missas ab illis velit qui iuxta Ecclesiam erant, & sine gravi impedimento id poterant. Basilius in Epistola ad Cæsarium probat etiam consuetudinem quotidie communicandi, sed in sua Ecclesia cōmunicationem haberi tantū ait solitā quatuor diebus septimanæ. Nūc velim mihi diceret Petavius, an in illis occidentis Ecclesiis quibus in quotidie cōmunicatum à fidelibus constat, ullas putaverit Missas celebrari solitas sine communicantibus? Idem ex Concilio Agathensi manifesto colligi posse putat, aliquas fuisse olim Missas quæ carent communicantibus. Contrarium ex eodem Concilio probare voluerat Casaubonus. Concilii huius Patres canon, xiv. ita præcipiunt. *Missus die*

L s

Domini



*Dominica secularibus tenere speciali ordine præcipimus, ita ut ante benedictionem Sacerdotis regredi populus non præsumat. Qui si fecerint, ab Episcopo publice confundantur. Quid hinc colligit? An Missas tunc agi solitas nullos habuisse communicantes ex fidelibus? Stipite stupidior sit oportet si ita ratiocinetur. Hoc tantū indicat canon quosdam ex secularibus recessisse ab Ecclesia ante benedictionem. Non omnes tamen ita solitos recedere, inde colligitur, sed nonnullos, quos propterea censet castigandos. Atqui, infert idem Petavius, canone XVIII. eiusdē Concilii ita statuitur, *Sæculares qui in natali Domini, Pascha, Pentecosta, non communicaverint, Catholici non credantur, nec inter Catholicos habeantur.* An hinc colligit, neminem præterquam his diebus communicare tum consuevisse? *Hic, inquit, tribus duntaxat diebus quotannis fidelem ad communionem compellit; illic dominicis diebus debet audire Missam. Non est igitur idem audire Missam & cōmunicare. Ut supra à nobis demonstratum, non alius vere Missam audire tum**

tum censebatur, quam qui in ea communicabat. Fateor tamen, eo tempore, circa finem nempe quinti sæculi quo habitum est Concilium Agathense, frigescente pietate, & inclinata Ecclesiæ disciplina, solutioribusque hominum moribus, non omnes vulgo quoties Missa celebraretur communionem sacramentorum accepisse, sed multos exstitisse qui sponte sua abstinerent, nec tam frequenter sibi esse communicandum crederent. Illi sunt quos Concilium illud compelli vult ad communionem sumendam tribus saltem in anno diebus sollempnibus. Sed non ex eo sequitur, cæteris anni diebus neminem fuisse qui communicaret. Quod & plane falsum. Plerique illorum qui raro tunc communicabant, consueverant nihilominus interesse Missarum celebrationibus, sed antequam communio daretur discedebant, ne inter communicantes ipsi tanquam excommunicati cernerentur. An vero ne sacrificiis quidem orationum intererant, ut loquitur Tertullianus, neque illis orationibus quæ ad Sacramento-

rum

rum confectiōem præparabant? Si ne his quidem interveniebant, cum Catechumenis exiſſe eos oportuit, aut cum poenitētibus quarti gradus. Nam in Agathenſi Concilio mentio fit eius diſciplinæ quæ Catechumenorum Miſſam ſeparabat à fidelium Miſſa. Poenitentium etiam meminit can. LXI. *quos inter Catechumenos uſque ad legitimam ſatiſfactionem manere & orare præcipit.* In Eccleſiis autem illius temporis finita Catechumenorum Miſſa, cum iam inchoanda eſſet fidelium, clamabat Diaconus, *ſi quis eſt Catechumenus, exeat, vel procedat*, ut in aliis legitur, ut Græci. *περιλθῆτω.* An igitur cum ita clamaret Diaconus ſimul exhibant illi fidelium qui communicare illo die volebant? Non ſane putarim, niſi hac nota affici vellent, ut pro Catechumenis aut Poenitentibus quarti gradus ſaltem designarētur, & ſic alicuius gravioris delicti ſuſpiciōe laborarent. Ergo veriſimile eſt, exire ſolitos poſt conſecrationem, ante communionem. Sic enim poterāt nec pro Catechumenis nec pro Poenitētibus notari. Quod autem

autem canone XLVII. eiusdem Concilii Agathensis præcipitur, *ut seculares ita teneant Missas, ne digredi populus præsumat ante benedictionem Sacerdotis*, non ex eo colligitur, quod vult Petavius, non communicasse tunc populum in illis Missis corpori & sanguini Dominico. Sed quia multi qui communicaverāt, nō expectata benedictione Sacerdotis, id est, ultima oratione, quæ clausula erat divinæ actionis exhibāt. Hoc ipsū prohibet ea de causa. Ea benedictio, ut ante dicebam, *Ὁ χαρισία* vocatur Pseudo-Dionysio Areopagitæ, cum dicit, *κοινωνίαν διαρχικῶς εἰς ἱερὰν εὐχαριστίαν καταλήγειν*. Valafridus Strabo, de Rebus Ecclesiasticis cap. XXI. *Statutū est autem Concilio Agathensi, ut populus ante benedictionem sacerdotis non egrediatur de Missa. quæ benedictio intelligitur illa ultima Sacerdotis oratio*. Cuius ultimæ orationis, ut idem ibidem scribit, *petitio maxime pro iis erat qui communicaverant*. Cæsarii Arelatensis Episcopi ætate, qui circa septimi sæculi finem vixit, multi fidelium qui communicare nolebant, quamvis nec ex-

cōm-

communicati nec suspensi essent, ab Ecclesiarecedebant post lectionem Epistolæ Apostolicæ & Evangelii, id est, ante ipsam Missam Catechumenorum, & ante munerum oblationem. Sic neque pro Catechumenis, neq; pro Pœnitentibus denotari potuere. Ipse Cæsarius hoc valde improbat, Homilia xii, & vult eos manere in Ecclesia, id est, ut loquitur, *Ecclesiam tenere, usque quo oratio Dominica dicatur & benedictio populi detur*. Ergo ipsi actioni consecrationis eos interesse præcipit, atque etiam dum communio dividitur adesse, quamvis non communicarent. Evangelia autem recitabantur in ordine lectionum post Epistolam Apostoli ante munerum oblationem & ante Missam Catechumenorū, ut alibi docebitur. Unde & Epistola quæ prima omnium legebatur ante Missam tam Catechumenorum quam fidelium, dicebatur *Supermissa*, ut notat Albinus; qui causam nominis non bene posuit. *Si diligenter*, inquit Cæsarius, *attendetis, cognoscetis, quod non tunc fiunt Missæ quando divinæ lectiones recitātur,*  
*sed*

*sed quando munera offeruntur, & corpus vel sanguis Domini consecratur. Circa illa igitur tempora videtur introductum, ut etiam ii qui non communicarent, consecrationi Sacramentorum intervenirent & manerent una cum communicantibus, usque ad benedictionem & orationem ultimam qua dimittebantur fideles cum hoc verbo, *Ite, Missa est.* Hinc sæculo Valafridi Strabonis quod erat noni initium, consuetudine hac iam firmata, incommunicantes una cum communicantibus usque ad finem in Ecclesia perstabant, & mysteriorum celebrationi intererant. Canones præcipiebant, eum ad pacem non accedere qui non communicaret. Quod quidam, inquit Strabo, ita interpretabantur, non debere pacem accipere quemquam in aliis Missis nisi in quibus communicaret. Alii vero volebant, illum tantum à pace prohiberi, qui iudicio sacerdotali à cōmunionē suspensus erat. Et sane in antiquis canonibus, à pace arceri, & à cōmunionē, idem est. Canon LXI. Concilii Eliberini; *Quinquennio à cōmunionē placuit absti-**



*abstineri, nisi forte dari pacem velocius, necessitas coegerit infirmitatis. Alibi communionem pacis appellat, ut canone XLVII. Placuit ulterius non ludere eum de communione pacis. Sed ea pax, quam per oscula mutua qui erant una communicaturi consignabant, alio tempore in primitiva Ecclesia dabatur accipiebaturq;, alio posterior eam frequentavit. Ex instituto Innocentii Ecclesia Romana, & ex ea Occidentales, pacem ante communionem dari post Orationem Dominicam quæ post confectionem Sacramentorum dicebatur, insueverunt. Hæc eius verba sunt in Epistola ad Decentium, quibus vetet pacem dari ante Sacramentorum benedictionem. Pacem ergo asseris, inquit, ante confecta mysteria quosdam populis imperare, vel sibi invicem Sacerdotes tradere, cum post omnia quæ aperire non debeo, pax sit necessario indicenda, per quam constet, populum ad omnia quæ in mysteriis aguntur, atque in Ecclesia celebrantur, præbere consensum. Illi quidam quos ait, fuisse omnes Orientales & Græci, & multi ex Occidentalibus. Nec alias fuit mos totius*

totius primitivæ Ecclesiæ. Quem quare mutatum voluerit Innocentius nescio, nisi quia semper puduit Episcopos Romanos communi ire via, & Episcopos fateri. Hinc libido iis multa novandi in religionem. Ratio quam reddit frivola est, ideo pacem dari debere post confecta mysteria, ut populū ad omnia quæ agerentur præberet consensum. Longe maioris fuit rationis, ut qui una cōmunicaturi adessent corpori & sanguini Christi, ante omnia testarentur osculo pacis mutuo consensum coniunctionemque animorum quam inter se omnes haberent: Sive ut scribit Isidorus lib. I. de officiis Ecclesiæ cap. xv. *ut charitate omnes reconciliati invicem digni Sacramentis corporis & sanguinis Christi confociantur, quia non recipit dissensionem cuiusquam Christi indivisibile corpus.* In Ecclesiis autem Hispanicis eius ætate in ordine quo Missæ agebantur oratio pro osculo pacis quartum locum obtinebat, ante hymnum qui præmittebatur consecrationi, quam ille vocat *confirmationem Sacramentorum*, quæ sexto loco fiebat in ordine

M

Missæ

Missæ tunc temporis. Liturgiæ autem ordo antiquus in Ecclesiis Græcis hic fuit sicut traditur Concilii Laodicensi sanctione xx. Alloquutio Episcoporum ad populum, Oratio Catechumenorū, Oratio Pœnitentiū, tres Orationes fideiū, osculū pacis, facta oblatio Sacramentorū. Ἀπόλυσις deinde sive missio, id est, dimissio; ex qua *Missæ* Latinis nomē. Nec alius ordo servatus est in Ecclesia ducentis retro annis Iustini Martyris ætate. Alloquutionē Episcopi præcedebat lectio divinæ Scripturæ ex Apostolis & Euangelio. Cuius non meminit canon Laodicenus, An quia res nota tunc erat? Isidorus tamen ordinē Missæ sicut agebatur suo tēpore aspiciatur ab Episcopi admonitione ad populū. Sed lectionē videtur omnino ab orationibus & laudibus separasse, quæ solæ ordinē Missæ conficiebant. Hoc ergo ordine Liturgia celebrabatur Iustini tempore, ut docet in Apologia pro Christianis secunda. Conveniebant in unum die Dominica. Apostolica & Prophetica primum scripta recitabantur. Vbi desierat Lector, is qui præ-

præsidebat cœtui, alloquutionē habebat admonendo & exhortando vel docēdo populo. Post eam admonitionem & concionem consurgebant omnes, & orabant. Precibus finitis sequebatur *ἁγιασμός*, & osculum. Tum offerebatur panis & vinum præsidenti conventus. Ille preces & gratiarum actionem super utrumq; habebat. Populus benedictioni vel gratiarum actioni adclamabat. Quo factō dividebatur inter omnes panis, & poculum. Hic ordo integer fuit Liturgiæ, cui fideles omnes interveniebant usq; ad finem à principio. Priori eius parti interesse Poenitentibus & Catechumenis licuit usque ad orationem quæ præcedebat *ἁγιασμός* vel pacis dationem. Eidem tamen orationi cōmunicare licitū erat quarti gradus Poenitentibus, qui orationis & precum communionem habebant, non itē aliis. At isti finita oratione discedebant cum ad pacem dandam invicem fideles accederent, id est, ante *ἁγιασμός* panis & vini, & utriusque distributionem. Hæc posterior pars Liturgiæ sola peragebatur cum ad parti-

ticipationem tantum Sacramentorum  
 conveniebant, ut cum recens sacro la-  
 vacro tinctos traducebant ad perce-  
 ptionem communionis, sicut fieri soli-  
 tum in primitiva Ecclesia. Nā baptiza-  
 tis statim Eucharistiam concedebant.  
 In ea concedenda cū ad hoc tantū co-  
 irent fideles omīssa priore parte Litur-  
 giæ eam duntaxat explebant quæ ad Sa-  
 cramentorum confectiōnem pertinet.  
 Inchoabant igitur eam actionem à pre-  
 cibus pro baptizato faciendis & pro  
 reliquis fidelibus. Clare hoc insinuat  
 idem Iustinus in eadem Apologia. Ἡ-  
 μῖς δὲ μὴ τὸ ἔτιως λῆσαι τὸν πεπτισμένον  
 καὶ συγκατατεμένον ἐπὶ τῆς λεγομένης ἀ-  
 δελφείας, ἀγνοοῦν ὅτι συνηγμένοι εἰσὶ κοινὰς  
 εὐχὰς ποιήσομενοι ὑπὲρ τε αὐτῶν καὶ τῆ φωπι-  
 δέντος, καὶ ἄλλων πάντων καὶ πάντων ἀνθρώπων.  
*Nos ubi lavacro sacro tinximus eum qui*  
*credidit cōsensique omnibus iis quæ in ba-*  
*ptismo agūtur, ducimus ad fratres dictos,*  
*ubi conventus suos habent, ibique commu-*  
*nes preces fundimus pro baptizato, &*  
*pro nobis ipsis aliisque qui ubique sunt.*  
*Has preces subsequebatur ἀπασιδος, si-*  
*ve pacis datio, & reliqua omnia quæ*  
supra

supra commemoravimus. In Stationibus quoque hanc solam partem Liturgię ultimā peragebāt, relicta priore, quia illis ieiuniorum diebus non aliā de causa coibant & ad Ecclesiam accedebant quam ad ieiunium participatione Eucharistię solvendum. Errant quippe magnopere qui opinantur, Stationum diebus perstitisse populum à summo mane in Ecclesia usque ad nonam diei. Episcopus Aurelianensis id probare contendebat testimonio Tertulliani, quo nostra plane sententia confirmatur, ex lib. I I. ad Uxorem, his verbis: *Vt si Statio facienda sit, maritus de die condicat ad balneas: si ieiunia observanda sunt, maritus eadem die conviviū exerceat.* Ait sane mulieris Christianę quę gentili nupta sit, impediri Stationē posse, quod eadē hora maritus eius cōdiceret ad balneas, qua Statio uxori sit obeūda. At Aurelianēsis ex eodē Tertulliano probari cēset posse, tēpore matutino veteres ad balneas ivisse. Sic enim eius verba citavit ex Apologetico. *Non labor diluculo, ut gentiles scilicet, sed labor honesta hora.* Sed de-



buit ille verba integra auctoris adducere; tum aliud tinnirent. Ita autē habēt: *Non labor diluculo Saturnalibus, ne & noctem & diem perdā. Attamē labor honesta hora.* Solis Saturnalium diebus diluculo lavabant Romani, quia de die convivia agitabant, id est medio die. Aliis temporibus balnea non ante nonā patebant, ut multis docuit Salmasius ad Historiæ Augustæ scriptores. Eadem igitur hora fuit balnei tunc gentilium & Stationis Christianorum. Præterea cum dicit Tertullianus, *de die condicat ad balneas*, ut loquitur ille, *de die non sonat matutinū tempus, sed diem ferme medium.* Ut & illud *de nocte* non est de initio noctis accipiendū, sed de intēpesta & multū provecta nocte. Sed nec eum iuvāt antelucani coetus Christianorum Plinio memorati. Veteres quippe illi Christiani solis diebus Dominicis coibant ad orandum, & antelucano tempore, quia latitare studebant propter persecutiones. Reddita tamē pace ac libertate Ecclesiæ sub imperatoribus etiam Christianis, diebus Dominicis matutino tempore Synaxes con-

congregabant, atque, ut loquitur Epiphanius, ἀφ' ἑωθιν, & καὶ τὰ ἑσπέρια. In aliis locis ubi Stationes illæ non observabantur ad ieiunium solvendum & participandam Eucharistiam, solam habebant orationem, id est, priorem integræ Synaxeos partem. Λειτουργία δὲ χῶν appellat Concilium Laodicenum, quæ habebatur nona & vespera. Ὡς τοῦ τῆς αὐτῆς λειτουργίας τῆς δὲ χῶν ἐν ταῖς ἐνάταις καὶ ἐν ταῖς ἑσπέρας ὀφείλῃ γίνεσθαι. Horarum harum hac differentia distabant ieiunia à Stationibus, quia Statio sive semieiunium solvebatur nona, & ieiunium vespera. Ideo signavit Tertullianus utriusque discrimen his verbis, *Vt si Statio facienda sit, maritus de die condicat ad balneas: si ieiunia observanda sunt, maritus eadem die convivium exerceat.* Hora quippe balnei, ut diximus, ab octava ad nonam, quæ & hora Stationis fuit, ut Epiphanius dicit, ὥς πρὸς ἐννὰς ὥρας. Hora autem convivii ad vesperam, qua ieiunia dissolvebantur. Montanistæ autem Stationes suas usque ad vesperum protrahebant. Ideo & tum in Ecclesiam conveniebant, ad fi-

niendū ieiunium cōmunicatione corporis Christi. Constitutiones Clemētis lib. v. cap. xviii. ἐν δὲ ταῖς λοιπαῖς ταῖς ἐκκλησίαις, ὡς καὶ ἐν ταῖς λοιπαῖς ταῖς ἐκκλησίαις, ἐν δὲ τῷ σαββάτῳ ἕως τῆς ἀλεξοφρονίας ἀργυπνουῦντες καὶ προσδύχνημοι καὶ ἀναγνώσκοντες τὸν νόμον καὶ τὰς περὶ τῆς ψαλμῶν μίχης ἀλεξοφρονῶντων κεραιῶν. Ita hæc verba legēda ex libris. In aliis igitur Ecclesiis ubi Stationes cum Eucharistiæ participatione non fiebant, solis orationibus defungebantur & lectionibus Prophetarum & Apostolorum, & Psalmorum cantu. Quæ omnia priorem partem integræ Synaxeos absolvebant usque ad osculum pacis, quo finiebatur προσδύχνη. Inde autem incipiebat altera & postrema pars Synaxis vel Missæ, quæ fiebat ad participanda Sacramenta corporis & sanguinis. Integra autem Synaxis sive Missa quia multis orationibus & gratiarum actionibus constabat, ex ordine faciendis, idcirco de ea dicebatur *Ordo Missæ*, sive *Canon Missæ*. Quo nomine intelligebant numerum orationum in Missa ex ordine faciendarum. Hinc *Ordo Romanis* hodieque dicitur. Hinc apud

apud Isidorum, Rabanum Maurum, Amalarium, & Strabonem, *Ordo Missæ*, de integra, ut dixi, Synaxi vel Liturgia. *Canon* etiam Missæ olim appellabatur. Nam *Canon* idem quod *Ordo*. Unde & *Canon scripturarum*, catalogus nempe earum quæ genuinæ sunt & ab apocryphis separantur. Vnde & *Canonicæ* appellantur, à Canone, id est, à catalogo quo comprehensæ sunt in illo numero. Sic *Canon Ecclesiasticus* idem qui ordo. Vnde ἐκ κανόνι & τῶ κανόνι ☉ esse dicuntur qui sunt ordinis Ecclesiastici, quos etiam ab eo κανονικῶς vocarunt. Sic apud Georgium Syncellum κανὼν βασιλέων, canon Regum, id est, catalogus vel laterculus quo nomina regum continentur. ὡς ἐκ κανόνι τῶ βασιλέων δηλεῖται. At Romana Ecclesia abusive distinxit *Canonem Missæ* ab *Ordine*, cū idē plane sit; & *Canonem* pro ea parte usurparunt *Canonis* five *Ordinis* in qua oblatio fiebat, five consecratio. Quam & *Actionem* absolute vocabant, quia in ea Sacramenta conficiebantur Dominica; *Canonē* vero, quia in ea esset legitima & regularis Sacramentorū cōfectio. Quæ

falsa sunt, & ridicula, cum *Canon Missæ* & *Ordo Missæ* proprie eadem sint. Ut autem Canonem, qui totus erat Ordo, pro Ordinis parte posuerunt, ita & *Collectam*, quæ totam olim Synaxin significavit, pro parte usurparunt *Collectæ* sive Synaxis, id est, pro precibus & orationibus quæ in ea fiunt. Ordinem illius septenario numero orationum concludit Isidorus. In aliis Ordinibus pauciores aut plures fuere. Antiquissimus quisque ut simplicissimus, ita minore numero constitit. Sed hæc non sunt huius loci. Cum igitur integer Ordo sive Canon, ac tota Lyturgia, in duas partes divideretur, ubi prima desinebat, nempe in pacis datione, ibi postrema incipiebat. Divisim alterutra pars certis diebus fiebat, certis vero utraq;. Quando ad orandum tantum conveniebant, priorem tantum celebrabant: quando ad solam Sacramentorum participationem, ut Stationum diebus, aut ad Sacramenta conferenda baptizatis, posteriorem solam. Diebus Dominicis & festis utramque complebant. Cum scribit Tertul-

lianus



lianus in Libro de Oratione, *Osculū pacis esse signaculum orationis*, non de Dominica oratione intellexit sed de *αἰνῶν*, quam quotidie facere soliti erant, cum orandi tantum gratia conveniebant ad Ecclesiam. Eum conventum *communicationem orationis* appellat in Apologetico. Eam orationis communicationem solam habuere cum integra Liturgia celebraretur, illi qui non participabāt Sacramentis, quiq; *αἰνωμένοι* proprie dicebantur, & Pœnitentes quarti gradus qui in *οὐσία* erant. In istis porro orationum conventibus qui finiri consueverant osculo pacis, nonnulli, ut idem scribit Africanus auctor, *habita oratione subtrahebant osculum pacis*, quia ieiunabant. Hanc pravam consuetudinem corrigere ibi fatagit Tertullianus. Qua mente aut consilio hoc facerent, non ibi exponit auctor. Non debere fieri multis tantum probare conatur. Sollennibus diebus ieiuniorum cum omnes ieiunarent, ut die Paschæ, osculo abstinebant. An illi qui voluntarium ieiunium suscipiebant seorsim à fratribus, quando  
 cum



cum fratribus orabant, osculum subtrahebant? Non enim ea ratione id eos fecisse existimandum, quia cum pollent communionem eo die cum fratribus participare, non putarent etiam pacis osculum cum fratribus reciprocare. Nam de orationum conventibus ibi loqui certum est Tertullianum, non de communicatione Sacramentorum. Nam ut ait idem in eodem libro, *Ne prius ascēdamus ad Dei altare, quam, si quid discordiæ vel offensæ cum fratribus contraxerimus, resolvamus. Quid est enim ad pacem Dei accedere sine pace?* At qui ieiunabant voluntaria devotione, ad orationem quidem una habendam cum fratribus accedebant, sed quia cōmunionem cum iis non erant habituri, non putabant necessarium esse, osculo pacis testari bene sibi cū omnibus qui aderant cōvenire. Ex his si forte possit aliquis colligere, etiam multos tunc temporis interfuisse divinæ rei celebrationi, qui tamen non communicarent. Quod non ita est. Nam ut iam dixi, de conventibus loquitur eo loco Tertullianus, qui ad orationem tantum simul

simul habendam precesq; in commune iungendas à Chrstianis illius temporis habebantur. Quod facile est sic probari. Non ieiunabant die Dominica. At hic mentionem facit ieiunantium, qui habita oratione cū fratribus subtrahebant osculum pacis. Præter diem Dominicam aliis duobus in septimana diebus Stationes celebrabant, & in iis cōmunicabant, die nempe Mercurii & die Veneris. De his vero hic etiam non potest accipi. Nam & paulo post aliam carpit quorundam opinionem & consuetudinem, qui Stationum diebus non putabant sacrificiorum orationibus interveniendum, cum voluntate propria ieiunarent, quod Statio solvenda esset accepto corpore Christi. Quo etiam ex loco, ut ante monuimus, certo constat, neminem tunc intervenisse Sacramentorum corporis & sanguinis celebrationi, qui non communicaret. Non ergo damnat in iis Tertullianus, quod iis diebus quibus Eucharistiæ erat communicandum, propter ieiunium suum voluntarium ad Ecclesiam nollent ventitare, ne rumperent

perent ieiunium, quod Eucharistiæ  
 sumptione resolvebatur, sic tamen ad-  
 esse eos vult, ut accipiant cū aliis cor-  
 pus Domini, & reservent. Alia igitur  
 illa communio orationis ad quam tum  
 conveniebant Christiani singulis die-  
 bus quibus Eucharistiæ participandæ  
 causa Synaxis non fiebat. In illis ora-  
 tionibus cōmunibus etiam osculo pa-  
 cis, ut ex illis Tertulliani patet, sese in-  
 vicem omnes excipiebant. Ea Synaxis  
 solarum precum causa habita finiebatur  
 illo osculo. At Synaxis Eucharistiæ  
 gratia habenda ab eo incipiebat. In  
 quo conventu Synaxis orationis sepa-  
 rabatur à Synaxi Sacramentorum, ut  
 iam diximus, & *προευχῆς κοινωνία* di-  
 cebatur, sua participabant Catechu-  
 meni & Pœnitentes quarti gradus,  
 non aliis. Illa vero separatim etiam  
 celebrari solebat à fidelibus primis  
 temporibus Ecclesiæ omni die quo non  
 communicabant communioni corporis  
 & sanguinis. Quinimo & *Missam* vo-  
 cabant omnem eiusmodi congregatio-  
 nem fidelium & conventum qui oran-  
 di tantum gratia fiebat. Quod apud  
 Cassia-

Cassianū sepe occurrit de Monac horū  
*Missis* sive precibus, ad quas coibāt fa-  
 ciendas tertia, sexta, nona, & vespere. Ita  
 & *Missa Catechumenorū* Synaxis erat si-  
 ve pars Synaxeos, in qua Catechumeni  
 orabant cū fidelibus vel pro his oratio  
 habebatur. Vt autē *Collecta* eadē proprie-  
 cum *Synaxi* & *Missa*, ita eadē abusione  
*Collectas* posterior ætas appellabat ora-  
 tiones sive preces quæ fiunt in *Missa*  
 Eucharistiæ. Tres fiebant in ordine  
 apud Laodiceos observato: prima sub  
 silentio, alteræ duæ clara voce. Hæ fide-  
 lium orationes dicebantur. *Collectas* eas  
 dixere proprie recentiores Latini. Cu-  
 ius nominis vim non recte exponunt  
 Rabanus & Strabo, aliique. Apud hunc  
 ita legitur in libro de Rebus Ecclesia-  
 sticis cap. xx. *Cum videamus usque hodie,*  
*& lectiones, & collectas, & diversas lau-*  
*dū species iā pæne abūdantibus omnibus su-*  
*peraddi.* Eas quas dixi orationes intel-  
 lit. *Missas* ergo eadem notione usur-  
 parunt pro precibus sive orationibus  
 quæ fiebant absque celebratione sacri-  
 ficii. Sed & *Missa* quæ Catechume-  
 norum Latinis dicitur, Græce est *Ἐκκλη-*

ἡσυχία

κατηχευμένων in Laodicensi Concilio  
 can. XIX. κατηχευμένων δὲ χλὼ ὑπεπλεῖσθαι.  
*Quæ Missa est fidelium* Latinorum, ea  
 quoque δὲ χλὼ ibidem τῶν πτωχῶν appella-  
 tur. Cum autem *Missam* absolute in-  
 terdum dicant pro ipsa sacrificii cele-  
 bratione, ita & Græci δὲ χλὼ pro eadem  
 usurparunt κατ' ἔξοχλῳ. Ita notat Bal-  
 samo, quosdam accepisse τὸ συνάχου  
 pro συναρμυρίσσει in canon. XI. Aposto-  
 lorum. In Epistola Timothei δὲ χλὼ pro  
 oblatione positum occurrit. Sic cum  
 λειτουργίαν absolute Græci dicunt, de  
 ea oblatione intelligunt quæ & θεία  
 λειτουργία, & ἱερὰ καὶ σεπτή λειτουργία passim  
 apud patres vocatur. Vnde & λειτου-  
 ρεῖν pro offerre can. XXXI. Synodi VI. in  
 Trullo. Eam vocem Latini per *Mis-*  
*sam* reddiderunt. Et *Missam facere* est  
 λειτουργίαν ποιεῖν, quod de officio quo Sa-  
 cramenta conficiuntur accipitur. At  
 λειτουργία δὲ χλὼν officium est precum sine  
 oblatione, quas *Missarum* nomine &  
*collektarū* etiam nuncupare aliqui soliti  
 sunt. In Concilio Laodicensi can.  
 XVIII. de precibus nona & vespera ce-  
 lebrandis, ita vertit Dionysius, *Quod*  
*ipsum*

*ipsum semper officium precum nona & vespera debeat exhiberi.* In Græco est λειτουργία τῶν δ' ἑσπέρων. Hæ Missæ sunt Cassiano nona & vespera fieri à Monachis solitæ. In loco igitur quem pro Ambrosiano supra citatum à Casaubono notavimus, *Missam audire* de istis precibus accipiendum : aut si de Missa absolute dicta accipiatur, atque intelligatur de sola auditione Missæ, non de communicatione, non potest esse Ambrosii, cum is velit quotidie communicari. Ne quidem fuerit illius auctoris si placeat accipi pro conventu ad preces faciendas. Nam ex eo cōstat, in eius Ecclesia quotidie Missam ad cōmunicandum fuisse celebratam. Téporibus autē antiquioribus non is mos fuit quotidianæ communicationis, cum tamen quotidie convenirent ad orationem habendam communiter, quæ oratio claudabatur & signabatur osculo pacis. Quo committebatur pars ea Synaxis, in qua Eucharistia confici solebat in primitiva Ecclesia & Gæca. Nam Romani auctore Innocentio osculum pacis, unde initium sumebat celebratio Liturgiæ ad

N

Sacra-



Sacramenta conficienda , retraxit ad finem orationis Dominicæ , quæ ante communionem dicebatur. Haud scio an inductus auctoritate Tertulliani , qui signaculum orationis dixit esse osculū pacis , cum de oratione , quæ seorsū habebatur à fidelibus iis diebus quibus nō participabāt Eucharistia , intellexerit , nō de oratione Dominica. Aetate vero Walafredi Strabonis , cum osculum pacis post consecrationem more Romano & novo daretur , & cum multi essent qui Missæ interessent sine communionem , de his dubitatum , an ad osculū pacis , sive ad pacē deberent accedere. De quo tamen non debuit dubitari , cum more antiquo etiam orationis diebus citra Sacramentorum participationem agendæ , fideles omnes oscula pacis mutua reciprocarent. Quod etiam magis placuisse nōnullis idem Strabo notat: *illum enim qui quadam ratione differt communionem , cum tamen non sit extra communionem , non debere à pacis gratia separari , ne humilitas eius graviorum criminum suspitione notetur.* Sed hæc etiam persuas-

persuasio multis incessit ævo Tertulliani, eos, qui non communicarent cum fratribus, non debere etiam osculum pacis cum his conferre. Ex eo Strabonis loco patet plurimos illo tempore in Ecclesia permansisse dum officium divinum perageretur, & cum communicantibus adstitisse non communicantes. Quod etiam ex more qui tunc obtinebat plures simul Missas uno die audiendi, planius intelligitur. Aut enim omnibus Missis quas audiebant communicare debebant, aut si in quibusdam tantum communionem acciperent, in aliis certè non cōmunicabant. Tunc autē ea etiam quæstio mota est, ntrum semel in die esset cōmunicandum alicui qui pluribus interesset Missis, an vero in omnibus quibus afforet Missis communicatio esset necessaria. Alii credebant pro dignitate Sacramentorum sufficere semel in die communicare, tametsi quis pluribus interveniret Missis, alii contra probabant, ut in omnibus Missis qui plures audire vellet, communionem sumeret. Ipse Strabo, ut iudicium suum interponat,

nāt, neutros culpandos existimat, *quia, sicut Augustinus ait de his qui quotidie communicant & illis qui rarius, istos reverentia sanctarū retrahit rerum, illos vero amor salubrium invitat Sacramentorum.* Quasi vero quod Augustinus dicit de his qui quotidie communicarent, ad eam quæstionē pertineret solvendam an in die pluries communicandum esset. Nunquam enim id factum nec auditum temporibus Augustini, neque anterioribus usque ad Apostolorum ætatem, ut quisquam in die plus quam semel communicarit. Rationem addit cur etiā fidelis plures in die cōmunionem suscipere possit. *Nam & ipse Sacerdos, inquit, quoties in die Missas facit communicare non omittit. Quod si non faciat. canonico est feriendus iudicio.* Acque hoc novum, ut de fidelibus Laicis, itidem & de Sacerdote, antiqua Ecclesiæ consuetudine & usu, ut quisquam Sacerdotum plus etiam quam semel in die communicarit. Una cum Sacerdotibus omnibus Laici quoque unius parochiæ cōmunicabant. Cum eo qui præsidebat & actionem celebrabat cæteri

teri circumfistebant mensam & primi cum ipso communicabant. Deinde & Laici ad eam communionem admitterbantur. Inde illa differentia *communiois Laicæ, & Sacerdotalis*. Hæc erat qua Sacerdos inter Sacerdotes, Episcopus inter Episcopos communionem accipiebat. Excommunicatus autem vel degradatus Episcopus vel Presbyter à propria communione excidebat, & ad peregrinā & Laicam redigebatur. Ne prioribus quidem Ecclesiæ sæculis nota fuit hæc differentia *Ecclesiastica & Laicæ* communionis, ut alibi dicetur. Multo minus novit purior & sanior Ecclesia Sacerdotes aut Laicos ter aut quater vel amplius in die cōmunicantes & pluribus Missis adfistētes, partim sine communione, partim cum communione. Minime vero omnium id usitatum aut auditum unquam liquet, ut omnes de more interessent celebrationi Eucharistiæ qua non participandum haberent. Illud omnino certum est, in primitiva Ecclesia, cū varius esset mos pro locorum diversitate de Sacramētorum corporis & sanguinis sol-

lennitate, quādo & quoties esset inter  
 unius septimanæ spatium celebranda,  
 in eo tamen omnes Ecclesiæ conspi-  
 rasse per quattuor prima sæcula, ut  
 nemo officio divino interesset quo Eu-  
 charistia cōficiebatur qui non eius par-  
 ticeps fieri vellet ant deberet. Verba  
 Augustini de ea Ecclesiarū varia con-  
 suetudine supra retulimus. Sed in iis nō  
 legitur fuisse aliquas quæ semel in an-  
 no cēserent esse cōmunicandū, ut tra-  
 dit Walafridus Strabo in libro de rebus  
 Ecclesiasticis cap. xx. Vllæ si fuere, non  
 nisi semel celebrationem Eucharistiæ  
 faciebant, idque in die cœnæ Domi-  
 nicæ, *ut ibi solum*, inquit, *Sacramen-*  
*torum gratia iteraretur illorū ubi primi-*  
*tus est ostensa. Vnde & ipsa die solve-*  
*bant ieiunium, sicut in festis aditare so-*  
*lemus, & ante meridiem collectas exple-*  
*bant.* Ergo eo die circa vesperam Eu-  
 charistiam celebrabant qua hora ieiu-  
 nium illius diei solvere debebant.  
 Sed & Mōtanistæ qui Stationes suas à  
 nona in vesperam extrahebant circa  
 vesperam Ecclesiā inibant, & ibi par-  
 ticipato corpore Christi ieiunium fi-  
 niebant.

niebant. Qui vero usque ad gallicinium  
ieiunia extendebant, circa illud ipsum  
tempus Ἀπολύειν faciebant tam ieiunii  
quam officii. Miror autem illud Wa-  
laffridi de cōmunicatione annua qua-  
rundam Ecclesiarum. Huius hæc sunt  
verba: *Alii ut ex patrum collationibus  
discimus semel in anno communicandum  
censebant, ut videlicet diuturna præpara-  
tione corpus & animam purificantes tan-  
dem ad cōmunionem mensæ cœlestis per-  
tingerent. Et quidam horum alii ipsam  
celebrationem annuam in die Dominicā  
faciebant, ut ibi solum Sacramentorum  
gratia iteraretur illorum ubi primitus est  
ostensa. Qui sunt illi Patres ex quo-  
rum collationibus id se dicit didicisse?*  
Ambrosius certe solus omnium quod  
sciam, si modo is est Ambrosius, id  
tradit ib. v. de Sacramentis cap. iv.  
in expositione Dominicæ orationis, &  
Græcos in Oriente ita facere consue-  
sse ait. *Si quotidianus, inquit, est panis,  
cur post annum illum sumis quemadmo-  
dum Græci in Oriente facere consue-  
runt?* Sed quinam illi Græci sint in Oriente,  
nescio. Nec cur Augustinus, cum ean-



dem orationem enarraret, dicat, minime Orientalibus convenire eam interpretationem de pane Christo, *quia plurimi*, inquit, *in partibus Orientalibus non quotidie cœnæ Dominicæ communicāt, cum panis iste quotidianus sit.* Non dixit, Orientales omnes aut Græcos in Oriente, quod de omnibus Græcis intelligendum esset, semel tantum in anno panem Eucharistiæ sumere, ut iste tradit Ambrosius, qui non potest esse qui dicitur. Nec enim verus Ambrosius, vir tantus, ac rerum secularium ex æquo atque Ecclesiasticarum peritus, nescivit quid Græci sua ætate facerent, & quem morem communicandi haberent. Aliquorum in singulis Ecclesiis hic mos & opinio fuerit nusquā totius Ecclesiæ. Memni Chrysostomū alicubi id de aliquot fidelibus suæ Ecclesiæ dicere. Verū de his alio loco. Quā autē falsū sit illud de annua Græcorū cōmunicatione, Socrates & Sozomenus qui nō lōge ab ætate veri Ambrosii vivere, ostendunt. Scribit ille quippe, quod & iste confirmat, in omnibus ubique terrarum Ecclesiis præterquam in Roma-

na

na & Alexandrina, diebus Sabbati & Dominica, solita celebrari divina Sacramenta. Τῶν ἀπανταχῆ, inquit Socrates, ὅ οἰκουμενῆς ἐκκλησιῶν ἐν ἡμέρᾳ σαββάτων καὶ πάσαν ἑβδομάδος ἐξείον ὅπτι λυσῶν τὰ μυστήρια, οἱ ἐν τῇ Ἀλεξανδρείᾳ καὶ ἐν τῇ Ρώμῃ ἐκ πινος ἀρχαίας ἐξεδόσεως τὸ ποιεῖν παρήτησαντο. Sozomenus scribit Cōstantinopolitanos, & fere omnes Christianos, exceptis Romanis & Alexandrinis Sabbato ἐκκλησιάζειν, id est, conventum habere Ecclesiæ ad Sacramenta celebranda, quod συναΐξεις ποιεῖν & ὅπτι λειν alii dixerunt. Vbi igitur illa annua celebratio mysteriorum quā solam & unicā Græci in Oriente facere confuerāt, ut vult Pseudo-Ambrosius? Narrant iidē Socrates & Sozomenus, apud Aegyptios cæteros & Thebaidem incolentes Sabbatis celebrata quidē mysteria, sed modo alio quā reliquis mos esset Christianis. Etenim pransi cum essent, circa vesperam conveniebant in Ecclesiam & Cœnæ Dominicæ cōmunicabant, sicut à Christo ipso instituta fuit, nempe post vel inter cœnam, & cœnatis ab eo distributa Apostolis.

Quod & ipsum annuatim facere instituerant Ecclesiæ Africanæ, ipsa die Dominicæ cœnæ, feria nempe quinta maioris, ut vulgo loquuntur, hebdomadæ, ut est in codice Ecclesiæ Africanæ can. xli. Non Orientis modo sed totius orbis consuetudinem hanc fuisse, aiunt Socrates & Sozomenus, ut diebus Dominico & Sabbato mysteria divina celebrarentur, excepta Romana & Alexandrina. Negat hoc Petavius, homo quantivis pretii & auctoritatis, quia Grotio ita videtur, & solius fere fuisse Orientis affirmat. Bene additum illud ab eo *fere*: Sed cur non eos quos excipi vult protulit? De Hispaniis etiam hoc tradit Strabo cap. xx. de Rebus Ecclesiasticis: *Alii omni Dominica vel Sabbato apud Orientem & Hispanias Missas facientes, commemorationem passionis Dominicæ omni septimana si facerent, sufficere credebant.* Illud vel in his verbis more loquendi tum usitato valet idem quod coniunctiva particula *Et*. In Eliberino tamen Concilio sancitur ieiunium Sabbati, cū antea non esset ibi consuetum eo die ieiunari.

iunari. *Errorē, inquit, placuit corrigi,  
 ut omni Sabbati die superpositiones fiant.*  
*Superpositiones* nō ibi appeālitur, ut cē-  
 sent interpretes, ieiuniorū impositiones  
 quæ solitē nō essent observari. Sūt enim  
 solide & integra ieiunia quæ unū diem  
 cibo superponūt, ut loquutus est Soli-  
 nus. *Vnum diem cibo superponere,*  
 est per diem integrum & solidum cibo  
 abstinere. Ita *superponit cibo diem* qui  
 ab eo tēpore quo cibum sumpsit diem  
 unum effluere finit priusquam cibum  
 iterum capiat. Hoc Græci dixerunt  
*ὑπερθεῖν μίαν ἡμέραν*, aut δύο aut τρεῖς.  
 Vnde & *ὑπερθεῖν* pro ieiunio, id est,  
 Superpositione. In eodem Concilio  
 Eliberino can. xxiii. sancitur, *Ieiunio-  
 rum superpositiones per singulos menses  
 placuisse celebrari, exceptis diebus duo-  
 rum mensium Iulii & Augusti, ob quorun-  
 dam infirmitatem.* Quia enim summi  
 sunt per illos duos menses calores, &  
 præcipue ei Hispania, vix durare inte-  
 grum ibi diem ieiunans, nisi admo-  
 dum validus. tum posset. Ita Cy-  
 rillus Hierosolymitanus. Catechesi  
 xvi. *ὑπερθεῖν νηστείας* dixit de ieiunio  
 para-

parasceves, in qua vigiliā servata fuerat; *ὅθεν τε τὸ κάματον προσηλύμενον ἡμῇ ἔκτε τὸ ὑπερθέσεως τὴν πείας τὸ ὠδασκοδῆς καὶ τὴν ἀγρυπνίας*. Nō est igitur Superpositio ieiunii proprie, nec *Superpositio* nisi solidus dies ieiunio extrahatur. *ὁλοκληρῶς νηστείας* vocat Clemens in Cōstitutionibus. Ergo Stationum ieiunia non erant Superpositiones, quia ante finem diei solvebantur, id est, hora nona. Sed dies est naturalis & civilis. Vtriusque dicebantur Superpositiones. Quæ ad vesperam quippe desinebant ieiunia, ut in Sabbatis apud eos qui die Sabbati ieiunabant, unum diem naturalem cibo superponebant. Nam finis diei vespera, & sol occasus. Aliæ erant Superpositiones diei civilis, quæ dissolvebantur tantum vel media nocte vel gallicinio. Si quis biduum ita continuaret, aut triduum, vel plures dies, is dicebatur, *διπλᾶς* vel *τριπλᾶς ἡμέρας ἐπιτιθῆναι*. Epiphanius, *ἀλλὰ καὶ οἱ αὐοῦδαῖοι διπλᾶς καὶ τριπλᾶς καὶ τετραπλᾶς ὑπερίθνυνται, καὶ ὁλῶ τὴν ἑβδομάδα πνεις ἀρχὴ ἀλεξυσόνων κλαγγῆς*. Alii per eos dies ad vesperam tantum usque ieiunabant, ut  
idem.

idem dicit ibidem, ἄρτω ἐὰν καὶ ὕδατι  
 χρῶμενοι πρὸς ἱστίαν. Certe qui se-  
 mel tantum in die cibum sumit, & per  
 aliquot dies in ea abstinencia perseve-  
 rat, diem solidum sic cibo superponit,  
 & Superpositionem facit, quacunque  
 hora diei cibum sumat. Hoc igitur  
 ὑπερθεσις. Auctor Constitutionum A-  
 postolicarum lib. v. cap. xvii. hoc vo-  
 cat ὁλόκληρον ἡμέραν νηστεύειν. τὴν μὲντοι,  
 inquit, ὡρᾶσιν δὲ καὶ τὸ σάββατον ὁλό-  
 κληρον νηστεύετε, εἰ δυνατόν, μηδένοιο γούστα-  
 μῶσι μετὰ ἀλεκτοροφωγίας τυκτός. Εἰδὲ πῶς  
 ἐδωκατέϊτάςδε συνάπτην ὁμῶς, φυλασσέτω  
 καὶ τὸ σάββατον. Sed hæc obiter. Ieiū-  
 niorum autem five Superpositionū ce-  
 lebratio non prohibebat celebrationem  
 mysteriorum. Nam in multis Eccle-  
 siis ὑπονησιμὸς, five solutio ieiunii, fie-  
 bat sumptione Eucharistiæ, non in Sta-  
 tionum tantum diebus, sed in plenis ac  
 solidis Superpositionibus. Apud Cy-  
 prios teste Epiphanio Quadragesima  
 tota Synaxis celebrabatur ab hora nona  
 ad vesperam, & ieiunium solvebatur  
 sumpta Eucharistia. Quibusdam in lo-  
 cis quinta feria septimanæ maioris ce-  
 lebra-



lebrabantur hora nona mysteria, & nihilominus manebant in ipsa xerophagia. Epiphanius, Ἐν πσι δὲ τόποις λαξία οἰκονομίας ἐν τῇ πέμπτῃ γίνεται ἄρα ἐν αὐτῇ, καὶ ἔτι δὲ πολλὴ μὲν ὄντων ἐν τῇ αὐτῇ ξηροφαγία.

Alii solvebant eo die ieiunium post Eucharistiam participatam quod tamen vetant fieri patres Laodicensi hoc canone, quo decernunt, ὅτι δὲ ἐν πασα ἑβδομῇ τῇ ὑστέρᾳ ἐβδομάδι πέμπτῃ λύειν, quod non oporteat in Quadragesima in ultima septimana quintæ feriæ ieiunium solvere.

Valafridus Strabo de hac ipsa feria qua Christus coenam suam instituit; Vnde & ipsa die solvebant ieiuniū, sicut & in festis aditare solemus, & ante meridiē collectam explebant. Quod in canonibus partim ostenditur, & penitus prohibetur. Intelligit canonem illum Laodicenum quem citavimus. In Ecclesiis Africanis, ut ante ostēdimus, eo die pransi cum essent, sub vesperam celebrabant Dominicam coenam. Sed incertum est utrum Laodicensi patres nolint in totum eo die celebrari Sacramenta, quorum utique communicatione solvendum eiunium, an ita celebrationem etiam fieri,

ne

ne sub vesperam iis peractis ieiunii solutio sequatur. Sed apparet, nolle eos eo die Sacramenta celebrari, ut nec tota Quadragesima, exceptis diebus Sabbati & Dominica. Nam Canone qui præcedit vetant in Quadragesima panem Eucharistiæ offerri. Epiphanius autem tradit, in nonnullis Ecclesiis tota illa septimana non celebrata fuisse mysteria nisi illucescente Dominica Paschatis, sub galli cantū, dimisso populo, vel soluto ieiunio. *Εν ἄλλοις δὲ τοποῖς, inquit, ἔ γίνεται λαξεία τῆς οἰκονομίας ἢ μόνον ὀπιρωσκέσης τῆς Κυριακῆς, ὅτε ὑπολύη πρὸς τὴν εἰς ἀλεξυόντων κλαγγὴν ἐν τῇ ἀναστασίμῳ ἡμέρᾳ.* In Concilio Braccarensi primo usque ad nonam feriæ quintæ qua cœna Dominica celebranda erat, ieiuni manere iubentur qui Missas in Ecclesia tenerent, quia nimirum ea hora cœna Dominica perageretur. Sectæ Priscilliani mentio fit in eo canone, qui festivitatem illius diei colebant, Missis celebratis ab hora tertia, & soluto ieiunio. Quod igitur quædam Ecclesiæ Sabbati die ieiunarent, non ex eo sequitur, eo die non fuisse



fuisse celebrata altaris Sacramēta. Hæc erat enim eorum temporum consuetudo, ut etiam diebus ieiuniorū quacunque ex causā essent indicta celebrari soleret conventus ad Eucharistiam participandam, ea horā qua solvi deberet ieiunium. Ita in vigiliis maiorum festorum, quibus morem habebant ieiunare ad horam nonam aut ad vesperam, ubi facta Synaxi & celebratis mysteriis cœnabant. Eas *νῆσμον ἡμέρας* vocabant illius diei cuius festivitas erat colenda. Posterius ævū *vigilias* vocavit. Hebræi *vesperas*. Inde explicādus locus Theophili Alexādrini, qui valde torfit eruditos, & inter alios delictum illud eximium Grotii, Petavium Iesuitam. Is in Animadversionibus ad Euphphanii Expositionem fidei, multis modis admirabile esse decretum illud scribit Theophili Alexandrini quod apud Balsamonem extat, in quo Theophania *νῆσμον ἡμέρας* esse dicit, & quoniam anno illo in dominicā inciderat, paucis tantummodo dactylis vesci iubet, quo ab hæreticis *se iunctos se esse profiterentur qui Dominicæ resurrectionis die*

*dim non colerent, & hoc ipso quod vesper-  
tinam Synaxim præstolarentur, ieiunii re-  
ligioni satisfacerent; ac postremo Synaxes  
ab hora nona celebrandas indicit. Hæc  
verba sunt Petavii. Itane vero? Tu Pe-  
tavi putare potuisti Theophilum po-  
tuisse illic ieiunium indicere Theo-  
phaniorum, sive Natalis Dominici die;  
& quidem qui incidisset in Domini-  
cam, cum duplex esset causa non ieiun-  
nandi, & ex die resurrectionis Domini,  
& ex die nativitatis eius? Non admi-  
rabile illud Theophili decretum, sed  
tua potius admirabilis inscitia; ac non  
ignoscenda hallucinatio, qui *ἡστίμων ἡμέ-  
ραν τῶν Θεοφανίων* pro ipsis Theophaniis  
accepisti, cum eum diem significet quo  
propter sequentia Theophania ieiuna-  
batur. Adeo autem nullū veteres illi iei-  
uniū observarunt die Epiphaniōrū vel  
Theophaniōrū, ut si incidisset in diem  
ieiunio aliquin sollemnē, ut in quartam  
aut sextāferiam, tū nefas haberēt ieiun-  
nare. Quod Petavium suus Epiphanius  
docere debuit. Sic enim scribit in Ex-  
positione fidei, *ὅτι ἐν ἡμέρᾳ τῶν Θεοφανίων  
ὅτι ἐγγυήθη ἐν σαρκὶ ὁ κύριος ἔξῃς τῆς ὄψης;  
καὶ τὸ**

Θ

καὶ τὸ

καὶ τὴν δευτέραν τῆς αἰχμῆς, ἢ προσάββατον. Quomodo igitur ieiunassēt in ipsis Epiphaniis quę in diem Dominicā inciderant, qua die nec ieiunare licuit, cum dicat Epiphanius. si contigerit Natalē Domini incurrere in diem aliquē qui ieiunio in Ecclesia sit sollemnis, nullo modo esse ieiunādū? Certe nec de hoc casu ibi tractat Theophilus, sed lōge alio. Non enim de ipso die Theophaniorum loquitur, sed de proxime pręcedente Theophania, quā *Vigiliam* vulgo appellant. Eo anno illa inciderat in Dominicam. Dominica non ieiunabatur, at ieiunabatur in vigilia Theophaniorum. Quid iuris autem? aut quomodo & ieiunii religioni, & Dominicę festivitati satisfaciendum? Utrique rei remediū suo ullo decreto voluit quęre-  
re Theophilus. Ut paucis nēpe dactylis in prandio fas esset vesci, quo testarentur se non ieiunare. Eo autē die nona hora Synaxis fieret, id est, mysteriorū celebratio, qua hora solita esset fieri ipsis ieiunorum diebus, ut nimirum post participationem Eucharistię ad vesp-  
ram cœnare possent. Omnia enim ieiunia

iunia eo tempore ita erant comparata  
 ut nihil pranderent, sed tantum coena-  
 rent. Vult igitur Theophilus eo die in  
 prandio paucos dactylos sumi, ne vide-  
 rentur ieiunare die Dominica. Syna-  
 xin autem vespertinam opperiri ad ci-  
 bum plenum capiendum & coenan-  
 dum, sicut tralaticiū foret in ieiunio-  
 rum diebus. Hæc mens Theophili,  
 cuius verba ita ex scripto codice anti-  
 quissimo legenda, Εἰς τὴν οὐρανὴν σωθήσεται τὴν  
 τῶν ἁγίων θεοφανίων νήστιμον ἡμέραν ταύτην  
 εἶς, οἰκονομήσωμεν πρὸς ἐκείνην. Quo-  
 niam cōtigit sanctorum Theophanio-  
 rum diem ieiuniale in hanc con-  
 currere, id est, in Dominicam, ita  
 utrunque dispensabimus, ut scilicet &  
 ieiunii religio & diei festivitas serve-  
 tur. Vulgo scribitur pessime sic, & di-  
 stinguitur, Εἰς τὴν οὐρανὴν σωθήσεται τὴν τῶν ἁ-  
 γίων θεοφανίων νήστιμον ἡμέραν εἶς, ταύτην  
 οἰκονομήσωμεν. Quæ prava distinctio &  
 scriptura, fraudi fuit eximio Petavio.  
 Sed advertere debuit, νήστιμον ἡμέραν τῶν  
 θεοφανίων ab eo dici illo sensu quo alii  
 hunc ipsum diem dixere νηστεία τῶν τῷ  
 Χριστῷ γεννῶν, ieiunium Christi Natalis,



hoc est, diem qui præcedit Natalem Christi, quo ieiunatur. Romana autem Ecclesia in hoc die à Græca dissentiebat circa horam cœnandi. Romani quippe hora nona cibum capiebant, finita eo tempore Synaxi, Græci vero vespero tantum post vespertinam Synaxin celebratâ. Theodorus in Pœnitentiali, capite de moribus Græcorum & Romanorū, de die Dominica: *In illa die, inquit, ante Natalem Domini hora nona expleta Missa, id est, vigilia Domini, manducant Romani, Græci vero dicta vespera & Missa cœnant.* Quod ad Sabbati ieiunium attinet, magna etiam fuit Græcæ & Romanæ Ecclesiæ olim super eo differentia, cum Græci pari cultu eum diem prosequerentur ac Dominicum, & pariter festum haberent, Synaxesque matutinas ut Dominico in eo celebrarent, Romani contra ieiunarent. Sed & priores Romani in hoc à posterioribus differē. Nam prisci ita ieiunium illius diei instituerunt, ut Sacramentum non celebrarent. Postea ex Gelasii & Gregorii secundi decretis Missæ celebratæ

bratæ sunt in vespere Sabbati. In Hispaniensibus quoque Ecclesiis idem factum. Nam ex Gerundensis Concilii can. 111. ita constitutum legimus, ut in Sabbati vespere *Missa facta finiatur, quibus tamen diebus à carnibus & à vino decrevimus abstinendum*. Tempore Eliberini sola ieiunii Superpositio eo die observabatur, absque sacre Eucharistię celebratione, ut & in Ecclesia Romana antiqua fieri solitum. De quo Sabbati ieiunio verba illa Tertulliani accipienda in libro de ieiuniis adversus Psychicos, multum ab eruditis vexata sine fructu & effectu. Exprobrat ibi Romanis ieiunium Sabbati, quod ieiunio parasceves continuabatur, cum cæteræ Ecclesiæ in parasceve tantum ieiunarent, non Sabbato. *Cur Stationibus, inquit, quartam & sextam Sabbati dicamus, & ieiuniis parasceven?* Ita vulgo legitur, quod est absurdum. Quasi parasceve alia esset à sexta feria. Præterea ridiculum, eundem diem Stationibus & ieiuniis esse dicatum, cum alibi passim auctor ieiunia à Stationibus separet, illa ad vesperam solvenda,

istas ad nonam finiendas. Non felicius nodum istum solvere tentavit Episcopus Aurelianensis, qui hic parasceven de diebus maioris hebdomadæ accipit. Distinctione ac lectione leviter immutata sic locus sanandus. *At ieiuniis parasceves vos etiam Sabbatum si quando continuatis, nunquam nisi in Pascha ieiunandum, secundum rationem alibi redditam.* Romanis, quos Psychicos appellat, vitio dat, quod ieiunio parasceves, id est, feriæ sextæ, Sabbatum quoque continuerent, quod semel tantum esset ieiunandum, in Pascha nimirum, quia esset *νήστιον ἡμέρα τῆς πάσχα*. Sic Sabbati die aliæ Ecclesiæ non ieiunabant, ut omnes fere Orientales; & multæ Occidentalium: aliæ ieiunabant. Harum quæ ieiunabant quædam Synaxes eo die sub vesperam celebrarunt, ut in diebus Stationū mos fuit, ut posteriores Romani: aliæ citra mysteriorum celebrationem id fecerunt, ut Romani antiqui. Nonnullæ nec ieiunium eo die observarunt, nec mysteriorum celebrationem, ut Alexandrina Ecclesia. Nec est quod putet Petavius,

tavius, Sabbatis celebrata fuisse mysteria ætate Timothei Alexandrini, contra quam Socratis & Sozomeni tempore factum sit. Nec eius sententiam iuvat, quod interrogatus ille Timotheus quibus diebus coniuges abstinere deberent, responderit, ὅξ ἀνάγκης τῶ σαββάτῳ καὶ τῇ κυριακῇ ἀπέχεσθαι δεῖ, ὅξ τὸ ἐν αὐταῖς τῶ πνευματικῶ θυσίας ἀναφέρειν τῶ θεῷ, omnino abstinendum esse Sabbato & Dominica, quia in illis diebus Spiritale sacrificiū Deo offeratur. Ex hoc quidē loco videtur plane cōstare, solis diebus his duobus, Sabbato & Dominica, in Ecclesia Alexandrina celebrari mysteria solita. At ex alio eiusdem Timothei loco prorsus cōstat, omni die fuisse celebrata, ut ante indicavimus. Nam cōsultus de fidei Energumeno, an particeps fieri posset sacrorum mysteriorū, respōdit, non singulis diebus debere eum communicare sed sufficere, ut hoc illi indulgeretur Dominica & diebus festis, μεταλαμβάνετω, μὴ μόντοι καθ' ἑκάστω. ἀρκεῖ γὰρ αὐτῷ καὶ κυριακῇ, ἢ ἐν ταῖς ἑορταῖς μόνον. An ergo sibi contrarius hic & illic Timotheus? Non enim vi-

deo, quomodo hæ duæ Responsiones conciliari invicem possint. Sed notari & animadverti debuit vel ex Socratis verbis aut Sozomeni, non eandē fuisse consuetudinem Alexandrinæ & reliquarum Aegypti ac Thebaidis Ecclesiarū, quamvis sub uno essent Episcopo qui Alexandriæ præsidebat. Civitatis Alexandrinę urbicę parocię sabbato non perficiebant mysteria, Aegyptiacę eo die illa solebant celebrare, & quidem vespere. Fortean & in quibusdam omni die communicabatur. Liber ille Timothei Responsionum Canoniarum ad variorum consultationes & interrogationes compositus est. Prout igitur consuetudo esset illorum à quibus consulebatur, ita responsum ad eorum quęsita adtemperabat atque accommodabat. Quod pluribus probare possem, si hoc nunc agerem. Tanta porro varietas observationū ac rituum in Ecclesiis Christianis circa tempus ac modū atque ordinem celebrandorū Sacramentorum Dominicorū facile demonstrat, nō ab ulla certa ratione, aut instituto divino, vel Apostolica

lica traditione eas manasse, sed ab inventione humani ingenii nova semper amantis, & mox consueta relinquentis. Ita ut videatur Socrates non male sic scripsisse, lib. v. cap. xxii. de hac ipsa diversitate loquens, *Ἐπειδὴ ἔδεις ὧς τὰ τέτα ἔγγραφον ἔχει δέξαι παράγγελμα, δῆλον, ὡς καὶ ὧς τὰ τέτα τῇ ἐκάστη γνώμῃ καὶ θεωρίᾳ ἐπέξευαν οἱ ἀπόστολοι, ἵνα ἕκαστος μὴ φόβῳ μηδ' ὕψι ἀνάγκης τὸ ἀγαθὸν καταργᾷ.* Et quoniam nemo de his præceptum scripto traditum potest proferre, perspicuum est Apostolos liberam potestatem cuiusque consilio & proposito permisisse, ut singuli non timore nec necessitate adducti quod bonum esset operarentur. De ieiuniorum & Synaxium diversitate & διαφωνία hæc ibi notavit. De libertate talium consuetudinum ab Apostolis unicuique Ecclesiæ concessa facilius ei assentirer, si de Apostolica traditione ex ipso Dei instituto aliud monstrāte nobis non constaret. Nihil, inquit, de his habemus scripto traditū ab Apostolis. Ergo verisimile est, non scripta traditione hoc Ecclesias accepisse, sed Apostolos uniuscuiusq; arbi-



trio permisisse, ut quod melius observatu in his videretur eligeret ac sequeretur. Honestā quidē & vera esset hæc oratio, si nihil de eo scripti haberemus ab Apostolis quod sequi possemus. Tunc consuetudo non scripta nobis pro lege esset. Vbi lex est & præceptum quo institutionis forma præscripta est, nulla consuetudo potest eam excludere. Præterea hæc ratio prætēdi utcunq; posset cū aliquo colore, si una & cōstans perpetuaq; in una aliqua Ecclesia consuetudo ab Apostolorū tēporibus ad nostra hæc usq; tēpora inviolabiliter observata ostenderetur. Sed quot sæcula ferme ab assumptione Christi numerantur, tot novæ possunt computari consuetudines, aliæ aliis derogantes, aut addentes aliquid, aut penitus etiam priora instituta abrogantes. Alius in his ipsis mos fuit sæculi primi Ecclesiæ, alius secundi, alius tertii & quarti quintique, atque ita deinceps. Vbi igitur sistemus? An recentiora quæque semper meliora existimabimus? Absit. Quo longius proceditur, eo etiam longius disceditur ab ori-

ab origine & institutione, quæ sola veritatem continet puram & impermixtam. Nec soli hodie Pontificii novos suos ritus & cultus mantelo velant traditionum Apostolicarum, sed vetera sæcula suas quoque consuetudines hac arte commendarunt, quasi ab Apostolis acceptas. Epiphanius in Expositione fidei affirmat eam Synaxeon in septimana ternarum observationem auctores habere Apostolos. Placet ad eius locum mihi Petavii nostri observatio, notantis, *haud scire se, an satis certo hoc constare queat.* Nã primis Ecclesiæ temporibus unum duntaxat Dominicum diem ad eam rem observatum videri, ut colligitur ex Apostolo I. ad Corinthios cap. xvi. Quinetiam Iustinum Martyrem Apologia II, cum de Christianorum conventibus agit, folius Dominicæ meminisse. τὴν τε τῆς ἡλίου ἡμέραν κοινῇ πάντες τὴν σωίλδοσιν ποιεῖμεθα. Quare magis, inquit, id ex privato Ecclesiæ cuiusque ritu quam ex communi Apostolorum præscripto derivatum existimo, ut quarta sextave feria vel etiam Sabbato Synaxes conventusq; ut fierent.

*rēt.* Sic bona habet intervalla Petavius, sed rara, ut de Calvino falso dici voluit Grotius. Si sic omnia daret ille Iesuita, noster esset, & credi posset idoneus auctor religionum conciliandarum. Iustinus porro martyr secundo sæculo vixit à Christi assumptione circa initium. Iam tum mutatio magna facta erat ab institutione ipsa Christi & traditione Apostolica in huius sacramenti celebrationis usu & praxi. Eam quoque notavit Tertullianus ætati illi suppar, utpote eodem qui sæculo ferme scripserit, his verbis in libro de Corona militis: *Eucharistiæ Sacramentum & in tempore victus, & omnibus mandatum à Domino, etiam antelucanis cætibus, nec de aliorum manu quam præsidentium sumimus.* Notandum hoc quod ait, *etiam antelucanis cætibus.* Nondum igitur tum exoleverat mos vespere celebrandi & sumendi eius sacramenti, sicut institutum à Domino fuerat, sed in antelucanis etiam conventibus, die nimirum Dominica, id fumebāt. Quomodo Apostolico ævo celebratum fuerit, ostendit Paulus in Epistola priore ad

ad Corinthios cap. xi. vers. xxiii. Vbi dicit, se id sacramentum illis tradere, pari modo nempe celebrandum ut à Christo acceperat. Εἰ γὰρ ὁ παρέλαβον ἀπὸ τοῦ κυρίου ὃ καὶ παρέδωκα ὑμῖν. Nocte id institutū à Christo dicit: ἐν τῇ νυκτὶ ἣ παρέδιδότο ἔλαβεν ἄρτον. Inculcat paulopost, id factū, saltē in calice, postquā coenasset: ὡσαύτως καὶ τὸ ποτήριον μὴ τὸ δεῖπνῆσαι. *Similiter et poculum postquā coenavit.* Ideo & *cœnam Dominicam* appellat idē Paulus eadem Epistola vers. xx συνερχομένων οὐδ' ἐπὶ τὸ αὐτὸ ἐκ ἑστ. Κυριακὸν δεῖπνον φαγεῖν. Vt vero cœna sit, debet vesperi sumi ut mos fuit veterum tam Græcorum quam Romanorum, quam & Iudæorum. Non respondet nomini, si matutino sumatur tempore, & in coetibus antelucanis. Nunquā denique Apostolorū ævo Eucharistiam liquet sumptam nisi in cœna, & post cœnam, hoc est, circa vesperam. Diu mansit hic mos in Ecclesia per sæculum integrum & amplius, ut fieret tantum hoc sacramentum vespertinis horis, & inter coenandum. Aut in Ecclesia ipsa illa cœna parabatur, aut in privatis domibus. In  
conven-

conventu ipso fidelium cum fieret, unusquisque ad coenam illam conferebat quod poterat, & præcipue qui idonei erant, pauperibus nihil de suo afferentibus. De Ecclesia narrat Paulus ibidem, ubi eos carpit qui ad coenam Dominicam in commune participandam convenirent, quod unusquisque coenam suam præsumeret, cum omnes una vesci deberent. *Εκαστος ἑαυτοῦ, τὸ ἴδιον δεῖπνον παραλαμβάνει, ὃς δὲ μὲν πτωχὸς, ὃς δὲ μεθύει.* Ditioreſ nempe seorsim coenando, qui cibum dapſilem attulerant, largiter epulabantur, pauperioribus eſurientibus, quibus non ſuppeteſbat quod ederent. De privatis domibus accipiendum quod ſcribit Lucas in Actis cap. ii. verſ. xlvj. *καθ' ἡμέραν δὲ προσκαρτεροῦντες ἐν τῷ ἱερῷ, κλῶν-  
τές τε κατ' οἶκον ἄρτον μετελάμβανον ἑορτῆς  
ἐν ἀγαλλιάσει καὶ ἀφελότητι καρδίας.* Non recte cenſent, qui κατ' οἶκον ibi intelligunt de templo, ut quidam veterum & plerique recentiores. In templo ipſo, hoc eſt, ἐν τῷ ἱερῷ, quotidie vacabant orationi. Nam καθ' ἡμέραν ſignificat omni die. Coenam autem Dominicam  
per

per domos privatorū participabāt, ubi in commune epulabantur. Κατ' οἶκον est *per domos*, ut κατὰ πόλιν *per urbes*, oppidatim. Nam & Pascha νομικὸν Iudæi in suis quique domibus edebant. Ad cuius exemplum Christus suum instituit & eadem coenæ hora sumendum. Illæ coenæ, ut satis notum est, vocabantur *Agapæ*, sive quæ in Ecclesia celebrarentur, sive quæ in privatorum domibus. Vtrobique etiam sacramento corporis & sanguinis communicabant postquam cœnassent. Inde & ἀγάπη, ut iam notavimus ante, pro ipsa Eucharistia apud vetustissimum auctorem qui Ignatii nomen e mentitus est, in Epistola ad Smyrναeos, ἐκ' ὧν ὁ βῆσι χρεὶς τῆς ἐπισκόπου ἅτε βαπτίζῃ, ἐπὶ ἀγάπῃ ποιεῖν. *Nō licet absque Episcopo neque baptizare neq; Agapen facere*, id est, Eucharistiam. Ad privatas Agapas ditiores ædium domini fratres convocabant, ibique de more etiā sacramentū Dominicū cœna peracta cōcelebrabāt. Ab illis privatis Agapis mos longo tempore mansit circa dinos panem Eucharisticum benedicendi & sumendi. Quarto sæculo id et-



id etiā multis in locis factitarū liquet,  
ut ab. Episcopis & Presbyteris oblatio  
celebraretur in privatorū edibus. Quod  
prohibuit Concilium Laodicenum ca-  
none penultimo, *ὅτι ἔστιν ἐν τοῖς οἴκοις  
προσφθεῖς ποιῆσαι. Quod non oporteat in  
domibus oblationes celebrare.* Annus hic  
erat Christi CCCLXIV. At Synodi Gan-  
grensis patres, quæ aliquot viginti an-  
nis anterior fuit, condemnant Eusta-  
thium eo nomine, quod improbaret e-  
iusmodi privatas Agapas, in quibus du-  
bio procul etiam sacramentum sume-  
bant. *Si quis*, inquit can. xi, *despicit  
eos qui fideliter Agapas, id est, convivia,  
pauperibus exhibent, & propter honorem  
domum convocunt fratres, & noluerit  
communicare eiusmodi vocationibus, par-  
vipendens quod geritur, anathema sit.* Ad  
has enim privatas Agapas referendū est  
omnino quod vetat canon Laodicenus  
*ἐν οἴκοις προσφθεῖς ποιῆσαι.* In eiusmodi  
enim Agapis, quæ erant convivia pri-  
vatorū, fideles fratres ad cœnam con-  
vocantium, celebrabatur etiam *προσφθ-  
εῖς*, id est, Eucharistia. Episcopos enim  
simul cum fratribus convocabant vel  
Pref-

Presbyteros, à quibus more tum recepto panis & vinum benedicebatur in Sacramentum corporis & sanguinis Dominici. Non fustulit autem Laodicensa Synodus privatas Agapas, sed morem in his communicandi coena Dominicæ. Nam in canone xxviii. eiusdem Synodi interdicitur, *ne Clerici aut Laici ad Agapam vocati ciborum partes accipiant.* Id Græci *μέση αἵσις* vocant, quas partes domum suam quisque ex convivio referebat. Eodē Concilio publicæ Agapæ & in templis fieri solitæ prohibentur regula sequenti. In quibus publicis Agapis certū est Eucharistiā sumi olim solitā. Primo igitur Ecclesiæ seculo matutinū tempus Dominicæ diei dabatur Orationi, vespertinū coenæ inter fratres communi, in qua & Eucharistiā celebrabant. Plinius Iunior in Epistola ad Traianum narrat, Christianos sui temporis *stato die*, is erat Dominicus, *ante lucē convenire solitos, carmenque Christo quasi Deo dicere secum invicem, seque Sacramento non in scelus aliquod obstringere, sed ne furta, ne latrocinia, ne adulteria committerent,*

P

ne

ne fidem fallerent, ne depositum appellati  
 abnegarent : quibus peractis morem iis  
 discedendi fuisse. Orationis igitur tum  
 causa tantum conveniebant. Rursus-  
 que, addit idem, coeundi ad capiendum  
 cibum, promiscuum tamen & innoxium.  
 Eo igitur tempore cum una omnes  
 cibum caperent, & vespere quidem, si-  
 cut mos fuit coenandi, etiam Sacra-  
 mentis communicabant. Et hæ coenæ  
*Agapæ* fuerunt, à quibus & Eucharistia  
 ipsa *Agape* dicta auctori Epistolarum  
 Ignatianarum, qui secundo sæculo vi-  
 xit Hæretici Valentini ætate. Lucas  
 eo loco quem citavi *Orationem* & *Fra-*  
*ctionem* panis distinguit, ut diversa &  
 diversis temporibus haberi solita. Sic  
 enim scribit cap. II. vers. XLII. Ἦσαν  
 δὲ προσκαρτερῦντες τῇ διδαχῇ τοῦ ὑπο-  
 λωῦ, καὶ τῇ κοινῳίᾳ, καὶ τῇ κλάσει τοῦ ἄρτου,  
 καὶ ταῖς προσευχαῖς. Cuius loci Scriptu-  
 ram variare ex Interpretibus Latino &  
 Syro notat vir doctissimus. Quod non  
 puto. Nam eandem sententiam uter-  
 que expressit, & accepit de communio-  
 ne Orationis simul & Sacramenti Eu-  
 charistiæ, quam κλάσει τοῦ ἄρτου nomine  
 desi-

designavit. Tollenda modo particula καὶ superflua, ac legendum, Ἐ τῇ κοινωνίᾳ τῇ κλάσει ἄρτου, καὶ ταῖς προσδύχαῖς. Quod positū est pro κοινωνίᾳ τῇ κλάσει ἄρτου καὶ τῶν προσδύχων. Verbalia plerunque nomina eadē constructione gaudent qua & verba ipsa à quibus derivantur. Ut apud Latinos, *quid tibi meam tactio est?* Cū igitur κοινωνεῖν πρὸς & τινὶ dicatur, ut supra in Cōcilio Gangrensi, κοινωνεῖν ταῖς ἐκλήσεσι, ita hoc loco apud Apostolum κοινωνία τῇ κλάσει τῆς ἁρτου καὶ ταῖς προσδύχαῖς dicitur pro κοινωνίᾳ τῆς κλάσεως. Notavimus paulo ante de utraque communione, precum scilicet, & Eucharistiæ, quæ & in Synaxibus locū habuit, pro diversa qui eam obibant hominum conditione, cum communionem precum haberent nonnulli, non etiam communicarent Eucharistiæ. Lucas paulo post utramque communionem ex locis distinguit, versiculo xlvj. καθ' ἡμέραν τε προσκαρτεροῦντες ἐν τῷ ἱερῷ, καὶ ὡντες καὶ ἄρτον κατ' οἶκον. *Quotidie perdurantes in templo, nempe orationi operantes, & panem in domibus frangentes*, id est, Eucharistiam in cœnis com-

munibus fumentes. Alii *circa domos* verterūt. Vide omnino Walafridū Strabonem cap. xx. de rebus Ecclesiasticis.

Diem Dominicum huic fractioni panis dicatū fuisse planū est ex eiusdem Luce cap. xx. vers. vii. *ἐν δὲ τῇ μιᾷ τῇ*

*σαββάτῳ συνηγμένων τῶν μαθητῶν τῷ κλάσαι ἄρτον ὁ Παῦλος διελέγετο αὐτοῖς.* Circa vesperam ad coenam con-

veniebant tum Apostoli ad frangendum panem, & ad communicandum coenae Dominicae. Eorum tempore

illas coenas *Agapas* vocatas fuisse liquet etiam ex Iudae Epistola cap. i. vers. xi. Certe coena non est nisi

vespertina & nocturna. *Cœna nostra*, inquit Tertullianus in Apologetico,

*de nomine rationem sui ostendit. Id vocatur quod dilectio panes Græcos.* Non alio

autem tempore primo sæculo Christianos ex institutione Christi & tradi-

tione Apostolorum Sacramentum Eucharistiae sumendi morem habuisse,

quam in coena ad lucernam, vespertinis nimirum & nocturnis horis, testis

est calumnia gentilium qua eorum coenam infamarunt, de infanticidii Sacra-

mento,

mento, & inde pabulo, & post cōvivium incesto, & evertētibus lumina canibus. Nō enim hęc postrema fabula cōvenit matutinis convētibus sed horæ lucernarię, & vespere. Sacramentum carnis & sanguinis Christi, quo illa edi creditur, iste bibi, anam prębuit infanticidii Sacramēto & sanguinis ex eo iugulato hausti pabulo. Suspicionem porro incesti fecere mutuā oscula fidelium ante communionem pro pace dari solita. In vespertina autem oratione Christianorum, accendi lucernas solitas, ostendit auctor Constitutionum Apostolicarum lib. VIII. cap. LV. qui in ἐσπερινῷ ἐπιλόχιον φαλὸν cani docet. Inde *Lucernariū* orationis vespertinę hora Hieronymo in expositione Psalmi cxi. pro qua ἐσπεριεῖ dicūtur in Laodiceno Cōcilio. *Hora*, inquit ille, *tertia oramus, hora sexta oramus, nona lucernarium facimus, media nocte cōsurgimus.* Illud *Lucernariū* in vespers, sive vespertinis officiis fiebat, quod Gręcis ἐπιλόχιον. Auctori Constitutionū Apostolicarum ἐσπερινὸν dicitur, quod *Lucernarium* Hieronymo. Inde & Epiphanio λυχνικὰ προσέχαι, & φαλμοι,



φαλμοι, qui distinguuntur ab ἑσθινοῖς. Ita  
 in Laodiceno canone xvi i. post ἐνά-  
 τας sequuntur ἑσπέραι, sive ἑσπεριαι προα-  
 ρυχαί. καὶ ἐν ταῖς ἐνάταις καὶ ἐν ταῖς ἑσπέραις.  
*Vesperas* hodieque dicunt vespertina  
 illa officia, quæ sola olim Sacramen-  
 torum celebrationi dicata erant, ut aliæ  
 horæ orationibus solis. Primo igitur  
 circa vesperam communio Sacramen-  
 torum celebrata est iuxta Institutionis  
 formulam, & die tantum Dominica, & à  
 coenatis. Prima Ecclesiæ etas hunc mo-  
 rem tenuit. Postea etiam antelucanis  
 conventibus celebrari coepta est, nec mi-  
 nus vespertinis, atque à ieiunis. Postre-  
 mo tota hæc ratio mutata. Sed & se-  
 cundum rationem sollemnitatum tem-  
 pus eius celebrandæ variavit. Nam  
 ut scribit Valafridus Strabo cap. xxi i i.  
*Interdum ante meridiem, interdum cir-  
 ca nonam, aliquando ad vesperam, in-  
 terdum noctu celebratur.* In tanta varie-  
 tate quam humana inventio excogita-  
 vit, illud per multa sæcula constan-  
 tissime servatum est, ut omnes fide-  
 les, qui interessent conventibus ad  
 Eucharistiam celebrandam fieri solitis,  
 commu-

communicarent, exceptis solis excommunicatis ob aliquod peccatū, ac poenitentiā agētibus publice, vel nondum idoneis ad cōmunicandū, ut Catechumenis, Inde vox *συναξις*, quę cōventum significat fidelium, pro ipsa semper cōmunionē accipitur apud Geros, ut ex Dionysio Pseudoareopagita supra docuimus, quia nimirum omnes qui convenirent in Ecclesiam, etiam communicarent. Nulla itaque Synaxis tum fuit proprie dicta, sine mysteriorum celebratione, nulla mysteriorum celebratio sine omnium qui aderant communicatione. Epiphanius cum scribit, *συναξεις δὲ ὁπτιλέμεναι ταχιδι-  
σάι εἰς ἡν τῶν ὑποστόλων τετράδι κῆσα-  
βάτω & Κυριακῇ*, nomine *συναξίων* non alios conventus intellexisse debet censerī, quam quibus Sacramenta celebrarentur & communicaretur. Aliud videtur Petavio, non præter solitum & hic nugaci. *Fortean, inquit, Cypri, apud quos ista scripsit Epiphanius, Romanos aut vicinos suos Alexandrinos imitati, Synaxes nullas Sabbatis instituerunt, reliquis vero, hoc est, quarta & sextave-*

*feria nulla in Synaxibus mysteria celebrant. De mysteriis certe mentio nusquam hic habetur, contra quam Casaubonus, aliique, temere prodiderunt. Ipse potius temere ac stulte ita pronuntiat. Nam hoc eodem argumento posset evinci, nullā in Synaxibus Dominicæ celebrata fuisse mysteria, quia nusquam hic eorum habetur mentio. Dicit Epiphanius Dominica, quarta & sexta feria συναξαις ὁπτιελῶσι. Cum de his tribus diebus utatur eodem vocabulo, haud dispari lege horum dierum συναξαις fuisse oportet. Si συναξαις Dominicæ haud sine mysteriorum celebratione fuit, nec quartæ aut sextæ feriæ fuerit. Quo sensu usurparit verbum συναξαις, ostendit paulo post his verbis, ubi dicit, ἐν πρὸς δὲ τοῖς, καὶ ἐν τοῖς σάββασι συναξαις ὁπτιελῶσι. Hæc enim significant in quibusdam Ecclesiis Sabbatis mysteria celebrari solita. Quem morem habuisse plerasque Orientis Ecclesias, notum est, & iam docuimus. Præterea cum Epiphanius dicat, in Ecclesia sua, id est, Cypria, συναξαις præter Dominicam etiam fieri consuetas feria sexta &*  
*quar-*

quarta, id omnino intelligendum de  
 conventibus in quibus communio  
 dabatur populis. Nam in plerisque a-  
 liis Ecclesiis Orientalibus, per dies illos  
 populus communicabat, & Sacramen-  
 ta fiebant. Basilius in Epistola ad Cæ-  
 sarium Patricium de ea memorat, cui  
 præerat, ἡμεῖς δὲ μίντομεν τὸ τέταρτον καὶ ἑ-  
 κάστην ἑβδομάδα κοινωνεῖμεν, ἐν τῇ τετάρτῃ  
 ἐν τῇ ὡδρασκολῇ, καὶ τῇ σαββάτῳ. Idem  
 mos est qui & apud Cypri Ecclesias  
 observabatur, excepto quod Sabbatis  
 in Basilii Ecclesia etiam fideles cōmu-  
 nicabant, cum Cyprii id non facerent  
 eo die. Ergo συνάξιν ὁπτελεῖν Epipha-  
 nii, & κοινωνεῖν Basilii idem est. Aliæ  
 fuere Ecclesiæ, quæ mysteria quarta &  
 sexta feria celebrare non solerent, ut  
 Alexandrina. Diebus illis Scriptura sa-  
 cra recitabatur tātum & explicabatur:  
 quale munus in ea Ecclesia olim habuit  
 Origenes. Socrates lib. v. cap. xxviii.  
 Αὐτοὶς δὲ ἐν Ἀλεξανδρείᾳ τῇ λιβουδρῇ πα-  
 ρασκολῇ γραφαὶ τε ἀναγιγνώσκονται, τοὶ δι-  
 δάσκαλοι ταύτας ἐρμηνεύουσι, πάντα δὲ τὰ  
 συνάξεως γνέται δίχα τῆς ἡμέρας μυστηρίων τε-  
 λεῖν. Et omnia in ea illis diebus fiunt quæ

*ad Synaxin pertinent , excepta Sacramentorum celebratione.* Duo hic ex istis verbis colligas , & morem hunc peculiarem Alexandrinæ Ecclesiæ fuisse , ut sexta & quarta feria Scriptura tantum sacra legeretur & enarraretur , & quod *Synaxis* integra & proprie sumpta etiam haberet mysteriorū confectionē. Scriptores , qui Latina e Græcis fecerūt , in conscribenda historia Ecclesiastica , ut Liberatus Diaconus , & Miscellæ historiæ auctor , *συναξιν* ad verbum verterunt *Collectam* , & similiter de eo intellexerunt conventu qui non carebat communione corporis & sanguinis Dominici. Vnde apud Liberatum , *baptizare & Collectam facere* , id est *συναξιν ποιῆν* , pro Sacramentis operari. Hoc *Collectam agere* in Historia Miscella dicitur. Aliis passim pro eodem ponitur *Missam facere*. Nam *Missam* eadem cū *Collecta* vel *Synaxi* , à missione , ut ante notavimus. Postremo Epiphanius , qui *συναξεις* ea notione qua dixi semper posuit , eos conventus in quibus mysteria sacra non agerētur , *οἰκονομίας* appellat , non *συναξεις* , ubi mentionem

tionē facit *προσδύχων ἑωθινῶν & λυχνη-  
κῶν*, Precum inatutinarum & vesperti-  
narum, in Expositione fidei, canon.  
xxiii. Sic in Laodicensi Concilii can.  
xvii. & xviii. *συνάξεις & λειτουργίαι δι-  
χῶν* discernuntur, his verbis, *Περὶ τῶν  
δεῖν ὁπισυλάσθην ἐν ταῖς συνάξεσι τὰς ψαλ-  
μὰς. Περὶ τῶν τὴν αὐτῶν λειτουργίαν τῶν δι-  
χῶν πάντοτε καὶ ἐν ταῖς ἐνστάταις καὶ ἐν ταῖς ἑ-  
σπέρας, ὁφείλει γίνεσθαι.* Hoc officium pre-  
cum Dionysio ille conventus est fidelium  
qui nunquam fiebat absque omnium  
qui intererant cōmunionē. Ita Lucas  
in Actis cap. ii. *προστυχλῶ* seiunxit ab  
αἵτου κλάσθ, & per αἵτε κλάσθ, intellexit  
Eucharistiæ celebrationem, ut Syrus  
interpret accepit. Cum igitur idem  
Epiphanius de Quadragesimā scribit,  
tota ea quāta est *συνάξεις* fieri à nona ad  
vesperam, omnino etiam Sacramenta  
tum celebrata significat. Non enim  
*συνάξεις*, ut tum sumebatur, absq; Sacra-  
mentorum celebratione. Πάλιν δὲ *συν-  
άξεις ὁπισυλάσθ ταῖς αὐταῖς ἑξ, καὶ ὅλῃ τῇ πε-  
σαρακοστῇ, ἀπὸ ἐνστάτης ἕως ἑσπέρας.* Quia au-  
tē Quadragesimale ieiunium vespera  
tantum finiebatur, ideo Synaxes in ea  
habe-



habebantur apud Cypri Ecclesias à nona ad vesperam. Sextæ autem ac quartæ feriæ Synaxes hora nona terminabantur. Ideoque paulo maturius incipiebant, atque ut Tertullianus indicat ea hora qua Romani lavabant. Octava ea legitima Martiali, & aliis. Saltem ab octava ad nonam patebant. In aliis Ecclesiis per Quadragesimam nefas fuit Synaxes facere præterquam Dominica & Sabbato, ὅτι ὁ θεὸς ἐν ταῖς αἰῶσις ἁγίοις ἀπὸ τοῦ θεοῦ φέρει εἰς μὴ ἐν σαββάτῳ καὶ κυριακῇ μόνον. Sed de his iam supra. Romani quoque, ut Cyprii, Synaxes feria quarta & sexta habebant circa horam nonam, easque *Stationes*, ut antea dictum est, vocabant. Hæc vox de omni ieiunio usurpata est Christianis tunc temporis, & perperam agunt qui reclamant. Ambrosius id diserte testatur Sermone xxv. de ieiunio Quadragesimali: *Castra enim nobis sunt nostra ieiunia, quæ nos à Diabolica oppugnatione defendunt. Deniq; Stationes sunt & vocantur, quod fratres & communicantes in eos inimicos insidiantes repellant. Ieiunia autem Quadragesimæ ad vesperam*  
tan-

tantum solvebantur ut diximus, non ad nonam ut feria quarta & sexta suscipi solita. A castrensibus porro Stationibus ea nomen sortita sunt, quia milites quamdiu in statione erant non cibū capiebant, sed aliis succedentibus dimittebantur ad corpora curanda. Stationes igitur cum ieiunia omnia sua inde nominarēt Christiani, de feriæ quartæ & sextæ ieiunio proprie eas postea dici usus obtinuit. Nō principalis autē, ne quis erret, ieiunandi ratio fecit, ut iis diebus ad nonam usque à cibo abstererent fideles. Non inquam per se ieiunium tale constitutum est, nec ex sola ac primaria absterendi causa duobus illis diebus, sed ex mera persuasione consuetudo hæc invaluit, qua existimarent, non debere nisi à ieiunis Eucharistiæ Sacramentum sumi. Qui videbant per eos dies usque ad horam nonam impransos manere fideles, & ieiunium conventu factō & participatis Sacramentes solvi, putarunt statuta illa esse feriæ quartæ & sextæ ieiunia, quæ participatione Eucharistiæ ea hora facienda solverentur. Non ita est. Iam docui-

docuimus ex præscripto Christi & traditione quā ab eo acceperāt usq; quē observabant ipsi, Dominicis tantum diebus Apostolos circa vesperā ad fractionē panis, id est, ad Eucharistiam sumendā in unū cōvenire, & una coenare consuevisse cū fidelibus. Cæteris septimanę diebus, & variis diei horis adorandū coibant, mane, hora tertia, meridie, hora nona, vespera. De hora nona legitur in Actis cap. 111. vers. 1. ubi Petrus & Iohannes in templum ascendunt ad orandum, hora precibus destinata nona. *Ἐν τῇ ὥρῃ τῇ αὐτῇ προσευχῆς ἐν τῷ τῷ.* Ad templum ut plurimum Apostoli orandi gratia procedebant; ut constat ex ipsis Actis cap. 11. Eucharistias autem & panis fractiones circa domos faciebant. Cum igitur hora nona precibus esset consecrata, & dierum præcipue horum duorum in septimana, quartæ & sextæ feriæ, visum est nonnullis Ecclesiis post Apostolos, eadem hora quo preces fieri erant solitæ, etiam communionem corporis Christi celebrare. Aliæ contentæ fuere solis precibus, ut vidimus Alexandrinā, sed in sola Domi-

nica

nica si communicarent, quædam etiam  
 & Sabbato, sufficere crediderunt, prorsus  
 iuxta traditionem & consuetudinem  
 Apostolorum. Quibus placuit hora  
 illa nona precationi dicata, etiam ad-  
 iungere ad orationē Sacramēti Eucha-  
 ristiae celebrationē & participationē,  
 cum iidem etiam persuasum haberent,  
 non debere aliter sumi nisi à ieiunis,  
 usque ad horam illius conventus à ci-  
 bo temperandum esse crediderunt. Sic  
 ieiunia nata feriæ quartæ & sextæ. Ea-  
 dem ratio fecit, & persuasio, ut tradu-  
 ceretur à vespere Dominicæ ad matu-  
 tinum tempus eiusdem Eucharistiae  
 sollemnis celebratio, atque ut cœna  
 converteretur in ientaculum. Cum hac  
 opinione, quod à ieiunis deberet sumi  
 quod inter cœnandum Christus insti-  
 tuit Sacramentum, si die Dominica  
 circa vespērā, ut à Christo factum, su-  
 mēre voluissent, ad eam horam die et-  
 iam Dominico debuissent ieiunare.  
 Quod non conveniebat diei lætitiæ.  
 Ideo ad matutinum tempus, id est,  
 ad principiū diei à fine traductum est,  
 quo posset à ieiunis celebrari. Et mi-  
 rari

rari libet, unde ista superstitio incesserit animis hominum sine ratione ulla ac fundamento, contra institutionem ipsius Christi. An sapientiores Christo esse voluerunt? Num si credidisset Christus, corporis sui & sanguinis Sacramentū indigne à pransis, ac coenatis sumi, non potuisset ante coenā id instituire, ut fecit post coenā vel in coena? Ante coenam instituendo cibus profanus superingestus fuisset sancto cibo. Post coenā vero cum institutū sit, ut factum à Christo, sacrum pabulū corporis & sanguinis præsumptæ communi escæ superiectum est. Utrum melius, sanctius, aut dignius tali Sacramēto? Sane in pari utriusque dignatione, ut non video quid alterum alteri intersit, ego prætulerim quod egit Christus. Si rationibus etiam pugnandum est, ante sumptum Christi corpus in pane, & aliis cibis obrutum, item sanguis eius in vino ante haustus, & inundatus multis superjactis poculis, non honestiore loco mihi videntur fuisse quam super alios omnes pastus & potus immissa. Mirum, qui potuerint  
animum

animum inducere, dignius fore receptaculum tam sanctorum Sacramentorum pituita ex ieiunio redundante refectum stomachum, quam modico alimento sobrie & honeste refectum. Etenim cum statim post sumptam Eucharistiam interdum cœnarēt aut pranderent, miscebatur tum uterque panis, sacratus & profanus. Nec hilum proderat ieiunos eum qui fuerat sanctificatus accepisse, cum protinus ab eo percepto ad alium superinducendum properarent. Sane illi, qui in prisca Ecclesia voluntarii & votivi ieiunii causa non communicabant in ipsa actione, sed acceptum panem & calicem reservabant, ut domi sumerent ubi ieiunii solvendi venisset hora, post Sacramenta ore accepta & in ventriculum demissa nulla ferme interposita mora coenabant. Innatans igitur stomacho Sacramenti vinum, an alio vino innatante demersum, utrum pro dignitate & sanctitate tanti mysterii magis videtur? Quasi non utrovis modo æque confunderetur utrumque. Vide superstitio quid faciat, & quam ipsa secum

Q

fit



fit discors, parumque adeo sibi constet. In Baptismo ab eo die quo quis lotus esset aqua salutari, non aliam tota illa hebdomada usurpabat in quotidianis balneis. Ne nimirum lavacrum commune impediret effectum divini lavacri. *Ex ea die*, inquit Tertullianus in libro de Corona militis, *lavatro quotidiano per totam hebdomadem abstinemus.*

Cur non similiter post Eucharistiæ Sacramentum per aliquot horas vel dies à cibo alio abstinuerūt? Ita sane oportuit, ut res similis esset illi consuetudini quā post lavacrum sacrum observabant: Si enim ex eorum opinione aqua communis balnei potuit impedire operationem spiritualis ac divinæ gratiæ quam conferebat Baptismus, atque ideo sedulo cavebāt ne aliquot dierum spatio aliam aquam corpori infunderent, etiam credere debuerunt aut potuerunt, escam communem si statim superingeretur cibo illi coelesti, interpellaturam Spiritus sancti efficaciam in Eucharistia. Ne vestimēta quidem post eam sacram lotionem protinus indui oportuit, ne aquam sacram eluerent,  
& de-

& delerent de corpore . Enimvero ut Christus de Sacramētis corporis & sanguinis sui affirmat, *Spiritū esse qui vivificet, carnē non prodesse quidquam*, ita in Baptismi Sacramento aqua nihil iuvat, sed Spiritus præsētia qui in aqua est vivificat . Ita quantum ad virtutem & ~~in ep̄da~~ Spiritus attinet in utroque Sacramento , nec alia aqua post sacram corpori infusa , nec alius potus stomacho iniectus post sanctificatum impedire quiverit ne operetur gratia Spiritalis . Sane nec augere nec minuere eam possunt . Multo minus ante sumptus sobrie cibis obstare queat efficacīe Sacramenti corporis, quandoquidem ita illud institutum à Christo liquet . Tutius autē est, in dubiis stare institutioni divinæ, nec latum unguem ab ea discedere, quam humanis adinventio- nibus eam interpolare . Pleræque ideo traditionū eiusmodi, quas temere receperat antiqua Ecclesia, ex vana superstitione inductas, cum tempore evanuerunt . Sed alia non minor seges profanorū rituum in Ecclesia Romana pululavit, ac longe etiā magis pernicioso-

Q 2

rum

244 SIMPLICII VERINI  
 rum, quos non ita facile sit abolere.  
 Verum ut è diverticulo in viam redeamus,  
*συναξίς*, ut Græcis non pro quolibet  
 conventu proprie sumitur, sed pro  
 eo qui fit ad Eucharistiæ celebrandum  
 Sacramentum & participandum  
 ab omnibus fidelibus qui ad Ecclesiam  
 conveniunt, ita etiam Latini eanones  
 vocem *conventus* acceperunt. In  
 Concilio Sardicensi can.xi. ita scriptum  
 est: *Memini autem, superiore Concilio  
 fratres nostros constituisse, ut si quis  
 Laicus in ea in qua commoratur civitate  
 tres Dominicos dies, id est, per tres  
 septimanas non celebrasset conventum,  
 communione privaretur.* Cum de diei  
 Dominici conventu ibi agatur, quò  
 celebrati omnino solita Sacramenta,  
 non de simplici hic canon intelligendus  
 est Laicorum præsentia, quam conventui  
 possent commodare, soli auditioni  
 vacantes, citra communionem, sed  
 de ipsa communione. Sic enim veteres  
 interpretantur. Valafridus Strabo,  
 cap.xx. *Apud Græcos quoque illi qui duas  
 Dominicas vel tres sine communione transierint,  
 excommunicati dicuntur.* Ita conventum

*ventum celebrare* in illo canone Sardicensi idem est quod communicare vel communionem accipere, quia *σύναξις* Græcis etiam *κοινωνία* est, ut ex Dionysio Pseudareopagita supra ostendimus. In Græco legitur *συνέρχεται* pro Latino *conventum celebrare*. Et canon est XI. Græcus, ita conceptus, εἰς λαϊκὸς ἐν πόλει διδάσκει ζεῖς κυριακὰς ἡμέρας ἐν ξίστην ἐβδομάδι μὴ συνέρχεται, ἀποκινεῖτο τὸ κοινωνίας. Nec Græca ex Latinis facta, nec Latina ex Græcis, sed utrūq; esse authenticū, ac prototypū hæc declarāt. Ibi *συνέρχεται* idē est quod Latine *conventum celebrare*, vel *συνάξιν ὀππότε*, nō simpliciter convenire & accedere ad Ecclesiam, sed ad participanda Sacramenta eam adire. Et vetbum est Apostoli eodem sensu in Epistola priorē ad Corinthios, cap. XI. vers. XX. *συνερχομένων οὐ ὑμῶν ὅτι τὸ αὐτὸ, ἐκ ἑστὶ Κυριακὴν δεῖπνον φαγεῖν*. Hac notione *συνέλευσις ποιῆσθαι* usurpavit Iustinus in Apologia secūda de conventibus diei Dominicæ ad cōmunicandum Eucharistiæ fieri solitis. Hinc & *συνέλευσις* pro communione, in canone Sardicensi Græco XII. de

Episcopo, cui permissum fuerit ad possessiones quas extra territorium civitatis suæ habet accedere, ibique aliquanto tempore diversari ad res suas disponendas, & fructus ex agris percipiendos, si post tres hebdomadas sive Dominicas ibi morari necesse habeat, iubetur is ad proximæ civitatis conventum se conferre, ὡς τὴν καὶ χωρὶς συνελθούσας αὐτὸν δοκεῖν εἶναι, id est, ut recte interpretantur, *ne à communicatione alienus videatur*. In Latino est xvi.

*Aut si qua est proxima civitas in qua est Presbyter, ne sine Ecclesia videatur facere diem Dominicam, illuc accedat.* Vbi *facere Dominicam* positum est pro *trāsfigere*, ut *facere tempus*. At *Ecclesia* ibi pro conventu ipso accipitur, qui in Græco dicitur συνέλθουσι. Inde ἐκκλησιαζέω Græcis idem quod συνάγειν. Sic *tenere Ecclesiam* in Concilio Emeritensi, & in Epistola Hieronymi ad Iohannem Hierosolymitanum, idem quod *tenere Missam*, ut aliis dicitur. De quo nos supra. Illum autē canonē Sardicensē, in quo Episcopus ille iubetur ad proximam suis agris Ecclesiam accedere, ne unum

unum diem Dominicum tranſigat ſine Eccleſia vel conventu, non de communione ſimplici reor accipiendum, ſed de ipſa celebratione Synaxis, quam tenere etiã dicitur, non qui intereſt aut præſens eſt dũ agitur, ſed qui celebrãde præeſt. Atque ita plane intelligi debere Græcus canon oſtendit, dum ita ſcribit, καὶ ἐν ἀγχιτυέσῃ ἐκκλησίᾳ, ἐν ἡ παριſτεύουσιν ſυνάγοι, ὑπὸ τῷ μὴ χωρὶς ſυνελόσεως δοκεῖν εἶναι, ſυνέρχεσθαι καὶ λειτουργεῖν. Quæ verba Græci Scholiaſtæ Baſilamon & Zonaras docent accipienda non de Euchariſtiæ oblatione & celebratione, ſed de precum Liturgia. Et hac ratione nituntur, quia ſacra facere Epifcopo aut aliquo munere Eccleſiaſtico fungi in aliena civitate non liceret abſque permiſſu Epifcopi loci. De ſui temporis moribus ſic illi interpretantur. Maior inter Epifcopos tempore Synodi Sardiceniſis fuit libertas. De rurali Eccleſia, ſive Paroecia, ibi ſermo eſt cui præſidebat præbyter. Ad eam accedens alienus Epifcopus ex vicinis ſuis agris, conficere in ea ſacramenta debuit pro iure maioris di-



gnitatis, & *Ecclesiam tenere*. Sic enim intelligendi Concilii Patres. Aliter accedit vel procedit ad Ecclesiam Episcopus, aliter Laicus. Episcopus non alias συνέρχεται, nisi præses conventus futurus, communionem fidelibus daturus, & ipse cum iis percepturus. Laicus autem nunquam accedebat tunc ad Ecclesiam, nisi communicandi gratia. Ergo συνελθούσης & συνέρχουσαι in Sardicensi Concilio tam de Episcopi quam de Laici cōmunicatione dicitur, sed Episcopus qui præsidet cōventui, accipit eam simul & dat, Dionysius de Episcopo officiū sive Missam faciente: εἰς κοινωνίαν αὐτῶν ἱερὰν αὐτός τε ἔρχεται καὶ ἄλλης προσβέβηται, μεταρχὼν δὲ καὶ μετὰ δὲ τῆς θαρχικῆς κοινωνίας. *Procedere ad Ecclesiam* pro eodem dixere, tam de Episcopis quam de Laicis, & de utrisque ad effectum communionis dandæ & accipiendæ. Vnde *Processio* in vetustissima versione Canonis Laodicensi redditur quæ in Græco est σύναξις. Apud Ambrosium in Sermonibus *ad Ecclesiā procedere*, ut apud Cassianum & apud Sulpicium aliosque, est συνέρ-

συνέρχεσθαι & συνέλυσιν ποιεῖν. Quod συνάγει de Laico dicitur ad communicandum conveniente, συνάγει de Presbytero vel Episcopo qui Ecclesiam tenet, & communionē celebrat atq; administrat. Nec Laicis igitur fidelibus nec Clericis licuit per tres Dominicas abesse ab Ecclesia, quia sine cōmunionē esse omni nefas fidei fuit per trium hebdomadarum spatium. Non accessus per se ad Ecclesiam ab his exactus fuit, sed communio desiderata. Cuius rei fidem abunde prestat, quod illi ipsi qui aessent singulis Dominicis, nisi etiam communicarent, non impune habuerunt, qua Clerici qua Laici. Canon octavus Apostolorum Presbyteros & Diaconos aliosque Clericos oblatione facta non participantes arcet à cōmunionē tāquā offensionis populo auctores. Sequens Canon Laicos similiter fideles Ecclesiam ingressos, & audientes scripturā, nisi perstiterint in oratione & communicatione, tanquam ordinis ac disciplinæ turbatores communionē privat. Πάντας δὲ τὲς εἰσιόντας πρὸς, καὶ τῆς γραφῶν ἀκούοντας, μὴ ἀρξομένους δὲ τῇ ἀγορᾷ

Q 5

τῇ προσδύχῃ καὶ τῇ ἁγίᾳ μεταλήψῃ, ὡς ἀτάξι-  
 αὶ ἐμποιοῦντας, τῇ ἐκκλησίᾳ ἀφορίζεσθαι.  
 Pone, non esse Apostolorum istos ca-  
 nones, quanquam esse vetustos nemo  
 queat diffiteri, & Grotius quosdam  
 ex his esse Apostolicos Salmasio assen-  
 tiatur, certe Antiochenus Canon se-  
 cundus idem prorsus statuit adversus  
 fideles omnes, nempe tam Laicos  
 quam Clericos, ut qui ingredientes Ec-  
 clesiam, & Scripturas audientes com-  
 municatione orationis, & communione  
 sacramentorum una cum reliquis non  
 participant, ab Ecclesia extorres fiant,  
 donec & exomologesin publice fece-  
 rint, & fructus poenitentiae dignos  
 ediderint, ut veniam consequi possint.  
 Ita in Græcis vetustis exemplaribus le-  
 gitur : Πάντας τοὺς εἰσιόντας εἰς τὴν ἐκκλη-  
 σίαν τῆς θεᾶς, καὶ τῶν ἱερῶν γεγραμμένων ἀκρόντας,  
 μὴ κοπωνέοντας δὲ τῆς τελευταίας δυχῆς ἀμα-  
 τῶ λαῶν, ἢ ὑποσφραδίζοντας τὴν ἁγίαν μετά-  
 ληψιν τῆς δόξης καὶ τῆς ἀγάπης, τέτρες  
 ὑποβλήτες εἰς τῆς ἐκκλησίας χάριτος καὶ ἑξομολο-  
 γησάμενοι ὑπὸ κανόνα ἔλθωσι, καὶ δεῖξαν-  
 τες καρπὸν μετανοίας, καὶ ὡς ἀκαταστάμενοι  
 τυχεῖν δινηθῶσι συζητήσεως. Verba illa τῆς  
 τελού-

τελευταίας non habentur in editis. Per τελευταίας δὲ χεῖρ, sive ultimam orationem, intelligit Canon eam quæ fiebat post communionem peractam. De qua dicit Valafridus, *Esse legitimum tempus communicandi ante ultimam orationem quæ dicitur ad complendū. Quia eius petitio est pro eis qui communicant.* Vult igitur Antiocheni Patres, omnē fidelē qui ad Ecclesiā accedit Clericū Laicūve, usq; ad illam ultimam orationē permanere in conventu, & Eucharistiæ cōmunicatione. Eam regulā ita reddidit Dionysius Exiguus, *Omnes qui Ecclesiam ingrediuntur Dei, & Scripturas sacras audiunt, neq; communicant in oratione cum populo, sed pro quadam intemperantia se à perceptione sanctæ communionis avertunt, hi de Ecclesia removeantur, quandiu per confessionem pœnitentiæ fructus ostendant, & precibus indulgentiam consequantur.* Tametsi vocem eam τελευταίας non agnoscat, de illa ipsa tamen ultima oratione quæ post communionem factam fiebat, intelligendum. Nihil tamen prohibet & de illis orationibus fidelium accipi,

cipi, quæ cōsecrationi panis præmittebatur in cōmunionē. Prius puto melius. Sed & ne quis fideliū digrederetur ab Ecclesia ante perceptam communionē, cum oblatio fieret, Diaconi stabant ad ianuā virorū, & Sub-diaconi ad ianuas mulierum, qui eas aperiri prohibebant. Auctor Constitutionum Apostolicarum lib. viii. cap. xi. οἱ δὲ διάκονοι ἐστάθωσαν εἰς τὰς τῶν ἀνδρῶν θύρας, καὶ οἱ υποδιάκονοι εἰς τὰς τῶν γυναικῶν, ὅπως μή τις ἐξέλθῃ, μήτε ἀνοιχθῇ ἡ θύρα, καὶ πρὸς περὶ τοῦ καιροῦ τῆς ἀναφορᾶς. Hæc cum adeo certa sint & explorata, quis non miretur, Petavium ita notare in Animadversionibus ad Expositionem fidei Epiphanii pag. cccliii. *Quibus, inquit, subductis omnibus, liquet vetustissimos etiam Christianos in Synaxibus suis non perpetuo communicasse, publice saltem ac legitime. Nec interim negamus, privatim domi vel extra Synaxin communicare aliquos potuisse cum Eucharistiam quam à Sacerdote semel acceperant, reliquis in dies dispensare solerent.* Si quis eas subductas rationes ibi legerit, nullam reperiat vel exiguā ratiunculā, unde id colli-

cõlligi possit. Omnia æra perversa & turbata, ac summa inde subducta improbe apparebit. An hominis est vero negare, antiquissimos Christianos legitime & publice in suis Synaxibus communicasse? Aut inscitia hæc est infra omnes homines imperitos, aut perversitas supra omnes sceleratos. Solet ille sæpe, quanquam & extreme imperitus est, aliter sentire quam scribit, fallaciæ magister, non veritatis. Hic ille tamen est *eximius vir* quem inter eos eruditos recenset Grotius, *quorum consilia audire necessarium sit pacem Ecclesiasticam cupienti, utpote, quibus & præsens Ecclesiæ Status, & antiquior historia percognita sint.* De præsentē Ecclesiæ statu quin sit iis cognitissimus, non dubito. De antiquiore historia quam verum videri queat, hic unus Iesuita fidem facit, affirmans vetustissimos Christianos non communicasse in Synaxibus suis, saltem publice ac legitime. Quid ergo? Nec publicenimirum nec legitime communicabant, sed privatim tantum intra domos suas extra Synaxim, & non legitime, ac-



me, accepto in Ecclesia & reservato sacramento. Ne communicasse quidem domi suæ hos ait, sed communicare potuisse. Non possum nunc in eum dicere quæ meretur prodigiosus eius stupor, aut stupenda contra adeo manifestam veritatem improbe nitentis pervicacia. Dictum supra, quinam acceptum in Ecclesia Sacramentum reservaret, ut apud se privatim cōmunicarent, & qua de causa id facerent. Nulla est antiquior aut recentior Liturgia; genuina aut supposita, Græca aut Aegyptiaca, quin habeat populū Sacerdoti Missam tenenti respondentem, eundem communicantem, & orationes pro communicantibus. Relegantur Iacobi, Clementis, Basilii, Chrysostomi, Cyrilli, Gregorii apud Aegyptios Liturgiæ, quæ partim veræ sunt, partim falsæ; communionis fidelium omnium his intervenientium vestigia expressa in omnibus reperientur. Qui de Liturgiis scripserunt, aut de ordine Missæ vel Synaxeos, Græci Latinique, veteres & novi, Cyrillus, Dionysius Pseudareopagita, Clemens, Isidorus, Ama-

Amalanus, Rabanus Maurus, Valafridus Strabo, nullam Synaxin aut Missam narrant sine communicantibus. Totæ propter communicantes, & communionis omnium fidelium gratia conscriptæ & comparatæ sunt. Clemens, sive quisquis est auctor Constitutionum Apostolicarum sub illo nomine, quo ordine cleri & plebs in Synaxibus communicare soliti fuerint, commemorat lib. VIII. cap. XIII. καὶ μὴ τοῦτο μεταλαμβάνεται ὁ ἐπίσκοπος, ἔπειτα οἱ πρεσβύτεροι, καὶ οἱ διάκονοι καὶ ὑποδιάκονοι, ἔπειτα οἱ ψάλται, καὶ οἱ ἀσκηταὶ, καὶ ἐν ταῖς γυναῖξιν αἱ διάκονοι, καὶ αἱ παρθέναι καὶ αἱ χήραι, εἶτα τὰ παῖδιά, καὶ τότε πᾶς ὁ λαὸς καὶ τὰ ξύνη, καὶ αἱ δούλαι, καὶ οἱ ἀνδράποδοι. In vetusto centone ex Virgilianis versibus composito ab incerto auctore ætate Iustiniani quod inscribitur *Ecclesia*, plebs omnis in ea communicans inducitur. Quid pluribus opus est, cum res sit notissima ac testatissima ac sole ipso clarior? Si veteres non communicabāt publice, nec legitime in Synaxibus suis, ut vult *Eximius* Grotii *Petavius*, quo pertinebat illa *communio*,  
sive

five κοινωνία, qua privabantur fideles ob peccatum, & quam recuperabant beneficio pœnitentiæ? Vbi dabatur & accipiebatur aut etiam negabatur ea communio, si non in Synaxi id fiebat? Cuius autem res ea fuit communio, si Eucharistiæ non fuit? Quæ differentia erat Pœnitentium quarti gradus à reliquo fidelium grege qui orationis cōmunioēn cum iis habuere; si nulla tum fuit perfectior communio, ad quam fideles admittebantur, & à qua excludabantur illi Pœnitentes? Cum accingebat se Sacerdos ad consecrationem sacramentorū faciendā, & denuntiabat τοῖς ἀκοινωνήτοις ἀρρογέλαιον, id est, exire; quid plus habebant illi qui remanebāt & quibus ius erat communionis? An videbant tantū & audiebant id quod agebatur? Cur igitur absentibus propter valetudinē mittebatur Eucharistia? An verisimile est, præsentes non communicasse, cum ad absentes & ægrotos qui modo excommunicati non essent soleret mitti? Omnes autem qui sanctorum mysteriorum celebrationi interessent communicare olim coactos,  
ex Pa-

ex Patrum scriptis notat Micrologus de Ecclesiasticis observationibus, dum scribit, quod soli communicantes sacris mysteriis interesse consueverint. Ita ille cap. li. *Sciendum est autem, inquit, iuxta antiquos Patres, quod soli communicantes divinis mysteriis interesse consueverint. Vnde & ante oblationē iuxta Canones iuebantur exire Catechumeni & Pœnitentes. Videlicet quia nondum se paraverant ad communicandum. Hoc quoque ipsa Sacramentorum innuit confessio, in qua Sacerdos non pro sua oblatione & communicatione, sed & aliorum rogat, & maxime in oratione post communionem pro solis communicantibus orare videtur.* Per quinque & amplius sæcula nemo fuit fidelium cui ius esset communionis, qui non in omnibus conventibus quibus intererat cōmunicaret corpori & sanguini Dominico. Per quattuor ferme sæcula corrupta Ecclesiæ disciplina ita nonnullis licitum fuit non communicantibus interesse celebrationi mysteriorum, ut tamen nusquam Sacramenta celebrarentur sine communicantibus. Circa sæculum

R

demum

demū nonū, coeptæ Missæ fieri à solis Sacerdotibus, quę nullos haberent cōmunicantes, ut indicat Valafridus Strabo, cap. xxii. Quę tamen non fuere tum admodum frequentes, & manebat opinio penes plures, & id fatendum ait idem Strabo, *illam esse legitimam Missam, cui intersunt Sacerdos, respondens, offerens atque communicans, sicut ipsa compositio precum evidenti ratione demonstrat.* Ergo illa illegitima in qua Sacerdotes soli Missas celebrant. Per triū quattuorve deinde fere sæculorum spatium hic mos duravit, quo partim Missæ cum communicantibus, partim sine his à solo Sacerdote conficerentur, donec Innocentii tertii ætate circa annum Christi millesimum & ducentesium decimum quintum stabilita per eum Papā & prorsus confirmata doctrina de Trāssubstantiatione, qui & adeptū plebi calicē voluit, non potuit amplius populus communicare cum Sacerdote, communione utriusque in tantum disiuncta, ut hic sub utraque specie, ille tantum sub una haberet communicandum. Ab eo tempore

pore passim introduci cœptę sunt solitaria singulorū communiones ex ante cōsecratis, sublata fideiū inter se cōmunionē, sine qua nec ea recte procedit quā habent cum Christo in horum perceptione Sacramentorū. Divisi & ipsi fideles Laici ab Ecclesiasticis, ac diversa utrorumque instituta communio, cum olim eadem esset, & simul fideles Laici cum Ecclesiasticis communicarent, quod obtinuit per duodecim & amplius sæcula. Tempore Iustini & Tertulliani nullam legimus fuisse distinctionem utriusque ordinis Laici & Ecclesiastici in cōmunionē percipiēda. Offerebatur panis præsidenti cœtus, qui ei benedicebat, & benedictum populo dividebat. Omnes ab eius manu tam panem quam poculum accipiebant. Non negaverim tamen, semper, quod verisimile est, primos accessisse ad communicandum qui erant ordinis Ecclesiastici; tum populo datam fuisse communionem, sed ad eandem Mensam. Postea loco discretus ordo Ecclesiasticus & Laicus communionem accepit. Nam ministri altaris ad ipsum

R 2

altare;



altare, hoc est, ad ipsam mensam soliti erant accipere soli, populus vero non ibidem communicabat. In Concilio Laodicensi can. xix. sancitur, *μόρον ἔχον ἐν τοῖς ἱερατικοῖς εἰσέρχαι εἰς τὸ θυσιαστήριον καὶ κοινωνεῖν*. Hoc est, ut vertit Dionysius Exiguus, *Solis ministerio sacro deditis ad altare ingredi & communicare ibidem liceat*. Inde *Laicæ & Ecclesiasticæ* communionis sive Sacerdotalis receptum est discrimen, cuius nec vola nec vestigium fuit per tria priora Ecclesiæ sæcula. Ipse auctor Constitutionum Apostolicarum, ubi exponit quo ordine fideles omnes Eucharistiam acceperint, loco paulo ante citato, memorat quidem, Episcopum primum sumpsisse ipsam communionem, nepe illum qui benedixerat ac confecerat Sacramenta, deinde Presbyteros, postea Diaconos, & alios ordinis Ecclesiastici, postremo populum, sed non meminit ullius loci distinctionis, ut alibi plebs, alibi ordo communione impertiti fuerint. Episcopus in eodem loco omnibus indiscrete porrigit eadem manu, & de eodem pane. Diaconus autem

pocu-

poculum iisdem dabat. Vbi admissa est illa differentia Laicæ & Ecclesiasticæ cōmunionis, solius loci ratione discretā eam fuisse constat ex eo canone Laodicensi, quidquid contra argueretur Episcopus Aurelianensis, alibi refellendus. Intra septa altaris quibus populus discludebatur, Ecclesiastici communicabant, extra illos cancellos populus. Apud Cyrillum circumstant altare, Presbyteri, cum Cœna Dominica celebranda est. Nam Diaconus dat aquam manualet Episcopo, καὶ τοῖς κυκλῶσι τὸ *ὑποσάβειον* τῷ *ἐκ τῶν πρεσβυτέρων*. Ibi igitur & communionem accipiebant, quæ inde *Ecclesiastica* & *Sacerdotalis* appellata est. *Laica* vero quam Laici inter ordinis sui homines accipiebant, non intra *ὑποσάβειον*, ut primi, sed extra. Hæc discrimina, ut apparet, non fuere, cum ad mensam omnes eandem communicabant, quæ in medio ponebatur, quæq; inferri poterat & auferri, & ad quā omnibus patebat accessus. Vbi vero altaria extructa sunt, ac templa ad eam formam ædificata qua gentilium fana, tum interior pars templi in qua

altare positum est , à reliquo templo  
 cancellis & septis instar sanctuarii &  
 adyti dissepta populum exclusit , &  
 solis patuit Sacerdotibus. Hinc ca-  
 non Laodicens vetat mulieres ἐν τῇ  
 συνάσει εἰσέναι. Vbi altaria igitur pro  
 mensis facta sunt , ea demum nata di-  
 stinctio communionis Laicorum &  
 Sacerdotum , quæ solo loco discer-  
 nebatur , non alia re , ut perperam  
 imaginantur. Vt primi autem com-  
 municabant cum Episcopo Presby-  
 teri , ita & primi sibi dabant osculum  
 pacis ante communionem , post hos  
 & Laici eam sibi tribuebant. Idem  
 canon Laodicens : καὶ μὴ τὸ προσευ-  
 χόμενοι δοῦναι τῷ εἰρήνην , τότε τὰς λαϊκὰς  
 τῷ εἰρήνῳ δίδοναι , καὶ ἔπειτα τῷ ἁγίῳ  
 προσφορὰν ὑπετελεῖν. *Et ita demum  
 pacem sibi invicem dabant. Et postea-  
 quam dederit Episcopus Presbyteris os-  
 culum pacis , tunc Laici sibi tribuent. Et  
 ita sancta celebrabitur oblatio.* Hodie  
 cum nulla sit in hoc Sacramento parti-  
 cipando fidelium Laicorum inter se  
 communio , nec populi cum presby-  
 teris ius communionis , merito etiam  
 subla-

sublata est illa Pacis datio , & *ἀγά-  
σμός*. Pro ea substituerunt mimicam  
ac ridiculam ceremoniam , eamque  
Clero quæstuosam. Patina est , quam  
*Pacem* appellant . Subdiaconus dat  
eam osculandam accedentibus Laicis,  
& qui osculatur , tributum pendit .  
Voluntaria quidem hæc collatio , sed  
qui plus tribuit , eo acceptior est . Meri-  
to sane Reformatos incusant quod *Cæ-  
nam* vocent huius Sacramenti com-  
munionem . Cum ipsi nullam in hoc Sa-  
cramento participando communio-  
nem agnoscant , non debent nomine  
tam improprio vocare id quod agunt .  
At veteres omnes ita vocarunt cū vere  
Cœna esset , id est , cum à pluribus si-  
mul fidelibus ex eodem pane partici-  
pantibus & ex eodem poculo haurien-  
tibus hoc sacrum convivium celebra-  
retur . Augustinus , ne alios testes ad-  
ducam , lib. II. de sermone Domi-  
ni in monte : *De Sacramento autem  
corporis Domini , ut illi non moveant  
quæstionem , qui plurimi in Orientalibus  
partibus non quotidie Cœnæ Dominicæ  
communicant , cum iste panis quotidianus*

R 4

*dictus*

*dictus sit. Auctor medii ævi, qui sub nomine Cypriani tractatum de hoc Sacramento Eucharistiæ inscripsit, ita de communione omnium in ea fidelium verissime scripsit, tam Sacerdotum quam Laicorum. Nec solos Sacerdotes ad panis huius ius dignitatis Leviticæ prærogativa admittit. Univerſa Eccleſia ad has epulas invitatur. Aequa omnibus portio datur, integer erogatur, distributus non demembratus, incorporatus non iniuriatur. Ita locus ille legendus est. Coena non est, quam unus participat aut celebrat. Debet eſſe commune quod ſic vocatur. Hoc enim diſcipulis inſtituit Dominus, & exemplum ea inſtitutione dedit quod Chriſtiani omnes ſequerentur. Ita ſuum Paſcha Iudæi celebrarunt. Cœnā proprie vocarunt Romani plurium ſimul cōviantiū epulū. Soli ut plurimū prandebant, ad cœnā ſuos invitabant. Plutarchus: τὰ δειπνὰ φασι Κοῖνα ὅτ' ἐπὶ τῷ κοινῷ εἶναι καλεῖσθαι καθ' ἑαυτῶς ὃ δὲ ἥρις ἐν ὀπιθεῶς οἱ πάλαι Ρωμαῖοι, σὺν δειπνουῦσι τοῖς φίλοις. Cœnam aiunt à communione dictam, quia ſoli prandere ſoliti eſſent Romani, cum ami-*

*amicis autem cænare.* Hæc cœna autem Domini etiam κοινωνία & communio proprie appellata est, ut ante dixi, non tam propter communionem singulorum communicantium his Sacramētis cum Christo, quamvis & hoc quoque, quam propter singulorum inter se communionem & ἀγάπῃ. Vnde & ἀγάπη quoque nuncupata est. Et *pacis osculum*, quod sibi invicem tribuebāt antequam ad cōmunionē accederēt, ἀγάπης φίλημα. Hinc & in Liturgiis dicebatur, ἀγαπήσωμεν ἀλλήλους. Recte tā de cōmunionis fidelium inter se effectu & effectu mutuo in hoc Sacramēto consociatorū, quā de ea qua singuli cū Christo ipso uniūtur, ita scripsit Auctor de Cœna: *Sed nos ipsi, corpus eius effecti, Sacramēto ac re Sacramēti capiti nostro cōnectimur & unimur, singuli alter alterius mēbra, ministerium dilectionis per invicē exhibentes, communicamus caritate, participamus sollicitudine, eundem cibum manducantes, & eandem potum bibentes, qui de petra Spirituali profluit & emanat, qui cibus ac potus est Dominus noster Christus.* Præclare quoque de ea

R s com-



communione fidelium simul communicantium huic Sacramento sublimis auctor sed insignis impostor dixit in tractatu de Eucharistiæ celebratione. τὸ δ' ἐνιαῖον αὐτῶν εἰς πολλά διαιρῶν, καὶ τῇ τῷ διαμερισμῶν ὡς τὰ ἐν οἷς γίνεται κατ' ἄκρον ἐνώσῃ, κοινωνεῖς αὐτὲς ὑποτελών τρε μετέχοντας. *Episcopum, inquit, unitatem in multas minutias eorum donorum dividente, & perfecta eorū qua ea distribuuntur in eandem unitatem coniunctione, socios & eiusdem communionis participes reddere, qui iis communicant.* Vetustissimus auctor Ignatianarum Epistolarum ad Philadelphenses scribens, eos adhoratur ut schismata & dissensiones fugiant, utque studeant una Eucharistia uti, id est, ita se parēt concordia & dilectione mutua, ut possint communicare eidem Sacramento. Σπουδάζετε οὖν, inquit, μιᾷ διχαρισίᾳ χρῆσθαι. μία γὰρ σὰρξ τῆ κυρίου ἡμῶν Ἰησοῦ Χριστοῦ, καὶ ἐν ποτήριον εἰς ἑνώσιν τῆ αἵματος αὐτοῦ, ἐν θυσιᾷ θηριον. *Studete igitur uno Eucharistiæ Sacramento uti. Vna quippe Christi Domini nostri Iesu Caro est, & unus calix in unionem sanguinis eius.* Dicere vult, non posse eos



eos unionē habere cum Christo in participandis Sacramentis corporis & sanguinis eius, nisi communionem inter se habeant, per concordiam & amorem mutuum, quo queant Eucharistiæ eidem communicare. Quotiescunque autem id Sacramentum in conventibus publicis celebraretur, adeo neminem voluerunt illius communionis esse exortē, ut etiā ad absentes qui per valetudinē cœtui interesse non possent, per Diaconos mitterēt, ut ex Iustino & aliis liquet. Ubi cœna est, ubi cōmune convivium, ubi cōmunio in Missa hodierna Pontificiorum? Nusquam est. Nam ut ait Micrologus in libro de Ecclesiasticis observationibus cap. LI. *Non proprie dici communio potest, nisi plures de eodem sacrificio participent.* Scena est plane, non cœna Dominici corporis & sanguinis id quod agitur. Sacerdos ad altare assistit, theatri vestem magnifice indutus. Post multas gesticulationes manuum, multas corporis gyrationes, tandē crustulum manibus supra caput elatis elevatum à populo aversus ostendit. Audiunt qui adsunt quod non intel-

intelligunt, vident quæ non percipiunt, adorant quod nesciunt. Nemo ex eo sacro pabulo domum quidquã secũ refert nisi quod in oculis gerit. Omnia enim ibi ad ostensionẽ tantũ cõparata, nihil ad esum, ad usum & fructũ, nihil ad solatiũ cõscientiarũ. Dicunt se Misiam audisse. Inde exeunt *corde sicci*, ut ait auctor de Coena, & *mente aridi*. Ita de sanctissimo Dominici corporis & sanguinis sacramento mimũ fecerunt, & de altari theatrũ, id quod esse debuit convivii Dominici mensa, exstruxerunt. Parũ hoc esset, nisi etiã in meram miramq; idololatriam convertissent totũ illud sacrũ officiũ. Adeo autem ab imaginaria sua *ιδωλομανία* ne in eo quidem pane quo Christi corpus representatur, recesserunt, ut figuram Servatoris sub alia atque alia specie in illo crustulo quod pro Eucharistia dāt, impresserint. Quasi scilicet de proximo sic fieret facilior conversio ex simili imagine in vivum corpus Christi, quam de frusto panis è pane integro defracto, & in communionem dato, atque in tantum formæ corporis dissimili.

mili. Simule etiam populo fucum facere voluerunt, ut imaginem Christi accipiendo citius putaret se ipsum Christum revera accipere. Ita quum simulacrum alicuius Divi intuetur, credunt se Sanctum ipsum contempleri. Sed priusquam ad alia pergamus, de *Oblationibus* etiam privatorum aliquid dicendum. Nam & ab his magna intervenit mutatio & adulteratio depravatioque huius Sacramenti in eam profanationem, quam nunc videmus obtinere. Primis Ecclesiae temporibus nulla panis aut vini aut cuiuscunque alterius speciei à fidelibus fiebat oblatio ex qua Sacramenta corporis & sanguinis Dominici conficerentur. Duobus quippe prioribus saeculis nulla earum oblationum mentio extat in scriptis auctorum qui tum vixere. Meminerunt illi, ut Iustinus & Tertullianus, collationis, quam Synaxi dimissa unusquisque fidelium faceret in aream communem. Dites praecipue, & quibus id volentibus erat, conferebant stipem quam volebant. οἱ ἀπορροῦντες δὲ, inquit Iustinus, καὶ βελόμυροι, καὶ περιπαίρειν ἕκαστος τὴν ἑαυτοῦ ὁ βέλεια

τα δίδωσι. Ἐτὸ συλλεγόμενα ὡς τὸ ἀρ-  
 ιστῶν ἀποτίθεται. *Et quod collectum est*  
*deponitur apud præidentem.* Is erat pri-  
 mus Presbyterii, sive primus Presby-  
 ter, ὁ ἀρχιεπίσκοπος. Nam & Tertullianus  
 de politia tunc temporis Ecclesiasti-  
 ca dixit, *Præident, conventui, pro-*  
*bati quoque seniores, honorem istum non*  
*pretio sed testimonio adepti; neque enim*  
*pretio ullo res Dei constat.* Inter illos se-  
 niores qui ætate, & ordine antiquior, et-  
 iam prior fuit. Atque is est quem ἀρ-  
 ιστῶτα appellat Iustinus. Is servabat de-  
 posita illa pietatis, ut vocat idē Tertul-  
 lianus, cui & arca eis recipiendis cō-  
 munis nominatur. *Etiā, si quod arcæ ge-*  
*nus est, non de honoraria summa quasi re-*  
*demptæ religionis congregatur; modicā*  
*unusquisque stipem menstrua die, vel cum*  
*velit, & si modo velit, & si modo possit,*  
*apponit. Nā nemo compellitur, sed sponte*  
*confert.* Omnia collegia licita arcā ha-  
 buere cōmunem; in quā conferebant  
 pecuniā menstrua die, ut notū est. Chri-  
 stiani illius temporis in urbibus in qui-  
 bus degebāt, quasi quandā ἐταίρειαν cō-  
 stituebant. Ideo & ad exemplum so-  
 dalicio-

daliciorū corporū arcā quoq; habuere  
 suā singulæ Ecclesiæ. Quos in usus con-  
 verteretur collecta singulis Dominicis  
 summa ut ait Iustinus, vel menstrua  
 die ut dicit Tertullianus, uterque me-  
 morant. Nempe ad egenos alendos,  
 captivos redimendos, viduas paupe-  
 res sustentandum, virgines locandas,  
 hospites excipiendos. Ex illa etiam pe-  
 cunia, ut videtur, panis & vinum eme-  
 batur ex quibus Eucharistia conficie-  
 batur. Certe aliarum oblationum quæ  
 tunc à privatis fierent in altari ponen-  
 dæ & benedicendæ, quæque in com-  
 pendium cederent Sacerdotum, nul-  
 lum per illa tempora vestigium. Nul-  
 la saltem occurrit mentio apud aucto-  
 res qui tum scripsere. Iustinus qui an-  
 tiquior est, simpliciter dicit, panem  
 oblatum fuisse præsidenti conventus  
 ut eum benediceret, & similiter vi-  
 num. Πανταύτων ἡμῶν, inquit, τῆς δι-  
 χῆς, ἅπτος προσφέρεται καὶ οἶνον καὶ ὕδωρ,  
 ὃ ὡς ὅς διχὰς καὶ διχαρισίας ἀναπέμ-  
 πει. *Vbi precari destitimus, panis &  
 vinum cum aqua offertur. Nam paulo  
 ante ita id expressit, πάντα προσφέρεται*

πρὸς ἀρετῶν τῶν ἀδελφῶν ἄρτοι καὶ ποτῆ-  
ριοι ὕδατος καὶ κραμάτων, καὶ ἔτι λαβὼν  
αἶνον καὶ δόξαν, & quæ sequuntur. *Post hæc*  
*panis & vinum cum aqua offertur ei qui*  
*fratribus præest.* Nihil ista oblatio pa-  
nis & vini commune habet cum obla-  
tionibus sequentium temporum. Sim-  
pliciter vult, panem & vinum quorum  
usus fuit ad Sacramentum Eucharistiæ  
conficiendum, porrecta fuisse coetus  
præposito, ut ea benediceret ac divi-  
deret populo. Vbi superstitio male fe-  
riatorum hominum ex Iudaica θρησκεία  
altaria, Sacerdotes, Levitas, azyma  
sacrificia, hostias, mutuata est, indidem  
etiam sumfit & oblationes. Eæ proprie  
fuere καρποφορίαι & decimæ fructuū in  
iis quæ usu consumerentur consistentes.  
Pseudo-Clemens Constitutionum A-  
postolicarum lib. vii. cap. xxx. ita eas  
complexus est: πᾶσαν ἀπαρχὴν ἄρτων,  
θερμῶν, κραμίσκων, ἡ ἐλαίου, ἡ μέλιτος, ἡ  
ἀκροδρύων, σαφυλῆς, ἡ τῶν ἄλλων τῶν ἀ-  
παρχὴν δώσεις τοῖς ἱερεῦσιν. In Synodo  
Gangrensi καρποφορίαι ἐκκλησιαστικαὶ di-  
cuntur can. vii. quas oblationes Eccle-  
sia. Latine reddidit Dionysius Exiguus:  
Illæ

Illæ proprie erant primitiæ ac decimæ fructuum, quæ etiam *ωεσφοραι* appellabantur teste eodem Pseudo-Clemente lib. II. cap. XXVI. αἱ τότ' ἀπαρχαὶ, & δεκά, καὶ ἀφαιρέματα, καὶ δ' ὧρα, καὶ ὡεσφοραὶ, αἱ δὲ τῶν τῶν ὁσιολόγων ωεσφορομύαι τῷ θεῷ δὲ ἰσχυρῶς. Hæ proprie ergo *oblaciones* dictæ quia ad altare offerebantur benedicendæ, & quas cessisse dicit Sacerdotibus. Quæ vero alia dona & munera in pecunia numerata consistebant, & in quacunque possessione mobili, ut & quæ ad vestitum pertinerent, omnia ea viduæ & pupillo tribuenda esse. Arca igitur pecuniæ manfit, sed *oblaciones* superinductæ sunt. Huius arcæ meminit Damasus in vita Stephani: *Omnia vasa Ecclesiæ Archidiacono suo Xysto in potestatem dedit, vel arcam pecuniæ*. Id est, & arcam pecuniæ. Quibus placuit in omnibus Iudæi moris imitatio, *corbanam* & *gazophylacium* pro arca nominarunt, ut Cyprianus in libro de opere & Eleemosyna. *Locuples & dives es, & Dominicum celebrare te credis quæ Corbanam omnino non respicis, quæ in Dominicum sine sacrificio*

S

*venis.*



*venis.* Ad sacrificium pertinent oblationes panis & vini, ad carbonā pecunia in arcam Ecclesiæ mittenda sive gazophylacium, ut vocatur in canone Concilii Carthaginensis; *Oblationem dissidentium fratrum neq; in sacrario, neque in gazophylacio recipiant.* Ubi vides tam pecuniam quam vestitum etiam oblationū nomine cōprehendi. Nam aliæ species in sacrario recipiebantur, pecunia in gazophylacio. Hieronymus Cōmentariis in Haggæum prophetam munera, eleemosynas, & oblationes distinguit his verbis; *Iuxta quem sensum breviter possumus dicere, frustra aliquos munera offerre Deo, & eleemosynas & oblationes putare Deum posse placare, cum ipsi non extruxerint in se templum Spiritui sancto.* Munerum appellatio generalis. Unde *munerum & donorum oblatio.* Eleemosynæ in stipe & pecunia præcipue consistebant. Oblationes proprie panis & vini dicebantur. Ambrosius Sermone quodā eade quibus oblationes fiebant ita enumerat, *De grano, de vino, de fructibus arborum, de pecoribus, de horto, de negotiis, de vena-*

*venatione*. Pecuniam non reponit in oblationibus. *Negotia* sunt merces. Verum ut dixi proprie *oblaciones* dicebantur de pane & vino aliisque similibus quæ esui erant, & in altari oblata consecrabantur. De his ante omnia sciendum est, quod à solis communicantibus offerebātur, & eo die quo cōmunicabāt, nunquā aliter, nec alio tēpore. Quibus in locis die Dominico tantum conventus agebantur, eo solo die oblationes fiebant, & à solis communicantibus: non enim ab ἀκοινωνήτοις ullo modo recipiebantur. Hinc Cyprianus dixit loco paulo ante citato, de matrona divite, *Dominicum celebrare te credis quæ in Dominicum sine sacrificio venis*. Tunc temporis conventus ad communionem die Dominico tantum celebrabatur. *Sacrificium* autem appellat oblationem panis & vini ab eo qui cōmunicabat Sacramētis, fieri in altari solitam. *Hostiam* appellat Innocentius can. 11. his verbis: *De nominibus vero recitandis antequam precem Sacerdos faciat, atque eorum oblationes quorum nomina recitanda sunt, sua oratione commendet,*

*mendet, quam superfluum hoc sit, ipse pro tua prudentia recognoscis, ut cuius hostiam necdum Deo offers, eius nomen ante insinues, quanvis illi incognitum nihil sit.* Quæ ita scribenda ex vetustissimo codice. Nemo autem communicabat quin aliquid offerret, qui saltem per facultates id posset. Communicare igitur & offerre, quantum attinet ad ius communionis, idem. Nec enim ab ἀποικωνήτοις munera ac dona accipiebantur. Cuius itaque oblationes recipiebantur, & cuius nomen offerebatur, is etiam ius communicandi habebat, & reapse etiam communicabat. Liberum quidē erat offerre, aut non offerre iis qui communicabant, sed omnino quicumque offerebat, is etiam communicabat. Cyprianus epist. xiv. lib. i. *Ad communicationē admittuntur, ac offertur nomen eorum.* Ambrosius Sermone xxxiv. *Omnes Christiani omni Domini- ca debent offerre & communicare.* Et paulo post: *In quadragesima vero moneo, die omni aut saltem omni Dominica offeratis & communicetis.* Turpe tum erat habenti communicare, & non offerre.

Hinc

Hinc divitem matronam increpat Cyprrianus loco supra citato , *quæ corbanâ non respiceret , & in Dominicum veniret sine sacrificio , & quæ partem de sacrificio quod pauper obtulerat , sumeret .* Item Augustinus Sermone LXI I I . *Oblationes quæ in altari consecrentur offerte . Erubescere debet homo idoneus , si de aliena oblatione communicet .* Avaritiam porro fecisse opinor , ut cum singulis tantum Dominicis communicarent veteres Christiani , mos introduceretur quotidie Synaxis habendæ , ut omnes cõmunicarent fideles omni die , quas sic copia maior esset oblationû . Ab illis enim oblationibus plurimum ditatas fuisse constat Ecclesias , præcipue quas matronæ dabant opulentæ . Hinc Ammianus Marcellinus homo paganus & militaris , lib. x x v I I . haud mirari se dicit si tanto ambitu contenderetur sua ætate de Episcopatu Romæ adipiscendo , *Cum id adepti , inquit , futuri sint ita securi , ut ditentur oblationibus matronarum , procedantque vehiculis insidentes , circumspecte vestiti , epulas curantes profusas , adeo ut earum convivium*

*regales superent mensas.* In maioribus sane civitatibus quia amplior fuit numerus fideiū, eorumq; singulis diebus cōmunicantiū simul & offerentiū, luculentiores etiam Ecclesiarum ex illis oblationibus divitiæ extitere. In Græcis & Orientalibus minor fuit copia oblationum, ut etiam minus frequentes fuere Synaxes, & communiones. Apud Latinos *oblatio* privatorum eadem erat cum communicatione, adeo hæres quæ affines & coniunctæ fuere. Inde in canone Felicis, de Poenitentibus quarti gradus: *Duobus autem annis oblationem modis omnibus non finantur offerre, sed tantummodo secularibus in oratione sociantur.* Quæ verba tamen non de oblationibus quas Laici faciunt, sunt accipienda, sed de Presbyterorum Liturgia. Nam de Clericis ea se præcipue constituere dicit Felix. Præterea *oblationem offerre* de solis Sacerdotibus dicitur. In canone autem Niceno **xr.** id sancitur de Laicis lapsis tantum, ut duos annos sine oblatione exigant, *ἡμετέρας κοινωνίας.* Id est, sine communicatione oblationis, sive Eucharistiæ. Nunquam

quam enim aliter hæc vox in Græcis canonibus accipitur, nec usquam significat oblationem Laicorum. Dionysius tamen Exiguus ad eum morem respiciens Ecclesiarū Latinarum in canone Ancyrano *ἡρώς ἀεὶ προσφέρει* intellexit de privata oblatione quam faciebant fideles: *Sine oblatione suscipiantur ad communionem, ita ut ipsi non offerant.*

Quam expositionē supra refutavimus ut falsam. Ex ea enim sequeretur, illo gradu Poenitentem, qui communicationem tantum orationis habebat cum fidelibus, potuisse ad communionem etiam Sacramenti Eucharistiæ admitti, dummodo ipse non offerret. Quod nunquam factum. Quisquis offerre poterat, potuit etiam cōmunicare. Immo & quicumq; offerebat, etiam communicabat, sed non è converso omnes qui cōmunicabant iidē quoq; offerebant, cum liberum id esset & voluntarium, ac nemo cogerebatur offerre. Certum est porro, ex oblationibus privatorum sumptam fuisse eam oblationem quæ pro omnibus fiebat in Sacramento Eucharistiæ conficiendo, & de qua omnes

participabant. Cum enim plerique panem & vinum offerrent, ex illo pane & ex illo vino accipiebatur quod in Sacramentum benediceretur, & quod omnibus divideretur. Id negat Episcopus Aurelianensis, sed nulla ratione fretus, quæ id quod vult, ita ut vult esse evincat. *Quidquid*, inquit, *offerebatur, pauperibus & Clericis alendis designabatur.* An idcirco non potuit ex tanta copia panis & vini quæ quotidie à fidelibus offerebatur, pars seponi aliqua ad Eucharistiam conficiendam? Vnde igitur panis ac vinum ex quibus Sacramenta conficiebantur tunc temporis accipi solebat nisi ex istis oblationibus? *Ad hæc*, quæ secunda ipsius ratio, non verior priore, *constat ex Epiphanio, in suis sacris eos usos fuisse parvo pane ad id facto, & rotundæ formæ atque ei simillimo quo utimur.* Nusquam id scripsit Epiphanius. Et falsissimum est, eius tempore in usu fuisse eiusmodi minutas ac renues quisquilias crustulorum quas hodie adhibent ad hoc Sacramentum. Eas quippe constat sero admodum fuisse excogitatas, sæculo duodecimo circa finem



finem, aut circa initium decimi tertii, postquam invaluit doctrina de Transsubstantiatione. Scribit sane Epiphanius in Anchorato, panem ex quo fiebat Eucharistia fuisse rotundum, sed si fuit similis *oblatis* istis ut vocantur, & farreis bracteis, ut vult Episcopus Aurelianensis, ex eo etiam concludendum de eiusmodi pane, si panis est, Christū ipsum Sacramentum sui corporis instituisse, & celebrandum postea in eodem genere panis Apostolis suis tradidisse. Nam tradit eo loco Epiphanius, in tali pane quem ibi rotundum esse dicit ac *τρογυλοειδῆ*, Christum Dominum Eucharistiæ institutionem celebrasse. Οὐ μὲν ὅτι ἔλαβεν ὁ σωτὴρ εἰς τὰς χεῖρας αὐτοῦ ὡς ἔχει ἐν τῷ εὐαγγελίῳ. ὅτι αἰετοῦ ἐν τῷ δείπνῳ, καὶ ἔλαβε τόδε, καὶ εὐχαριστήσας εἶπε, τὸ τὸ ὅστις με τόδε. Καὶ οὐ μὲν ὅτι ἐκ ἰσσοῦ ἐστίν, ἐξ δὲ ὁμοιον, ἐκ τῆς ἐν σάρκι εἰκόνι, ἐκ τῆς ἀρετῆς θεότητι, ἐκ τοῖς χαρακτηρισμοῖς τῶν μελῶν. τὸ μὲν γὰρ εὐρογυλοειδές ἐστιν, ὡς ἀναίσθητον ὡς πρὸς τὴν δύναμιν, καὶ ἠθέλησε χαριτι εἶπειν, τὸ με ὅστις τόδε, καὶ ἐδίδεκεν ἡπίσει τῷ λόγῳ. ὁ γὰρ μὴ πιστεύων ἐν αὐτῷ ἀληθινόν, ἐκπύρει τῆς χάριτος καὶ τῆς σωτηρίας.

*Videmus quod Servator sumpsit in manus suas, sicut habetur in Evangelio. Quod surrexit in convivio. & accepit illa, & postquam gratias egisset, dixit, hoc est meum istud. Et videmus quod nec æquale nec simile est figuræ corporeæ, neque invisibili divinitati, neque membrorum lineamentis. Hoc enim rotundæ est forma, & quantum ad virtutem non est sensibile. Et tamen voluit per gratiam dicere, hoc meum istud est, & nemo non credidit sermoni ipsius. Nam qui non credit esse ipsum verum sicut dixit, excidit gratia & salute. Quantum hæc absint à designandis illis crustulis imaginatis quibus hodie utuntur Pontificii, verba Epiphanii indicant. Loquitur de pane quo tunc moris erat Eucharistiæ Sacramentum celebrari, & quo institutu à Christo fuerat. Non similẽ, non parem dicit fuisse corpori ipsius & figuræ quam in carne sustinebat, non invisibili eius divinitati, nec membrorum lineamentis, & tamen Christum de eo dixisse cum traderet illum discipulis, *Hoc est corpus meum*. Id est, hic panis, corpus est meum, ut patet Epiphanium*

phanium intellexisse. Nulla igitur tunc imago Servatoris panibus imprimebatur quos ad Eucharistiam sacrandam usurpabant. Non enim dixisset Epiphanius, & τοῖς χρακτῆρσι τῶν μελῶν. Quippe in his farinaceis nebulis omnia Christi Servatoris membra lineis suis expressa visuntur. Ridicula igitur ea sententia Aurelianensis, nec minus falsa, quod veteres Christiani usi sint in sacra Liturgia exiguo pane ad id facto, & paniceis istis foliis quorum hodie usus est, simillimo. Omnes panes veterum ferme rotundæ fuere formæ, ut nullo negotio posset probari. Præterea ex ipso Epiphanio colligi potest quo genere panis uterentur antiqui ad huius Sacramenti confectionem. In hæresi Collyridianorum narrat idem mulieres istorum hereticorum Virgini Mariæ sacrificium obtulisse idem & eodem modo quo orthodoxi Christi corporis Sacramenta celebrabant. In sedili quadrato vel scamno linteum sive mappam extendebant certo anni die, super eam panem proponebant, cum panem Virgini Mariæ offerebant.

Dein.

Deinde omnes ex eo participabāt. Τῆς  
 γυναικὶς κέρικον πῖνα κοσμεῖσαι, ἥτοι δι-  
 φρον τριζάγωνον, ἀπλώσασαι ἐπ' αὐτὸν ὀθόνην,  
 ἐν ἡμέρᾳ πνι φαίερα τῆ ἑτέρας ἄρτον πωρηθῆναι  
 καὶ ἀναφέρειν εἰς ὄνομα τῆς Μαρίας. αἱ πᾶσαι  
 δὲ ὑπὸ τῆ ἄρτου μετ' ἀλαμείναισι. Panis ille  
 quē offerebant, & de quo participabāt,  
 κολλυρίς vocabatur diminutione à κολ-  
 λύρη. Hoc genus est panis rotundi, ut ex  
 Tertulliano constat in libro de Cultu  
 Fœminarū, ubi *Colluras* appellat eum  
 crinium muliebrium ornatum qui ad  
 occipitium adstruebatur, rotundo or-  
 be, ad instar umbilicorum vel umbo-  
 num in scutis, quos fuisse rotundos cer-  
 tum est. *Vos vero*, inquit, *adiicitis ad-*  
*pondus, colluras quasdam, vel scuti um-*  
*bilicos cervicibus adstruendo.* In nummis  
 Faustinae hic ornatu visitur, & alia-  
 rum aliquot imperatricum plane simi-  
 lis umbilico scuti, & pani rotundo, qui  
*collurae* nomine vocatur auctori Afro.  
*Colluram* quoque vocavit Damascus in  
 vitis Episcoporum Romae panē conse-  
 cratum in Eucharistiam, & populo di-  
 videndum. Sic enim scripsit in vita Ze-  
 phyrini circa annū Christi ducentesi-  
 mum;

mum: *Et fecit constitutum de Ecclesia,*  
*ut pateras vitreas ante Sacerdotes in Ec-*  
*clesiam ministri portarent donec Episco-*  
*pus Missas celebraret, ante se Sacerdoti-*  
*bus adstantibus & sic Missæ celebrarentur,*  
*excepto quod si Episcopus interesset, ut*  
*tantum Clerus sustineret omnibus præsen-*  
*tibus ex ea consecratione de manu Epi-*  
*scopi eam colluram consecratam, & ac-*  
*ciperet Presbyter tradendā populo.* Leges  
 ibi hodie *Coronam* ex vitiosa Scriptura  
 antiqua *Colloram* pro *Colluram*. Κολλύρα  
 μέγαν Aristophani. Notabis interim, ex  
 uno pane omnes participasse, ut in illo  
 Collyridianorū fictitio Sacramēto, quo  
 divinū æmulabantur, translatum in ho-  
 norē virginis Mariæ. Ab ea autē κολλυ-  
 ρίδι quā offerebāt Mariæ, dicti sunt Κολλυ-  
 ρειδιστοί. Ita porro & in Sacramento  
 Orthodoxorum unus panis propone-  
 batur, ex quo omnes participare soliti  
 sunt, ad designandam communionem  
 fidelium inter se, & ἐνωσιν. Et hoc est  
 quod scripsit Paulus, ὅτι εἰς ἄρτον, ἃς  
 ἐνδὲς ἄρτου οἱ πάντες μετέχομεν. Inde & ἄρ-  
 τος κλάσιν Eucharistiæ celebrationem a-  
 liquot locis appellat Lucas in Actis,  
 quia

quia unus panis in plures distribuendus frangebatur. Hinc ἀρτον προσέ-  
 πεν in canone Laodicensi pro Eucharistiam celebrare, quasi quæ ex uno pane  
 perageretur. Et in Eucharistia Collyridianorū quam eodem modo Virgini  
 Mariæ offerebant, ut Orthodoxi Deo, ἀρτον προστίθασιν, panem proponunt. Am-  
 brosius in Epistolam priorē ad Corinthios cap. xi. *In uno pane omnes significā-  
 tur. Per id enim quod unum sumus, ex uno  
 pane omnes sumere oportet.* Christus  
 quoque in eo Sacramento instituendo  
 unum panem fregit, & discipulis suis di-  
 visit. Hoc est quod dixit Epiphanius  
 eo loco, ex quo tamen Aurelianensis  
 probare contendit crustula imagina-  
 ria quibus nunc utuntur Pontificii,  
 tunc ad idem Sacramentum fuisse usi-  
 tata, panem illum quem Christus sum-  
 psit in cœna, fregit & distribuit, & de  
 quo dixit, *Hoc est corpus meum*, figuram  
 habuisse rotundam. Οἱ πλείους ἀρτους, inquit  
 Paulus, ἐν σῶμα πολλοί ἐσμεν. Hodie ut  
 celebratur Eucharistia à Pōtificiis nō de  
 uno pane omnes participant, sed sin-  
 guli suum panem habēt, si modo panis  
 nomen



nomen meretur quod accipiunt. Ex eodem polline multa crustula fiunt, unicuique suum datur. Hæc divisionem potius denotant quam communionem. Et certe nulla est communicatio in Pontificiorum sacris. Apud Collyridianos, quia mulieres quædam huic sacro communicabunt, Γυναικῆς τινεῖς ideo parva collura sive κολλυρίδι utebantur. Certe veteres cavebant, ut ex uno pane omnes si fieri posset communicarent: pro multitudine enim communicantium maior aut minor parabatur, & pauxillum ex eo singuli accipiebant. Id etiam curabant, ut magis superfieret quam deficeret, & reliquæ manerēt. De quibus suo loco. Eum panē igitur ex pane offerentium alicuius sumptum fuisse res est certa. Augustini locus id aperte indicat, *Erubescere debet homo idoneus si de aliena oblatione communicet*. Nec ferendus Episcopus Aurelianensis, qui de communicatione per Eulogiam quæ ad parœcias à matrice Ecclesia mittebantur, intelligit. Si posset ostendere, verbum *communicare* absolute  
 sic



fic positum ut apud Augustinum legitur, de communione posse accipi, aut acceptum ab aliquo aliquando esse, non difficulter ipsi assensum commodaremus. Non minus clara sunt ac certa Cypriani de eo verba quæ iam superius allata sunt, de matrona divite, quam *in Dominicum venire sine sacrificio* dicit, & *quæ partem de sacrificio quod pauper obtulit, sumit*. Hæc enim de Eulogiis nō queunt intelligi mitti solitis ad aliarū paroeciarū Presbyteros, ut scirent se non esse separatos à communione Episcopi & Ecclesiæ principalis. Nondum quippe in more tunc fuerūt. Præter eadē ea loquitur fœmina opulenta quæ præsens cōmunicat Eucharistiæ factæ ex sacrificio, id est, ex oblatione pauperis. *Quæ partem, inquit, de sacrificio quod pauper obtulit, sumis*. Ut de eodem pane omnes fideles qui omnibus particulatim fractus distribuebatur sumebant, ita ex eodē calice bibebant omnes. Ita Paulus κοινωνεὶς τῆς θυσίας ἐστὶς altaris participes fuisse dicit ac socios qui victimæ carnibus vesciebantur. Cum omnes fideles communicantes

ex eo-

ex eodem pane participarent, & plures offerret, non poterat nimirum ex omnium simul oblationibus Eucharistia confici? An igitur ex unius oblatione conficiebatur? Ita sane videtur. Quod & loci supra citati ex Cypriano & Augustino clare innuunt, præcipue Cypriani, *de sacrificio quod pauper obtulit, sumis*. Idque etiam aliunde probari potest. Ac verisimile est ita factum. Is cuius oblatio recipiebatur ad Eucharistiam celebrandam, tam grandem, ut probabile est, panem coquendum curabat, ut omnibus communicantibus sufficeret. Quemadmodum hodieque solent, quibus vices sue incumbunt panis Benedicti offerendi, pro numero parœciorum curare ut sit satis magnus. Idem olim fecitasse plane videntur qui offerebant panem & vinum ad Eucharistiæ Sacramentum conficiendum. Nam & panis qui nunc vocatur *Benedictus*, sive Eulogia, successit plane in locum veteris Eucharistiæ, cum simplicius & ex institutionis ritu administrabatur. Huius qui offerebat, nomen etiam offerri solebat. Offerre autem alicuius no-

T

men

men nihil aliud erat, quam nomen eius recitare qui obtulerat id unde parabatur Eucharistia. Si qui alii aut aliud obtulerant munus aut donum, non nominatim percensebantur, sed generatim pro his orabatur. Cætera autem dona ac munera à fidelibus oblata præter panem & vinum quæ sola in altari solebant per canonem offerri, ad domum Episcopi deferebantur ac Presbyterorum, qui ea Diaconis & reliquis Clericis distribuerent, ut habemus in canone iv. Apostolorum. Canone tertio eorundem Apostolorum nec lac, nec mel, nec aliud quidpiam simile licebat offerre, sed vinum tantum ac panem. In Codice quoque Ecclesiæ Africanæ can. xxxvii. cavetur ne quid in altari offeratur præter panem & vinum aqua mixtum, quia ex his duobus tantum Sacramenta corporis & sanguinis fas fuit parari. *Vt in Sacramentis, inquiunt, corporis & sanguinis Domini nihil amplius offeratur quam quod ipse Dominus tradidit, hoc est, panis & vinum aqua mixtum.* Adiiciunt, Primitias vero sicut mel & lac quæ uno die sollemnissimo  
in in-

in infantium mysterio solebant offerri, *quamvis in altari offerantur, suam tamen habere propriam benedictionem, ut à Sacramento Dominico corporis & sanguinis distinguantur.* Quæ etiam fidem abunde faciunt, ex oblationibus panis & vini quæ à privatis ad altare fiebant, sumi solita quibus sacrificium perageretur corporis & sanguinis. Non enim alias species præter has in altari licuit offerri. Quod etiã manifeste ostendit canon Innocentii, quem supra retulimus de nominibus recitandis offerentium, atque eorum oblationibus commendandis. Non vult enim ea recitari antequam Sacerdos precem faceret ad consecrandum, quia, inquit, superfluum est; *ut cuius hostia necdum Deo offeratur, eius nomen insinuetur.* Ex quibus id perspicuum fit quod diximus ex pane & vino à fidelibus oblato Eucharistiam fuisse benedictam. Nec aliud fas fuisse *ὡς θυσίας προσφέρειν*, ut loquitur Zonaras, præter panem & vinum, de quibus Sacramentum fieret corporis & sanguinis Dominici. Nam de aliis primitiis ait, *πλὴν ἐχ' ὡς θυσίας αὐτὰ προσφέρειν*,  
T 2

φέρουσιν, ἀλλ' ὡς ἀπαρχαί. Ideo *hostiam*  
 vocat Innocentius eam oblationem  
 panis & vini quæ ad altare à privato  
 ponebatur, quia ex ea sumeretur hostia  
 sive *θυσία*, ut vocabant, id est, Eucharis-  
 tia. Sic autem in Liturgiis eius obla-  
 tio commendabatur, cuius & nomen  
 offerebatur: *Memento Domine eius qui  
 obtulit hæc sacrificia*, ut est in Liturgia  
 Coptica, sive Aegyptiaca, Basilii. Item  
 in alia Gregorii: *Memento Domine eorū  
 qui tibi obtulerunt has oblationes*. In  
 Græca Basilii habetur primo commen-  
 datio eorum qui obtulerunt dona ea ex  
 quibus factum fuit Sacramentum.  
*Μνήσθη Κύριε τῶν τὰ δῶρά σοι ταῦτα προσ-  
 κομιτάντων, ἃ ὑπὸ ἁνθ' ἃ δι' ὧν καὶ ἐφ' οἷς αὐτὰ  
 προσκομίσανται*. Plurimū autem numero in  
 Liturgiis dicitur, *τὸ προσφέροντον σοι ταῦ-  
 τα*, quia omnium oblationes qui vinum  
 & panem obtulerant eadem benedi-  
 ctione sacrabantur, ut suo loco dicam.  
 Olim nomina eorū recitabantur. Quod  
 & *nomen offerre*, ut dixi, dicebant. Se-  
 quebatur post hos commendatio eo-  
 rum qui alia munera quæcunque ob-  
 tulerāt, aut primitias ad pauperes alen-  
 dos,

dos, aut Clericos, quæ his verbis in  
 ea Liturgia concipitur, *Μνήσθη Κύριε  
 τῶν καρποφορούντων καὶ καλλιεργούντων ἐν  
 ταῖς ταῖς ἐκκλησίαις & μεμνημένων τῶν πειν-  
 των. Memento Domine eorum qui primi-  
 tias obtulerunt in Ecclesiis tuis, & qui  
 pauperum memores fuerunt. Vbi vides  
 manifeste, distingui eos qui obtulerunt  
 panem & vinum ad Sacramenta, & qui  
 alias primitias. Etiam Pseudo-Clemens,  
 vetus alioquin auctor, nec omnino con-  
 temnendus, lib. I I. Constitutio-  
 num Apostolicarum cap. xxvii, eas  
 oblationes quæ converti debebant in  
 usum Sacramentorum, ut erant panis  
 & vinum, *θυσίας* interpretatur, & sepa-  
 rat ab reliquis quæ non poterant eum  
 usum præstare, ut primitiæ fuere fru-  
 ctum, ac decimæ. *προσθήκει οὖν*, inquit,  
*καὶ ὑμᾶς ὡς ἀδελφοί, ταῖς θυσίαις ὑμῶν, ἥτοι*  
*προσφοράς, τὰς ἐπισκόπων προσφέρειν ὡς ἀρ-  
 χιερεῖ.* Sequitur de aliis apud eum obla-  
 tionibus, sive *ἀπαρχαῖς*. De prioribus  
 solis dicebatur nomen eorū & offerri &  
 recitari, quia nominatim percenseban-  
 tur. Simul cum oblatione ipsa com-  
 mendabatur olim eorum nomē, eadēq;*



oratione , ut patet ex can. xxix. Concilii Eliberini , his verbis : *Energumenus qui ab erratico spiritu exagitatur, huius nomen non est ad altare cum oblatione recitandum* . Alias nomen recitabatur antequam oratio ad consecrationem haberetur , deinde inter ipsa mysteria oblatio commendabatur . Hoc improbavit Innocentius , ac voluit oblationes ipsas esse commendandas , & edicendas inter ipsa mysteria , post mysteria vero nomina eorum qui obtulerant recitari . Sic enim eius verba legenda ex antiquissimo codice , quæ vulgo intricata sunt in editis : *Prius ergo oblationes sunt commendandæ , & nomina offerentium non ante nisi infra mysteria recitantur* . Infra mysteria pro post mysteria . Sic *supra* pro ante , unde *Supermissa Epistola* , quære citabatur ante utramque Missam Catechumenorum ac fidelium , Sequitur apud Innocentium : *Ac tunc eorum oblationes sunt edicendæ , ut inter sacra mysteria nominentur , non inter alia quæ ante præmittimus* . Inter ipsa mysteria ergo vult nominari & edici commendari-  
que



que oblationes, hoc est, in ipsa Aëctione, ut loquitur Strabo, nomina autem offerentium post mysteria recitari. Hac cõmendatione oblationẽ per orationem ad altare factam, & nominis eorum qui obtulerunt recitatione blanda vis adhibita est hominibus ad offerẽdum. Quis enim non allectus fuisset honore tali ad oblationes pingues & opimas faciendas, quæ & publice ad altare edicebantur cum nominibus offerentium? Olim nihil tale factum. Qui conferebant in arcam Ecclesiæ, non nominabantur ad altare nec commendabantur. Post communionem factam & Synaxin dimissam quantum quisque vellet inferebat, & si vellet. Nemo compellebatur. Postea hæc inventa ars provocandæ liberalitatis fidelium. Ulterius etiam progressa est avaritia. Cum enim primo non ultra commendarentur hæ oblationes nisi boni operis nomine, & eleemosynæ, ut consuetudo mala semper in peius crescit, quo magis incenderetur pietatis calor, aliquid expiatorium in his oblationibus reposuerunt & meritorium, ut sic instar lega-

lium quasi obtinerent, ad quorum exemplar proditæ primum fuere. Antea qui ex oblato à se vino & pane cum aliis participabat qui non obtulerant, nihil plus quàm istos aut amplius ex cœna Dominica se referre credebat. Omnium communicantium, si eandem fidem ad participanda Sacramenta corporis & sanguinis Domini attulissent, siue obtulerant siue non, par habita est fors & conditio in illa participatione. Ex more tunc in Ecclesiam introducto turpe existimabatur ei qui per facultates poterat, nihil offerre, aut sine donis ac muneribus ad Ecclesiam & mensam Domini accedere. Sed hoc tanquam bonum opus & eleemosyna Ecclesiæ pauperibus erogata censebatur, qua fidelis fidem suam adprobabat, non ut per se talis oblatio proficeret offerenti adhuc ut maiorem partem in communionem haberet corporis & sanguinis Domini quam illi qui nihil obtulerant, nec intulerant. Quod quisque olim conferebat in arcam Ecclesiæ, non vocabatur oblationis nomine. Ne ipsa quidē Eucharistia ita appellabatur,

pri-

primo Ecclesiæ sæculo & quamdiu aliqui superstites fuere Apostolorum successionis. Cum oblationum appellatione de muneribus ac donis quæ privati inferebant, nata est etiam ea oblationis denominatio quæ Eucharistiæ post secundo sæculo data est, quam & Græci *εὐχαριστία* & *ἀναφορά* & *θυσία*, Latini *oblationem*, *sacrificium*, & *hostiam* dixere. Offerebat altari panem & vinum fideles. Ex eo pane & vino rursus sacrificium Deo offerre dictus est Sacerdos, dū Eucharistiam consecraret. Quæ nominis abusus, maximum etiam in re ipsa abusum ac corruptelam peperit. Inde etiam contigit ut ii qui panem & vinum offerebant ex quibus oblatio à Sacerdote esset in altari faciendā ad communionem omnium fidelium, causam etiam adderent cur hæc dona & munera panis & vini à se offerrentur, & sibi adplicari peterent beneficium ipsius Eucharistiæ, non tantum ad remissionem peccatorum, sed etiam ad prosperitates alias, ut successum negotiorum suorum à Deo per meritum illius oblationis

quam fecerant impetranda. Hinc erroneæ hominum opinioni connivebāt, & assensum accommodabant Clerici, quo sit liberalitatem privatorum invitarent, & spissiores oblationes elicerent. Sic tandem prævaluit ea persuasio, Eucharistiam esse sacrificium quod non soli sumentis prodest, sed quod etiam potest offerri ac debet pro aliis etiam tam vivis quam defunctis, atque pro peccatis, satisfactionibus aliisque necessitatibus. Vbi usu ac tēpore formata est ea credulitas, nemo deinceps ad offerendū veniebat quin adiiceret qua ex causa id faceret & pro quibus, pro vivis an pro defunctis, pro se an pro aliis. Hinc natæ sunt privatæ Missæ, quarum usus tam priscae Ecclesiæ incognitus quā abusus, in certam sacrosanctorum Christi mysteriorum corruptelā & perniciem evasit. Atqui ita huius Sacramenti celebrationem generaliter omnibus ei communicantibus tam offerentibus quam non offerētibus ad remissionem prodesse semper in Ecclesia creditum est, non paucis tantum qui eleemosynam maiorem ac pinguiorem darent

Sacer-

Sacerdotibus. Ambrosius Commen-  
tario in Epistolam Pauli priorem ad  
Corinthios cap. xi. *Ideoque si sic, inquit,*  
*convenitis ut unusquisque suum sumat,*  
*domi hæc agenda, non in Ecclesia, ubi uni-*  
*tatis & mysterii causa convenitur, non dis-*  
*ensionis & ventris. Munus epim obla-*  
*tum totius populi fit, quia in uno pane o-*  
*mnes significantur. Per id enim quod u-*  
*num sumus, de uno pane omnes sumere o-*  
*portet. Ergo vel ab uno oblatus panis*  
*ex quo Sacramentum Eucharistiæ con-*  
*ficiebatur, omnibus proficiebat qui ex*  
*illo pane sumebant. Possumus autem,*  
*inquit Valafridus Strabo, ac debemus,*  
*ut eadem sancta Missarum celebratio non*  
*paucis, sed multis prodesse credatur, dice-*  
*re cæteros in fide & in devotione offerentiũ*  
*& communicantium persistentes eiusdem*  
*oblationis & communionis dici & esse par-*  
*ticipes. Quod & ipsum tamen neque*  
*satis rectum est, neque sincerum, sed*  
*ex abusu illius sæculi profectũ, quo mul-*  
*ti non communicantes aderant una, &*  
*Missam audiebant cum communican-*  
*tibus & offerentibus. Eos dicit in fide*  
*& devotione offerentium & commu-*  
*nican-*

nicantium persistentes eiusdem oblationis & communicationis esse cōsortes. Ita aliena fide & devotione aliquis tutus esse poterat, & sine communicatione propria per alterius communicationem particeps fiebat corporis & sanguinis Dominici. Quæ stulta fuit & ridicula erroneaque prorsus opinio. Ex eo etiam liquet, non nisi qui obtulerant tunc solitos cōmunicare. Quod tamen non perpetuum fuit. Nam idem notat eodem capite, nonnullos fuisse qui offerrent in iis Missis in quibus non persisterent, id est, à quibus discederent ante communionem. Id enim ex antiquo abusu & errore tū multi quoque, ut apparet, faciebant, ut cum nollent communicare non interessent actioni, sive celebrationi ipsorum Sacramentorum, sed ante discederent. Hoc improbat Strabo his verbis: *Sciendum autem, quosdam inordinate offerre, qui attendentes numerum oblationum, potius quam virtutem Sacramentorum sæpe in illis transeuntes offerunt Missis ad quas persistere nolunt. Rationabilius siquidem est, ibi offerre, ubi velis persistere,*  
ut



ut qui munus obtulisti, offeras pariter pro eodem munere suscipiendo postulacionem devotam. Non enim frustra in *Actione* dicitur; Qui tibi offerunt, non dicit, Qui obtulerunt, ut intelligamus, eos persistere debere in offerendo, donec oblata ad hoc perveniunt, ad quod oblata sunt. His ostenditur, nonnullos in multis Missis eodem die obtulisse qui non persistebant in omnibus usque ad finem, sed in quibusdam tantum. Nam eo tempore etiam plures reperiiebantur qui in die omnibus quibus adessent Missis communicarent, alii vero qui crederent quod sufficeret semel in una communicare, cum tamen pluribus interessent. De quo tradit ibidem cap. xxv. idem Valafridus: *Et quia de communicandi varietate quædam præmisimus, hoc addendum videtur, esse quosdam qui semel in die communicare, etiamsi pluribus interfuerint Missis, pro dignitate Sacramentorum sufficere credant. Esse vero alios qui sicut in una, sic in omnibus quibus affuerint Missis, in die communicare velint. Hanc abundantiam Missarum & cõmuniorum persuasit tunc populo Cleri-*



Clericorum cupiditas, ut sic plures cōsequerentur oblationum annonas. Erat & alius error eo tempore, quem taxat ibidē Strabo, *quod quidā putabāt, se non posse aliter plenam cōmemorationē eorum facere pro quibus offerunt, nisi singulas oblationes pro singulis offerant, vel pro vivis & defunctis non simul æstimant immolandum.* Hic error ortus videtur ex illo more antiquo supra nobis notato, quo eius vel eorum qui panem & vinum ad Sacramenta peragenda offerebant nomina specialiter recitabantur cum reliquorum offerentium generatim munera cum ipsis, sed non nominatim, commendarentur. Illi qui panem & vinum offerebant, etiam dicere solebant, pro quibus, vivisne an mortuis, ea offerrent, & qua ex causa. Inde prodita illa consuetudo pessima, ut singulæ oblationes pro singulis faciendę viderentur, & pro vivis tantum aut defunctis, non pro utrisque simul. Nam illi qui vinum & panem obtulerant unde Sacramēta conficiebātur, quasi præcipui eorū auctores habiti, pro quibus nimirum fierent, & ex quorum oblatione.

tione. Qui maximus abusus fuit & merito damnatus Straboni. *Cum vero*, inquit, *sciamus, unum pro omnibus mortuum, & unum panem esse & sanguinem quem universalis Ecclesia offert*: Sed adiungit statim: *Quod si cui placet pro singulis singulatim offerre, pro solius devotionis amplitudine & oblationum augendarum delectatione id faciat, non autem pro stulta opinione qua putat unum Dei Sacramentum non esse generale Sacramentum*. Nulla certe olim Missa celebrabatur, ut antiquæ Liturgiæ testantur, Græcæ, Aegyptiæ, & Latinæ, in qua non generaliter preces fierent pro communi Ecclesiarum pace, pro totius urbis tranquillitate, pro imperatoribus, pro militibus, pro sociis, pro ægrotantibus, pro laborantibus quæcumque ex causa, & generatim pro cuiuscunque opis indigentibus. *Διομέδω ἐν πάντις ἡμεῖς, καὶ ταύτην προσφέρω σοι τὴν θυσίαν*. Ita communi nomine concipiebatur oratio: *Rogamus te pro his omnes, & hoc tibi offerimus sacrificium*. Nemo ergo unus aliquis pro se offerebat, aut ad se pertinere credebat fructum & utilita-

litatem efficaciamque Sacramenti quod pro omnibus institutum fuit fidelibus, & cuius singuli participes fiebant ad remissionem suorum peccatorum. Deinde in Ordine mentio fiebat defunctorum, primum Patriarcharum, Prophetarum, Apostolorum, Martyrum, Confessorum. Postea pro defunctis sanctis Patribus; Episcopis, & omnibus omnino fidelibus quicunque decesserant. Non ut ex purgatorio transirent in paradysum, sed ut in loco refrigerii essent, & in sinu Abrahamæ. De quo alius dicendi locus. Ea *σινύρα* vocabantur, ex quibus nomina Episcoporum defunctorum recitabantur. Pro viventibus etiam precabantur illius Ecclesiæ Episcopis, Presbyteris, Diaconis, Hypodiaconis, Psaltis, Exorcistis, Monachis, Virginibus, Continentibus, Laicis. In antiquioribus porro Liturgiis ut in ordine Synaxeos quem describit Cyrillus, nullæ preces sunt pro offerentibus, nec ulla eorum mentio facienda extat. In recentioribus, quæ tamen antiquitatem quam non habent emulantur, ut Aegyptiacis, & illa quæ

Basilio

Basilio inscribitur, meminit etiam eorum in precibus suis Ecclesia. Quod in ordine Missæ Latinorum usitatus fuit quam in Græcorum Synaxi, ut ante observavimus. Hæc condemnant morem posteriorum temporum quo singulæ oblationes pro singulis offerebantur. Sed longe deterrima illa fuit perversitas abusus qui singulares Missas & privatas, sine communicantibus, à solo Sacerdote peragendas invexit. Quas Missas prorsus constat esse illicitas. Quod nec dissimulavit Valafridus Strabo, dum solus legitimas vult haberi eas quibus interfit Sacerdos, respondens, offerens atque communicans, *Sicut*, inquit, *ipsa compositio precum evidenti ratione demonstrat*. Ex quibus apparet, tunc valde admodum raro celebratas tales Missas. Nec verum est quod ad eas utcunque tolerandas ibidem addit idem, *Possent nempe intelligi, cum solus Sacerdos Missam celebrat, illos eiusdē actionis esse cooperatores pro quibus tunc ipsa celebrantur officia, & quorū personam in quibusdam responsionibus Sacerdos exequitur*. Mira certe ratio ex misera de-

V

prava-

pravatione & adulteratione naturæ tam sancti Sacramenti enata. Quo modo potest videri actionis eius quam facit is qui Missam celebrat talē, cooperator esse ille pro qua fit? Primum hoc Strabo iam improbavit, singulas pro singulis oblationes fieri, quæ debēt omnium fidelium esse communes, & omnibus ex natura ac vi Sacramenti prodesse. Deinde qui videt quod agitur, & audit quod dicitur in Missa, nec particeps fit corporis & sanguinis Dominici, nihil inde solidi reportare potest quod ad salutem suam faciat, haud sane magis quam si quis diceret, non sacro lavacro tinctum eandē gratiā baptismi salutarē promereri si multos baptizari videret. Non dictum est in Euangelio, nisi quis viderit Eucharistiā dñi celebratur, & audierit Missam dum canitur, non habebit vitam æternam, sed plane apud Iohannem Christus ipse dixit, *Nisi ederitis carnem filii hominis, & biberitis sanguinem eius, non habebitis vitam in vobis.* Ita & de baptismo in eodem Euangelio scriptum est, *ad regnum Dei, nisi baptizatus & renatus quis fuerit, pervenire non*

*non posse.* Neutrum igitur Sacramentum, cuius utriusq; parem necessitatem multi veterum crediderunt, potest cuiquam proficere ad salutem, qui oculis tantum & auribus eius celebrationem usurparit, non reapse perceperit. Non si quis trecenas & sexagenas quinas, quotquot eunt dies, audiverit in anno Missas, videtur tantū proficere quam si vel semel in una communicaverit, & revera corporis & sanguinis Domini particeps fiat. Cur vetus Ecclesia credidit omnē fidelem omni die cōmunicare debere, quod ultra decimum sæculum videmus durasse, hodierna autem ac Romana putat sufficere si semel in anno communicatum fuerit? Quia nimirum illa nullum usum, nec ullum fructum Sacramentorum constituit in videnda & audienda eorum actione, sed totum posuit in participatione vera corporis & sanguinis, hæc vero contrarium sentit. Post ademptum porro populo calicem Missæ illæ solitariae & privatae factæ sunt adeo frequentes ut non aliæ fere nunc celebrentur. Inde enim factum ut populus nullā habere queat

communione cum Sacerdote, nec cum eo communicare, cum ille sub utraque specie Sacramētū accipiat, Laicis vero non liceat nisi sub una illud percipere. Olim ad mensam eandem tam populus quam Clerus communicabat. Unde ille in Epistola Dionysii apud Eusebium lib. vii. cap. x. de Laico fidei quem dicit, τῇ ἑαπείῃ ὡς δαδὶτα, καὶ τὰς χεῖρας εἰς ὑποδοχὴν τῆς ἀγίας τροφῆς θεωτείναντα, καὶ ταύτῃ καταδεξαμένον, καὶ τὸ σώματι τοῦ κυρίου ἡμῶν Ἰησοῦ Χριστοῦ μεταχρόντα. *Mense adstantem, cum manum ad susceptionem sanctæ escæ protendisset, atque eam accepisset; Et satis longo tempore participasset corpore Et sanguine Domini nostri Iesu.* Postea, ut antè notavimus, solis Sacerdotibus datum est ad altare ipsum quasi ad mensam Eucharistiam percipere, populo extra altare eā accipere solito. Postremo non loco tantum differre cœpit *Ecclesiastica cōmunio & Laica*, sed etiā re ipsā; cū hi sub una; illi sub utraq; specie communicarent. Falsum est autē quod scripsit Episcopus Aurelianensis in Observationibus lib. i. cap. iv, sub



sub finem eum qui communicabat Lai-  
eū accepisse Eucharistiam *more Laico-  
rum, aut extra septa altaris, aut sub u-  
na specie, aut sub utraque, prout Ecclesie  
usus obtinebat.* Quasi in antiqua Eccle-  
sia per mille & ducentos amplius an-  
nos alius in Ecclesia usus ac mos ob-  
tinuerit quam ut Laicis sub utraque  
specie communio daretur. Satis con-  
stat, quadringentis abhinc annis in hac  
*extimatione seculorum*, ut cum Ter-  
tulliano loquar, id mutatum. Cur hoc  
factum? Tantumne homini in Deum  
licuit, ut tanquam pravam eius deter-  
minationē corrigere ausus sit? Hic ve-  
ro locum habet quod dixit Paulus, sa-  
pientiam hominum stultitiam esse apud  
Deum. Nec vero stultitia tantum esse  
mihi videtur, sed horribilis & vesana  
præsumptio opinantium aliquid posse  
à se melius excogitari & statui quam  
quod divini spiritus providentia inve-  
nerit ac constituerit. Christus ipse ul-  
tima cœna quam egit in terris, instituit  
Sacramentum corporis & sanguinis sui  
in memoriā passionis in cruce, & mor-  
tis quam sequenti die pro peccatis no-

stris erat subiturus. Hoc in pane & vino institutum ab illo fuisse nemo negare possit. Ita ab ipso traditum Apostoli acceperunt, & Ecclesiis quas condebant porro tradidere. Ecclesia vero universa per duodecim&amplius sæcula cōstanter id retinuit, & in pane ac vino ea Sacramenta cuiuscūque ordinis fidelibus percipienda celebravit. Ab Innocentio tertio Papa circa annū cIo. cc. xv. in Concilio Lateranēsi. Nō quidē in eo Concilio tunc id sancitum fuit, sed ab eius, tamen propositionibus quę de adimendo populis calice factę sunt, res tandem ipsa in Ecclesiam introducta est. Ut hinc scias, non ab alio potuisse aut debuisse procedere tam contrariam Christi institutioni consuetudinem quam ab eo qui revera sit Antichristus. Si pro bono Ecclesię hęc facienda fuit mutatio, cur in solis Laicis facta est? Cur relictus calix Clericis, quo illi privati sunt? An ut sic maior distinctio plebis & ordinis Ecclesiastici fieret, & hoc etiam tam notabili discrimine dignitas & auctoritas Sacerdotum amplificaretur & extolleretur supra plebem

bem, quasi soli viderentur capaces utriusque Sacramenti, quo indignus esset reliquus populus? Sane & regibus pro privilegio concessere ius sub utraque communicandi, ut hoc exæquarentur honore Sacerdotibus, & sic Sacerdotii ac regni concordia & societas sanciretur. Quæcunque causa eos ad hoc moverit ut Sacramenti huius integritatem mutilarent, pessima illa fuit, & vel sola schisma quo hodie laborat Ecclesia inducere debuit, & iam factum confirmare. Nulla enim nobis, ut verbis utar Afri scriptoris, cum illis communicatio pacis esse potest, & appellatio fraternitatis, & contesseratio hospitalitatis, qui tam diversis utuntur Sacramentis. Nam ut recte ait idem, *Iura illa non alia ratio regit quam eiusdem Sacramenti una traditio*. Hinc ergo, ut illi quondam adversus hæreticos, ita nos nunc adversus Romanos, hæreticis omnibus in hoc uno articulo peiores ac perversiores, prescriptionē dirigimus. Vbi autem apud illos eius Sacramenti quod Christus instituit vera traditio? Quod perfectum ille tradidit & Apo-

stoli acceperunt, ac Ecclesia diu fer-  
 vavit, isti novissimis temporibus im-  
 perfectum dederunt ac mancum de  
 duabus partibus altera. Non enim in-  
 tegrate parte tantum, sed plane essen-  
 tiali subtracta, dimidivatum reliquerūt.  
 Immo pro duobus Sacramentis corpo-  
 ris & sanguinis Dominici in pane & vi-  
 no consistentibus, alterum detraxere,  
 nempe Sacramentum sanguinis, de-  
 tracto calice in quo sanguis censetur..  
 Hinc veteres omnes Patres Græci La-  
 tinique numero multitudinis quasi de  
 duobus loquentes Sacramentis, hoc  
 Sacramentum Eucharistiæ solent expri-  
 mere. *Sacramenta altaris* Latini  
 passim appellant, Græci vero *μυστήρια*,  
 & *ἡ μυστηρίων ματὰδοσις*, & *μυστήριον*.  
 Hieronymus Cōmentariis in Aggæum  
 prophetam, *in Sacramentis, panis, &*  
*vinum, & oleum*. Inde in censu Sacra-  
 mentorum pro duobus à plerisque  
 computata sunt. Ita Rabanus Maurus  
 de Institutione Clericorum lib. i. capi-  
 te ultimo, *quattuor Sacramenta* no-  
 minavit. *Sed quia de ordinibus sacris, &*  
*de quattuor Sacramentis, nec non & de*  
*officio*

*officio Missæ sermonem explicamus. Quatuor illa Sacramenta quæ se dicit explicasse, non alia sunt quam præter baptismum & chrisma, duo corporis & sanguinis Domini Sacramenta, ut ipseclare testatur cap. xxxi. eiusdem libri. Sed quia, inquit, de duobus Sacramentis, id est, baptismo & chrismate, iam quantum nobis Dominus dedit, supra disseruimus, superest ut de reliquis duobus, id est, corpore & sanguine Domini, etiam nunc, quantum Dominus annuerit, diligentius investigemus. Idem lib. eodem cap. xxiv. de Sacramentis Ecclesiæ clarius id exponit his verbis. De Sacramentis autem quæ in Ecclesia fiunt oportet ut sequens sermo exponat atque declaret ritum Sacerdotalem. Sunt autem Sacramenta Baptismus & Chrisma, Corpus & Sanguis, quæ ob id Sacramenta dicuntur quia sub tegumento corporalium rerum virtus divina secretius salutem eorundem Sacramentorum operatur. Vnde & passim tam ipsi quam alii Patres vetustiores Sacramenta Dominica ac divina plurali numero vocitant Sacramentum Eucharistiæ. Hinc & Sacramentum*

*calicis* apud Augustinum de Doctrina Christiana lib. IV. cap. XXI, Maximus Monachus & confessor apud Photium in Quæstionū è Sacra Scriptura solutionibus, *ποτήριον* separatim nominat, & ostendit quæ esset huius Sacramenti cum baptismo differentia. Τὸ δὲ ἰσχυρὸν ἐστὶν *ποτήριον καὶ βαπτίσμα* Θ. De recentioribus etiam Valafridus Strabo aliquot locis, ut cap. XXIII. *Actio dicitur ipse canon, quia in eo Sacramenta conficiuntur Dominica*. Nempe Sacramentum corporis, & Sacramentum sanguinis, quæ uno Eucharistiæ Sacramento comprehenduntur, ut Baptismus & Chrisma, sive impositio manuum, in antiqua Ecclesia non pro duobus sed pro uno Sacramento numerabantur, quia uno eodemque tempore solebant conferri. Ideo Rabanus in quattuor Sacramentis percensendis bina & bina numerat, *Baptismum & Chrisma, Corpus & Sanguinem*. Ita corpus & sanguis interim pro uno Sacramento Eucharistiæ quia simul sumuntur, interim pro duobus accipiuntur, ut & Baptisma veterum cum Chrismate, quia simul

simul etiam conferebantur in Ecclesia primitiva, interdum pro uno, interdum pro duobus intelliguntur. Vt nunc ea celebrantur ab Ecclesia Romana, non possunt nisi bina censerī, cum non eodem conferantur tempore. Cum igitur Sacramentum Eucharistiæ duobus quasi Sacramentis constet sive duabus essentialibus partibus, cur alteram contra Christi traditionem dempserint, operæ pretium est eorum audire rationes quibus factum id defendāt, cum nullas prorsus faciendi habuerint. Primum dicunt, quod Lucæ xxi v. Christus post resurrectionem duobus discipulis panem solum benedixerit, vers. xxx. Sed ea ratio ridicula. Non enim ibi Christus Eucharistiam, sive Sacramentum corporis celebravit, sed simpliciter cum illis duobus discipulis, qui eum sibi obvium factum in itinere non noverant, & die iam advesperascente secum in hospitio manere coegerant, cum coenaret, more Iudæorum panem fregit, & benedixit. Καὶ ἐγένετο ἐν τῷ κατακλιθῆναι αὐτὸν μετ' αὐτῶν, λαβὼν τὸν ἄρτον ἀλόγησε καὶ ἔκλασε καὶ ἐπέδιδε αὐτοῖς.

Nun-



Nunquam Iudæi quidquam edebant quin gratias Deo agerent ac benedicerent ei cibo quem sumpturi erant. Quod in pane frangendo quem erant ipsi sumpturi, & aliis secum coenantibus distributuri, semper facere soliti. Si cum illis porro duobus discipulis cibum tum cepit Iesus, an non etiam bibisse censendum est? Profecto & cum aliis discipulis in eodem capite partem piscis assi ab iis acceptam comesse dicitur, & favum mellis gustasse. Aliam rationem adducunt, quod in oratione Dominica solus panis quotidianus petatur. Scilicet cum pane non aliud etiam victus petendus intelligitur, nec etiam cum victu potus? Cum dicit Apostolus nos victu & vestitu contentos esse debere, an potum exclusit? Quis nescit etiam victus nomine intelligi potum? Tertullianus in libro de præscriptione Hæreticorum dixit, *Eucharistia pascit*. Numquid de solo pane vel corpore Christi intellexit, non etiam de calice? Atqui inter illa quæ pascunt & alunt corpus, etiam ea quæ potui sunt, locum habent.

An

An aliquis est qui tantum edat, & non etiam bibat? Quos Græci *συναίτους* vocant, id est, una cibum capientes, aut *ὁμοτάτους*, simul edentes, potestne quis eorū nō etiā una bibisse putari qui una viverent & comederent? Idiotismo veteris Latinitatis, quam etiā Romanenses linguæ hodie retinent, *Compania* vocatur hominum societas qui eodem pane vescuntur. Nonne etiam compotant isti *companes* qui & *companiones* vocabantur? Cum aliquem hodieque invitamus, ei dicimus, an velit nobiscum manducare. Nihilne illi nisi quæ ad esum pertinent præbituri sumus, siti interim enecaturi? Afferunt & ex xxvii. Actorum, ubi Paulus in navi solum panem benedixit. At nullum ibi de Eucharistia verbum. Nec in eum finem panem benedixit & manducare cœpit Paulus. Post longam maris iactationem cum nausea plerique confecti essent, hortatus est illos Paulus ut ad reficiendas vires cibum sumerent. Et exemplo suo ad id eos faciendum provocans, in conspectu omnium dicitur accepisse panem, & gratias Deo egisse

de mo-

de more, & cum fregisset, manducare  
 coepisset. Hoccine valet ad defen-  
 dendam Eucharistiæ sub una specie pa-  
 nis participationem? Ludibrium de-  
 bent sensum communem habentibus  
 qui ista proponunt. Sed fortius est  
 quod allegant, in Actis Apostolorum  
 cap. II. & XX. solum panis fieri men-  
 tionem. In illis sane locis per *ἄρτος*  
*χλῆσιν* Eucharistiæ celebrationem à Lu-  
 ca intelligi veteres ac recentes inter-  
 pretes pariter sentiunt. Dictum est su-  
 pra, panis nomine omnia quæ ad vi-  
 ctum, victus autem appellatione etiam  
 quæ ad potum faciunt censerī. He-  
 bræi *ῥῆμα* vocant panem & quemcun-  
 que præterea cibum, sed & convi-  
 vium atque epulum eadē voce signant,  
 quod utique non est sine vino. Ita *ἄρτος*  
 Lucæ Eucharistia est, constans ex pane  
 & vino speciebus sacramentalibus. Sæ-  
 pe etiā patres ita loquuti sunt. In Con-  
 cilio Laodicensi can. XLIX. *ἄρτος* de  
 Eucharistia solida accipitur, non de so-  
 lo pane, verum etiam de calice. *ὅτι δὲ*  
*ἐν τριακοντῇ ἄρτον προσφέρειν εἰ μὴ ἐν*  
*καλύπτῳ ἢ κυριακῇ μόνον.* Quæ Exiguus  
 fit

sic vertit : *Quod non oporteat panem benedictum offerri nisi in Sabbato & Dominica.* Ostendant solum tum panem, pro Eucharistia offerri solitum die Dominico & Sabbato, & tum illis permittam credere, sub una tantum specie communicasse. In eadem Synodo can. xxv. panis & calix simul nominantur, ὅτι ἔδει ὑπηρετας ἄρτον διδόναι, ἐδὲ ποτήριον διλογεῖν. *Quod non oporteat Subdiaconos panem dare vel calicem benedicere.* Sed mirum est, cum tot loci sint in novo foedere quibus mētio fiat panis simul & calicis, ex duobus locis Lucæ qui solius panis meminit, velle eos evincere in solo pane confectū Eucharistiæ sub Apostolis Sacramentū, cum ex illis pluribus potius hi duo videantur explicandi. Nec interpretatio vero difficilis, cum, ut diximus, satis constet, nomine panis ac cibi etiam potum apud omnes fere gentes comprehendi solitum. Atqui cum panis & calicis fit mentio, non potest de una tantum specie res exponi. Cum vero panis solus nominatur, tralaticium est etiam id quod bibitur, cum eo quod editur contineri. Apud  
Euani-

Euangelistas in Institutione Domini-  
cæ coenæ narranda panis & calix si-  
mul commemorantur. Paulus in ea  
institutione tradenda Corinthiis sicut  
eam se accepisse à Domino perhibet,  
quinque versiculis in ordine cōsequen-  
tibus quinquies repetiit panis & calicis,  
edendi & bibendi expressas declaratio-  
nes. In priore ad Corinthios cap. xi.  
Quod maius est, in eadem Epistola  
cap. x. vers. xvi. calicem nominavit  
ante panem ipsum, *Calix benedictionis  
cui benedicimus, nonne communicatio san-  
guinis Christi est? & panis quem frangi-  
mus, nonne participatio corporis Christi  
est?* Idem Paulus in eadem Epistola  
cap. x. vers. xxi. Calicem anteposuit  
pani his verbis: Οὐ δυνάμεθα ποτήριον κυ-  
ρίου πίνειν καὶ ποτήριον τοῦ δαιμονίων. Οὐ  
δυνάμεθα φάπτεσθαι κύριον μετόχων καὶ φάπτεσθαι  
δαιμονίων. Nam per φάπτεσθαι cibum qui  
in mensa apponitur plane intellexit. An  
non & ipse Lucas in Euangelio cap.  
xxii. in exponenda Coenæ Dominicæ  
institutione, cum Christū à Calice in-  
cipientem facit, priorem ordine fuisse  
significavit? καὶ δεξιὰ μὲν τὸ ποτήριον,  
ἀριστερὰ δὲ τὸν ἄρτον.

ὁ χαρισήσας, εἶπε, λάβετε τὸτο, καὶ ὁ χαμε-  
ρίσατε ἑαυτοῖς. Sequitur deinde panis be-  
nedictio & fractio vers. xix. καὶ λαβὼν  
ἄρτον ὁ χαρισήσας ἔκλασε. Quod enim re-  
petitur de calice vers. xx, ὡσαύτως καὶ τὸ  
ποτήριον, videri possēt additamentum  
adsutum à veteribus Christianis, qui  
ὑστερον προσέτερον illud Lucæ non potue-  
runt ferre, & qui cum Evangelistam  
cum reliquis voluerunt conciliare pa-  
nem prius nominantibus quam cali-  
cem. Certe totus ille versiculus fe-  
re ad verbum ex loco Pauli videtur de-  
scriptus prioris ad Corinthios Episto-  
læ cap. xi. vers. xxiv. paucis tantū mu-  
tatis in fine. An dubium est igitur  
quin ex Paulo illa ad Lucam adscita  
fuerint, quæ non possunt ibi cohærere  
nisi velimus bis à Christo sanctifica-  
tum & traditum discipulis calicem, an-  
te & post panis benedictionem ac di-  
stributionem? Infra tamen docebimus  
nihile esse mutandum aut demendū in  
Luca, sed quæ confusa videntur, aut  
præpostere posita vel repetita, explica-  
bimus. Vetus auctor Constitutionum  
Apostolicarum, non tamen Clemens,

lib. vii. cap. xxvi, cui titulus *ἡ χάρις*  
*ἡ μουσική*, sanguinem prius nominavit  
 quam corpus, his verbis in gratiarum  
 actione ad Deum Patrem : *ἐν ἡ χάρι-*  
*ς ἡμῶν, πᾶτερ ἡμῶν, ἡσὺ τῆ πνίμης αἵματ*  
*Ἰησοῦ Χριστοῦ ἐκχυθέντ* *ἡσὺ ἡμῶν, καὶ*  
*τῆ πνίμης σώματ*, *ἡ ἐκ ἀντίτυπα ταῦτα ἐ-*  
*πιπλεῖμν*, *αὐτῆς ἡ καταξαρμῶν ἡμῶν καταγέλ-*  
*λῃ τὸν αὐτῆς θάνατον.* *Adhuc agimus tibi*  
*gratias, Pater noster, pro sanguine pretio-*  
*so Iesu Christi pro nobis effuso, ac pretio-*  
*so corpore, cuius hæc symbola celebramus,*  
*sicut nobis præcepit mortem ipsius adnun-*  
*tiare.* Verus Clemens in Epistola ad  
 Corinthios hunc eundem sequitur or-  
 dinem, præponendo nimirum sangui-  
 nem carni sive corpori, his verbis :  
*Ἐν ἀγάπῃ προσελάβετο ἡμᾶς ὁ θεὸς ὁ δεισώτης.*  
*Διὰ τὸ ἀγάπῃς ἡμῶν ἡμεῖς τὸ αἷ-*  
*μα αὐτοῦ ἡσὺ ἡμῶν ὁ Χριστὸς ὁ κυ-*  
*ρὸς ἡμῶν ἐκτελέματ τῆς θεῆς, καὶ τὸ σαρ-*  
*κὰ ἡσὺ τῆς σαρκὸς ἡμῶν.* *In dilectione nos*  
*Dominus sibi assumpsit. Propter dile-*  
*ctionem quam erga nos habuit Dominus*  
*noster Iesus voluntate divina, sanguinem*  
*suum pro nobis dedit, et carnem suam pro*  
*carne nostra. Qui priorem locum de-*  
*derunt*



derunt calici sive sanguini, ut Paulus semel, ut Lucas, ut uterque Clemens, non respexere forsitan ordinē quo hæc Sacramēta instituta & tradita à Christo fuere, sed quod potior esset ac nobilior pars corū. Nam vinū sanguinis signum est in his Sacramentis, sanguis autem animam denotat, ut panis corpus sive carnem. At anima quæ in sanguine esse putatur, corpore & carne nobilior. Ambrosius commentariis in Epistolam ad Corinthios priorem cap. xi. *Testamentum ergo sanguine constitutum est, quia beneficii divini sanguis testis est. In cuius typum nos calicem mysticum sanguinis ad tuitionem corporis & animæ nostræ percipimus. Quia sanguis Domini sanguinem nostrum redemit, id est, totum hominem salvum fecit. Caro enim Salvatoris pro salute corporis. Hinc Latini Natalem Calicis vocarunt diem cœnæ Domini, id est, feriam quintam ultimę hebdomadis Quadragesimę, in qua Christus Dominus cœnam suam instituit, & mysteria sacrosancta corporis & sanguinis suis discipulis tradidit. Eā diem vocarūt etiam Cœnam Domini, ut*

ex Isidoro, Amalario, Eligio, & aliis  
 constat. A potiore autem & dignio-  
 re veluti parte Sacramenti etiam *Nat-  
 alis calicis* nominata est, ut idem Eli-  
 gius affirmat Homilia x. Sæculo au-  
 tem sexto is vixit. *Vocatur hæc dies Cæ-  
 na Domini, vocatur & Natalis calicis.*  
 Maximus Monachus in Quæstionum è  
 sacra Scriptura solutionibus, cum vel-  
 let comparare & conferre Eucharistiæ  
 Sacramentum cum Baptismo, & quid  
 invicem differrent ostendere, solum  
 calicem nominavit. Quæstionē ita in-  
 scripsit, *τίς ἡ διαφορά ποτηρίου καὶ βαπτί-  
 σματος* Ⓞ. Iisdem porro nominibus & e-  
 logiis utrumque Sacramentum vete-  
 res donaverunt, & omnia eadem de  
 utroque dixerunt. Eucharistiam *κοινωνία*  
*ν* appellarunt. Sic & Baptismum  
 nuncupavit Cyrillus in Epistola apud  
 Balsamonē. Eucharistia τὸ δ᾿ ὄργανον nuncu-  
 patur in canone Nicæno & apud pa-  
 tres. Iidē Baptismum sic vocarūt, ut li-  
 quet ex oratione Gregorii Nazianzeni  
 xl. *Gratiam* & χάριν de utroq; pariter  
 usurparunt. Parē utriusq; necessitatem  
 etiam multi veterum crediderunt. A-  
 frica-

fricanae Ecclesiae teste Augustino alterum *salutem*, alterum *vitam* appellarunt. Vita autem & salus idem. Cyprianus lib. III. ad Quirinium, Sectione xxvi. *Parum esse baptizari ac Eucharistiam accipere, nisi quis factis & opere proficiat in Epistola Pauli ad Corinthios prima.* In primitiva Ecclesia, ut ex Iustino & antiquissimis passionibus martyrum constat, à baptismo statim dabatur Eucharistia. Cur in multis hæc duo Sacramenta æquiparentur, quibus rebus inter se diversa sint, ut doceret Maximus, ποτήριον sive calicem pro Eucharistia tota nominavit. Et sane non immerito. Cum enim eo Sacramento Christus memoriam mortis suæ & passionis celebrari à suis voluerit & typum sanguinis pro nobis effusi in calice tradiderit, etiam in baptismo mortis eius & passionis fit cōmemoratio, cuius est ἀντίτυπον, ut veteres tradiderunt. Vere etiam & Paulus dixit, nos baptizari in mortem Christi qui in Christū Iesum baptizamur, ἢ ἀγνοεῖτε ὑμεῖς ὅτι ὅσοι ἐβαπτίσθημεν εἰς Χριστὸν Ἰησοῦν, εἰς τὸν θάνατον αὐτοῦ ἐβαπτίσθημεν; Inde & Baptismum

et...

X 3

vete-

veteres, ut dixi, dixerūt esse τῷ Χριστῷ πα-  
 θημάτων ἀντίτυπον. Vt aqua lavantur &  
 purgātur corpora, ita sanguine Christi  
 lavamur & purgamur à peccatis nostris.  
 Quemadmodum autem calix in cœna  
 sanguinis Dominici symbolum est, ita  
 & sanguinis appellatione mors præci-  
 pue designatur, præsertim violenta &  
 quæ cede cōtingit. Hinc illa apud Poe-  
 tam, --- qui sanguine nobis

*Hanc patriam pepere suo.*

Oratores quoque dixere, sanguinem  
 pro patria profundere, sanguinem & vi-  
 tam petere, sanguinem & vitam alterius  
 eripere, ut est apud Ciceronem. Cum  
 igitur Baptisma & Eucharistia, Domini-  
 ci sanguinis, id est, passionis & mor-  
 tis, æque symbola sint, ad ea inter se  
 cōtendenda maximè eam partem Eu-  
 charistiæ sumpsit Maximus, quæ san-  
 guinem proprie denotaret, & ex san-  
 guine totam passionem & mortem. Sic  
 Clemens in Epistola ad Corinthios pri-  
 ma, cum dixisset, Christū pro nostris a-  
 nimabus animā suam posuisse, pro no-  
 stro corpore corpus suum morti tra-  
 didisse, simpliciter & absolute sangui-  
 nem

nem suum pro nobis dedisse dixit. Τὸ αἷμα αὐτοῦ ἔδωκεν ὑπὲρ ἡμῶν ὁ Χρῆστος ὁ Κύριος, ἡμῶν, ἐν διλήματι Θεῷ, καὶ τὴν σάρκα ὑπὲρ τῆς σαρκὸς ἡμῶν, ἔτλην ψυχὰς ὑπὲρ τῆς ψυχῆς ἡμῶν. Prius totum dixit quod in sanguine est, deinde per partes id explicavit, animā & corpus, sive carnem, dicendo. Hoc est etiam quod Ambrosius voluit loco iam ante à nobis citato, cum scripsit, *Sanguinem Domini sanguinem nostrum redemisse, id est, totum hominem salvum fecisse.* Nam in hominibus qui occiduntur, & in animalibus quæ iugulantur, sanguine effuso mors insequitur. Nec minus gentes quam Iudei vitæ sedē in sanguine esse existimarunt. Hæc ratio potest afferri, cur in Sacramento Eucharistiæ poculi mentio prælata fuerit ab illis quos supra memoravimus panis mentioni, aut cur ab aliis itidem memoratis nomine calicis totum Sacramentum comprehensum sit. Sed aliam etiam ex ritu Iudaico pro calicis prælatione non esset alienum allegare, fortasse nec alienam ipsam. Christus Sacramenta sua ex rebus apud Iudæos usitatis mutuatus est.

Quod erat apud illos carnale, reddidit ipse Spirituale. Hoc formale alii dicerent, illud materiale. Hinc Hieronymus scribit in Eſaiam: *Spiritualiter implemus, quæ Iudæi carnaliter.* Cum igitur Iudæi frequentibus uterentur lavationibus & βαπτισμοῖς, unde & quædam in iis ἡμετεῶν βαπτισμῶν secta, qui, teste Epiphanio, credebant, neminem vitæ æternæ futurum compotem nisi qui omni die lavaret. Inde ergo & βαπτισμὸν suum Christus sumpsit, sed gratiam ei addidit qua carebant βαπτισμοι Iudaici. Ad Sacramentum Eucharistiæ quod attinet ab eodẽ Christo institutum cum suum celebraret Pascha, à more etiã Iudaico non recessit, quem servabant illi in Pascha legali & pane in eo azymo comedendo. Illi ante omnia poculum vini cui benedixerant ebibebant, & ab eius haustu aspiciabantur coenam Paschalem. Coenas quoque Sabbaticas poculo vini benedicto solebant initiare. Græci quoque aliquando coenam à potu inchoabant, & uvido stomacho cibos ingerebant, teste Plutarcho. Vnde &

οὐκ ἔστιν

*πρόμα* dicebatur illa pars coenæ, sive potius coenæ proludium, quo ante omnem pastum bibebant. Antiquiores etiam Græci, ut Macedones, conviviis postquam accubuissent, poculum in manū dabant, quod ante omnia exhauriebant. Plinius lib. xiv. narrat, hoc Tiberio principe institutum fuisse apud Romanos, ut potus antecederet cibos: *externis*, inquit, *et hic artibus ac medicorum placitis, novitate aliqua sese commendantibus*. Intelligit hunc morem à Græcis ad Romanos derivatum. Plutarchus de causis novorum morborum suo tempore hoc consuetum fuisse narrat, ut ante biberent quam ederent: *οἱ δ' ἐνυῶ*, inquit, *ἀπὸ τῆς ἑοφῆς ἀγρόχων καὶ σομάχων καὶ ζῆων*. Ita scribendum, non *σόματι*. Inde vox *πρόματα* de his potionibus cibum omnem antecedentibus. Vetustissimi tamen Græci frequentius post coenam perpotasse quam ante coenam videntur. Epicharmus apud Athenæum lib. ii. hoc ordine epulum narrat processisse; *ἐκ μὲν θυσίας θοῖνῃ, ἐκ δὲ θοῖνης πόσις ἐχέσθαι*. *Ex sacrificio epulum, ex epulo*



*compotatio.* Iudæi in coena sua Paschali & ante & post eam bibere soliti erāt. A poculo eam inchoabant, & aliquot poculis eam claudebant, quæ post coenam ficcabant, duo aliquando, interdum vel tria. In ipsa coena unum tantum hauriebant, quod secundum erat. Nam primum ante coenā exhauriebatur, id est, ante ipsam lotionem manuum, tertiam vero post ultimam lotionem ac tertiam, qua finiebatur epulum. Nunc igitur quærendum, quando Christus Sacramentum calicis in coena sua instituerit, cum poculum tradidit discipulis, ad sanciendum novum foedus & pactum in sanguine suo, utrum in primo potu id fecerit, qui cibum omnē antecedebat, an in secundo, qui intra coenam usurpabatur, an vero in tertio, quem, postquam coenaverāt, sumebāt. Nec videri debet hæc levis aut nullius momenti quæstio, ut quidam possent existimare. In primo calice, unde auspiciū coenæ faciebant, putare quis posset institutum poculi Sacramentum, adductus auctoritate eorum qui poculi prius mentionem

nem fecerunt quam panis, in Eucharistia memoranda. Præterea cum Lucas mentionem habeat bis dati à Christo poculi, ante cœnam & post cœnā, incertum videri posset utrū horū pro signo & pro Sacramēto sanguinis datū esset, nisi omnē ipse Lucas ambiguitatem ac dubitationē tolleret apud quem Christus in ultimo tradendo dixit, *τὸ ποτήριον ἡ καινὴ διαθήκη ἐν τῷ αἵματί μου τὸ ὑπὲρ ὑμῶν ἐκχυρόμενον*. Quæ verba etiam apud Paulum habentur epistola priore ad Corinthios cap. xi. ubi unius tantum poculi meminit, & quidem post cœnam divisi, in quo poculo certum est dedicasse Christum sanguinis sui Sacramētum, vel novum in sanguine suo testamentum. Tunc enim eo tradito etiam addidit, ut id facerent in sui cōmemorationē quotiescunque illud ebiberent, Non potest igitur dici in primo poculo institutum à Christo Sacramentum quod ante omnem cibum siccabatur, neque in secundo quod in ipsa cœna hauriebatur, sed in solo tertio quod post cœnā peractam ac lotionem manuum ultimam  
sive

sive tertiam convivii vel coenę paschalis dividebatur. Nam disertissime Paulus & Lucas scribunt, καὶ τὸ δειπνῆσαι poculū illud accepisse Christū, & discipulis dedisse. Iā de panis Sacramēto queri potest quo tempore coenę illud à Christo institutum fuerit. Non enim potest dici una cum calicis mysterio sacratum, & continenter traditum. Quippe cum satis constet, Christum coenam tum suam sive Pascha suum celebrasse ad instar moris Iudaici, non videri queat simul & uno eodēq; momento statim post panem traditum, dedisse etiam calicem discipulis. Nam post coenam nihil edebant, postquam manus nimirū ultimo lavassent ad eam finiendam, sed bibebant. Ergo cum certum sit, à coena instituisse Sacramētum calicis, non tunc institutum ab eo fuisse Sacramentum panis, plane debet constare. Ante coenam ipsam, hoc est, ante primam manuum lotionē nihil etiam comedebant, sed primum poculum ebibebant. Et si enim daretur, tum iustitutum à Christo Sacramētum calicis, in primo nempe poculo quod

quod ante primam manuum lotionem  
 educebatur, non inde etiam constaret,  
 eodē temporis puncto panem Euchari-  
 stiae fractum ab eo fuisse, & poculum  
 simul datum in continenti. Nam inter  
 poculi primi haustum & panis azymi e-  
 sum non solū prima lotio manuum in-  
 tercedebat, sed etiam acetariorū degu-  
 statio, id est, olerum amarorum in ace-  
 tum intinctorum, secundi poculi hau-  
 stus, & alia. Inter tertium similiter po-  
 culum, & secundi panis azymi degu-  
 stationē, tertia & ultima lotio manuum  
 interponebatur. Adeo ut non videri  
 possit, Christum calicis Sacramentum  
 continenter cum Sacramento panis in-  
 stituissē. Inter cœnandum bis de a-  
 zymo pane gustabant quanta olivæ est  
 magnitudo quam unicuique accum-  
 bentium omnium tradebat paterfami-  
 lias. Vtrum vero in prima panis azymi  
 degustatione, an in secunda & ultima  
 quæ paulo ante lotionem manuum po-  
 stremam usurpabatur, id est, ante finem  
 cœnæ, merito dubitari potest. Mat-  
 theus & Marcus simpliciter dixere, *ἰ-  
 εδίουτων αὐτῶν*, id est, *cœnantibus ipsis*  
 panem

panem accepisse & fregisse. Quod æque potest de utraq; factione & degustatione azymi panis accipi. Nam utraq; intra coenandū fiebat. Sed melius tunc à Christo videri institutū panis Sacramentum, cum de secundi panis azymi in duas partes divisi altera parte, quam sub mappa seposuerant convivii, ad instar olivæ magnitudinis fractum distribuebant, postquam nihil amplius edebant. Panis ille fuit rotundus & planus. Ex nostris *tortam* alii vocant, alii *placentam*. Sed neutrum placet. Nam placenta aliud est, etiam torta. Græci ἀρτον πλακίτην vocarunt, nomen Latinum proprium nescio. Matthæus & Marcus non ponūt intervallum inter panis & vini distributionē, quasi utraque inter coenandum facta sit. Ex quo conjicio, in ultima panis azymi fractione Christum instituisse corporis sui Sacramentum. Nam inter eam & tertium poculum nihil intercessit nisi ultima manuum lotio. Quæ tamen facere potuit, ut panem dedisse visus sit inter coenandum, id est, coenantibus, ἐκείνῳ τῷ ἀποτίῳ, poculum vero post coenam

nam, *καὶ τὸ δεῖπνῆσαι*, ut Paulus & Lucas scripserunt. Nam lotio manuum finitum indicabat convivium tam apud Græcos quam apud Iudæos. Hi enim videntur, ut illi, non solum antequam cœnarent manus lavisse, sed etiam postquam cœnassent. *κατὰ χεῖρας ὕδωρ* proprie Græci de prima illa lotione manuum quæ fiebat ante prandium vel cœnam dixere, ut *νίψρον* vel *χεῖρας νίψα*. & de ea quæ post cœnā usurpari solita. Quot partibus constaret cœna Paschalis Iudæorum, hic etiam obiter libet disquirere, quia docti de ea certarunt. Scaliger lib. vi. de Emendatione temporum, capite de Residuis Dominicæ passionis, secundas mensas cœnæ paschali Iudæorum tribuere videtur, easque multum discrepantes ab aliorum sollemnium mensis. Verum illæ secundæ mensæ nullæ fuerunt in cœna Paschali. Cum enim constarent secundæ mensæ ex bellariis & dulciis, non licuit talia usurpare in tali epulo quo, amarorum usu triste, quale in Aegypto passierant, servitium testabantur. Perperam etiam ibidem notat Scaliger, in locum

bella



bellariorum afferri solitum in tryblis acetarium ex intybis, & lactucis agrestibus; quorum quia tristis succus & amarus; propterea ex aceto ac aliis nescio quibus embamma conficiebatur, in quod azyma & amara illa olera intingebantur. Eiusmodi quippe acetaria & olerum amara in acetum intincta non potuere vicem bellariorum & pemmatum obtinere, quæ initio cœnæ paschalis statim sumebantur; cum bellaria in secundis mensis post primas locum haberent. Præterea dulcia sive mellita pemmata cum amaris herbis nihil habent affine. Falsum etiam quod idem observat ibidem, in Paschali epulo convivis interdictum esse omni genere bellariorum: quod probare satagit ex canone rituali, מִן פִּימָה אֵין מִן פִּימָה אֵין מִן פִּימָה אֵין. Quod ipse interpretatur his Græcis, μή τὸ πάχα ἀπολύσει τὸ δεῖπνον ἐπικώμῳ. Nec enim hic sensus est illorum Hebraicorum. Nec vox ἐπικώμῳ pro bellariis ibi debet sumi, quamvis Iudæi recentiores in hac significatione positam scripserint. Secundæ nullæ mensæ, ut dixi, in Pascha



schate Iudæorum fuerunt, nec ullas in suo Christus sibi adposuit. Terna lotionem manuum peragebatur illud epulum Paschale Iudaicum, quæ tres lotiones duas partes cœnæ includebant. Cum enim illi, ut & Græci, & ante cœnam & post cœnam lavarent manus, in una cœna cum hoc bis fieret, si duæ quasi cœnæ haberentur, aut si una in duas partes dividua quasi fieret, tum tribus lotionibus manuum opus erat. Tota cœna Iudaici Paschatis primæ mensæ instar habuit, cui secunda ex bellariis non adiungebatur. Sed illa prima mensa fuit quodammodo bipertita. Nam cum ter lavarent manus, inter primam & secundam lotionem prima pars cœnæ constitit, inter secundam & tertiam, secunda. Primæ mensæ Romanorum etiam ex duabus partibus constabant, una *Antecœna*, dicebatur, & *Gustus*: altera, *Cœna*. In Antécœna vel Gustu adponebantur lactucæ, & alia cruda olera; oxygarum, ostrea cruda, etiam turdi, etiam gallinæ altiles, ut in cœna Pontificia apud Macrobiū. In cœna vero ipsa omne ge-

Y nus

nus carniū & aliorum edulium . In Epigrammate Martialis XLVII. lib. x. Gustus five Antecœna cōsistit in lactuca, porro scetili, mentha, ovis, lacertis rutatis; Cœna, in hœdo, ofellis, faba, prototomis, pullis & perna. Post quæ sequitur secunda mensa, quæ in pomis. *Saturis*, inquit, *mitia poma dabo*, id est, secundam mensam. Quæ & tertia possit numerari, si prima pro duabus numeratur. Tertiam etiam mensam hoc sensu apud Latinos legere est, quæ secunda tantum est, cum duæ partes primæ pro una cœna computantur, ut solitum fieri sæpius. Prima pars cœnæ Paschalis Iudaicę quę inter primam & secundam lotionem manuum apponebatur, respondet plane Antecœnæ five Gustui cœnæ Romanæ. In ea herbæ amaræ quippe, etiam agnus paschalis, & hostię illius diei carnes anteponebantur convivis; secunda vero à manuum altera lotionem patēs usq; ad tertiam cœnæ ipsius iustæ instar habebat, quia in ea omne genus eduliū & carniū appositum affatim vescebantur. At potiones quę ebibebantur post lotionem

tionem ultimam manuum, extra coenam prorsus fuerunt, & libationi veterum conveniunt quæ non post secundas mensas, sed plane post primas celebrari sueta, ut ex Virgilio apparet lib. 1. ubi post primam epularum quietem & mensas remotas, id est, post primam mensam peractam, crateres magni statuuntur, & ipsa Dido in mensa laticum honorem libat.

*Primaq; libato summo tenus attigit ore,  
Tum Bitiæ dedit increpitans.*

Et errat Scaliger, qui tradit, apud Romanos mensis secundis libari solitum, & potiones in calice circumferri, quod post primas mensas semper factitabatur. Nec locus Virgilii de Rhodia cum adjuvat,

*Non ego te Diis & mensis accepta secundis*

*Transferim, Rhodia.*

Non enim Poeta propterea dixit uvam Rhodiam Diis & mensis secundis esse acceptam quod vinum ex ea generosissimum conficeretur, proinde dignum in mensa secunda Deorum libamentis impedi. Diis secundis, & mensis secundis

dis eam acceptam dicit, quia vinum ex ea libabatur Diis secundis & propitiis, five ut secundi essent & propitii. Eadē mensis secundis grata etiam erat, quia ex ea passulæ optimæ conficiebantur, quarum usus fuit in mensis secundis. Et recte Philargyrius ita intellexit. *Mēsis*, inquit, *secundis*, quæ post inferuntur: per quod significat & esui & potui bonam. Deos autem secundos interpretatur propitios, ad quos nempe propitiandos libamenta ex vino Rhodiæ erant acceptissima. Male etiam idem Scaliger ita duplicem cœnam Paschalem Iudæorum fuisse censet, ut in priorē hostiis immolatis vesci solitos dicat, in posteriore cani *ἐξίλασκα* & *δὲ χάρισκα*, & vocari *δεῖπνον ἀπολυτικόν*, sive cœnā dimissoriam, *πρῶτη πηγυρ*, quæ erant, inquit, *veluti secundæ mensæ apud gentiles*. At illæ potiones quas exhauriebant Iudæi post tertiam lotionem manuum, tertia, quarta & quinta, extra cœnā plane esse censebantur, nec partem eius constituebant. Sed neque illæ libationes veterum Græcorum & Romanorum inter cœnandū in prima mensa

mensa fiebant, sed postquam cœnavissent, primis mensis remotis. Sic apud Virgilium lib. VIII, cum Euander Aeneam convivio ex sacrificio quod Herculi paraverat accepisset, postquam exempta fames epulis mensæq; remotæ, id est, post primas mensas sive cœnam finitam, libatio demum sequitur, in his verbis,

-- *Et porgite pocula dextris.*

*Et sacer implevit dextram scyphus:*

*ocius omnes*

*In mensam lati libant, Divosque precantur.*

Post libationem mensa secunda adponitur, ut ex his verbis quæ sequuntur apparet:

*Instaurant epulas, Et mensæ grata secundæ*

*Dona ferunt.*

In cœna autem Paschali Iudæorum cum nullæ mensæ secundæ adhiberentur, pocula illa quæ post finem primæ ex duabus, ut dixi, partibus constantis solebant à convivis cum gratiarum actione & ὑμῶδ'α evacuari, libationum instar obtinebant gentilibus usitatum.

tum. Ab illo autem epulo Paschali non licebat alio ire comissatum, nec ad aliorum convivia se conferre, ut mos etiam fuit Græcis, nec minus Iudæis, sed in alio genere epularum quam Paschalium. Hoc enim illis tum interdictum fuit. Græci & alii Orientales postquam epulati essent, consueverant ire ὅτι καὶ μὴν, id est, ad amicos, aut amicas, post cœnam cum cœtu se transferre, & cum strepitu & cantu ædes introire, & ibi epulas instaurare. Quod etiam καὶ μαζεύειν uno verbo dicebatur, & Latini ex eo *comissare*. Vt apud Terentium in Eunucho,

-- si quando illa dicet, Phædriam  
Intromittamus comissatum, tu Pam-  
philam

*Cantatum provocemus.*

Optimæ Glossæ recte interpretantur, *Comissatum*, ὅτι καὶ μὴν. Apud Aristophanē hoc dicitur ὅτι καὶ μὴν βιάζονται, & uno verbo ὅτι καὶ μαζεύειν. In codice Talmudis capite de Paschate duæ omnino sunt voces, non una, מִן דָּן, ὅτι καὶ μὴν. Non igitur illo canone bellaria veta-  
ban-

bātur in coena Paschali, sed ne de uno quis cōvivio ad alterū migraret, quod est *ἐνὶ κῶμου*. Quod verba Hebraica quibus cōceptus est plane demōstrant, ut se habent hoc modo, אין מפטירין אחד פסח, אפי קומן, id est ad verbum, *μὴ τὸ πάχα ἐκ Δουπέμπασιν ἐνὶ κῶμου*. *Post Pascha non dimittunt*, id est, *non sinunt ire ἐνὶ κῶμου*, *comissatum*. Non enim aliter licet exponere. Recte etiam Gemaræ Babylonicæ auctor ea verba interpretatus est de translatione & translatione coetus in coetum, מחבורה לחבורה, *ἐπὶ φεαξιάς ἐνὶ φεαξίαν*, à convivio in quo una φεαξία epulata est, ad convivium in quo altera epulatur. Nimirum non vult in duobus locis celebrari & edi epulum Paschale. Quod plane est *ἐνὶ κῶμου* ire. Nam κῶμος est instauration epularū apud alium ab iis qui iam apud se domi suæ sunt epulati. Vnde & κῶμος etiam συμποσιον interpretantur Grammatici. Non tamen est simpliciter convivium, sed post coenam epularū redintegratio, supervenientibus amicis ita postulantiis. Vnde Epicharmus apud Athenæum, à sacrificio epulum se-



qui facit, ab epulo computationem, & computatione κῶμον, id est, comissionem. ἐκ μὲν δυσίας δοίη, ἐκ δὲ δοίης πόσις, ἐκ δὲ πόσις κῶμος. Unica autem voce ἐπικωμοῖ idem est plane quod ἐπικωμάσης, nempe ὁ ἐπὶ κῶμον βαδίζων, qui comissatum it. Posteriores Rabbini quia non intellexerunt illam loquutionem Talmudicā, quam à Grecis sumpserunt, ut & morem ipsum *comissandi* qui vetatur in cœna Paschali, & pro duabus vocibus unam fecerūt, & de bellariis eam acceperūt, summa imperitia. Verum de his alibi. Certe ex hac prohibitione in duobus locis edendi agni Paschalis videretur etiam mos ille improbandus qui aliquando in Ecclesiam invasit bis in die & ter cōmunicandi, quē etiam vetera ignoravere Ecclesiæ tempora. Iam vero ex his quæ diximus constat, non tempore continenti Sacramenta panis & vini à Christo instituta esse, sed illud in cœna ipsa, id est, ἐδιδόντων αὐτῶν, ut Matthæus & Marcus docent, cum adhuc cœnarent, hoc vero postquam cœnassent, καὶ τὸ ἐξπνῆσαι, ut Paulus & Lucas affirmant.

Quo

Quo minus excusandi sunt qui ex duobus Sacramētis, ut ante docuimus, alterū detraxerūt. An minus enim duo hæc Sacramēta censenda quæ separatim & cum aliquo medio intervallo instituta sunt, quā Baptismus & manuū impositio siue Confirmatio, quæ in primitiva Ecclesia continenter & sine interstitio tēporis conferebantur? Cū autem Lucas duplicis calicis à Christo accepti & traditi meminerit, quod primo loco posuit id erat poculum quod ante cœnam ipsam & lotionē manuum à convivis exhauriebatur. Vltimū vero, cuius mentionem fecit post panis distributionem, ab eodem Christo in signum sui corporis & Sacramentum factum, respondet tertio vel etiam quarto poculo, quod post omnem cibum, cœna iam finita à lotionē tertia manuum Iudæi circa mediam noctem ebibebant. Apud hunc Euangelistam cap. xxi. vers. xv. dicit Christus se desiderasse Pascha cum discipulis suis edere priusquam pateretur. Et sequente versiculo ait, *se non amplius esse manducaturum illud donec impletum esset in regno Dei.*

Sequitur deinde protinus, *Et accepto calice gratias cum egisset dixit, accipite hoc & dividite inter vos.* Hoc est primum poculū à quo Iudæi auspicabantur suum Pascha. Nec dubium est quin Christus Pascha cum suis discipulis edens, eadem observaverit quæ solebant in ea cœna observare ipsi Iudæi. In hoc igitur primo & initiatorio poculo non dedicavit Sacramentum sui sanguinis. Sed pro more simpliciter cum benedixisset illud poculum, Apostolis præcepit ut acciperent ac dividerent inter se. Nam sic paterfamilias Iudæus in Pascha legali edendo solitus factitare. Versiculo xix. accepto pane cum benedixisset, fregit, & tradidit ipsis, dicens: *Hoc est corpus meum quod pro vobis datur, Hoc facite in mei commemorationē.* In ipsa cœna videtur hoc omnino fecisse, & hoc ex more, ut dixi, Iudaico, quo paterfamilias panem azymū accipiens benedicebat, frangebatur, & distribuebat convivis. Sed Christus in eo more observando benedicendi panis, & frangendi, & distribuendi sanxit Sacramentum corporis sui

fui, & dicendo cum panem traderet Discipulis, *hoc est corpus meum, quod pro vobis datur: Hoc facite in mei commemorationē*, Subiicitur apud Lucam versiculus xx, *ὡσαύτως καὶ τὸ ποτήριον μὲν τὸ δεῖπνῆσαι, λέγων, τῦτο τὸ ποτήριον*. Eadē ferme verba sunt quæ apud Paulum leguntur. Vbi & disertis verbis μὲν τὸ δεῖπνῆσαι, postquā cœnassent, de poculo dicitur, quod non dictum est de pane. Nec enim illud ὡσαύτως ad μὲν τὸ δεῖπνῆσαι referendum est, ut similiter post cœnā poculum benedixerit ut & panem, sed ad rem ipsam & benedictionem calicis, ut nimirum idem in poculo fecerit quod & in pane, sed in poculo post cœnam, in pane inter cœnandum. In hoc igitur ultimo poculo quo cœna Paschalis apud Iudæos claudabatur, sanxit novi fœderis sui testamentum sanguine suo firmatum, & in calice significatū. Non defuere tamen ex antiquis, qui testimonio Lucæ freti crediderunt Christum in primo cœnæ poculo, cuius mentionem idem facit Evangelista, quod præmissum est institutioni Sacramenti panis, calicis Sacramen-

cramentum dedicasse. Sic enim Iovius Monachus scribit apud Photium, ubi hoc ordine Sacramenta Christi à fidelibus percepta ostendit: καὶ ἐτὸν ἀ-  
 εὐθρόν τῷ ἡμερῶν ἡ παλαιὰ νόνον ἀεὶ γὰρ  
 φει, ἀλλὰ ἐτὶ τῷ ἀλλῷ ἀκολουθίαν. Καὶ γὰρ ἐ-  
 ταῦτα πρῶτον βαπτίζομεθα, εἶτα τῷ μύρῳ  
 χρίσμεθα, ἐκεῖθεν τῷ πνεύματι ἀξιόμεθα αἵμα-  
 τος. *Et non dierum duntaxat numerum  
 præstruxit Vetus Testamentum, sed etiam  
 ordinem reliquum. Nam primū nunc Ba-  
 ptismo initiamur, deinde Chrismate un-  
 gimur, postea pretioso sanguine participa-  
 mus. Solum nominat sanguinem pro  
 toto Sacramento Eucharistiæ, quia in  
 eius Ecclesia prius communicabāt ca-  
 lici quam panī, ut videtur. E contra-  
 rio ubi panī prius communicabatur,  
 quod erat magis commune & frequēs,  
 sæpe panis pro tota Eucharistia poni-  
 tur cum tamen & calicis Sacramentum  
 etiam post panem fuisse sumptum in-  
 telligatur. Quemadmodum hic apud  
 Iovium, qui præponendum esse vult  
 calicis Sacramentum, & hunc ordinem  
 magis probat, pro integro Sacramen-  
 to quod ex duabus partibus constabat,*  
 prio-

priorem tantum partē posuit, quæ est calicis, quia priorem esse debere existimavit. Hunc ordinem ex ritu veteris Testamenti, meliorem esse adstruere vult. *Sic enim Moses*, inquit, *hæc adumbrans, primo aqua lavat eos qui sacrantur, deinde induit ac præcingit, postea confert iis olei unctionem, & tum sanguine adspersit, atque ita demum ad panis participationem traducit.* Οὕτω δὴ καὶ Μωσῆς σκιαγραφῶν ταῦτα, λούει τοῦτον τὰς πλυνθείας ὕδατι, εἶτα ἐκιδύσκει καὶ περιζωνύει, εἰθ' ἔτιος ἐπιφέρει τὴν τῷ ἐλαίῳ χρίσιν, καὶ ἔτιος ραίνει τὸ αἷμα, καὶ πορὶς τὴν τῷ ἄρτῳ ἀγει μετάληψιν. Subiicit statim, ea gratia & Lucam in Evangelio scribere, primum à Domino calicē benedictum fuisse, & postea fideles panis participes esse factos. Paulum vero Apostolum interdum calicis benedictionem præmittere, aliubi vero panis benedictionem ei subiicere. De quibus nos iam supra. Eum ordinē calicis panis præmittendi, firmam etiam contendit ratione naturali, quia in generatione hominis sanguis prior est, ex quo caro formatur. Quæ frivola sunt. De Luca iam



ca iā docuimus, cum bis calicis à Christo benedicti mentionē faciat, ante & post panis benedictionē, in solo ultimo Sacramētum sanguinis sui eum constituisse. Paulum autē, & si qui alii præposuerunt mentionem calicis, ideo fecisse, quod pars esset ea nobilior totius Sacramenti, de qua sola Christus ipse dixerit nominatim, τὸ τοῦ ποτέρου ἢ καὶ τὸ δὲ θύνη ἐν τῷ αἵματι μου, ὑπὲρ ὑμῶν ἐκχυμένον. *Hic est calix novum testamentū in sanguine meo, quod pro vobis funditur.* Auctor Epistolæ ad Hebræos cap. x. vers. xxix. solum sanguinē nominat, ut puta quod esset unus maximi momenti & instar duorum, τὸ αἷμα τῆς δὲ θύνης. *Quanto, inquit, putatis deteriora mereri supplicia qui filium Dei conculcaverit, & sanguinē Testamenti pollutū dixerit, in quo sanctificatus est, & Spiritu gratiæ contumeliā fecerit? Τὸ αἷμα τὸ δὲ θύνης in calice sancitum fuit, & Testamentū novi foederis factum.* Testamentum Novum, inquit Ambrosius, sanguine Christi constitutum est, quia beneficii divini sanguis testis est, in cuius typum nos calicem mysticum sanguinis ad-

tuitio-



*institutionem corporis & animæ nostræ percipimus.* Qui præposuerunt itaque calicem pani in tradenda institutione Eucharistiæ, non tanquã prius ordine poculum spectarunt, sed tanquam merito & dignatione præstantius. Hæc cum ita sint, quo iure eam partem Sacramenti tam sancti nobiliorem sustulerit Pontifex, si quis quærat, nullo factum inveniet, immo summo & piaculari facinore. Scilicet qui se vicarium Christi dicit Papa, ipso Christo se sapientiores putavit esse, quasi superfluum esset, sanguinis scorsim in calice Sacramentum instituere, cum corpus sanguine suo destitutũ non videretur. Satis itaq; fuisse corporis Sacramentum tradere quo carnis simul & sanguinis qui per cõcomitantiam cum carne esse intelligitur, traditũ existimari debuit mysteriũ. Nunc Christi factũ adversus Antichristi placitũ defendamus, & doceamus, quid sequutus sit Dominus noster, & quam rationem habuerit instituendorum separatim corporis & sanguinis sui in pane & vino Sacramentorum. Hostia fuit ille vera, qua finem  
 impo-

imponere voluit omnibus sacrificiis legalibus, offerendo se in sacrificium Deo Patri pro redemptione generis humani, & mortem crucis patiendo. Hostia autem nulla fuit sine sanguinis effusione. Omne quippe quod animam habens immolabatur, eam amittebat sanguine effuso. Duæ igitur sunt partes hostiæ immolatæ; caro & sanguis. Utraque ad vescendum utebāt urgentes. Ex sanguine botulos & *αἰμαρίας* conficiebant, & *ἀλλαντας*, quæ farcimina erāt sanguine inculcata. Hebræi solis carnibus victimarum vescebantur, sanguine non item, quem in cibo illis usurpare vetitum præcepto divino, etiā Noacidis dato. Sanguis igitur illic præcipua pars victime utpote in quo esset anima, qua Deus placabatur. Nam qui sacrificabant, pro corpore suo carnem victimæ offerebant, pro anima sanguinem. Ambrosius in Epistolam ad Corinthios priorem cap. xi. *Caro Salvatoris pro salute corporis; sanguis vero pro anima nostra effusa est, sicut prius præfiguratum fuerat à Moyse. Sic enim ait. Caro, inquit, pro corpore vestro offertur;*  
san-

*sanguis vèro pro anima.* Sic cum duabus constet partibus victima quæ Deo offertur, sanguine & carne, præcipua est sanguis, quia victimam dum effunditur facit, eam vita privādo. Sanguine victimæ Deus placari censebatur tam apud Iudæos quā apud Gentiles. In sanguine vita & anima. Græci, αἷμα, τὸ ζῶπλον τῆς ἀνθρώπου. Servius notat in Aeneidē III. *Sanguinē esse veluti animæ possessionē; unde exangues mortuū dicantur.* Inde mos veterū sanguinis inferēdi ad alliciēdas defunctorū animas ea ratione tractus, ut quod amiserant viderētur accipere. Idem eodem loco: *Anima sine sanguine nunquam est; quo effuso recedit.* Inde apud Poetas; *sanguineam vomere animam*, id est, sanguinem. Et *animam effundere*, pro sanguine. Hanc rationem reddit & Moses cur sanguinis esum Deus vetuerit, ἢ γὰρ ψυχὴ πᾶσι σαρκὸς αἷμα ὡς ἔστι. *Nam anima omnis carnis sanguis eius est.* Ideo sanxerat ut sanguis, id est, anima pecudis, pro anima hominis Deum placaret & propitiaret, καὶ γὰρ ἰδὼκα αὐτὸ ὑμῖν ὅτι τῆς θυσιασθείας ζῆλαίοντες ὡς τῆς ψυχῶν ὑμῶν, τὸ γὰρ αἷμα αὐτῆς

ὡπὲρ ἀντὶ ψυχῆς ἐξιλᾶσται. Eadem opinio etiam gentes tenuit, sanguine pecudum piari scelera, & Deo satisfacere, quasi animam hostiæ pro sua darent. Hinc *sanguine imbuerere & tingere aras*, passim apud Poetas. Virgilius:

*Sanguine placastis vêtos & virgine cæsa,  
Cum primum Iliacas Danaï venistis  
ad oras.*

*Sanguine quærendi reditus, anima que  
litandum*

*Argolica.*

In quibusdā sacris immolabatur homo pro alterius anima, ut vicariam pro eo mortem obiret, eorum sacrorum ratione promittente eius vitam prorogatum iri totidē annis quotille qui voluntarium pro eo fatum subibat, de suis amisisset. Hι ἀντίψυχοι dicebātur, quod animam suam pro alterius anima darent. Ita ferunt Adrianum eurasse immolandum delictum suum Antinoum. Sic Diomedæ aves ἀντίψυχοι appellatæ, quæ quotannis sanguine suo parentabant manibus Diomedis. Præcipua itaq; & principalis pars hostiæ, sanguis, utpote in quo eius anima esset quæ  
sola

sola dabatur ac offerebatur divino numini propitiando, caro autem ipsa cedebat ad vescendum Sacerdotibus, ut ipse Paulus dicit in priore ad Corinthios cap. x. *ἐχὼ οἱ ἐδόντες τὰς θυσίας κοινωνοὶ τῆ θυσιασθείης εἰσὶ;* Qui sacrificia comedunt ii sunt, qui vescuntur carnis sacrificiorum, id est, hostiarum immolarum. Aliquando & ipsa caro victimę ad expiationē offerebatur, non solus sanguis, ut in holocaustis, sive ὁλοκαυτώμασι, sic dictis quod etiam corpus victimę cōbureretur totū in altari. Si quid ex ea restaret, Sacerdotes id cōsumere debebant, non quisquā de Laicis. In aliis vero sacrificiis solo sanguine expiatio fiebat. Hinc *sanguis* dūtaxat nominatur in expiationibus pro peccatis apud Mosē, qui postquam pręcepta omnia legis populo recitasset, accepto vitulorum sanguine & hircorum, eo asperxit populum & librum ipsum, dicens: *Hic sanguis testamenti quod mandavit vobis Deus.* Ad cuius instar & Christus cum Sacramentum sanguinis institueret in calice, ita etiam dixit, *Hic calix Novum Testamentum est in meo*

*sanguine . Si sanguis taurorum & hircorum, inquit Paulus ad Hebræos cap. ix, aspersus inquinatos sanctificat ad emendationem carnis, quanto magis sanguis Christi, qui per Spiritum sanctum semet ipsum obtulit immaculatum Deo enundabit conscientiam vestram? Non enim, inquit idem, per sanguinem hircorum & taurorum, sed per proprium sanguinem introivit in Sancta æterna, expiatione re-  
perta . Ita habet vetustissimæ versio-  
nis antiquum exemplar . Ex his omni-  
bus patet, cur non solius corporis sui, siue carnis suæ, Sacramentum in pane Christus instituerit, sed etiam sangui-  
nis in vini calice. Cum enim se hostiam Deo pro peccatis nostris obtulisset, ho-  
stiaë autem sanguis ad expiationē solus proficeret, non debuit omittere prin-  
cipalē sui partem quā generi humano redemptionem peperit . Nulla enim hostia sine effusione sanguinis, & χαρίσ  
αἵματος, ut loquitur Paulus in Epistola ad  
Hebræos cap. ix. ubi de eo loquitur sa-  
crificio, quod semel pro se & pro po-  
pulo offerebat summus Pontifex. Cor-  
poris autem sui etiam Sacramentum*

CON-



constituit, non etiam sanguinis, quia  
 tanquā holocaustū in cruce immolan-  
 dū se dedit, in qua corpus suum nō sine  
 effusione sanguinis Deo pro redēptio-  
 ne nostra obtulit. Ita animam simul &  
 corpus pro anima nostra & corpore  
 morti addixit, ut illi qui immolari se  
 patiebantur quibusdā sacris, ut vicaria  
 morte amicorū fata proferrēt, quos ἀν-  
 τιψύχης dictos supra notavimus. Aristi-  
 des in sacris orationibus, ὅτι φιλεῖ μὲν ψυ-  
 χὴν ἀντὶ ψυχῆς, καὶ σῶμα ἀντὶ σώματος  
 ἀντιδωκεν. Ita fecit pro vobis Christus,  
 corpus pro corpore nostro dedit, ani-  
 mam pro anima, sanguinem pro san-  
 guine. Hinc & miraculosa illa & extra-  
 ordinaria eius in cruce fixi è latere lan-  
 cea traiecto, etiam postquā expirasset,  
 effusio sanguinis, ut sic tanquam ho-  
 stia vera non sine sanguine offerretur.  
 Aliis enim cruciariis crura infringi  
 solebant, non latera lancea perforari.  
 Idque factū & illis latronibus qui cum  
 ipso cruci affixi fuere. Hoc cum præ-  
 diceret futurum de se Christus pridie  
 quam pateretur, & vellet passionis suæ  
 memoriā symbolis quibusdam confi-



gnatā relinquere & tradere Apostolis  
 & per eos omnibus in eum credituris ,  
 in pane typum dedit corporis sui in  
 cruce sequenti die suffigendi, & in vi-  
 no sanguinis, qui nimirum è latere eius  
 effluere debebat. Idcirco & primitiva  
 Ecclesia in Sacramento calicis vino a-  
 qua mixta usa est, quia aqua simul cum  
 sanguine è latere Christi profluxisset,  
 Cum igitur symbolum eius corporis  
 quod in cruce pro nobis frangi debebat  
 daret , & eius sanguinis qui ex eo esset  
 effundendus similiter figuram in calice  
 vini traderet, & per ista symbola vellet  
 commemorationem passionis suæ con-  
 secrari , & concelebrari, ut quotiescun-  
 que hoc fieret à fidelibus mortē suam  
 adnuntiaret donec veniret, in illo cor-  
 pore Christi cuius typum præfert panis  
 sacramēti, nulla potuit nec debuit con-  
 comitantia sanguinis cogitari. Nec pro-  
 pterea debuit removeri calicis sacramē-  
 tū velut superfluum, quasi nimirū & cor-  
 pore sanguinis ipse contineretur. Dixi-  
 mus , hostiam immolatam duabus par-  
 tibus constitisse, carne sive corpore, &  
 sanguine. Carne eius vescēbantur qui  
 eam

cam immolaverant, non item sanguine, quia sanguinis efusus interdictus lege erat. Ergo carnem hostiæ è qua sanguis effusus fuerat, quasi sanguine vacuam comedebant. Non enim si aliquid sanguinis in se habere eam credidissent, ad cibum usurpassent. Nam & suffocata animalia nefas habuerunt edere, aut cum suo sanguine mactata, aut à feris capta, aut sponte mortua, sed illæ tantum quæ effuso sanguine forent occisa. Christus instituendo sacramenta corporis & sanguinis sui se tanquam hostiam spectavit, cuius corpus à sanguine separatum est, & sanguis è corpore profusus. Mortem suam & passionem ea institutione adnuntiari & commemorari voluit quoties à fidelibus celebraretur. Τῷτο, inquit, ποιῆτε εἰς τὸ ἰμῶ ἀνάμνησιν. *Hoc facite in meam commemorationem, cum panē discipulis traderet.* In tradendo similiter poculo dixit, Τῷτο ποιῆτε ὁσάκις αἶ πύντι εἰς τὸ ἰμῶ ἀνάμνησιν. *Hoc facite quotiescunque biberitis in meam commemorationem.* Paulus ipse subiungit his Christi verbis ista sua quibus instruit Corinthios de

hæc Sacramento, Ὁσάκις γὰρ αὐτὸ εἰδήτε τὸν  
 ἄρτον τῆτον καὶ τὸ ποτήριον τῆτε πίνετε, τὸν  
 θάνατον τῆ Κυρίας καταλείπετε ἄρχης ἑαυτῶν  
 θῆ. *Quotiescunque enim manducabitis  
 panem hunc, & calicem bibetis, mortem  
 Domini annuntiabitis donec veniat.* Chri-  
 stus ipse cum traderet panem dixit,  
 τῷτό με ἐστὶ τὸ σῶμα κλώιδμον, & cum  
 traderet calicem, τῷτο τὸ αἷμα τὸ ἐκχυ-  
 ρόμενον. Corpus fractum, & sanguis ef-  
 fusus, tanquam hostiæ vere immolatæ  
 duæ sunt partes essentielles, sine quibus  
 mors Christi, qui sic eam per symbola  
 panis & vini voluit consignatam, non  
 potest rite annuntiari & commemorari.  
 Passio quippe eius & in fractione cor-  
 poris consistit per clavos quibus cruci  
 affixus fuit, & in sanguinis effusione.  
 Ut duæ hæc quasi passionem in eius mor-  
 te & sacrificio cōtigerunt, ita & duo si-  
 gna per quæ denuntiarentur & com-  
 memorarentur esse debent. Qui alterum  
 demit, etiam passionem Christi parte  
 una deminuit, & quidē potiore, quia  
 sanguis Christi nos redemit, ut victi-  
 mæ veræ pro nobis Deo patri oblata.  
 Meritum sane mortis Christi abrogat  
 qui

qui præcipuam eius causam tollit, nempe sanguinem pro nobis effusum. At qui corporis tantum symbolum in cœna Dominica relinquit, corpus ipsum proponit integrum & incolume cum sanguine suo, non effuso. Ut hostia sit, debet seorsim esse sanguis, seorsim corpus & caro. Christus cum in cœna Paschatis corpus suum proposuerit in panis figura, & sanguinem in typo calicis, cum hæc inquam duo separaverit, ibi corpus sine sanguine suo, ut in Paschæ agno immolato pro nobis, debet accipi. Καὶ ὃ τὸ πάχα ἡμῶν, inquit Paulus, ὡς ἡμῶν ἰθύδι χερσὶς. *Etenim pascha nostrum immolatus est Christus*, id est, agnus Paschæ. Cuius memoriam celebrandam in duobus symbolis panis vini, illius fracti, huius effusi in calicē, per hæc duo inquam signa passionis suæ totidem mysteria in corpore fracto & sanguine effuso dedicavit. An solidam & perfectam illius passionis cōmemorationem facere videntur qui in corpore solo vel corporis symbolo eam faciunt, succi sui & sanguinis pleno, contra præceptū & institutionem Domini

& contra ipsius passionis rationem ac naturam, quæ ita duplex signum requirit, ut ipsa geminata est corporis fractione & sanguinis effusione? Vbi sanguis est à corpore separatus, ibi corpus est sine sanguine, quale in cruce pependit exanime & mortuum, à quo & sanguis effusus est. Ita celebrari debet memoria Dominicæ passionis, ut ipse instituit, & tradidit, ut ipse hostia pro nobis oblatus est in corpore exanimi & exangui, & in sanguine extra corpus suum profuso, cuius sacrificii & duo symbola nobis per Apostolos suos tradidit, panem & calicem. Cum igitur dixit, in pane tradendo, *Hoc est corpus meum quod pro vobis datur*, quale corpus pro nobis datum sit, non quærendum. Nam in promptu est pro nobis cæsum, in cruce oblatum & fractum. *Carnem* vocavit ipse apud Iohannem: cap. vi. vers. LV. Ο' φάγων με τὴν σάρκα, *qui manducat meam carnem*. Non manducatur caro nisi mortua, nisi hostiæ immolatæ. Pascha nostrum est corpus Christi, ut corpus agni erat Pascha

scha Iudæorum. Eius immolati carnem edebant, ut nostri Paschatis carnem comedimus. Sed quomodo? In pane nimirum, quem sui corporis sive suæ carnis symbolum esse voluit, & quem comedentes, carnem Christi spiritualiter manducamus. Nec enim aliter possumus. Cum dixit, *λάβετε, φάγετε, τὸ σῶμα*, de corpore suo vel carne intellexit, quæ tanquam hostiæ rumpi pro nobis debuit in cruce, quasi in altari. Ita *σῶμα* accipitur pro corpore exanimi & exangui proprie. De qua voce sic Græci. *Σῶμα, πᾶν τὸ πθινκὸς ὡς τὰ τοῖς παλαιοῖς, δέμας δὲ τῷ ζῶντι λέγεται, ὅθεν τὸ συσπιδέσθαι τῇ ψυχῇ. Hæc vox σῶμα apud antiquos de omni exanimi dicitur, δέμας de vivente, quod colligetur cum anima.* Sic accipitur in novo Testamento aliquot locis. Vt apud Matthæum XIV. vers. XII. *ἤραν τὸ σῶμα καὶ ἔθαψαν αὐτό.* de Iohanne Baptista. Et Lucæ XVII. vers. XXXVII. *ὅπου τὸ σῶμα, ἐκεῖ συσπιδήσονται οἱ ἀγγέλοι.* *Vbi corpus, ibi congregabuntur aquilæ.* Id est, ubi cadaver. Latini quoque *corpora* vocāt defunctorū. Vt in illo versu apud

Poetam:



Poetâ : *Scuta virum galeasque & fortia corpora voluit*. Nempe exanima, mari fluitantia. Inde & *corporicida* pro latrone qui facit corpora vel cædit. *Carnifex* olim dicebatur à carne facienda. Ita & *sanguinem facere* dixerunt pro effundere. Vnde apud Ovidium: *Et queritur factum sanguinis esse parum*. Caro Latinis etiâ de mortua & viva. Hinc illud Martialis: *Carnarius sum, pinguarius non sum*. Græcis σὰρξ & pro viva & pro mortua. Passim in versione Bibliorum σὰρξ pro viventibus, ut πᾶσα σὰρξ de omni homine vivente. Hinc σαρκικοί carnales, qui corporis voluptatibus dediti sunt, quiq; opponuntur πνευματικοί, spiritualibus. Hebræi נפש vocant. Hinc τὸ σὰρκα ζῆν τὴν τηρεῖται apud Clementem in Epistola posteriore, *Corpus suum sanctum conservare*. Capitur & pro mortua vel cæsa victima, ut σὰρξ τοῦ θυσιῶν Paulo. Latini *carnem victimarum* dicunt. Quo sensu & carnem suam vult edi Christus, & σῶμα in cœna sua sub symbolo panis edendum tradidit discipulis. λαβετε, φάγετε, *accipite, manducate*. Etiam hominem viventem in carnem



carnem & sanguinem divisit. Christus Matthæi xvi. vers. xvii. ut Græci in *corpus & animam*, cum Petrus dixisset eum esse Christum filium Dei viventis.

*Beatus es Simon Bariona, quia caro & sanguis non revelavit tibi, sed pater meus qui in cælis est.* In homine vivente caro & sanguis coniuncta sunt, quæ in cæso

separantur, sanguine ex carne effluente.

Ita ergo & Christus sub duobus symbolis panis & vini duas partes sui, velut hostiæ aut agni vere Paschalis, sacra-

cravit, corpus & sanguinem. *Σῶμα* in agno paschali, *סעודת* vel *הוא* dicebant Iudæi.

Nam cum imponebant eum mensæ, dicebant, sicut iam adnotatum est à

viris eruditissimis, *סעודת* *הוא*, id est, *Corpus*

*ipsius Paschæ*, nempe agni Paschalis. Sic enim & Paulus Dominum nostrum *πάσχα ἡμῶν* vocavit, *pascha nostrum*, *ὁ ἱεὺς ἡμῶν ἰδούθῃ*.

*הוא* autem corpus examine, ut est cæstæ hostiæ vel hominis occisi, significat.

Vnde in Paralipomenis *למנוחיהו*, ubi & septuaginta *σῶμα*

reddiderunt, *ἔλαβον τὸ σῶμα* *Σαδλ*.

Calicis autem Sacramentum quamvis ordine posterius sit, utpote post cœnam à Chri-

à Christo institutum & post ultimam  
 lotionem manuum, cum quartum po-  
 culum & ultimum ex more ebiberent,  
 prior autem fuerit panis benedictio &  
 pro corpore traditio, ut quæ inter cœ-  
 nam ipsam & inter manuum ultimam  
 lotionē celebrata fuerit à Domino, spe-  
 ciali dignatione tamē primas ferre de-  
 bet calix, qui sanguinem repræsentat  
 Christi, & passionis ipsius mortisq;, vel  
 solus, possit esse *μνημόσυον*. Inde & ante  
 panem ab Apostolo ipso & aliis patri-  
 bus sæpe nominatur, aliquando & so-  
 lus pro toto Eucharistiæ sacramento.  
 Nam & *sanguis* *νοτι*, apud Hebræos pro  
 morte vel cæde. Vnde illis ex impre-  
 cationis & deprecationis formulæ, *San-*  
*guis eius super nos sit. Sanguis eius super*  
*caput eius sit.* Sed & Ecclesiam sangui-  
 ne Christi acquisitam dixit Lucas in  
 Actis cap. xx. vers. xxviii. *ποιμαίνει*  
*τὴν ἐκκλησίαν τὴν Θεοῦ, ἣν ὡς εἰς ποιήσατο ὁ Χρῆ-*  
*στὸς αἵματός, Ecclesiam pascere Dei, quam*  
*proprio sanguine acquisivit.* Cur igitur  
 hodie Ecclesia Christi quam ille san-  
 guine suo redemit & sibi abquisivit  
 non fruitur Sacramento Dominici san-  
 guinis

guinis, cui idem Christus communicare Ecclesiam suam voluit sub calicis symbolo, sicut ipse instituit? Cur postremi eius testamenti nunc particeps non est, quod novum dicitur constituisse in sanguine suo, cum calicem daret discipulis, apud Paulum & Lucam? An *Ecclesiastici* qui hodie vocantur, soli faciunt Ecclesiam, ut soli videantur meriti qui integra percipiant corporis & sanguinis Domini Sacramenta, dum populo fidelium exhibentur dimidiata, præcipua eorum parte ac potiore defraudato? Partem illi Ecclesiæ faciunt, non totum. Quinimo ἐκκλησία de populo dicitur, exclusis ipsis Presbyteris, in iisdem Actis cap. xv. in Decreto primi Apostolorum Concilii, ἔδοξε τοὺς ὑποσώλους καὶ τοὺς πρεσβυτέρους σὺν τῇ ὅλῃ ἐκκλησίᾳ. Quod & alibi eodem sensu occurrit. Cur denique prima ac duodecim sæculorum Ecclesia constanter hoc tenuit, ut omnes sub utroque symbolo communicarent corpori & sanguini Christi, nova autem & postrema quattuor sæculorum ætatem duntaxat ferens, calicem

cem ademit populo, id est, Ecclesiæ, solis vero eius rectoribus reliquit? Cum multi abusus circa hæc Sacramenta extiterint, partim à privatis commissi, partim publice recepti, utrique ideo publici, quia etiam in privatis tolerati ad publicæ pertinent disciplinæ corruptelam, nunquam tamen id usurpatum, ut quisquam sub una specie privatim cōmunicarit, aut Ecclesia cōmunionem in publicis synaxibus cuiquam *μωρομερῇ* dederit. Privatorū hic fuit abusus, receptus olim in Ecclesia, qui panē reservabant, & domi suo tempore comederant. Quidam ex his panem & vinum simul accipiebant, & secum ex Ecclesia domum ferebant, ut de sorore sua Gorgonia narrat Gregorius Nazianzenus. Alii, quia molestius, portionem vini exiguam, qualis dabatur communicantibus, ferre secum, solum panem accipiebant, sed domi, cum velent communicare, quia vinum benedicere non poterant, nec fas erat sub una specie Sacramenta suscipere, vino panem intingebant, ut ex sacramento panis vinum cum eo mixtum quodāmodo sic

sic consecrationem suam inde traheret.  
 Hæc omnia abusiva, & mos ferendi do-  
 mum, & privatim communicandi, cum  
 ipsa communio perdat nomen & vim  
 suam, nisi cum omnibus accepta, & in  
 conspectu omnium. Contra institutio-  
 nem Christi hæc invaluit consuetudo,  
 ex mera superstitione introducta. Nec  
 melior illa publica fuit, qua ad ægro-  
 tos ferebant, qui interesse conventui  
 non poterant, ut cum reliquis cōmuni-  
 carent. Nec ea qua moribundis dabatur  
 pro viatico eam habituris. Non deter-  
 minavit Christus quādo & quoties cō-  
 municandum esset. Dixit tantum, τοῦτο  
 ποιεῖτε, ὅσαςκις ἀναπαίνετε καὶ πάντες, εἰς ἡ-  
 μένην ἀνάμνησιν. *Quotiescunque bibetis vel*  
*edetis, hoc facite in meam commemora-*  
*tionem.* Non definivit quoties de eo  
 bibendum esset vel edendum. Non  
 ægrotis aut in extremis agentibus  
 dandum præcepit. Cum una cœnan-  
 tibus divideret, ex ipso institutionis mo-  
 do patet quibus voluerit suorum Sa-  
 cramentorum communionem tradi, iis  
 nimirum qui in una reali & locali com-  
 munionem esse poterant, qui ad eandem

A a

mensam

mensam adstare, qui ad pacem invicem sibi dandam & osculis mutuis testificandam coire. Vtlerius etiam superstitio progressa est, ut etiam crediderit dandam esse Eucharistiā mortuis. Non multo minor nec tolerabilior error, ut ante dicebā, qui suaserit dandam morituris quasi viaticum. Abusivus hic mos alium abusum peperit, ut abyssus abyssum invocat, panis nimirum asservandi ad inopinatos casus, ut morientes eo possent impertiri. Vinum non asservabant, quia in exigua quantitate servatum acresceret, aut alio modo si forte corrumpetur. Ideo cum mitterent aut ferrent panem Eucharistiæ animam agentibus, ne ex uno tantum symbolo participarent, quod nefas tum fuit, Diaconi qui ferebant vel Subdiaconi, aut ipsi benedicebant apud ægrotos vinum, aut panem vino intingebant. De Intinctione habes exemplū apud Eusebium notabile lib. vi. cap. xxxvi. in Epistola Dionysii Alexandrini, Serapion quidam erat inter lapsos ex eo Poenitentium genere quibus in fine tantum communionem dari

dari oportebat. Non enim tunc omnibus communiter morientibus istud viaticum dabatur, ut nunc fit, sed illis solum qui ad Ecclesiæ communionem redeundo participare Sacramentum non poterant nisi cum morerentur. Ille ergo Serapion ægrotans cum sentiret sibi finem adesse, curriculo mittit puerum suum ad Presbyterum, ut sibi Eucharistiam afferret. Currit puer, tempus noctis erat, Presbyter ipse tum æger iacebat, nec potuit venire ipse. Dat puero pauxillum ex Eucharistiæ pane asservato, præcipit ut vino intingat, & madefactam in os Serapionis instillet. Græca verba sunt, *βραχυ τῷ παιδαρίῳ τῆς εὐχαριστίας ἐπέδωκεν, ὑπορίξαι κελύτας, καὶ τῷ ὀρθούτῳ κητῇ σόματι* *Θ* *ὑπισάξαι*. Sed quid si *εὐχαριστία* ibi accipi tam de pane quam de vino debet? Et certe omnino debet. Non enim aliter hanc vocē Græci Latiniq; veteres solent sumere quam de utroque Sacramēto corporis & sanguinis. Iustinus Martyr in Apologia secunda, postquam dixit gratiarum actionem factam à præsidente conven-



tus super panem & vinum ipsi oblatum, & post communionem ex utroque omnibus præsentibus impertitam, & absentibus missam addit, καὶ ἡ τροφή αὐτὴ καλεῖται εὐχαριστία. *Et hoc pabulum vocatur Eucharistia.* Nempe ex pane & vino aqua mixto constans. Sic εὐχαριστία passim in Græcis canonibus conciliorum accipitur, etiam recentiorum, ut in sexto in Trullo can. LXXXIII. quo vetatur εὐχαριστία dari mortuis. Vbi Zonaras notat, morem fuisse antiquum μετὰ δίδωδαι τοῖς νεκροῖς σώμασι τοῦ τελούτεσθαι τὸ τῷ σώματι καὶ τῷ αἵματι τῆς κυρίας. Τὸ τοῦδ', inquit, ὀνομάζεται εὐχαριστία. In canone Nicæno XIII. μετασχέντης εὐχαριστίας. *Communionis gratiam tribui* Dionysius Exiguus vertit. Vocat ibidem εὐεσφοεῖν, his verbis, ἐπίσκοπος μὴ δοκιμασίας μεταδίδόντων εὐεσφοεῖν. *Episcopus cum examine ex oblatione dare debet.* Et loquitur ibi canon de his qui in exitu positi accipere debebant Sacramenta, quibus & mittebantur. οὐδὲ τοῦ εὐεσθόντων. Non dubium itaque quin apud Dionysium Alexandrinum nomine εὐχαριστίας tam panis

panis quam vinum intelligi oporteat, & utrumque à Presbytero missum Serapioni per eum puerum. Sed ideo præcepit puero madidum panem vino, in os senis indere quia propter infirmitates panem sicciorem & duriorum ex asservatione factum non aliter posse videretur deglutire. Et certum est tralaticias fuisse has panis in vinum intinctiones propter hanc præcipue causam. Sedet quia vinum haud cõmode potest asservari, Ideo & Græci hodie in Eucharistiæ pane quam præparant pro infirmis, consueverunt in cœna Domini, hoc est, quinta feria ultimæ hebdomadis Quadragesimæ, vino eam sacramento tingere. Quia autem siccus & ex eo durus tẽpore evadit, & difficulter à moribundo manditur, solent in ipso actu cū datur τῷ ἑσθ' ὁ βῶν aqua aut simplici vino madefactū porrigere. Eo fini & apud Prosperum in ipsa Mysteriorum celebratione & participatione, particula Eucharistiæ panis tineta data est à Sacerdote cuidā energumene. In illis locis ubi omni die cõmunicabatur non opus fuit ita tinctas *μυρίδας* asservari propter

infirmos, cum de die in diem vinum & panis è communionis reliquiis posset reponi. Vbi rariores communicationes factæ sunt, & asservari longo tempore necesse fuit propter infirmos Eucharistiam, quia vinum non commode servaretur, ideo tinctum panem vino consecrato eorum gratia reposuerunt. Eum morem tingendi panis in Eucharistia pro infirmis, ad hoc ut posset vere dicere Sacerdos, *corpus & sanguis Domini nostri*, quod & Græci in illis porrigendis dicere soliti sunt, Tutorio Concilio probatum damnavit Concilium Bracarense quartum. Ex eo more hoc ego tantū disco, adeo nefas tum fuisse sub una specie communionem cuiquam fidelium dari, ut ad hos abusus potius ventum sit quam ut non institutio Domini servaretur, & integritas Sacramentis eius constaret. Antiquioribus sæculis ista tingendi vino panis consuetudo ignorabatur, sed ut satisfaceret institutioni Christi & integrum Sacramentum in extremis posito exhiberetur propter difficultatem asservandi vini, Diacono  
vel

vel Subdiacono qui Eucharistię panem  
 ad infirmos portabat, potestas dabatur  
 in re præsenti & in domo ægroti vinum  
 benedicere, quod simul ægro porrige-  
 ret cum pane sacrato quem attulerat.  
 Ab ea sibi tum concessa facultate præ-  
 sumpserunt & licentiam in Ecclesia id  
 faciendi. Quod vetuit canon xxv. Lao-  
 dicenus his verbis, ὅτι καὶ οἱ ἐκ τῶν ὑποπρεσβυτέρων ἀρτον  
 διδόναι, καὶ δὲ ποτήριον εὐλογεῖν. *Quod non o-  
 porteat Subdiaconos panē dare, & calicem  
 benedicere.* Ὑποπρεσβύτεροι sunt Subdiaconi,  
 ut recte reddidit Dionysius Exiguus.  
 Ergo Diaconis hoc tū licuit quod Sub-  
 diaconis licere noluerunt illi patres.  
 Per Diaconos autē præcipue tū portabā-  
 tur egrotis Sacramēta cū antiquissimis  
 Ecclesię tēporibus etiā per acoluthos  
 ferrētur. Illi itaq; poterāt in domo egro-  
 ti benedicere calicē, ut cū pane eū darēt  
 sacrato quē attulerant. Nā circa illa tē-  
 pora in privatorū edibus panē Eucharis-  
 tię offerre & consecrare, Presbyteris  
 solitum fuit. Quem morē & illa syno-  
 dus abrogavit canone penultimo. Quid  
 mirū porro si hæc tum fierēt, cū ætate  
 Tertulliāni, cū Presbyteri nō adessent,

ad Ecclesiam tenendam, & myſteria celebranda, poſſet quilibet pro ſe Sacramenta Domini conficere, & communicare? Nec enim aliud volunt illa adeo iactata à viris doctis eius verba, in Exhortatione ad caſtitatē, ſicut ex vetuſtiſſimo Agobardi exēplari reſtituta ſunt. *Differentia inter ordinem & plebem conſtituit Eccleſiæ auctoritas, & honor per ordinis cōfeſſum ſanctificatus. Ideo ubi Eccleſiaſtici ordinis non eſt cōfeſſus, & offers & tingis, ſacerdos es tibi ſolus.* Id eſt, & Sacramenta corporis & ſanguinis Domini conficis eaq; tibi adminiſtras, & baptizas. Nam *offerre* ibi eodē ſenſu intelligendum quo in illo canone Laodicens *ἡγορεύειν*, in his verbis, *ὅτι & δεῖ ἐν τῷ αὐτῷ ἁγίῳ ἡγορεύειν*. Sed & absolute *ἡγορεύειν* eadem notione ponitur apud Baſamonem pag. CLXXXI. & in Laodicens penultimo *ἡγορεύειν*, & paſſim in Græcis Conciliis *ἡγορεύειν* pro Euchariftia ſeu ſacra communione, ut iam ſupra notavimus. Vbi autem noluerunt Diaconis licitum eſſe calicem benedicere in domibus ægrotorum ad exodium ſpectantium,

tium,

tium , tum ad illud institutum devenire tingendi panis sacra-  
 ti vino sacra-  
 to , ut sic utrunque Sacramentum pos-  
 set diu asservari ad usum eorum quos  
 credebant sine viatico hinc discede-  
 re non debere. Hunc morem aliquot  
 Ecclesiæ occidentales diu tenuere, ho-  
 die vero etiam Græcæ retinent, ut iam  
 dictum , adeo illicitum & nefarium  
 crediderunt mutilare tam sanctum Sa-  
 cramentum, & imperfectum cuiquam  
 fidelium impertire. Nulla certe Ec-  
 clesia fuit usque ad sæculum tredecim-  
 um tertium, neque in Oriente neque  
 in Occidente, quæ legitime & publice  
 memoriam celebrans Dominici cor-  
 poris & sanguinis, communionem sub  
 una specie peregerit, aut unum Sacra-  
 mentum pro duobus populo exhibue-  
 rit. Vt multi abusus circa hoc Sa-  
 cramentum variis temporibus exti-  
 terint, & semper aucti sint, nunquam  
 tamen hæc publica invasit ullam Ec-  
 clesiam ullibi terrarum opinio ante il-  
 lud tempus quod notavi sæculi decimi  
 tertii, corpori tantum esse communi-  
 candum Dominico, non etiam sangui-

ni. Verum ut fuere semper in omnibus rebus certi homines, qui studium habuere à communi via deflectere, & privam pravamque orbitam sectari, ita & in religione plurimū hoc genus increbuit. Sic extitere quidam circa tempora, Gelasii Papæ qui nescio qua de causa aut superstitione homines nollent sanguini Christi cōmunicare. Cur hoc facerēt, non dicit Gelasius, sed *superstitionem* eam esse dicit, & acerbe in eos invehitur, & *sacrilegium grande* vocat, non integrum Christi Sacramentum percipere. Verba enim insignia sunt & notatu digna apud Gratianum de Consecratione, distinct. 11. *Comperimus, inquit, quod quidam sumpta tantummodo corporis sacri portione à calice sacrati cruoris abstineant, qui proculdubio quoniam nescio qua superstitione doceantur astringi, aut integra Sacramenta percipiant, aut ab integris arceantur, quia divisio unius eiusdemque Sacramenti sine grandi sacrilegio non potest provenire. Enimvero sacrilegiū est non leve, intervertere principalē partem tam sacrosancti mysterii, & ea de*  
*frau-*



fraudare divini & spiritualis potus fidentes fideles. Leo papa primus Gelasii prædecessor annis circiter retro quadraginta, eo nomine quosdā Christianos *Μανιχαῖοντες* carpit, qui cum crederent Christum assumpsisse corpus *φανταστικόν*, & sine sanguine, ut suæ opinionioni phantasticæ patrocinaerentur; nolebant calici communicare, ne sanguinem in Christi corpore faterentur fuisse. Ideo præcepit Sanctus ille papa, ut ne communio fieret sub una specie. Doctores Lovanienses ex eo Leonis decreto colligi volunt & convinci, in Romana Ecclesia prius fuisse consuetudinem sub una tantum specie communionis Laicorum, sed eam tunc à Leone sublatam, & inolevisse consuetudinem communicandi sub utraque specie, quæ permanferit atque duraverit usque ad tempora beati Gregorii. Quod est ridiculum. Nam si generalis ea consuetudo ante Leonē fuisset in Ecclesia Romana communicandi sub una specie, non deprehendi in hoc errore potuissent Manichæi, neque alii illi Christiani, qui contendebant, Eucharistiam

stiam sine sanguine esse sumendam, quia corpus Christi expers esset sanguinis. Nam cum soli corpori Christi cum reliquis orthodoxis communicarent, quid circa corpus Christi opinaretur sciri non potuit. Præterea nec satis iusta causa Leoni fuit propter illos mutandi moris in Ecclesia sua probati & recepti. Eorum opinio, censentium Christi corpus esse ex sanguine, non præiudicabat fidei aliorum qui diversum sentiebant, tametsi similiter, ut illi, panem tantum in Eucharistia sumerent. Cum duo faciunt idem, non est idem, quia diversa causa sit qua id faciunt. Respicienda igitur causa tantum, & si mala sit, ea emendanda alio modo, quam mutando effectum, qui communis est ex bona causa idem facientium. Nec sane id fecit Leo. Nam & eius ætate Ecclesia Romana, ut reliquæ omnes orbes Christiani sub utraque specie communicabant. Quod autem quidam essent vel Manichæi, vel cum iis idem sentientes Christiani qui volebant corpus Christi esse phantasticum

sine

sine sanguine, & ideo communionem accipere nolebāt nisi sub panis una specie, quia calicem accipientes contra proprium dogma fecissent, hoc iis indulgeri noluit Leo, & præcepit, nemini cuiquam dandam esse communionem sub una specie. Falsissimum porro esse, sub Leone eam fuisse consuetudinem sub una tantum specie communicandi, multis possem testimoniis auctororum probare, sed unus sufficiet Hieronymus Presbyter Romanus. Is obiit anno ccccxx. hoc est, viginti annis antequam Leo primus papatum adipisceretur, qui papa factus est anno ccccxl. Hieronymus igitur ille Presbyter Ecclesiæ Romanæ, qui scripsit etiam amplius quam viginti annos ante quam Leo posset decreta facere, de communione in commentario ad Sophoniam hæc verba posuit: *Sacerdotes quoque qui Eucharistiæ serviunt, & sanguinem Domini populis eius dividunt, impie agunt in legē Christi, putantes, Eucharistiam imprecantes facere verba, non vitam, & necessariam esse tantum sollemnem orationem, & non Sacerdotū merita,*  
*de*

*de quibus dicitur, & Sacerdos in quo erit macula non accedat offerre oblationē Domino.* An quęso te nō fuit tū in usu calicē populo dare in Ecclesia Romana, cū dixit eius Presbyter, *Sacerdotē sanguinē populis dividere?* Quid dicerent de suis Romanis illi duo pape, si nūcreviviscerēt? Certe Gelasius diceret, sacrilegam hanc esse eorū hāresin, qui subtrahunt sanguinē populis, cū divisio unius eiusdēq; mysterii sine grandi piaculo non possit provenire. Leo vero etiā decerneret, non esse cōmunionē sub una specie cuiquā dandā quia id dogmati Manicheorū suffragaretur, docētū, Christū carnem assumpsisse sine sanguine; id est, phantasticam. An tam diversę opiniones potuere producere eundem effectum? Manichæi enim, quia credebant Christi corpus sanguinem non habere; ideo sanguinem eius in Sacramento percipere nolebant. Romani nunc, quia existimant, corpus Christi quod in Eucharistia sumitur, non carere sanguine, ideo superfluum putant separationem eius sanguinem in calice Sacramentali propinatum accipere. Sed isti

isti non minus quam illi hæretici, quatenus & contra Christi institutionem faciunt, qui unum idemque mysterium corporis. & sanguinis sui sub duobus symbolis panis & vini tradidit, & ex duabus partibus perfici voluit, ut hostia, qualem se pro nobis in cruce obtulit, duabus constat partibus, corpore quod fractum est, & sanguine qui effusus est. Doctores Romani admirabilem adferunt rationem cur sub una tantum specie communicare debeant Laici, Ecclesiastici vero sub duabus. *Quomodo enim, inquit, poterat ad Laicos dici, hoc facite quotiescunque bibetis in meam commemorationem? Quid est, Hoc facite quotiescunque bibetis? Si facere hic consecrare intelligamus, quemadmodum haud dubie Damasceus ac cæteri patres acceperunt, nemo bibiturus est ex calice qui non prius consecraverit. Nam dicit, quotiescunque bibetis, hoc facite. Atqui Laicum nemo sanæ mentis dixerit posse consecrare. Non ergo hoc Laicis dictum fuit. Vnde videtur inferendum, quod Laicis bibere non licet, sicut non licet consecrare, cum hoc*  
*face-*

*facere in Christi memoriam iubeamur; quotiescunque calicem bibimus.* In ea fuit sententia Episcopus Roffensis, cuius supra scripta sunt verba, Caietanus, Albertus Pighius, alii. Adeone homines ex pravarum opinionum semel imbutarum affectu immutari, ut de hominibus etiam bestię fiant? Nam quis humano & communi sensu pręditus ita possit verba Christi sicut ab Evangelistis & Apostolis relata sunt accipere? Quis denique vel mediocriter litterarum humanitate, & loquendi consuetudine Gręcis Latinisque usitata tinctus sic etiam queat interpretari? Hęc verba *hoc facite męto męmę* debent omnino videri referenda ad aliquid eorum quę in ea institutione pręcesserunt, à Christo fieri iussa. Dicitur primo panem accepisse, & postquam gratias egisset fregisse, tum dixisse, *accipite*, & *manducate*, hoc est corpus meum quod pro vobis frangitur, hisque statim subiecisse, *Hoc facite in meam commemorationem.* Hoc quod pręcipit ut faciant in sui commemorationem plane relativũ est ad id quod imperavit

vit nominatim ut facerent, *accipite, manducate*. Rem ipsam tunc nude iusserat faciendam, nunc etiam addit qua ex causa velit id illos facere. *Hoc facite in meam commemorationem*: Hoc igitur relativum ad illud. Hoc generaliter dictum & imperatum cum causa propter quam esset faciendum: illud specialiter, & cum expressione ipsius rei non addito qua gratia id fieri vellet, *accipite, edite*. Immo hæc ipsa verba, λαβετε, φάγετε, præsentem tum actum designant, cum dando panem & calicem Discipulis, præsens præsentibus, Sacramenta sui corporis & sanguinis institueret, quæ in posterum se absente ab iis essent celebranda. Sed quæ subiunxit, *Hoc facite in meam commemorationem*, postquam eis dedisset, atque edere ac bibere iussisset, tempus respiciunt quo id erant facturi Christo iam in cælum recepto. Tunc cum daret illis panem, & manducare iuberet, non in suam commemorationem id facere poterant, quia præsens erat, & eidem cum ipsis mensæ accumbebat: Sed quia institutionem horum Sacra-



mentorū corporis & sanguinis sui, per panis & vini symbola non ad præsens tantum sed in futurum consignabat ac dedicabat, post traditum panem, cum dicto quod esset corpus suum, qua gratia id omne institueret, ac faciendum etiam præscriberet, subiūxit, *Hoc facite in mei commemorationem*. Id est, postquam vobis ablatus fuero, quod nunc vobis facio, facite ipsi inter vos, in mei memoriam, & passionis meæ recollectionem. Non igitur hæc verba, *Hoc facite*, referenda ad unam aliquam actionem ex iis quæ præcesserunt, ut ad illud imperatum, *accipite & comedite*, sed ad omnia quæ tunc egit Christus. Accepit panem, benedixit, fregit, tradidit edendum, dixit esse corpus suum. Hæc inquam omnia similiter Discipulis suis & omnibus fidelibus facienda præscripsit, & quidem in sui commemorationem, postquam inter homines in corpore versari desisset. Si in calice benedicendo, cum dixit Christus, *τὸ ποιεῖν*, verbum *ποιεῖν* significat *consecrare*, cur aliam habebit significationem quando panem tradi-

tradidit, & eisdem plane verbis usus est, dicendo, *τὸ ποιεῖν*? De pane quidam illud *τὸ ποιεῖν* interpretantur, *sacrificate*. Sed eadem hac ratione populus, ut dixi, excludetur à communione panis, ut a communione calicis, si solis quibus licet sacrificare, licet etiam corpori Christi communicare. Præterea in istis *τὸ ποιεῖν*, *τὸ* cum hac significatione quam tribuunt verbo *ποιεῖν*, debet referri ad vocem *σῶμα* quæ præcessit in verbis Christi, *τὸ μου ἐστὶ τὸ σῶμα*, *τὸ ποιεῖν*. Hoc est corpus meum, hoc facite, sive sacrificate. Sed quis unquam legit apud Græcos *σῶμα ποιεῖν* pro *corpus sacrificare*? Apud illos *σῶμα ποιεῖν*, & unico vocabulo *σωματίζειν*, est corpus facere, sive acquirere, id est, corpulentiam. Sic & Latini *corpus facere*, ut apud Phædrum in fabella canis & lupi:

--- unde sic quæso nites?

*Aut quo tibo fecisti tantum corporis?*

Inde *σωματίζειν* per metaphoram, quamcunque rem aut hominem augere quasi adiecto corpore, alere, ex-

ercere, curare, & in bonum statum perducere, qualis esse solet ἡ σωμα-  
 ποιῶν, & corpus facientium. Latini *facere victimam*, & *hostiam*, non solent dicere, sed *facere victimam* & *hostiam*, ubi subintelligendum est *sacra*. Sacrum facere ture vel victimam, ut alii iam notarunt ex Servio, ad illud Virgilianum, *cum faciam vitula*. Hebræi נָשָׂא, quod est *facere*, etiam in hoc sensu usurpant, ut dicant *facere boves*, *vitulos*, & absolute *facere* pro offerre. Sed Græci interpretes qui plerunque de verbo ad verbū Hebraica convertunt, nunquam verbum illud Hebraicū נָשָׂא per ποιῆν reddiderūt, sed ἀναθίπεν transulere. At ubi de calice idē verbū in cœnæ Dominicæ institutione ponitur, τὸ ποιεῖτε, non potest illud ποιῆν videri positū pro sacrificare. Dixit Christus apud Paulum & Lucam, *Hoc poculum Novum Testamentum est in meo sanguine; Hoc facite*. Poculum vel calix quo novum fœdus sancitur, non sacrificatur. Ideo Doctores illi Pontificii hoc loco, τὸ ποιεῖτε non de sacrificando accipiunt, sed de eo consecran-

secrando. At quis unquam legit verbum ποιῆν in hoc significato, ut pro facrare vel consecrare sumatur? Græcis ἀγιάζειν, εὐλογεῖν & εὐχαριστεῖν hoc dicitur, quod longe diversum est ὑπὲρ τῆς θύειν, *sacrificare*. Postremo Christus eodem prorsus modo priusquam traderet calicem, eum benedixisse, vel gratiarum actione sanctificasse dicitur, ut & panem. Apud Lucam & Paulum legitur, ὡσαύτως καὶ τὸ ποτήριον μὲν τὸ δι-  
νῆσαι, λέγων. Similiter & calicem, scilicet, benedixit, postquam coenasset. Nam de pane præcessit apud utrumque, καὶ εὐχαριστήσας ἔλασε. Cum vero sequatur protinus, ὡσαύτως καὶ τὸ ποτήριον, necessario subintelligendum est, εὐχαρίστησεν aut εὐλόγησεν. Quod & expressis verbis tam apud Matthæum quam apud Marcum habetur. Apud hunc, καὶ λαβὼν τὸ ποτήριον εὐχαριστήσας ἔδωκεν αὐτοῖς. Apud Matthæum similiter, λαβὼν τὸ ποτήριον ἔδωκεν αὐτοῖς, λέγων. *Et accipiens calicem gratias egit, & dedit illis.* Sed urgent iidem Pontificii, latere omnino aliquod occultum mysteriū, quod post

390 SIMPLICII VERINI  
 corpus consecratum simpliciter dixerit, *Hoc facite in meam commemorationem*, & non adiecerit, *quoties manducaveritis*. At post calicem consecratum addiderit, *quotiescunque biberitis*. Nullū in his esse mysteriū, ipse Paulus, optimus interpret verborum Christioftendit, cum post ea de calice verba statim subiungit, quæ æque pertinent ad panis quam ad vini Sacramentum, Οἱ πάντες γὰρ αὐτὸ ἐσθίετε τὸν ἄρτον τοῦτο, & τὸ ποτήριον τῆτο πίνετε, τὸν θάνατον τῆ Κυρίου κατὰ γέλλετε, ἅς χεις ἔαν ἔλθῃ. Ergo promiscue de pane dici posse & dictum etiam esse significat, οἱ πάντες αὐτὸ ἐσθίετε, ut de calice οἱ πάντες αὐτὸ πίνετε. Duo Evangelistæ Matthæus & Marcus in commemoranda institutione Dominicæ coenæ ne in calice quidem mentionem eorum verborum à Christo pronuntiatorum, cum poculum traderet Discipulis mentionem, faciunt. Paulus, & ex eo Lucas, in solo calice ea expressa meminit, οἱ πάντες αὐτὸ πίνετε, qui tamen declarat sequente versiculo, non minus & de pane intelligi debere, οἱ πάντες αὐτὸ ἐσθίετε. Et ratio plane evidens est.  
 Cum

Cum enim Christus tam pane quam calice benedicendo & tradendo voluerit per ea symbola panis & vini mortis & passionis suæ à sumentibus commemorationem celebrari, an aliter ea fieri potuit in utroque symbolo quam dum panis ederetur, & calix bibere-  
tur? Dixit sane Christus in tradendo pane, *λάβετε, φάγετε*. Similiter & dum calicem traderet, ut est apud Mat-  
thæum, *πίετε ἡ αὐτὴ πάντες*. Ergo e-  
dendo de pane & bibendo de vino vo-  
luit memoriam suæ passionis suis reno-  
vari. Non minus itaque in pane intel-  
ligi oportet, *ὅσακις αὐτὸ ἐδίητε*, quam de  
vino, *ὅσακις αὐτὸ πίητε*. Si ullum porro est  
mysterium, quod Paulus de calice id  
solummodo expressit, non aliud po-  
test cogitari, quam quod dignior & po-  
tior ea fuerit Sacramenti à Christo in-  
stituti pars, utpote quo solo, ut sangui-  
nem effusum representāte, tota passio  
ac mors eius efficaciter figurata sit. An  
alia potest causa reddi cur & in hac sola  
parte Sacramenti, cum traderet cali-  
cem, dixerit Christus, *τὸ αἷμα τοῦ  
νέου διαθήκης*, vel *τὸ πνεῦμα*

τήριον ἢ καὶ τὴν διαθήκην ἐν τῷ ἐμῷ αἵματί ἐστι,  
 cum tamen certum sit, non minus &  
 in pane, quo corpus eius figurabatur pro  
 nobis fractum, foedus istud novi pa-  
 cti morte eius sancitum significari.  
 Sed quanto dignior & potior iudicabi-  
 tur hæc pars Sacramenti, tanto minus  
 ea defraudari par fuit plebem fidelium  
 quæ Christi Ecclesiam constituit. Qui  
 Sacerdotes & Pontifices nunc dicun-  
 tur, non ad hoc constituti sunt à Chri-  
 sto. Ecclesiæ suæ ministri, ut soli Sacra-  
 mentis ab eo institutis participarent  
 à quibus cæteri fideles arcerentur, sed  
 propter ordinem ab eo electum, ut mi-  
 nisterium suum exhiberent erudiendis  
 in verbo ipsius populis, & ad Sacramen-  
 ta omnia iis administranda. Quod aiunt  
 iidem Pontificii Doctores, Damasce-  
 num & cæteros patres, *facere* pro con-  
 secrare de calice interpretatos esse, at-  
 que ideo neminem bibere ex eo debe-  
 re nisi qui panē consecraverit, quæ si ve-  
 rim ab illis, an patres qui vivere per  
 mille & ducentos à Christi passione  
 annos, ita potuerint exponere, cum per  
 illud omne tēpus populus omnis sem-  
 per



per ex calice biberit? Si ulli ita interpretati sunt toto illo tempore quo dixi, non propterea excludendum à poculo populum censuerunt, cū certum sit non fuisse exclusum. Et præterea pari iure secundum hanc rationem ar-  
 cendus à panis communione fuisset, quia & de pane dixit Christus cū eum traderet suis discipulis, *Hoc facite*. Ergo nemo ex eo debuit manducare qui non prius eum cōsecravisset, vel, ut etiam explicant, sacrificavisset. Fatentur porro iidem Doctores, usq; ad tempora Alexandri de Hales qui scripsit circa annum clo cc xl, à Laicis fere ubique calicem sanguinis solitū sumi. Thomæ ætate, qui triginta circiter annos post Alexandrum scripsit, plurimæ Ecclesiæ antiquum morē deposuerant, sed nonnullæ tamen adhuc eum retinebant, cōmunicando sub utraq; specie. Nam commentario in Iohannem scribit, secundum antiquam consuetudinem omnes sicut communicabant corpori, ita communicasse & sanguini. *Quod etiam, inquit, adhuc in quibusdam Ecclesiis servatur: ubi etiam ministri altaris*

*continue & corpore & sanguine communi-*  
*cant, sed propter periculum effusionis in*  
*aliquibus Ecclesiis servatur, ut solus Sa-*  
*cerdos communicet sanguini, reliqui ve-*  
*ro corpori.* Vides quam ex levi ratio-  
 ne tam sancto & tanti momenti Sa-  
 cramento populos fidelium privare in-  
 stituerunt! Non eam saltem allegat ho-  
 ius mutilationis causam Thomas, quam  
 alii inficeti Doctores falso afferunt, ideo  
 solos Sacerdotes sub utraque specie  
 communicare oportere, quia solis  
 consecrare calicem liceat, id est, face-  
 re. Sed & illa quam affert Thomas  
 non magni ponderis videtur, ut pro-  
 pter metum effusionis, id est, propter  
 casum raro contingentem, tanta homi-  
 num multitudo ex quibus Ecclesia  
 Christi ubique terrarum diffusa com-  
 ponitur, tam necessaria Sacramenti  
 parte privetur. Nonne hæc eadem ra-  
 tio facere etiam debuit, ne Sacerdoti-  
 bus usus calicis, & mos eius consecran-  
 di relinqueretur? Nam sane & sæpe  
 potest contingere ut tremor manibus  
 tenentis & ostendentis calicem Sacerdo-  
 tis incidat, & eum excutiat effundatq;.

Cur

Cur ista tam inani formidine non tentata sunt pectora antiquioris Ecclesiæ patrum & Doctorum? Falsum etiam ac nugatorium, quod affirmant novitii isti Doctores, Damascenum ac cæteros patres in verbis illis Christi, *hoc facite, facere* interpretari pro consecrare. Qui sunt illi cæteri patres? An ulli ex tota antiquitate usque ad sæculum Christi duodecesimum ita potuerunt accipere quandiu calix populis concedebatur in omnibus orbis Christiani Ecclesiis? Et metus ille effusionis, & illa interpretatio qua calicem Laicis adimendum esse persuaserunt, ex eadem nata sunt opinionis pravitate, qua creditum est, ex opere operato substantiam vini in substantiam sanguinis tramutari. Inde metus ille effusionis, quia sanguinem esse verum Christi qui effunderetur putaverunt, qui psittaco daretur, qui simiæ, qui equo hauriendus. Quem idolatra, quem infidelis, quem Turca ebiberet. Inde etiam pro superfluo habitum calicem impertire Laicis, quia in pane per illam monstrificam transmutationis substantiarum opera-

operationem in solo pane; id est, corpore, etiam sanguis contineretur. Inde illa prodiit perversa & impia doctrina, Conciliis etiam cōfirmata, *non esse ambigendum, quod non sub specie panis caro tantum, nec sub specie vini sanguis tantum, sed sub qualibet specie Christus est totus.* Ergo & qui calicem solum sumit, etiam corpus accipit, & qui solius panem accipit, etiam sanguini Domini co communicat, secundum illam prodigiosam hariolationem. Ex quo necessario concludendum est, quotiescunque fideles Laici sub utraque specie communicarent, qui mos in Ecclesia permansit per mille ducentos & amplius annos, unumquemque semper bis corpori Christi & sanguini communicasse, etiam cū semel cōmunionem susciperet. Nam manducando panem quilibet etiam sanguinem Christi hauriebat, & bibendo calicem etiam carnem Christi manducabat. Cum circa annum Christi millesimum ducentessimum & quadagesimum adhuc mos duraret in Ecclesia sub utraque specie communicandi, paulatim invalescente illa

illa nefaria opinione, rectores Ecclesiarum ea hæreseos contagione infecti plebibus suis calicis Sacramentum subducebant, docebantque, non esse necessarium, quandoquidem sub pane trāsmutato in substantiam Christi corporis quod non carebat sanguine, etiam calix sumeretur. Adeo intra triginta annorum spatium hæc labes pervasit omnē Ecclesiam, ut tempore Thomæ, ut dictū, aliquot tantū Ecclesię retinerent priscum morem. Sed nondū tunc tamē universa Ecclesia generatim depravata hūc errorē imbiberat, quia cōcilio aliquo generali nondū tam pestifera doctrina sancita & cōfirmata fuerat de tollēdo populis calice. Multi sane variis temporibus extitere pii & docti viri, & in Scripturis versati, qui impugnabant nascentem eam hæresim transubstantiationis, & morem communicandi sub una specie. Nota est Beringarii & eius sectatorum historia, qui cum circa sæculum undecimum viveret, iam tum opinio illa de substantiarum metamorphosi in pane & vino Sacramentali obtinebat, sed non-

398 SIMPLICII VERINI  
nondum tamen eo usque invalue-  
rat, ut calix Laicis ab ea persuasio-  
ne demeretur. Quod factum de-  
mum Constantiensis Concilii de-  
creto quadringentis post plus minus  
annis. Cuius Concilii tempore Ro-  
mæ ministri altaris teste Thoma  
Waldensi adhuc sub utraque spe-  
cie communionem populo dabant.  
In aliis tamen plerisque Ecclesiis Eu-  
tropæ iam mos tum ille receptus fue-  
rat communionis sub una specie  
dandæ. Quod nullo Concilio ge-  
nerali constitutum fuerat, sed sola  
consuetudine quæ ex illa persuasio-  
ne de transubstantione originem  
duxerat. Hussitarum secta per Bo-  
hemiam disseminata, Petrus qui-  
dam Dresensis Iacobellum Misnen-  
sem, virum litteratum & in Scriptura  
exercitatum & Pragæ concionatorem,  
cum adiiisset, ostendere illi voluit quo  
in errore versaretur in populo suo do-  
cendo & administrandis Sacramen-  
tis, quod sub una tantum specie com-  
munionem fidelibus impertiret, con-  
tra institutionem ipsam Christi, & adeo  
expressa

expressa eius quæ apud Iohannem leguntur verba, *nisi manducaveritis carnem filii hominis, & biberitis eius sanguinem, non habebitis vitam æternam.* Quibus instructus Iacobellus populum coepit admonere ne deinceps communionem calicis negligere vellet, adeo nimirum necessariam ut sine ea nemo posset servari, præsertim cum & legēdo patres videret eam fuisse in Ecclesia veteri usitatā, & passim frequentatam. Hoc statim Hussitæ amplexi sunt. Quæ nova tum visa est doctrina, & de ea relatum ad Concilium Constantiense quod tunc habebatur. Quo Concilio, post diligentissimam, ut aiunt, veritatis indagationem, & disputationem, damnata est, & hæretica iudicata, & universi qui eam sequerentur hæretici declarati. Nonne admiratione hoc dignum est, atque etiam miseratione, quomodo antiquissima doctrina, utpote ab ipso Christo instituta, & ab Apostolis tradita, & ab universa Ecclesia per mille ducentos & quadraginta annos constanter usu continuo servata, pro hæretica damnata sit  
à Con-



à Concilio universali, & hæretici declarati qui eam sequebantur? Novitas hæc erat ducentorum circiter annorum, quam prævalere sanxerunt debere adversus usum & praxin mille & ducentorum. Nam intra ducentorum annorum spatium institutio illa Christo sub utroque symbolo corporis & sanguinis sui traditæ communionis totæ sæculorum usu & praxi Ecclesiæ confirmata, mutationem eam & mutilationem alterius partis Sacramenti passa fuerat. Hinc etiam licet animadvertere, quomodo unus & alter id viderint quod mille homines in Concilio congregati dispicere non valuerint. Eant nunc qui conciliorum nobis generalium ἀπὸ πᾶσιν & ἀπὸ πάντων, deprædicant. Ecce duo Concilia generalia quindecim tantum annorum spatio invicem dissita, Constantiense & Basiliense, quibus pravissimus ac perniciosissimus error sancitus est, & sanctissima, atque à Christo tradita Sacramentorum doctrina tanquam impia & hæretica condemnata. Quod ὑποβολὴν vero reliquam nullam facit impiæ profanationis, ita se di-

se dicunt statuere Constantiensis Concilii patres , quod licet Christus post coenam instituerit , & discipulis suis administraverit sub utraque specie hoc venerabile Sacramentum , tamen hoc non obstante , sacrorum canonum auctoritatem laudabilem , & approbatam consuetudinem Ecclesiæ servare , & servari , ut scilicet sub una specie communio danda sit . Primum Concilium Hierosolymitanum , quod ex Apostolis , Presbyteris , & cæteris fidelibus ad decidendas tunc tēporis in Ecclesiis enatas controversias congregatū , ita post sanctionem super eo factam dicebat , *visum est Spiritui sancto & nobis .* Quam diversa formula usum est hoc Antichristianum Concilium ! *Licet Christo & Spiritu sancto ita visum fuerit , nobis tamen aliter videtur .* Ad hunc modum Concilia tota , eaque universalia ; quantum in se fuit , regnum Antichristi postremis his sæculis promoverunt , damnando Christi doctrinam & institutū , & pro hæreticis habendo qui eis adhærescerent . Iam si negotium agatur reconciliationis in hoc Eucharistiæ

articulo, quomodo illud posset procedere non fateor me videre, tametsi nihil inter nos & Pontificios controversaretur præter hoc ipsum, utrum Eucharistiæ participatio integra censenda sit sine calice, an eo diminuta pro mutila judicanda & rejicienda. In tanta diversitate Sacramenti, quod communionem inter participantes ex eodem pane & ex eodem calice consociare, si idem sit, valet, nulla pax potest esse inter eos, qui non solum opinione diffident, sed etiam re ipsa, & usu Sacramentorum. Nos illis sumus hæretici qui communionem petimus sub utraque specie, nobis ipsi sunt hæreticorum deterrimi qui una nos iubent esse contentos. Nec satis erit, si pro bono pacis dicant, & in duritiem cordis nobis promittant se concessuros sub utraque communicandi libertatem. Postulamus tanquam hæreticam damnari eam sententiam, quæ statuit sub specie panis integrum Christum contineri, & sub specie vini similiter integrum eius corpus censi; & proinde hæreticos habet qui petunt sibi dari communionem

nem

nem sub utraque specie, cum sub una sufficiat. Habemus pro nobis Christi institutum, Apostolorum traditionem, & Ecclesiæ perpetuam praxim mille & ducentorum usu annorum confirmatam. Quid illi pro se? Consuetudinem ex prava & erronea persuasione natam, & quadringentos tantum annos pro vetustatis suæ titulo ostentantem. Dicimus vero cum Tertulliano in libro de præscriptione Hæreticorum, *Nobis nihil ex nostro arbitrio inducere licet, sed nec eligere quod quis de arbitrio suo indaxerit. Apostolos Domini habemus auctores, qui nec ipsi quicquam ex suo arbitrio quod inducerent elegerunt, sed acceptam à Christo disciplinam fideliter nationibus adsignaverunt.* Ideo & in hoc ipso Sacramento Corinthiis tradendo Apostolus Paulus nihil de suo arbitrio illis tradere se dicit, sed, *Ego enim, inquit, accepi à Domino, quod & tradidi vobis.* Quo loco quinquies cum pane calicem nominat, adeo indivisa ea duo symbola in Eucharistiæ participatione esse voluit, sicut & Christus instituit. Hic vero locum prorsus hæ-

404. SIMPLICII VERINI  
 bet quod idem Apostolus alibi dixit;  
*Itaque etiam si Angelus de calis aliter*  
*euangelizet vobis, anathema sit vo-*  
*bis.* Antiquitatem porro & novitatem  
 circa hoc Sacramentum exposuimus.  
 Nunc quæstionis est, utra alteri præ-  
 valere, & utra alteram exclude-  
 re debeat in pace Ecclesiarum com-  
 ponenda. Iudicat Grotius, cupien-  
 tibus Ecclesiasticam restituere con-  
 cordiam, eruditorum consilia au-  
 dire maxime esse necessarium, *qui-*  
*bus & præsens Ecclesiæ status, & anti-*  
*quior historia percognita.* Hoc mihi si-  
 gnum est, velle eum, antiquitatis ma-  
 ximam rationem haberi in ea pacifica-  
 tione quam votis ardentibus se expe-  
 tere ostendit, conglutinanda. Nam  
 si vellet, nos sincipite cæco omni novi-  
 tati occurrere, eamque *ad auxilium* reci-  
 pere, non requireret in conciliatore  
 suo antiquioris historiæ peritiam, quæ  
 noceret magis quam prodesset pacis  
 voto anhelantibus, quos partim am-  
 biguos redderet, partim contumaces ad  
 recipienda nova instituta, Non pro-  
 vocamus hic autem nostros conciliato-  
 res

# EPISTOLA. Nos

res ad omnem antiquitatem, sed ad  
eam quæ nova aliquando non fuit, ad  
eam quæ origo & principium est  
ante quod non alia fuit traditio, ad  
fontem ipsum, non ad lacunas luto-  
fas quæ cœnum illud non de cælo  
nec de fonte traxerunt. Non est anti-  
quitas cuius initium potest ostendi  
à prima ac principali fundatione di-  
versum. Quæ eiusmodi sunt præstant,  
aliæ alias tempore præcedentes, non  
veritate. Vna quippe vera est quæ & ve-  
re antiqua, ante quam non est alia. In  
hoc autem Sacramento non quælibet  
novitas disputat cum qualibet antiqui-  
tate, sed novissima cum veterrima, sed  
ultima cum prima, sed inventio hu-  
mana cum institutione divina. Com-  
municatio denique solius corporis Do-  
minici sub uno panis symbolo cum in-  
tegra communicatione sanguinis eius  
& corporis sub duobus symbolis panis  
& vini. An cuiquam dubium esse po-  
test quin hæc novitas cadere causa de-  
beat & cedere loco antiquitati tam cer-  
tæ & indubitæ quæ Christum habet  
auctorem, sanctum Spiritum deductorem,

scivisse ab antiquitate, & hanc ultimorum temporum Ecclesiam Romanam non solum ab Apostolica & priorum sæculorum Ecclesia schisma fecisse, sed etiam confirmatam mille & amplius annorum usu doctrinam corrupisse & innovasse. Schisma non est à tali Ecclesia secessisse, sed schismatis vitatio, sed unitatis retentio, sed sanitatis recuperatio. Nam ut ait recte auctor Constitutionum Apostolicarum lib. vi. cap. IV, ὅτι ἀποχίλει ἐχ' ὁ τῷ αἰσῶν χωρίζομεν, ἀλλ' ὁ τῷ δ' αἰσῶν ἀφιστάμεν. *Quod schisma facit non qui separat se ab impiis, sed qui segregat se à piis.* Ostendat Grotius pietatem esse & bonum factum Christi instituta convellere, Sacramenta violare & diminuere, ut probet nos schisma male fecisse, & votum pro pace contra tale schisma esse faciendum. Quotidie reformantur ordines monachorum qui visi sunt à regula exorbitasse. Quomodo autem reformantur? Nempe revocantur ad præscriptum normæ quam traditam liquet ab auctore institutionis. At illa reformatio plerumque non in rebus



magni momenti posita est, sed agitur utrum fundator ordinis acuminatos cucullos an teretes esse voluerit: utrum mera nudipedalia in sandaliis indixerit, an tibias calceari permiserit: quot nodulorum iusserit esse funem quo præcinguntur, & quousque dependere. Nec mirantur, intra centum annorum spatium depravationem instituti potuisse irrepere sub tam severa regula constitutis, & voto tam rigido obstrictis ad eam servandam. An ergo mirandum, in Ecclesia tam late patete, ex tot partibus & membris constante quorū plura prava sunt & mala, in laxa disciplina ad quā nemo ex voto obligatur, sed quæ ex sola voluntate custoditur, potuisse corruptelā supervenire, in tāto tot præsertim sæculorū interstitio, tam in doctrina quam in disciplina? Si negare possunt, corruptam Ecclesiam incipite & in membris, permitto illis ut negent reformandam. Si hoc fatentur, cur corruptam inciantur? Cur nos sine ulla reformationis spe ad eam reducere contendūt, à qua non schisma fecimus, sed à qua tanquā schismatica & hæ-

& heretica secedere coacti sumus? Vel in hoc de Eucharistia articulo quāta labe admissa est, quāta ab institutione Christi & Apostolica traditione & praxi veteris Ecclesiæ demutatio? Vt minus in ea videatur esse vitiū, quod tamen est maximum, calicis detractio. Nā tracta est quasi per sequelā quamdā ex prodigiosa illa ac mōstrifica doctrina Transsubstantiationis. Inde fluxit & alia profanatio mysteriorum corporis & sanguinis Christi, & in idolomaniam horrendā eorūdem vera transmutatio. Vbi communio est apud eos quæ prorsus in hoc sacramento essentialis est ac necessaria fidelium inter se, & horum cum ministris altaris? Christus nostrum Pascha est, ut dixit Paulus, agnus ille nempe Paschalis qui immolatus est pro peccatis nostris. In coena illa ultima qua Pascha suum celebravit cum discipulis suis, instituit Sacramēta corporis & sanguinis sui, in commemorationem futuræ passionis & mortis suæ, & sanguinis quem pro nobis erat profusus. Pascha Iudaicum non debuit edi nisi in frequenti convivio & ab omnibus qui eidem mensæ

accumbebant debuit participari. Non  
 licuit ab uno solo singulatim manduca-  
 ri. Vt plurimum per decurias congre-  
 gabantur ad sacrificium illud agni Pa-  
 schalis una cœnandum. Interdum us-  
 que ad viginti epulabantur. Iosephus:  
 ὡς περ δὲ περὶ τὰς ὡρὰς ἐκάστω γίνεται θυσιῶν  
 καὶ ἐλασίων ἀνδρῶν δέκα, μόνον γὰρ ἐκ ἑξή-  
 δαιτυναι πολλοὶ δὲ καὶ συὸν εἰκοσὶν ἀνθρώπων  
 τῶν. *Quasi decuriæ ad illud sacrifi-  
 cium participandum conveniunt. Non e-  
 nim solum licet epulari. Interdum usque  
 ad viginti congregantur. Ad hoc exem-  
 plum Christus cum discipulis suis cœ-  
 nam suam instituit, quæ & Dominica  
 dicta est, more plane ac ritu Iudaico.*  
 In Iudaico Paschate omnes de azymo  
 pane gustabant, omnes poculum suum  
 in fine cœnæ exhauriebant. Itidem  
 fecit Christus cum panem traderet dis-  
 cipulis, dedit omnibus, & poculum  
 similiter, dicens, *πάντες ἔστωσαν πρὸς τὸν  
 πίνακα, bibite ex eo omnes.* De pane azymo  
 à patrefamilias in celebranda Pascha  
 singulis convivis dividebatur quanta  
 est olivæ magnitudo. Hoc similiter fe-  
 cit Christus, ex eodem pane buccellam  
 fra-

fractam omnibus dedit. Hoc etiam postea observarunt omnes Ecclesiæ antiquæ, ut & omnibus nimirum ad eandem mensam adstantibus tam panis quam calix dareretur, nemo sine utriusque symboli communicatione discederet, nemo adesset sine participatione Sacramenti. De essentia itaque est huius Sacramenti, sive cœnæ Dominicæ, ut non à singulis seorsim sumatur, ut nullæ solitariae sint communiones, ut nulli sint qui videant tantum id quod agitur, non etiam participent. Hodie quid sit apud Pontificios & quomodo hæc cœna celebratur? Nulla est communio, ut dixi, nec Laicorum inter se fidelium, nec horum cum Ecclesiæ ministris. Hi quotidie communicant soli corpori & sanguini Christi, quæ & conficere dicuntur. Laici ipsi etiam sæpius soli & seorsim communicant, & sub uno tantum panis symbolo. Non de uno pane plures aut omnes participant, sed singuli suum panem accipiunt, si modo panis est delicatum crustulum bractæ de tenuitate simile. Olim omnes fideles omni die communicabant, aut iubeban-

articulo, quomodo illud posset procedere non fateor me videre, tametsi nihil inter nos & Pontificios controversaretur præter hoc ipsum, utrum Eucharistiæ participatio integra censenda sit sine calice, an eo diminuta pro mutila judicanda & rejicienda. In tanta diversitate Sacramenti, quod communionem inter participantes ex eodem pane & ex eodem calice consociare, si idem sit, valet, nulla pax potest esse inter eos, qui non solum opinione diffident, sed etiam re ipsa, & usu Sacramentorum. Nos illis sumus hæretici qui communionem petimus sub utraque specie, nobis ipsi sunt hæreticorum deterrimi qui una nos iubent esse contentos. Nec satis erit, si pro bono pacis dicant, & in duritiem cordis nobis promittant se concessuros sub utraque communicandi libertatem. Postulamus tanquam hæreticam damnari eam sententiam, quæ statuit sub specie panis integrum Christum contineri, & sub specie vini similiter integrum eius corpus censerī; & proinde hæreticos habet qui petunt sibi dari communionem

nem sub utraque specie, cum sub una sufficiat. Habemus pro nobis Christi institutum, Apostolorum traditionem, & Ecclesiæ perpetuam praxim mille & ducentorum usu annorum confirmatam. Quid illi pro se? Consuetudinem ex prava & erronea persuasione natam, & quadringentos tantum annos pro vetustatis suæ titulo ostentantem. Dicimus vero cum Tertulliano in libro de præscriptione Hæreticorum, *Nobis nihil ex nostro arbitrio inducere licet, sed nec eligere quod quis de arbitrio suo indaxerit. Apostolos Domini habemus auctores, qui nec ipsi quicquam ex suo arbitrio quod inducerent elegerunt, sed acceptam à Christo disciplinam fideliter nationibus adsignaverunt.* Ideo & in hoc ipso Sacramento Corinthiis tradendo Apostolus Paulus nihil de suo arbitrio illis tradere se dicit, sed, *Ego enim, inquit, accepi à Domino, quod & tradidi vobis.* Quo loco quinquies cum pane calicem nominat, adeo indivisa ea duo symbola in Eucharistiæ participatione esse voluit, sicut & Christus instituit. Hic vero locum prorsus hæ-

res ad omnem antiquitatem, sed ad eam quæ nova aliquando non fuit, ad eam quæ origo & principium est ante quod non alia fuit traditio, ad fontem ipsum, non ad lacunas lutas quæ cœnum illud non de cælo nec de fonte traxerunt. Non est antiquitas cuius initium potest ostendi à prima ac principali foundatione diversum. Quæ eiusmodi sunt præstant, aliæ alias tempore præcedentes, non veritate. Vna quippe vera est quæ & vere antiqua, ante quam non est alia. In hoc autem Sacramento non quælibet novitas disputat cum qualibet antiquitate, sed novissima cum veterrima, sed ultima cum prima, sed inventio humana cum institutione divina. Communicatio denique solius corporis Domini sub uno panis symbolo cum integra communicatione sanguinis eius & corporis sub duobus symbolis panis & vini. An cuiquam dubium esse potest quin hæc novitas cadere causa debeat & cedere loco antiquitati tam certæ & indubitæ quæ Christum habet auctorem, sanctum Spiritum deductorem,



scivisse ab antiquitate, & hanc ultimorum temporum Ecclesiam Romanam non solum ab Apostolica & priorum sæculorum Ecclesia schisma fecisse, sed etiam confirmatam mille & amplius annorum usu doctrinam corrupisse & innovasse. Schisma non est à tali Ecclesia secessisse, sed schismatis vitatio, sed unitatis retentio, sed sanitatis recuperatio. Nam ut ait recte auctor Constitutionum Apostolicarum lib. vi. cap. IV, *ὅτι διαχίλις ἐχ' ὁ τῶν ἀσθεῶν χωρὶς ὁ μὲν, ἀλλ' ὁ τῶν ἀσθεῶν ἀφιστάμενος.* *Quod schisma facit non qui separat se ab impiis, sed qui segregat se à piis.* Ostendat Grotius pietatem esse & bonum factum Christi instituta convellere, Sacramenta violare & diminuere, ut probet nos schisma male fecisse, & votum pro pace contra tale schisma esse faciendum. Quotidie reformantur ordines monachorum qui visi sunt à regula exorbitasse. Quomodo autem reformantur? Nempe revocantur ad præscriptum normæ quam traditam liquet ab auctore institutionis. At illa reformatio plerumque non in rebus

magni momenti posita est, sed agitur utrum fundator ordinis acuminatos cucullos an teretes esse voluerit: utrum mera nudipedalia in sandaliis indixerit, an tibias calceari permiserit: quot nodulorum iusserit esse funem quo præcinguntur, & quousque dependere. Nec mirantur, intra centum annorum spatium depravationem instituti potuisse irrepere sub tam severa regula constitutis, & voto tam rigido obstrictis ad eam servandam. An ergo mirandum, in Ecclesia tam late patente, ex tot partibus & membris constante quorū plura prava sunt & mala, in laxa disciplina ad quā nemo ex voto obligatur, sed quæ ex sola voluntate custoditur, potuisse corruptelā supervenire, in tāto tot præsertim sæculorū interstitio, tam in doctrina quam in disciplina? Si negare possunt, corruptam Ecclesiam incapite & in membris, permitto illis ut negent reformandam. Si hoc fatentur, cur corruptam inficiantur? Cur nos sine ullā reformationis spe ad eam reducere contendūt, à qua non schisma fecimus, sed à qua tanquā schismatica & hæ-

& heretica secedere coacti sumus? Vel in hoc de Eucharistia articulo quanta labe admissa est, quanta ab institutione Christi & Apostolica traditione & praxi veteris Ecclesiæ demutatio? Vt minus in ea videatur esse vitiū, quod tamen est maximum, calicis detractio. Nā tracta est quasi per sequelā quamdā ex prodigiosa illa ac mōstrifica doctrina Transsubstantiationis. Inde fluxit & alia profanatio mysteriorum corporis & sanguinis Christi, & in idolomaniam horrendā eorūdem vera transmutatio. Vbi communio est apud eos quæ prorsus in hoc sacramento essentialis est ac necessaria fidelium inter se, & horum cum ministris altaris? Christus nostrum Pascha est, ut dixit Paulus, agnus ille nempe Paschalis qui immolatus est pro peccatis nostris. In coena illa ultima qua Pascha suum celebravit cum discipulis suis, instituit Sacramēta corporis & sanguinis sui, in commemorationem futuræ passionis & mortis suæ, & sanguinis quem pro nobis erat profusus. Pascha Iudaicum non debuit edi nisi in frequenti convivio & ab omnibus qui eidem mensæ

accumbebant debuit participari. Non  
 licuit ab uno solo singulatim manduca-  
 ri. Vt plurimum per decurias congre-  
 gabantur ad sacrificium illud agni Pa-  
 schalis una cœnandum. Interdum us-  
 que ad viginti epulabantur. Iosephus:  
 ὡς περ δὲ φερέϊα ὡς ἐκάστω γίνεται θυσιῶν  
 ἐκ ἱλασίων ἀνδρῶν δέκα, μόνον γὰρ ἐκ ἑξῆς  
 δαίνυσθαι πολλοὶ δὲ ἑσὺ ἐκροσιν ἀπορίζον-  
 ται. *Quasi decuriæ ad illud sacrifi-  
 cium participandum conveniunt. Non e-  
 nim solum licet epulari. Interdum usque  
 ad viginti congregantur. Ad hoc exem-  
 plum Christus cum discipulis suis cœ-  
 nam suam instituit, quæ & Dominica  
 dicta est, more plane ac ritu Iudaico.  
 In Iudaico Paschate omnes de azymo  
 pane gustabant, omnes poculum suum  
 in fine cœnæ exhauriebant. Itidem  
 fecit Christus cum panem traderet dis-  
 cipulis, dedit omnibus, & poculum  
 similiter, dicens, μέτετε ἅπαντες,  
 bibite ex eo omnes. De pane azymo  
 à patrefamilias in celebranda Pascha  
 singulis convivis dividebatur quanta  
 est olivæ magnitudo. Hoc similiter fe-  
 cit Christus, ex eodem pane buccellam  
 fra-*


fractam omnibus dedit. Hoc etiam postea observarunt omnes Ecclesiæ antiquæ, ut & omnibus nimirum ad eandem mensam adstantibus tam panis quam calix dareretur, nemo sine utriusque symboli communicatione discederet, nemo adesset sine participatione Sacramenti. De essentia itaque est huius Sacramenti, sive cœnæ Dominicæ, ut non à singulis seorsim sumatur, ut nullæ solitariae sint communiones, ut nulli sint qui videant tantum id quod agitur, non etiam participant. Hodie quid sit apud Pontificios & quomodo hæc cœna celebratur? Nulla est communio, ut dixi, nec Laicorum inter se fidelium, nec horum cum Ecclesiæ ministris. Hi quotidie communicant soli corpori & sanguini Christi, quæ & conficere dicuntur. Laici ipsi etiam sæpius soli & seorsim communicant, & sub uno tantum panis symbolo. Non de uno pane plures aut omnes participant, sed singuli suum panem accipiunt, si modo panis est delicatum crustulum bractæ de tenuitate simile. Olim omnes fideles omni die communicabant, aut iubeban-

iubebantur communicare. Hodie iubentur quotidie Missam audire, aut videre. Non enim audiunt quod non intelligunt. Mensa Christi conversa est in id quod nolo dicere, pro convivio spectaculum factum. Nemo quicquam ex ea edit aut bibit, sed oculos tantum pascit. Quid dicent de elevatione panis & calicis, ostensione, circumgestatione, adoratione? An negabunt esse nova, immo & novissima? Quod si Christus eodem modo Sacramenta sui corporis instituisset & Missam celebrasset, ut hodie faciunt illi qui se Sacerdotes Christi dicunt, nonne tam bono iure nos hæreticos pronuntiarent quam nullo nunc ab iis hæresios condemnatur qui sequimur Christi institutionem? De Transubstantiatione ipsa ac sacrificio Missæ nihil addam, quia sentio me iam excessisse modum Epistolæ. Tantum pro clausula dicam quod præcipue te scire cupere ex tuis animadverti, non posse ullam pacem inter nos & illos redintegrari aut unitatem, à quibus ideo divertere necesse habuimus quia in tantum

tum

tum ipsi à Christo diversi abierunt. Aut repetant quod male omiserunt, & reforment quod deformatunt, aut patiantur nos gloriari titulo verę Ecclesię, quę æque nullo iure ipsi sibi vindicant quam nos summa cum iniuria hæreticorum nomine infamant. Non in aliis doctrinæ capitibus difficilius esset ostendere, conciliationem non posse consistere, quam in hoc de Eucharistia. Sed nolo illam præripere Clarissimo & Reverendo Riveto gloriam, cui etiam gratulor contigisse tanti nominis & famę adversarium tam nullo negotio revincendum. Non enim memini videre alium ullum æque doctum ut ille fuit, minus tamen acrem, minus fortem, & minus solidum disputatorem. Vale, Rhénopoli, Idibus Decembribus, cIo Ioc XLVI.

F I N I S.





[illegible]

2000







